


GOERTZ

4158

LIBRARY OF PRINCETON UNIVERSITY



Conf: de prima & hac
Editione Acta Erudit. Lips.
de aō 1682. pag. 359. &
de aō 1697. pag. 350,
& laudantur ibi im=
primis epigrammata
in Effigies Doctorum
Viroorum. adstantur
les jugemens des fra=
vants de Baillet Lom.
IV. part. V. pag. 272.
& Morhof in Polyhist.
tom. 1. lib. VII. cap.
3. num. 9.


Francius

PETRI FRANCII
POËMATA.

EDITIO ALTERA.

Auctior & emendatio.

Accedunt Graeca Ejusdem Carmina.



AMSTELÆDAMI.

Apud HENR. WETSTENIUM.

CIO IDC XCVII.

Library

PETRI FRANCII

POËMATA.

Editio Altera.

Augior & emendatior.

Accesserunt Graeca Epigrammata Latina.



AMSTELÆDAMI.

Apud Henr. Wetstenium.

CICERO SOCI

OMNI LAUDE
VIRTUTE AC DIGNITATE
CUMULATISSIMO VIRO

EVERARDO DE DANKELMAN,

Serenissimi ac Potentissimi

Electoris Brandenburgici,

FREDERICI III,

*Ministro Status Primario, consiliorum omnium
Praesidi Summo, Perpetuo, Domino in Bres-
kens, Wettin, Ungelingen, Schone-
beck, &c. &c. &c.*

PRodeunt rursus in lucem mea
Poëmata, quae ullius alte-
rius nomini consecrare, quam
Tuo, Vir Illustrissime atque
Excellentissime, nec volui ego, nec de-
bui. Rationes sane quàm multae, tum
privatae, tum publicae, suaserunt ac mo-
nuerunt, hanc ut consilii viam insiste-
rem, longeque clarissimum ac splendi-
dissimum, & per universam, qua patet,
Eu*

* 2

Eua

340408

DEDICATIO.

ropam celebratissimum nomen Tuum
meishisce praefigere versibus sustinerem.
Nam quis est paullo humanior; quis ea-
rum, quæ geruntur, haud ignarus rerum;
ad quem non Tuus in litteras amor, ac
virtutum Tuarum fama pervenerit? Te
enim in terris homines admirantur, Te
prae caeteris amant, suspiciunt, colunt;
& in aliquo apud Te gratiae loco poni
maximum ac potissimum beneficium
putant. Tu vero excipis singulos; tanta
enim Tua est comitas, tanta Tuarum
facilitas admissionum, neque quenquam
à Tuo vultu tristiores discedere pateris.
Nec uni Te populo consecras, licet aula
Te Brandeburgica suum jure merito vo-
cet ac vindicet, sed in alias item gentes
ac nationes beneficia Tua dispergis; & in
quibuscunque vel ulla virtutis ac bonae
indolis semina conspicias, eos, ut Tuos, a-
mas ac diligis; & in peregrinos non minus
& exteros, quàm in cives ac populares,
affectum illum Tuum patrium dividis.
& singulari omnes benevolentia, ac pari
propemodum amore complecteris. Ita
deni-

DEDICATIO.

denique benignum Te praestas ac beneficium cunctis ubicunque mortalibus, ut non in unius commodum gentis, sed in totius terrarum orbis, & commune omnium bonum, in hanc lucem editus, ac populis passim omnibus commodatus esse videaris. Nihil hic me gratiae dare, neque quidquam, nisi quod verum est, proloqui, optime, si quisquam, novit optimus ac benignissimus Princeps, quem à prima adolescentia informasti, & salutaribus ac salubribus monitis Tuis, ut esset optimus, effecisti: In cujus Aulam pietatem ac religionem; Forum, justitiam & acquitatem; Exercitum, continentiam ac disciplinam; Urbem, divitias, splendorem, magnificentiam, & omnis generis commoda intulisti; Cujus rem privatam & publicam, cujus famam & gloriam immane quantum auxisti, amplificasti: Qui Tuis vicissim meritis ac virtutibus digna praemia reddidit; qui ad summos Te honores evexit; qui suis Te rebus praefecit, & Ministrum Status Primarium, Collegiorum atque ordinum

* 3

omnium

DEDICATIO.

omnium summum esse Præsidentem voluit, quo Tibi nomine, Vir illustrissime ac nobilissime, universus mecum gratulatur orbis. Norunt id Tui cives, norunt exterae gentes, quae, suo orbe profugae, in terram se Brandeburgicam, & in Tuum imprimis sinum ac gremium, tanquam in portum atque azylum quoddam tutissimum, receperunt. Norunt praeclari artifices, Pictores, Statuarii, Musici, & quicunque utilem aliquam Reip. operam proficiuntur; quorum Tu hominum artes, ut foves atque adjuvas singulas, ita intelligis optime universas. Sed prae caeteris longe omnibus bonam Tuam erga se voluntatem ac beneficentiam experiuntur, qui aut suo se Tibi ingenio, aut sua sese eruditione commendant. Testis est omnis Germania, nostra testis est Belgica, & quicunque in aliis alibi regionibus degunt doctrinae atque industriae laude eximii ac praeclari viri, dictorum meorum fidem plus semel experti, multisque Tibi nominibus, & singularibus Tuis erga se meritis, obstricti atque devincti.

DEDICATIO.

vincti. Non vereor, ne arrogantiae crimen incurram, si istis & me accenseam, in eorumque me numero collocem, quos Tuis Tibi beneficiis obligasti quàm plurimis; cum & absentem complexus sis absens, & praesentem praesens; Tuaeque mihi benevolentiae certa atque indubitata & ipse dederis, & exhiberi per alios jusseris documenta. Tui quippe pignus est animi, Tuae voluntatis atque operae, quod Serenissimi ac Potentissimi, & virorum Apollinarium amantissimi liberalitatem ac munificentiam Principis iteratis jam vicibus sum expertus, quam cum splendore nominis sui longe lateque disseminat, & in omnes terrarum oras spargit atque diffundit. Tu meas Illi Musas commendasti; Tu ad Eum me ipse duxisti, & Augustissimi mihi Principis vultum propius intuendum ac contemplandum dedisti. Quem ego honorem, Vir illustrissime, insignem atque eximium, uti satis aestimare non possum, ita Tuum in me favorem, & candorem illum animi singularem, qui in vultu se

* 4

depin-

D E D I C A T I O.

depingebat, & amicis adeo verbis ac familiaribus prorumpebat, fatis nequeo praedicare. Nam uti apud Reges & Principes inpositam sibi personam digne ac convenienter sustinere posse, ita ex altiore ista fortuna descendere, & ad privatorum hominum sortem se interdum submittere, magni omnino animi, & Heroicae plane indolis signum est. Aestimemet quisque ut volet, ego hanc virtutem, quam ingenuitatem nos Batavi, simplicitatem alii vocant, virtutem esse maximam puto. Quamobrem, cum & pace & bello, & domi & foris; in consiliis ac deliberationibus, & in negotiis ad Rempublicam pertinentibus, cujus Tibi onus incumbit, prudenter ac sapienter administrandis; in artibus ac disciplinis, quae fulcra sunt Reipublicae, fovendis ac protegendis, atque eruditorum hominum studiis adjuvandis; admirabilem ubique Te praebeas; nec magis in Te oculos omnium, quam mentes Te intuentium venerantiumque convertas; eumque tam multis ac magnis virtutibus

DEDICATIO.

bus Tuis accensi, beneficiis Tuis devincti, quotquot ubique sunt gentium literati, ad Te, ut ad communium studiorum Patronum, Fautorem, ad Maecenatem, ab omnibus passim oris confugiant: non indignaberis, spero, Vir nobilissime atque illustrissime, & in omni virtutum genere eminentissime, si & meos Tibi labores, & hasce Musarum delicias, consecrem, atque devoveam. Etenim qui omnes generatim artes amplectitur, à Musarum sacris, & amoenis illis ac dulcibus studiis, alienus esse non potest; cujus mihi rei sat manifestas jam aliquoties datas à Te memini significationes. Accipe itaque, Vir harum nostrarum, ut aliarum omnium, amantissime litterarum, quas complexus es hactenus Musas, & clementi ac benigno intueri vultu, quas favente saepius oculo respexisti. Tibi hoc meum consecratur opusculum; Tibi Vir maxime debitum, Tuo magnam partem impulsu hortatuque conscriptum. In quo, si nihil aliud, quod sperare vix audeo, illud certe non

* 5

displi-

DEDICATIO.

displiciturum, Tibi confido, quod Domus Brandenburgicae gloriam, & Electoris Serenissimi laudes virtutesque complectitur. Faxit Deus Optimus, Maximus, ut Maximi atque Optimi Principis rebus feliciter administrandis; ut civium Tuorum commodis procurandis; ut clarissimae Tuae Familiae, ac rei Litterariae universae, ornandae ac demerendae, salvus atque incolumis, annis pluribus superesse, & Natos olim ac Nepotes, per Tua decurrentes vestigia, honore ac dignitate conspicuos, videre quam plurimos possis. Vovet id omni animo, & ex interiore pectoris sensu,

Nobilissimo atque Illustrissimo

Nomini Tuo

devotissimus

PETRUS FRANCIUS,

L E C-

LECTORI.



*H*abes hic alteram Poëmatum meorum Editionem, Benigne ac Benevole Lector, & ipso caractere haud paulo meliorem, & novis haud parum accessibus locupletatam. Accedunt enim, praeter pauculas alias, suo loco insertas, Elegiarum liber Quartus; Odarum Libri duo; duo item Silvarum; & unus Epigrammatum; tum versuum insuper sylloge Graccanicorum. Quae à Græcis traduxeram, & priori Editioni adjunxeram, certas ob rationes visum fuit omittere, ne quid in hoc fasciculo appareret, quod meum dici non posset; quanquam & illud aliquo etiam sensu meum esset. Sed alias fortasse seorsim ista edentur, cum & complura ex Anthologia sum additurus, & brevibus illa notulis illustraturus, ut & vera lectio, & meae simul versionis liquere ratio possit. Nunc hoc Catone contentus esto, & bono ac benigno vultu, hoc est eo, quo priores istos, hosce meos ut excipias versus, roga quae soque. Qui si tales non erunt, quales eos esse oporteret, meliores certe iis fore confido, qui à multis hodie conscribuntur, & ab iis etiam, qui in hisce litteris nostris quendam sibi vindicant principatum. Qui profecto, si bonos facere versus non possent, à malis equidem abstinere conscribendis deberent, ne & sibi dedecori, & meliora edoctis

LECTORI.

edoctis ridiculo essent. Adjeci duas, non sine aliorum exemplo, epistolas Celsissimi ac Reverendissimi Paderbornensis & Monasteriensis Episcopi, Ferdinandi, magno litterarum damno è vivis nuper erepti, ut, quid Princeps iste doctissimus, & horum, si quisquam, sacrorum intelligentissimus, de meis olim versibus senserit, suis qui vellet oculis usurparet. Potuissem & amicorum meorum, notae non infimae Poëtarum, encomiastica quaedam adjungere, ut ab aliis more non illaudabili factum, sed iis supersedere consultius judicavi, cum hujus unius judicium instar esse omnium debeat. Odae quaedam longiusculae sunt, sed eae fere omnes recitatae sunt publice, quo à Te nomine facilem, ut puto, veniam impetrabunt. Carmen Joh. Fred. Gronovii Manibus olim à me juvene dedicatum, & in prior Editione, quòd commodum satis locum non inveniret, omissum, huic inserere libuit, ne ingratus erga Magistrum extitisse discipulus videar. Vale, amice Lector, & haec, qualiacunque sint tandem, amare porro ac fovere perge. Dabam Amstelædami, è Musæo nostro, Prid. Kalend. Decembr. CIO IO C XCVI.

FERDINANDUS

Episcopus ac Princeps

Paderbornensis & Monasteriensis

Erudito Viro

P E T R O F R A N C I O

Professori Amstelodamensi

S. P. D.

QUod nomen meum non solum amico studio prosequi, sed & disertis Carmine ornare volueris, tibi maximas habeo gratias. Utrumque mihi jucundum est, cum & animum tuum noverim, & ingenium plurimi faciam. Quare delectatus sum facili & venusto stylo, quo me pingis, licet in illa imagine vix agnosci queat Ferdinandus. Nam in laudibus tuis plus amicitiae tribuis, quam veritati, forte ratus legem Poëmatum male adimpleri, nisi illis aliquid fabulosi inferatur. Placent tamen & fabulae mihi decorae, pulchraeque fictiones, quibus blande admoneor, ut talis esse studeam, qualis in ipsis ostendor. Cæterum, dum anteaetæ vitæ felicitæ tempora à te tam facunde memorata recolo,

lo, ea conqueror tam cito effluxisse, cum tristiora successerint, si Regiminis curas, & adversæ valetudinis incommoda respiciam, quibus impediior, ne fruam, ut ante solebam, litterarum deliciis, & amœnis Musarum secessibus, otioque laudabili, privatis hominibus ab ipsis Principibus invidendo. Hoc diu frui, vir doctissime, inimicoque oblivionis ac desidiæ Genio feliciter indulge; meque credas vigilias tuas & præclara benevolentiae monumenta digno semper loco & pretio habiturum. Neuhusii ex arce Residentiæ nostræ, Id. Novemb. CIO IO C LXXX.

P. S.

Ne gratiæ meæ, quas de nobili & luculento Poëmate per has litteras tibi ago, vir clarissime, sint & habeantur steriles, insigni aliquo dono amorem erga me tuum brevi remunerabor. Tu interim benevolentiam mihi tuam conserva, & persuasissimum habeto, munus tuum litterarium longe mihi fuisse gratissimum. Vale iterum, meque, ut facis, ama.

FERDINANDUS.

FER.

FERDINANDUS

Episcopus ac Princeps

Paderbornensis & Monasteriensis

Viro Clarissimo

P E T R O F R A N C I O

Profess. Amstelod.

S. P. D.

ACcepi munera tua, quibus nihil jucundius aut pulchrius mitti ad me poterat. Habeo propterea gratias etiam Musis, quod tibi non solum sublimem istam mentem, animumque priscis vatibus non dissimilem, sed etiam aliquem mei amorem inspiraverint, & feliciū carminum uberem copiam ministraverint, quibus otium meum oblectare, nomenque commendare posses posteritati. Cum non minus inde gloriæ quam voluptatis percipiam, tu facile conijcere potes, quanti te tuaque facere debeam. Credas interim velim, me dona ista inter chariora semper habiturum, nec nudis tantum verbis, & arida laude, officiis & amicitiae tuæ respondurum. Vale, meque amare perge. Ex arce Neuhusiana, Kal. Octob. MDCC LXXXII.

Con-

Continentur hoc Libello,

HEROICORUM Libri III.

ECLOGAE VI.


ELEGIARUM Libri IV.

ODARUM Libri II.

SILVARUM Libri II.

EPIGRAMMATUM Libri II.

GRAECORUM CARMINUM Lib. I.



HERO-

HEROICA.

HEROICA.

HEROICORUM

LIBER PRIMUS.

INVICTO HEROI

MICHAELI ADRIANO RUTERO,

Hollandiæ ac Westfrisiæ Imperatori
Maritimo,

E P I C E D I O N.

Dictum in Choro Templi Novi A. D. xiv. Kal.

Apr. cjd idc LXXVII.

QUæ mentem visu insolito percellit imago?
Quo se cunque oculi obvertunt, crebri undique
planctus,
Undique circumstant mixto suspiria fletu
Volventum inclusos gemitus, luctumque prementum.
Tristis ubique virum facies; color omnibus idem:
Lumina cuncta madent. simul ipsa silentia templi
Horrorem sacrum incutiunt; & pondera vocis
Mutus habet paries. pendet dolor ater ab illo;
Mœstaque ferales assumunt pulpita vestes.
Agnosco vulnus Patriæ, monumentaque luctus
Plurima. Lugentes Ruteri in funere Patres,
Lugentem cerno populum, vultuque silente
Atrata consanguineos in veste sedentes,
Ipsaque husta Viri, positumque ante ora feretrum.
Scilicet hæc miseris deerat fortuna Batavis,
Ut, post tot pelagi, tot belli exhausta pericla,
Ille salus patriæ, rerum spes ille labanturn,

Hactenus invictus, fato concederet heros,
 Cunctorum cumulus damnorum. O tristitia fata!
 O cæcas hominum sortes; & inania vota!
 Illane perpetuo clauduntur lumina somno?
 Membra tremunt, riguere comæ, totosque per artus
 Irrepens pavor interiora perambulat ossa.
 Adstrictusque coit circum præcordia sanguis.
 Ergone mœrori æternum, lacrymisque vacabit,
 Ex quo hic sacrat Musis locus: & nova semper
 Cogimur in lamenta? Omnis vixdum aruit humor,
 Quo nuper clari perfusa est Consulis urna; (las
 Jamque iterum in luctus trahimur; rursusque quere-
 Poscimur, & plenos lacrymarum effundere rivos,
 Magnanimi ducis intumulo. neque enim inclutus
 Sub nigras non laudatus descendet arenas. (heros
 Et cineri constabit honos: sequimurque volentes
 Quæ nobis olim Marathon exempla reliquit.
 En ego, qui reduci lauros & ferta parabam,
 Justa paro, gemitus ac lamentabile carmen.
 Quid primum, quid deinde canam? Stat patria longè
 Litora deserere, ac toto dare vela profundo,
 Factaque, virtutemque Viri cognoscere coram,
 Et letum, letique locum. Tu singula pande
 Ordine, Calliopea: modos tu suggere vati,
 Et par ingenium tanto vocemque dolori.

Ingens Ionio ac Tusco jacet insula ponto,
 Ausoniam Libyamque inter; dixere Pelasgi
 Trinacriam, trinis scopulis quoniam exit in æquor,
 Hesperia postquam avolsam mare dividit altum:
 Cyclopum domus, & Cereri gratissima tellus.
 Multi illam quondam populi certamine magno,
 Multi hodie petiere. alios petit acrior ante
 Hispanus Gallusque, & spes affectat easdem.

Est locus hîc, (Zanclem appellavere priores,

Messa-

Messanam nunc indigenæ cognomine dicunt)
 Inclita navigiis statio, quo sæpe recumbit
 Margine, cum pacem meditatur & otia Nereus,
 Italiæ opposita extremæ, Rheginaque contra
 Mœnia. porrectas ad litora proximus umbras
 Extendit, totoque incumbit monte Pelorus.
 Parte alia, latere à dextro, inplacata Charybdis
 Æstuat, atque imo puppes detrudit Averno.

Urbem illam injusta Gallus ditione premebat,
 Frendente Hispano atque experto plurima frustra.
 Huc lectam auxilio pubem mittebat Iberus,
 Belgaque, communem Siculis quæ finibus hostem
 Pelleret, atque suis Hispanum inponeret arvis.
 It classis pelago, & portus pertingit amicos.
 Dux illis Ruterus erat. pulcherrimus armis,
 Consilioque, manuque, & rerum cognitus usu.
 Ut portum tenuere rates, ille impiger hostem
 Æquore vestigat toto, funemque morasque
 Amputat. adductis canent vada cærula remis.

Hesperium juxta litus, litusque Sicanum,
 Insulæ in Etrusco visuntur gurgite septem,
 Æmula volventes Siculis incendia flammis:
 Quarum Hieræ, Lipareque, & pervia Strongylos au-
 Altius è pelago tollunt caput. Æolon illic, (stris
 Mulciberumque habitare ferunt. hos quippe caminos
 Prætulit, &, veteri dudum fornace relicta,
 Posthabita nunc saxa colit Thermeffia Lemno.
 Exercent multo ferrum sudore Pyracmon,
 Et Steropes, nudusque immania brachia Brontes.
 Fit sonitus. flammam procul est audire gementem,
 Æraque tincta lacu; tempestatumque querelas,
 Atque indignantes circum claustra ardua ventos.

Hac primâ belli rabies desævit arenâ.
 Namque ut quæsitus nequicquam apparuit hostis

Ardentes ducis ante oculos , fortissimus heros
Dat summa signum è specula , sese acriter omnes
Instanti armarent pugnae , legeretque virum vir ,
Ordine quisque suo. cuncti data jussa faceffunt.

Convexo interea devergens æthere Titan
Radebat spatium extremum declivis Olympi ,
Languebatque dies ; quando in sua transtra frequentes
Convocat , & puppi ductor sic fatur ab alta.

En hostes , en , quam votis speravimus , hora
Advenit , optataeque datur jam copia pugnae ;
Este viri . moneo , pulchrumque accendite Martem ,
Omecum sæpe experti graviora pericla.

Vos geminum nuper populum , regumque duorum
Sceptra infregistis validi , geminoque cruore
Vestra Caledonias rubefecit dextera cautes.

Tyrrhenis idem vobis superandus in undis
Gallus adest. Vires jam nunc ostendite easdem
Illum eadem , haud mutata loco , fortuna manebit.
Nec vos commoveant plures alnique virique.

Si numero , nec mole pares : at viribus æqui ,
Æqui animis sumus. his paribus contra ibimus armis.
Vespere sperabam hoc equidem committere pugnam :
Magno aliter visum coelo : certamina quippe
Distulit in lucem lux intercisa sequentem.

Ergo operi se quisque aptet , cum prima rubebit ,
Lucifero fugiente , dies. nisi decipit omen ,
Crastina magnum aliquid nobis aurora parabit.

Per lauros ego vos istas , & præmia belli ;
Per , quem communi patriæ debemus , amorem ,
Juratamque fidem ; per dilectos Hymenæos ,
Desertamque domum , & parvos circum ubera natos ;
Per , quæ forsan ab hoc pendet certamine , pacem ,
Hactenus optatam frustra , frustraue petitam :
Ite , mei comites , ferroque urgete morantem.

Ite alacres : favet ipse Deus melioribus armis.

Ite, viri : palmamque simul, pacemque referte.

Dixerat. Imperiis olli parere parati (mant.

Dant dextram, accipiuntque, alternaque pignora fir-

Talia dum peragunt, rebus nox atra colorem

Abstulerat, terrasque suis involverat alis.

Procumbunt lassī per sparsa cubilia nautæ.

At dux, sollicitam noctem per plurima volvens,

Pernicem emittit velo remoque triremem,

Quæ Gallos observaret, quæ signa sonoro

Ære daret. tum membra toro paulum ipse reponit,

Admittitque levem, nec toto lumine, somnum.

Postera jamque dies tenebras & cæca fugarat

Nubila, scandeatque rotis supera ardua Phœbus :

Labuntur Tusco vicinæ in gurgite classes.

Vela movent: dant signa tubæ: simul hoc, simul ingens

Exoritur gemitusque virūm, gemitusque rudentum.

Æra tonant explosa, & multo fulminis igne

Finitimos terrent populos : mugitibus æther

Personat, & piceus subtextit sidera fumus.

Credideris subito Æolias existere plures,

Atque novos totidem ructare incendia montes.

Horruit Ignipotens; subterque immane barathrum

Deserta trepidi fugiunt incude Cyclopes.

Scyllæi fremuere canes; vicinaque latè

Ausonis intremuit : tremuerunt omnia circum

Litora Trinacriæ; quassataque turbine tanto

Erexere salo triplices capita ardua rupes.

Sustulit ora Gigas, & pressos monte lacertos,

Ingentesque globos flammaram, saxaque volvit

Grandia. speluncis irata immugiit imis,

Et doluit flammis vinci majoribus Ætne.

Sic illi inter se magno molimine miscent

Prælia. Pugnantum ferale Sicania murmur

Ut sensit, pavidos convertit ad æquora vultus;
Et secum: Inferna rediitne ab sede Gylippus,
Iönioque salis dominas sale frangit Athenas?
Anne Syracosiam victor Marcellus ad urbem
Ense furit? num Pompejum fugat acribus armis
Augusti gener? an veterem Pœnique Quiritesque
Iram acuunt, renovantque istæ bella aspera gentes?
Concutit Ægatas Catulus; rursusque cruentat
Sanguine Sidonio Liparæa Duillius antra.
Apparent fœdi gemitus, totoque natantes
Gurgite: pulvereæ nubes, piceæque procellæ
Subducunt prospectum oculis. Rupitne catenas
Enceladus, vulsamque suis radicibus Ætnam
Transtulit in pelagus? Tuscas an concitat undas
Hippotades; rabidosque effundit carcere fratres,
Atque iterum Ænean Latia divellit ab ora?
Qui motus animorum? aut quod certamen in undis?
Hæc ait, accedens propius, cum turbidus atra
Paullatim evolvi cœpit caligine pontus.
Agnovit Batavûmque ducem, Batavûmque carinas.
Ite, refert, animæ egregiæ; tuque, optime ductor
Belgarum, tutela meis certissima rebus;
I, nostrum decus, hostiles & funde catervas.
Continuo accendit Batavorum pectora virtus
Acrior, & major belli crudescit imago;
Devexo donec vesper delapsus Olympo,
Metaque pugnæ eadem facta est, eademque diei.
Diffugiunt trepidi multa formidine Galli,
Ac leto sese eripiunt, caliginis atræ
Obsequio. nox palantes agit æquore toto.
At Batavi, dono stellarum & munere cœli,
Classẽ instaurabant laceram, ratibusque resectis
In nova victores ardebant prælia læti,
Mane novo; magnisque animis ac viribus ibant.

Hostem

Hostem in conspectu nullum. deserta relinquunt
Tum maria, & panfis repetunt navalia velis.
Hic, longos circumflectens per litora cursus,
Radit iter vastum exterior, sperataque tandem
Ostia diffractis intrat Messenia remis.

Et jam finis erat certaminis æquore toto,
At non & belli. retinet mora nulla furentes.
Vixdum etenim ter Luna suum compleverat orbem,
Ecce alias iterum in cædes, atque altera bella
Ira vocat; rursusque sedet decernere ferro.

Bis geminis quondam concreta ex urbibus ingens
Urbs jacet, Ionii frangens insana profundi
Murmura; quam quondam radio clarissimus ille
Spectator mundi, & fulvæ scrutator arenæ
Incoluit, variaque illustrem reddidit arte:
Prisca Tyrannorum sedes. Hac parte secundum
Detonuit belli fulmen, pelagoque fremente
Implevit loca terrifico vicina fragore.

Surgebat jam Auroratoro, necdum impiger Æthon
Hinnitu primo montes adflabat Eoos,
Cum procul hostiles visæ se attollere puppes
Gurgite cæruleo, summumque ostendere malum.
Jamque, die medio, classes conjuncta propinquæ
Æquora findebant remis, pelagusque secabant.
Strata erat unda sali, &, bellum spirantibus illis,
Lene quiescebat marmor, pacemque fovebat,
Summaque pacati stringebant cærula venti.
Mox leni cœpit motu turgescere fluctus,
Carbasque intendi Zephyris, ac mollibus auris.
Descendunt Batavi ventoque æstuque secundo.
Primus init pugnam Michaël, ducitque volentes,
Exemploque præit: sequitur quem cætera pubes,
Hispanique duces, postremumque Hanius agmen.
Uno omnes simul ore fremunt, alacrique capeffunt

Jussa animo, monitisque ducis parere laborant.
Conseruere rates, & foeta tonitribus æra
Mille vomunt cædes. Adversa exhorruit Ætne,
Ardentesque iterum suspiravere cavernæ.

Vix horæ partem mediam conamine magno
Certarant, quando subitum ac miserabile visu
Exoritur monstrum. Nam Mors nigrantibus alis
Per Batavum naves huc foeda volabat & illuc
Rectori letum intentans, artesque dolosque
Jam plures meditata, virum investigat: at ille
Hostibus immersus, puppi dum pugnat ab alta,
(Eloquor, an fileo?) crudeli percitus ictu,
(Prò scelus, & duri nimia inclementia ferri!)
Perdidit alterius digitos pedis, ac resupinus
Concidit in summum, diffracto poplite, transtrum,
Primaque non læsum violarunt vulnera corpus.
Ac veluti ille Phrygum terror, quem mater in amne
Tinxerat, ac Stygia infantem duraverat unda,
Inbellem lævo Paridem pede sensit Achilles,
Quaque mori potuit, telum fatale recepit:
Haud aliud nostri letum ducis. Horruit atrox
Erubuitque nefas suffusus sanguine pontus.
Prolapsum excipiunt famuli, lectoque reponunt.
At nautas, ut ductorem de puppe cadentem,
Dejectique vident visum nunquam ante cruorem;
Acrior inflammat virtus. Errare videres
Omnium in ore minas: oculis micat omnibus ira;
Intimæque ultrices stimulant præcordia flammæ.
Qualiter, inprovisa senem cum forte leonem
Venantum sternunt venabula, protinus omnes
Profiliunt irritati de rupe minores,
Attolluntque jubam, & collecto robore toto
Agmina perrumpunt instantia, telaque frangunt,
Et debellatum mandunt sub dentibus hostem:

Aut quales multa confectum cæde parentem
Circumstant alacres gnati, invalidumque tuentur;
Olli indignantes, odioque immanè furentes
Hostilem invadunt aciem, & cedentia pellunt
Castra loco; validam dolor atque amor excitat iram:
Talis pro læso miles duce quisque ruebat.
Ingeminant ictum, & denso globus ingruit imbre
Ferreus. horrendo Sicanum murmure litus
Concutitur. reboant montes, & maximus æther.
Nec minus heroi invicto fiducia cessit,
Qui, quanquam infirmo caderent in corpore vires,
Consilio pugnat tamen, & mente arripit arma,
Singula disponens. Numero tum seligit omni
Præstantem virtute virum, ac prudentibus ausis,
Cui belli summam, & rerum committat habenas.
In medium sese fert Callenburgius agmen,
Classis & Hollandæ regimen capit. Ocyus omnes
Erigit exemplo socios, acceptaque cautè
Vulnera dissimulat, fallens hostemque suosque.
Nunquam alias fulsit victoria pulchrior, & si
Idem animus cunctis, & mens unita fuisset,
Omnem inimicam equidem merisset gurgite classem
Iste dies. Cedit tamen illa, fugamque capeffit.
Obvertunt retro puppes, & mœnia Zancles
Tuta petunt. Instant Batavi, pelluntque, premuntque.
Accipiter veluti victor medio aëre visam
Insequitur prædam, & magno clangore per auras
Exagitat volucrum timidarum ad litora nubem,
Et nunc has, & nunc curvis eviscerat illas
Unguibus: evulsæ volitant per inania plumæ:
Sic classem hostilem Batavus cæditque fugatque
Fluctibus Ioniis. Purâ caput extulit æthrâ,
Victorique sua præluxit lampade Phœbe.
Noctem illam errabat dubiis vaga classis in undis.
Postera

Postera Plemmyrium petiit lux, Ortygiamque,
Inque Syracosios deduxit lintea portus.

Extemplo tota quicquid fuit urbe medentum,
Quicquid opis, quantum ars valuit promittere curæ,
Sanando ductori adhibent, minuuntque dolorem.
Nequicquam. nihil herbæ etenim fomentaque pos-
Exsuperatque mali vis, & Mors limina pulsât. (sunt,
Huic omnem sese componens, corpore mentem
Exiit, & terram & terrena negotia linquit
Cuncta simul, meditans totus cœlumque Deumque.

Interea summo Rex ætheris altus Olympo
Despicit, & Sicularum defigit lumina terris,
Aligerumque vocat, quo non velocior alter
Imperium Patris exsequitur, divinaque verba.
Iussus adest. tum sic folio Deus infit ab alto.

Prompte vigil, pars militiæ pulcherrima sanctæ,
Care mihi Michaël; scis, ut mortalibus ægris
Stet sua fixa dies, & inexorabile pensum.
Hic omnes, hic Ruterum nunc postulat ordo.
Heröem nosti, invictum, dum fata sinebant;
Par nomen tibi: sæpe meis victricia gessit
Signa sub auspiciis, & te duce prælia movit.
Illum ego per pelagi insanas bellique procellas
Eripui, medioque ardentem ex hoste recepi.
Ille meum ivit iter, puroque à sanguine gressus
In mea templa tulit; gratumque adolevit honorem:
Auctoremque suum agnoscens, nil fortibus ausis,
Nil dextræ dedit, ac sese mihi debuit uni.
Dum licuit, caræ patriæ cum sanguine vitam
Impendit, solo patriæ inflammatus amore.
Nunc trahit ægram animam, validoque in corpore
Deficiunt vires. letali vulnere lapsus (primæ
Concessi metam extremam pervenit ad ævi,
Debeturque meo jam tempestivus Olympo.

Quare

Quare age, & in terram subitis delabere pennis,
Ac tantam stellis virtutem affinis infer.

Dixerat. assensit læto pia regia vultu.
Induit ille leves humerisque accommodat alas,
Cœlicolum cœtu in medio, magnique Parentis
Paret mandato, ac Siculis celer advolat oris:
Afflictumque ducem, multaque in morte natantem,
Invenit, ac tales fundentem pectore questus.

Magne Deus, nam te miseret commissa fatentum,
Respice me: pennis etenim adventare citatis
Fatalemque diem supremaque tempora cerno.
Nosco horam, cedoque lubens: neque deprecor ore,
Quam sæpe intrepido contempsi pectore, mortem.
Unum oro, tua sic quoniam stat certa voluntas,
Per cari meritum Gnati, purumque cruorem,
Quem moriens olim pro mundi crimine fudit,
Sicolui tua sacra, Pater, sanctæque peregi
Jussa, nec innocuâ rubuit mea dextera cæde,
Iste mihi profit cruor, & labem abluat omnem.
Civibus ac patriæ, valui dum vincere vici.
Quod restat, mihi certandum est. Fac prælia vincam
Ultima, quamque mihi toties portare dedisti
Hac, precor, extremam concede ex hoste coronam.
Adsis ô tantum, ac certi da signa favoris.

Vix hæc ediderat, cœlo cum nuntius alto
Missus adest, totamque ratem sacro igne coruscat.
Ergo ubi cœlestem flammam, multaque beatum
Luce refulgentem juvenem, adstantemque cubili
Conspexit, rursus invalidus sic incipit heros.

Accipio agnoscoque Deum; video ora micantia,
Alasque, flavamque comam: salve, ætheris alti
Incola, divini monumentum ac pignus amoris.
Nunc ego nunc lætus morior, vitamque resigno. (ve;
Tu modo rumpe moras; meque hoc, age, corpore sol-
Jamque

Jamque veni, Pater alme, veni: te mens mea solum,
Adventumque tuum desiderat. excipe, quæso,
Excipe singultantem animam, & tua limina pande.

Dixit: & in verbis animam simul exhalavit.

Hic sursum volat, & paribus secat aëra remis.
Fert Michaël cœlo Michaëlem, &, quo sibi dudum
Ipse viam fecit, fulgentibus inserit astris.

Tum verò horrendo complentur cuncta tumultu,
Et variis incenduntur mœroribus ædes.
Personat urbe dolor. Jam Sol restinxerat undis
Lampada finitimis, & deplorabile funus
Hesperus è summa spectabat pallidus Oeta.
Nigrescunt tenebræ, atque omnem nox implicat atrâ
Veste polum, & totus sumit lugubria mundus.
Luna fugit: nullum nubes intermicat aurum;
Testanturque suos morientia fidera luctus.

Crescit continuo mœror, cunctæque pererrat
Oppida Trinacriæ. lugent tellusque salumque.
Sicani lugete lacus, vosque undique celsis
Flumina præcipitata jugis, decurrite passim
Montibus, ac toto luctum diffundite ponto.
Audivere: ruunt fusi de montibus amnes.

Flet Cyane, flet vicino sub gurgite Anapus,
Dilectasque undis undas, fletusque maritant
Fletibus, & junctos volvunt in cæula rores.
Stat passis Arethusa comis, fontemque nitentem
Ipsa suis lacrymis & flumine turbat amaro.
Adgemit Alphæus, pariterque amplexus amatas
Mœret aquas: mœret patrio Galatea profundo.
Disjicit Hybla favos, & nullo melle Sicanas
Pascit aves: pictis spoliatur floribus Enna.
Ipsa negat solitam terrâ producere messem,
Languescitque Ceres, & fractis luget aristis.

Dat gemitum fundo ex imo circumflua Doris,

Diver-

Diverſoque ſerit fluctu, planctuque fatigat
Litora Sicaniaë. Libyco dolor iſte profundo,
Itoto dolor Iönio: vicinaque damno
Illacrymat Melite; qua non ſolertior armis
Altera Biſtoniaë confringere cornua lunæ.
Murmurat Ægæum, ſparſasque ferocius ambit
Cycladas, & luctum vicinis nuntiat undis.
Lugent cæruleo mœſtæ ſub gurgite Nymphe,
Atque ſuum lacrymoſa Thetis deplorat Achillem.
Parte alia Supero gemitum ciet Hadria ponto,
Labentesque utrimque amnes, Venetasque ſorores
Ad lamenta vocat. Duplicis conſinia terræ
Sicanum pelagus majore interluit æſtu.
Tyrrhenus toto confuſus gurgite pontus
Ingemit, undarumque globos ad litora volvit,
Rauca ſonans. gemitu Italiaë latus omne remugit.

Diditur exinde ulterius, variasque per urbes
Fama volat, niveas conſperſa cruoribus alas.
Quaque movet, tunſis plangit ſua pectora penniſ;
Territat & populos, ſubjectos territat agros,
Ac mœſtis omnem Europam ſermonibus implet.
Intremuere Alpes, & culmina Pyrenea,
Horridaque Hercyniaë movere cacumina ſilvæ.

Ut vero Batavas feralis nuntia terras
Contigit, ingenti ſonuerunt omnia planctu.
Obſtupuit Patria infelix, & muta dolore
Conticuit, multosque dies immobilis hæſit.
Nec lacrymas habuere genæ, nec verba palatum.
Poſtquam ſe invenit luctus, paullumque removit
Nubem animo, damni illa modum cognoscere tanti
Incipit, & flendos æternum evolvere manes:
Quaque via exanimum heroem regione remota
Acciperet, gremioque ſuo componeret oſſa:
Tellure ut ſaltem in patria poſt fata quieſcat.

Talia

Talia dum Batavi tristi sermone volutant
Ilicet adventat patriis Almondus ab oris,
Ille triumphata nuper spectabilis Arcto
Armiger, & rerum Sicularum frena capeffit.
Mox validam exornat navem, magnumque cadaver
Inponit. Moto fertur cita marmore pinus,
Trinacrioque volat pelago. Comitantur euntem,
Inpelluntque imo surgentes gurgite Nymphæ,
Et lateri circum advolitant. Tum exercitus omnis
Tritonum longâ verrit vada cærule caudâ,
Intenditque tubas. Gemitu cava buccina rauco
Exequiale canit Tyrrhena per æquora carmen.
Pulsati resonant colles, & litus utrumque.

Et jam Sardoas à læva fugerat arces
Pinus, & insignem fundarum verberare terram,
Ac Tartessiacas cursu devolvitur oras.
Ipse viam pandit Nereus; clarumque cadaver
Angustæ venerantur aquæ: contraria cedunt
Litora, transmittuntque ducem majoribus undis;
Ardua que Herculeæ submittunt culmina metæ.

Tum vero novus attonitas dolor excitat urbes,
Cunctaque dat gemitus Hispania. Plorat Iberus,
Plorat Anas, plorat turbato flumine Bætis,
Quique illum toto redimat Tagus impiger auro.
Aëria flet Pyrene, flendoque soluta
Deformes abit in lacrymas, & vertice ab alto
Grandibus æquoreas guttis descendit in undas.

Ut salis interni fauces evaserat arctas,
Oceanoque mari campoque volabat aperto
Puppis, & Hesperias à tergo liquerat oras;
Apparent Gallorum urbes. Sinus ecce recedit
Longius, & patrio trepidant in litore nautæ.
Diffugiunt amnes, & vix audentia labi
Flumina; consuetumque timent intrare profundum.

Jamque ratis Morini radebat litoris oram,
Intrabatque fretum. Geminæ perterrita rupes
Concutiunt capita, & contracto vertice nutant.
Arva tremunt Rutupina: tremunt fluviique lacusque;
Et Tamesis refluis in fontem vertitur undis.
Assurgit maris ira, indignanturque procellæ
Tutelam cecidisse suam, defensaque plorant
Æquora, provolvuntque suos ad litora luctus.
Pleumosiæ mœrent urbes, & maxima Scaldis
Ripa gemit. Flissinga suum deplorat alumnum,
Totaque Mattiaco tellus circumflua ponto.
It Vahalís lacrymans, it juncto flumine Mosa,
Communesque cient gemitus, augentque profundum
Fletibus. obstructo torpescit gutture Rhenus.
Scandit arenosos percúlfa Batavia colles,
Observatque videtque ratem. Subit illa patentem
Texeliæ stationem, Australisque æquoris undas.
Obstupere undæ; luctuque, ut frigore, Nereus
Gurgite dirigit toto, cursumque negavit.
Pandit Mosa sinum, Batavæque per oppida terræ
Flumina dant aditum. glaciem clementior aura
Diluit, Amstelisque Virum navalibus infert.
Ingemuit simul Ya, simul gēnuere sorores
Amstelides. cunctas resonant lamenta per urbes.
Utque, recens vulnus vinclis si forte solutis,
Cum nondum cōiit, rescinditur, acrius inde
Asperiusque malum est: gelidis cruor artubus exit;
Fluminis in morem, & venis prorumpit apertis:
Haud aliter, ducis appulsu, se protenus omnem
Egerit obductus paullum dolor, ac sua frangit
Vincula. Relliquias infelix Patria tristes
Luminibus lustrat tacitis, luctuque recente
Liquitur, & totos lacrymarum exæstuat amnes;
Atque hos deinde suo promit de pectore questus.

Ergone vera fuit, quæ te mihi nuntia Fama
 Rettulit exstinctum, Michaël, ferroque peremptum?
 Hunc ego te adspicio redeuntem? Ubinam ora, ubinam
 Fulmina spirantes oculi, lassataque nullo (illi
 Marte manus? Tune illa meæ tutela salutis,
 Ille mei vindex maris unicus? Hoc mihi de te,
 Hoc de te, miserande, refers? Non talia certè
 Litore de patrio nobis promissa dedisti
 Discedens; nec nos casum speravimus istum.
 Sed fore, ut, exuviis spoliisque insignis opimis,
 Salvus, & ad caros olim veherere penates
 Integer. Hi reditus, exoptatique triumphi?
 Atque utinam misero saltem, si fata ferebant
 Ut caderes, cadere in patria tellure dedissent.
 Nunc terra procul à Batava, natisque, domoque,
 Et caris consanguineis, & conjuge cara,
 Hospes in externa, nudusque occumbis arena.
 Non licuit tibi mî officium præstare supremum:
 Non, ægro adsedisse toro; non, claudere amica
 Dextra oculos, lacrymisque rigare calentibus ora,
 Et non ignotis animam excepisse labellis.
 Tecta forent melius gremio tua viscera nostro.
 At bene, quod non & cineres ea servat & ossa,
 Transcribenda mihi, & patrio condenda sepulcro.
 Has sanctas pro te exuvias, hoc nobile pignus
 Materna amplectar pietate, sinuque recondam,
 Præstaboque tibi, quem tu mihi semper, amorem.
 Quin & de solido candentem marmore molem
 Constituam templi in medio, manesque beatos
 Solemni sacrum ad tumulum venerabor honore,
 Ostendamque tuam populis venientibus urnam.
 Sic ego te leto eripiam. nec fera vetustas
 Eradet tua facta animo, tua munera, nostro.
 Sunt etenim servata tuum mea moenia munus.

Quod

Quod vivo, valeoque, tuum est: quod sidera cerno
 Libera, nec servas exhalet naribus auras.

Ipsū illud, te flere, tuum est; tu, posse, dedisti.

Vicinōne igitur pelago, patriisque procellis

Haecenus illaeso pugnasti corpore victor,

Finibus ut longe Siculis, & tempore tali,

Oppeteres? Nondum belli deserviit imber:

Perstat hiems. Quid sollicitam, Palinure, carinam

Æquore destituis medio; clavumque relinquis

Fluctibus in nimium fallacibus? Hei mihi! quantum

Præsidium, Hesperia, & quantum tu, Belgica, perdis!

Dixerat: & jam iusta infelicesque parantur

Exequiæ: Passim dolor & commune per urbem

Iustitium; rerumque horrenda apparet imago.

Vela legunt: demunt hilares de puppe coronas;

Nullaque de summis volitant aplustria malis.

Effertur. Solito ducit longam ordine pompam

Miles, & inversis tellurem verberat hastis.

Mœroris fert quisque notas. nigra tympana lugent;

Feralesque sonos edit tuba. plurima deinde

Turba ducum; quæ supremo comes adsit honori,

Dilectosque fleat manes. pars bellica gestat

Signa manu, pars bina manu calcaria gestat,

Ensemque, galeamque, & duro ex ære rigentem

Loricam, & variata modis Insignia multis:

Pars caro adglomerat lateri, capulumque coronat.

It positis quadrupes phaleris; lacrymisque profusis,

Atrataque suum testatur veste dolorem.

Ponè subit cataphractus eques. ferale cadaver

Auriacus sequitur Princeps, ductorque Batavi

Nominis in magno procedit Constantino.

Tum gemini marium Rectores, margine lato

Quos Mosa, atque suis ingens habet Amstela ripis;

Tunc clarus bello juvenis, ducis inclita proles;

Et consanguinei reliqui; latèque potentes
 Patresque, Procèresque, & magni membra senatus
 Ponè sequuntur: & innumeri denso agmine cives.
 Spectandi studio excitum ruit undique vulgus.

Ut busti tetigere locum, templique recessus
 Lustravere Novi: fugit ô fugit omnis amaro
 Admonitu vox, & pariter confidit in ipso
 Mens tumulo. Video ecce locum, video ecce sepul-
 Calcanturque meis pedibus contermina saxa. (crum,
 Adspicite innixum geminis Insigne columnis;
 Armaque, gestamenque ducis, mœstumque feretrum,
 Compositum ante oculos feretrum: situs ipse dolorem
 Provocat, injustæque cadunt in marmora guttæ.

Quare agite ô cari, præsentî in funere, cives,
 Mecum una, lamenta forent ceu cætera nulla,
 Luctibus indulgete novis. nunc fundite largas
 Fundite nunc lacrymas; pro vobis ille cruorem
 Fudit, & Iônios intecit sanguine fluctus.
 Eheu! quanta solo virtus absconditur isto?
 Ille maris domitor Michaël, maris incolâ vasti,
 Quem nullæ capiunt terræ; non æquora ponti
 Ultima, & insani spatia illa immensa profundi:
 Quam parva tellure jacet? Tumulatur eodem
 Spes patriæ, votumque, loco. Lugete, Batavi:
 Et lacrymas mundi lacrymis conjungite vestras.
 Privati non sunt communi in vulnere questus,
 Et, quò fama Viri, penetrat dolor. Ingemit ingens
 Orbis, & in tanto suspirant funere gentes:
 Omniaque heroëm toto sale litora plangunt.

Ille etenim è medio pelagi sale natus, & ipsis
 Innutritus aquis, oras disperfit in omnes
 Nomen, & à gemino suspendit cardine lauros.
 Exactum cum namque ducem, cunctisque probatum
 Corporis atque animi donis effingere vellet,

Hunc

Hunc finxit Natura Virum: perque omnia duxit:
Nil ut inexpertum, non tentatumque, juberet.

Corpus erat, mediæ quod possis dicere formæ,
Promptum, agile, ac duros natum tolerare labores:
Suffusus, vivusque color; jaculantia honorem
Lumina; frons multâ cum majestate serena;
In tergum dependentes à vertice canî;
Barba minax: vultu ut posses cognoscere Martem.
Da galeam capiti, Mavors erit: adjice clavam,
Adjecta stabit clava Tirynthius heros:
Assumpta stabit furca Rex æquoris alti.

A puero jamdudum illi ludusque jocusque
Æquor erat; cœlique imbres pluviasque notosque
Ridebat, nondum undecimas emensus aristas.
Haud alius melior tempestatesque futuras,
Nubilaque, & debios mundi cognoscere mores,
Stellasque, tractusque salî: aut, latitantibus astris,
Subterlabentes præstabant sidera fluctus.
Ille per insanas hiemes, Boreamque nivalem,
Obstantes fulcavit aquas: ille ivit in Austrum;
Ivit in extremum Zephyrum, solemque cadentem
Audiit, emeritumque diem post terga reliquit.

Sed jam fata Viri meritis majora parabant.
Bella vocant. Animo generoso, animoque modesto,
Respuit oblatos, impar ceu pondus, honores;
Multa exoratus donec prece, subligat ensẽm,
Succeditque oneri, & classis moderatur habenas.

Latior extemplo peragundis area rebus,
Virtutique patet. Neu se illi æquarit honestis
Insidiis, validave manu certaverit alter.
In duce miles erat. nec dux solertior aptos
Pugnandi captare locos, æstumque, notumque,
Inque auram obliquare sinus, & fallere signis,
Bellandique modos varios, ac tempora nosse.

Prælia quis præsens vel vidit plura, vel ipse
 Conseruit: totiesque domum victricia ductor
 Signatulis? Quis Marte suo, propriisque triumphis
 Crevit in exemplum tam magnum aliisque sibi que?
 Illius ad nomen terræ tremuere repostæ;

Illius ad nutum venti venire vocati:

Illius ad gladium terrarum diffilit orbis.

Non, si sint totidem ora mihi, quot in æquore fluctus,
 Litore quam multæ Libyco extenduntur arenæ,
 Non laudes, invicte, tuas, pugnataque bella,
 Enarrare queam, Michaël. Sine, carpere flores,
 Summaque tantarum fastigia stringere rerum.

Te Tuscæ victorem undæ, te gurgite vasto
 Iönium Ægæumque sonant, porrectaque longè
 Africa: te toto tremuerunt litore Mauri,
 Infrænique procul Numidæ desertæ per arva
 Adventu fugère tuo: te maximus Atlas
 Horruit, adductaque polum cervice remisit.
 Victa tibi cessit Tripolis: tua fulmina fractæ
 Algerii sensere rates, sensere Tuneti;
 Ingemuitque solum: tormentorumque tumultu
 Pœnorum exciti manes rediisse putarunt
 Scipiadem, rursusque suam timuere ruinam
 Mœnia Sidoniæ, qua Mars tuus ibat, Elisæ.
 Audiit armorum tonitru Rhodopeia tellus,
 Anxique Ismarii tremuerunt arva tyranni.
 Quin Gallis debellandis adfuevit eodem
 Jampridem tua dextra mari: neque enim ultima laurus
 Prima fuit. Te Gallorum piratica pubes
 Pertimuit, pontoque dedit tibi terga relicto,
 Inque sinum fugiens latebris caput abdidit imis.
 Nec stetit hoc tua fama salo. Qua maximus ambit
 Oceanus, terramque suis complectitur ulnis,
 Attollit niveis tua se Victoria pennis.

Te fluctus Atlantei, ditiesque loquuntur
Hesperides, fulvique parens Guinea metalli.
Diffugiunt trepidi desertâ protinus actâ
Æthiopes, penitusque cavis se montibus abdunt;
Pallidus extremo sese Niger occulit alveo.
Tradit se Goreda, armisque exuta Liona,
Toccarareque ferox, & Cormantinia rupes,
Totaque fastidit dominos regio ista Britannos.
Nec semel opposito trepidavit America ponto,
Excussitque ori famulos Brasilia lupatos.
Tu pavidam turbas classem, totoque profundo
Exuis. accelerant triginta ad litora puppes;
Liberaque admittit Batavos Nova Terra colonos,
Te Sueonum sensere manus, sparsoque cruore
Arctoæ rubuere nives. statione relicta
Attoniti vetitum in pelagus cecidere Triones;
Aufugitque procul verso temone Bootes.
At quam sæpe solo patrio, quantamque tulisti
Victor opem, infestis quoties insurgeret armis
Albion, impleretque truci maria omnia bello?
Tu domito longè à Zephyro (mirabile dictu!)
Per medios hostes dispersasque æquore puppes,
Divina septus nebula, nullique videndus,
Amisum superas flumen, patriæque repente
Improvissus ades. Qualis descendit Olympo
Aligeri pars una chori, subitoque volatu
Signat iter liquidum, & rutilo secât agmina ferro,
Obvia quæque metens: talis tu rebus egenis
Tutelare venis numen, premis ense Britannos,
Obdamique necem validis ulcisceris armis.
Longius haud aliud certamen. quatuor illi
Impendis luces, totidem sine lumine noctes.
Tu versum transfers bellum, felicibus ausis,
Finibus à Batavis, Rutupinaque pellis in arva,

Exurisque rates: indignanterque catenas
Captivum ducis Tamelîm, vinctumque Rochestram;
Invitamque ultro Londinum ad fœdera cogis.
Quid classes memorem geminas, nobisque minantes
Ultima nequicquam reges; fractasque carinas,
Fractaque signa Caledonio fluitantia ponto?
Me miserum! quanto jubcor revocare dolore
Temporis illius vultum, cum quatuor hostes
Unitas junxere manus; terraque marique
Attonitos circumvolitarent agmina muros?
Occiderant leges, & conclamata jacebat
Libertas: pavor obsessas confecerat urbes:
Pŏntus, erat tellus; &, spes super unica, pontus;
Suspensusque orbis gladio pendebat ab uno.
Nec mora: jamque tuis hostes sternuntur ab armis,
Et tabo oceanum maculant: annoque sequente
Ter vidère novas circum tua tempora lauros.

Victor iô, bellator iô, tibi litora, Pæan,
Nostra sonant! asserta sonant tibi mœnia, Pæan!
Respirant conculcatæ, te vindice, leges,
Submersumque caput media patria erigit unda,
Atque iterum plenis redeunt commercia velis.

At non nostra tuas resonant tantum æquora laudes:
Implesti mundum meritis; dum jura tueris
Publica, & oceano donas decurrere tuto.
Threcibus inponis morem, amissamque reducis
In libertatem populos ad claustra gementes
Barbara. Servorum sese tibi millia debent.
Jamque sub extremum vitæ non desinis isto
Esse animo: dum conspicuos pietate sodales,
Damnarat quos infontes patria impia remo,
Crudeli solvis ferro, atque indigna ferentes
Restituis cœlo ingenuo, ac melioribus auris.
Usque adeo sanctos capiebant pectora motus.

Tene

Tene ducem admirer potius, legum optime vindex,
Anne virum? dextramque illam seu Marte potentem,
Sive fide? Nulla arma tibi, nisi iusta, placebant.
At ne iusta quidem. sumebas illa coactus,
Spirabatque alacer leni sub pectore Mavors.
Lenis enim, clemensque animo, placidusque videri,
Pœnarum, ut poteras, parcus, veniæque benignus,
Parcebasque tuis, parcebasque hostibus ipsis,
Sanguinis effundens minimum; belloque, minister
Pacis eras. nec te medio in certamine gentes
Plus timuere prius, quam dilexere subactæ.
Vulnus opemque dabas idem. nemo arva colonus,
Nulla pudicitiam flevit, te milite, mater,
Ex oculis amota tuis; ipsoque timebas
Lumine virgineum delibavisse pudorem.
Ore admittebas læto vultuque clientes,
Et pariter summis, pariterque affabilis imis.
Cui promptum magis ingenium? cui longior unquam
Ufus, & in dubiis major prudentia rebus?
Ah vereor! ne te nimis fortasse fatigem
Laudibus, & manes lædam sermone modestos.
Laus erat una tibi, nullas agnoscere laudes.
Quæque animas bello egregias calcaribus urit
Assiduis, non te vano percussit amore
Gloria, mittendumque æterna in sæcula nomen.
Sola tibi ambitio, patriæ servire, Deoque;
Solutus amor. O ingentem felicibus armis!
Ingentem pietate! Quibus te heröibus æquem,
O Michaël? Tu summa ducum, tu summa virorum.

Certarit veterum nemo tibi. quicquid in illis
Solus habes. multorum instar te spirat in uno.
Erumpunt busto Decii: probat integer ignes
Fabricius patrios, & Pyrrhi respuit aurum.
Infestos Tusco piratas gurgite Magnus

Disjicit: Aufoniis extorquet finibus Afrum
 Scipiades: capta Senonas fugat urbe Camillus;
 Gallorumque suo delet vestigia tabo.
 Se Salaminia cum tollit mare, & agmine multo
 Ligneus exustas murus tutatur Athenas,
 Turbatumque Neoclides agit æquore Persen.
 Induit arma humeris, Martemque retractat Achilles:
 Non solus tamen. Æacidæ tu Nestora misces:
 Æacidæ Laërtiaden; & pectore in uno
 Prudentemque virum formas, belloque valentem.
 Neu famæ plus Alcides meruitve tulitve,
 Fuderit ille Hydram licet, immanemque leonem,
 Tergeminumque canem victis abstraxerit umbris.
 Quid moror externis? Artes sibi vindicet Hellas:
 Terrarum dominus extollat Roma Quirites:
 Æquoris imperium pelagique affectet habenas,
 Aut Rhodus, aut animosa Tyros, vicina Sidon;
 Tota penes Batavos omni navalis ab ævo
 Gloria: seu moto fulcant vada falsa profundo,
 Sive novos pariunt orbes; seu fortibus armis
 Ardentes in bella ruunt, Martemque fatigant.
 Cumque sit heroum felix foecundaque mater
 Belgica, nullo alio sic sese jactat alumno:
 Qui, quantum antiquos Batavi, tantum ipse Batavos
 Exsuperat. Cedat magni clarissima bello
 Hemskerki manus, extremam qui irrupit in Arcton
 Primus, & audaci fregit maria invia rostro.
 Cedat & occiduae victor pulcherrimus oræ
 Heinius, Hesperium plenis qui classibus aurum
 Intulit in portus patrios, redivivus Iason.
 Quique loco prope contiguo ceciditque jacetque
 Galius, Etrusci fulmen maris. Ipse minorem
 Esse suis negat hunc virtutibus optimus armis
 Trompius, æquarique viro lætatur ab illo.

Nec quisquam mihi deductos ab origine longa
 Jactet avos. nullis sese fortissimus heros
 Debet avis. virtus illi, & pulcherrima bello
 Dexterâ nobilitas. hæc sola, hæc maxima imago.
 Est aliquid certe titulis gaudere paternis;
 Verum, laus aliena; suis se attollere factis,
 Id nostrum, propriumque. Suo tibi Marte, suisque
 Grande reportavit Michaël, ac nobile nomen.
 Illum Europæi reges, adjutaque sceptrâ,
 Illustrem fecere. Sinu Lisboa recepit,
 Muneribusque auxit variis: Insignia genti
 Danorum Fredericus, & annua contulit æra:
 Gallorum Lodovicus, Equum; auratamque catenam,
 Effigiemque auro radiantem, & divite gemma.
 Dat titulum censumque Ducis regnator Iberus.

Oceani salve domitor, quem maximus orbis,
 Quem populi, quem sceptrâ colunt, veteresque novi-
 Frondibus heroës positis; cui ferre tridentem (que
 Neptūnus dedit, atque sui jus omne profundi.
 Te nullæ tempestates superare, nec hostes,
 Ne Mors ipsa quidem valuit. pedis ultima strinxit:
 Gustavitque sacrum, delibavitque, cruorem.
 Te niveis immortalē super æthera pennis
 Fama vehit, geminusque sonat te Phœbus utroque
 Cardine. te ternis resonat Trinacria linguis,
 Ulteriusque suas protrudit in æquora rupes.
 Fronde nova video vernantem Phœnicoëssam,
 Inque tuum caput exustas revirescere palmas.
 In mare labentur dum flumina, gutture pleno
 In tua descendunt fluvii præconia juncti:
 Dumque mari superant undæ, latèque patentes
 Æquora pulsabunt terras, tua nomina fluctus
 Attollent; volventque tuas ad litora laudes.

Erigit æternum Rutero Belgica bustum,

Litoribus bustum Batavis; quod cœrula Tethys
 Alluat; & strato veneretur marmore Nereus:
 Addat & horribilem galeam, & thoraca minantem,
 Herôis magni exuvias; lituosque, tubasque,
 Æraque mugitu tonitrus simulantia rauco:
 Hostis ut hunc tumulum adspiciens, ceu flebile saxum,
 Hunc vitet tumulum, & versis petat æquora velis:
 Quique suis vivus murus fuit, æthere cassus
 Avertat patriis inimicas finibus alnos,
 Nomine terribilis solo, &, post funera victor,
 Longa secuturos servet per sæcla nepotes.
 Quin & fatiferum stellis ardentibus enssem
 Dedicet, emeritumque tholo suspendat ab isto:
 Acrisioniadæ ut gladii, vel Orionis instar,
 Tertius accedat cœlo, latèque coruscans
 Terreat attonitos flammis feralibus hostes.

At nos ne lacrymis ultra, vanisque querelis,
 Nilque adjuturo gemitu tam illustre cadaver
 Dedecoremus, & officio violemus inani.
 Sistamus luctum, & lacrymas siccemus obortas.
 Vixit, quemque dedit cursum Natura, peregit:
 Et non parva Viri sub terras ivit imago.
 Rem conservavit Batavam; sua reddidit æquo
 Jura mari; pœnas superato ex hoste recepit.
 Felix, ô nimium felix, si carbasa nostra
 Nunquam Sicania tetigissent litora terræ.
 Hîc, vitæ satur & famæ, quos debuit annos
 Reddidit, æthereoque animam transcripsit Olympo.

Quin benefacta ducis potius, quod possumus unum,
 Mente recondamus tacita, memorique colamus
 Pectore. Pectoribus nostris, post fata superstes,
 Vivit adhuc; neque enim herôem mors abstulit om-
 Denique, quid multis opus est? En vivida coram (nem-
 Forma Viri ante oculos & præsens spirat imago.

Nem-

Nempe animo, nempe invictum dabit ore parentem
Filius, eripietque umbris. O inclyta patris
Progenies, ecquid vivos præcordia motus
Concipiunt, patrioque calent tua sanguine membra?
In venis fluit ille tuis. Te temperat idem
Spiritus, & succo generoso pectora complet
Intima. Tu patriæ virtutis & indolis hæres;
Nec vultu tantum assimulas, sed Marte, peremptum.
Talem illum, Hesperio sale, Lusitania vidit,
Munere conspicuum parili, parilique juventa,
Hispanas rumpentem acies. sic pulcher Iulus
Rettulit extinctum formaque animoque parentem.
Tempus erit, cum tu patrios æquabis honores,
Angele, virtutisque tuæ data præmia cernes,
Victrici lauro & simili spectandus in ostro.
Aurato te jamdudum per inania curru
Veſtat, & æterna necit de fronde coronam
Gloria. jam, magno exemplo, vada cærule ponti
Sulcabas puer, & ventos imbresque ferebas,
Oceanique minas: mediosque immersus in hostes,
Durum discebas Martem, genitore magistro.
Pellæus quondam juvenis, bellante Philippo,
Tale rudimentum posuit, patriæque cohortis
Miles Alexandrum primis ostendit in armis.
Tu quoque clara tui bello documenta dedisti
Plus semel, & pulchro promiſiſti omine patrem.
Illius auspiciis gravido quater ære duorum
Fulmina fregiſti regum, patriæque minantem
Discuſſiſti hyemem, & rerum pars magna fuiſti.
Iönii duce te fluctus, Ægæaque gaudent
Æquora. te Delos Lemnosque, Androsque loquuntur,
Iſthmiacique ſinus, & Homerî patria Smyrne.
Laude tua Arctoum pelagus ſonat: & tua jam nunc
Mirantur gentes, mirantur nomina reges.

Ipse etiam insignis terræ moderator Iberæ
 Carolus, hæredem patrii te scripsit honoris,
 Grandibus accensus meritis. Quid pectora dicam
 Intrepida, & nullis rerum commota ruinis?
 Audisti tu letum animo genitoris, eodem
 Quo subiit; monstrasque tuis virtutibus orbi,
 Ex aquila nullam nasci potuisse columbam.
 Nonne vides surgentem illam de marmore molem?
 Exemplum est. calet assidua cinis iste favilla,
 Vivacesque tuo nutrit sub pectore flammæ.
 Haud illa quanquam Genitor tumuletur arena.
 Est illi terrarum orbis, totusque sepulcrum
 Oceanus. meritis hæc congruit area tantis.
 Illic præsentem ante oculos; vivumque videbis,
 Nullo etenim ista loco virtus absconditur. illum
 Omnibus invenies terris; illum, omnibus undis;
 Quo tu cunque ibis pelago: seu Vesper, & Eos;
 Seu Boreæ te regna vocant; seu tiubilus Auster.
 Maeste animo, maeste egregiis feliciter aulis;
 Atque novis, semperque novis sequere astra triumphis.
 Hac iter est. ipsum dudum te nomen Olympo
 Afferit, & patrium tibi nutat ab æthere sidus.
 Perge istam affectare viam, & cœlestibus Euris
 Ire polo. servanda tuis hæc stella carinis.
 Hac duce. inoffensum curres mare: certius illo
 Nulla dedit lumen Tyriis Cynosura magistris.
 Jamque ipsum cœlo labentem, aurasque secantem;
 Percipio, ac tales rumpentem pectore voces.
 O vita dilecte magis, dum vita manebat,
 Gnate, mihi; gnate innumeris durate periculis:
 Vosque, mei consanguinei; tuque, optima conjux:
 Ne vos tantus edat mœstos dolor. invidet oras
 Ille mihi superas, & fortunata piorum
 Limina. sat lacrymis oculi maduere profusis.

Comprimite infandum mœrorem, & cedite fati.
 Sic placitum. Tuque inprimis, spes unica nostri;
 Spes patriæ: dignas patria ac patre concipe flammæ,
 Hostilique tuos absterge sanguine luctus.
 Ingredere, ô gnate, & magno vestigia passu
 Nostra legens, monitum non adspernare paternum:
 Sit, parere Deo, primus; patriæque, secundus
 Semper amor. cole Justitiam, Verumque Fidemque,
 Omni animo. vallata oculis Prudentia centum
 Stet lateri indivisa comes; stet bellica virtus.
 Magnificum te ostende bonis, & in impia sævum
 Crimina. nec prensa; oblatos nec respue honores.
 Sis, quod es: & modicum compone per omnia civem.
 Unum illud te præcipue moneoque rogoque,
 Ut, quoties ardet bello mare, & utraque classis
 Explicuit navalem aciem, tormentaue pugnam
 Accendêre, meo credas te sanguine natum.

Tantum effatus, & æthereas abijt altus in arces;
 Cum sanctis ubi cœlicolis, meliore receptus
 Parte poli, vitam æternam ac cœlestia ducit
 Gaudia; sub pedibusque premens nubesque notosque
 Divinum Pæana canit, semperque triumphans
 Immortale gerit puro de lumine fertur.



HEROICORUM

LIBER SECUNDUS.

Reverendissimo Celsissimoque Principi

FERDINANDO,

*Paderbornensi ac Monasteriensi
Episcopo,*

P A N E G Y R I C O N.

DIc mihi, Phæbè, Virum, Paderæ qui leni-
bus undis, (tus
Angariæque jugis, populisque volentibus al-
Imperat, & geminâ cingit sacra tempora vit-
Immixtis lauri foliis, semperque recentis (tâ,

Fronde oleæ; placidusque meis allabere cœptis,
Illum quandoquidem canto, qui proximus arti
Artè tuæ tibi sæpe suos adolevit honores,
Maximus ipse tuis aris honor; & tua rite
Sacra colens meruitque tuum, tribuitque favorem
Cantanti mihi; namque tibi non gratior ulla est,
Quam quæ tam clarum præscribit pagina nomen.

Tuque adeo, ô ingens argumentumque Camœnæ
Præsidiumque meæ, neque enim præsentior alter
Te deus, aut animum stimulis majoribus urget,
Tu mihi, Ferdinande, favè. tu verba ministra,
Tu numeros: &, dum Gallique Italique tuique
Ad tua Germani currunt præconia vates,
Incultum vatis Batavi ne despice carmen.

Sed

Sed neque te fictis verbis, fictoque colore
Depingam, aut falsas attollam ad sidera dotes,
Inclyte Ferdinande: omnem tua plurima virtus
Respuit oratorem & nullius indiget artis.
Scilicet est aliquid, veras de principe laudes,
Verbaque pigmentis omnique carentia fucō
Dicere: & ut magnum est, & nostri culmen honoris,
Intellecturis defæcatisque canentem
Auribus, & Latio multum sermone politis
Posse loqui; sic præcipua est in laude locandum
Non nisi vera loqui, nil falsi dicere posse.
Hæc mea materies, hæc fors tua. Sufficis unus
Ipse tibi; nec virtutis vel laudis avitæ,
Laudis eges alienæ: etenim hæc aliena putantur,
Quæ quanquam tua sunt, non sunt tua. namq; paren-
Nomen, & à prisca deductus origine sanguis, (tum
Et quæ nos ipsi non fecimus, acta putanda
Alterius, nec quicquam operi debentia nostro.
Quid quod nobilitas, præclaraque facta parentum
Dedecorant his dissimiles onerantque nepotes.
Tu vero, qui majores virtutibus anteis,
Plusque illis famæ tribuis, quam fumis ab illis,
Stemmata cum superes longè tua, tu mihi solus
Carmen eris: neque enim gentis facta inclyta factis
Immiscebo tuis, serieve & imagine longa
Illustres dicam proavos, vulgata per orbem
Nomina, felici quos Furstenbergia partu
Fœta domus dias in luminis edidit oras.
Tu mihi principium incepti, tu meta laboris.
Unde autem rerum tantarum exordia fumo,
Aut quibus has ipsas verbis extollere laudes
Aggredior? Turbat conantem, ac multa moratur
Copia, nec certo patitur procedere passu.
Ac veluti, nemore in magno si forte viator

Constitit, abripitur variarum errore viarum,
Jamque huc, jamque illuc circumfert lumina, nec scit
Quod pede carpat iter, quo ponat tramite gressum:
Aut qualis solo secum spatietur in horto,
Diversosque notat flores, & quos sibi carpat
Non bene novit adhuc; & nunc albertia spectat
Lilia, nunc Tyrio certantes murice lustrat
Ille rosas; dubitatque, oculos per singula volvens,
Quem primum cupido decerpat pollice florem:
Haud aliter, dum Pieriis in saltibus errat,
Et Phœbi lucos, Phœbique perambulat hortos
Consilii mens orba, hæret, secumque volutat,
Quò tendat, quid carpat; an hunc delibet, an illum,
Vicinosne legat flores: ultroque sequentem
Sollicitant variæque viæ, varique colores,
Suspensamque tenent, nec quò se vertat, habentem.
Adnitar tamen, & multo percussus amore
Principis eximii titulos, vittamque, lyramque,
Subjectosque canam populos; & carminis hujus.
A cunis Pueri repetam primordia magni.

Ergo ubi vitales in lucis prodiit auras
Exceptusque fuit patriis Puer editus ulnis,
Protinus Aoniis illum lavere sub antris
Castalides, mollique sinu fovere jacentem.
Quarum, quæ fandi doctissima, Calliopea,
Quam pater ipse suas Pæan feliciter artes
Erudiit, docuitque hominum prædicere fata,
Talia veridicis aptabat carmina nervis.

Blande Puer, patrisque tui, Phœbique voluptas,
Noster amor, magnum Aonio decus addite monti,
Huc vultus oculosque, Puer, converte, tuasque
Nutrices dulci placidus cognoscere risu
Incipe, fortunasque tuas, tua discere fata.
Namque tibi faciles promittant omnia Divi.

Tu claram proavûm stirpem, atque illustra facta
Exsuperabis, & à tergo genus omne relinques,
Virtutesque tua superabis laude paternas.
Multa tibi nostri veniet de vertice montis
Laurus, Apollineaque tuos teget arbore crines.
Sequana te, Rhodanusque, ingentique amnè Garum-
Te Rhenus, te Danubius, te patria dicent (nâ;
Flumina; te felix Athesis, te Tiberis, & Arnus,
Eridanusque suis olim venerabitur undis.
Ipsa Quirinali de vertice Roma canenti
Assurget, tantoque parens gaudebit alumno,
Et septemgeminos attollet ad æthera montes.
Illa tibi gremiumque suum, pectusque recludet;
Illa tibi arcanos aditus, atque intima pandet
Atria; muneribusque suis & honoribus aucto
Imperii partem, & partem committet ovilis,
Inponetque pedum manui, capitique tiaram.
Ex illo mundi variis celebraberis oris,
Extremique hominum populi; gentesque remotæ
Ferdinandeas tollent ad sidera laudes.
Non tamen hîc stabit tua fors. tua cresceteundo
Gloria. te tellus eadem, te maxima Roma
Ornabit gemino imperio, geminoque tiara,
Virtutemque tuam terris extendet, & astris.
Tu modo cresce, Puer, Phœbeasque impiger artes
Arripe, tantarumque capax cape cætera rerum:
Imperii cape frena, & spes implere labora
Sollicitæ, tua quæ expectat moderamina, terræ.
Interea, dum prima legunt tibi fila sorores
Fatidicæ, nullæque premunt cunabula curæ,
Dormi agedum, dormi, rerum suavissime, necte
Adventantum hominum strepitus, ramive cadentis,
Aut cantus volucrum, aut belli sonus excitet ullus.
Tu procul à belli strepitu, procul acribus armis,

Moribus adsuesces nostris, & mollia terris
Jura dabis pacemque tuis, ferroque remoto
Aurea degeneri revocabis sæcula mundo.

Hæc ubi dicta, simul cantus, simul inclytus Infans
Prognatus claro Divûm de semine, Divos
Excitat, atque suo cupidos deducit Olympo.
Ocyus accurrunt Superi. Dat quisque favoris
Signa sui. dat munus opes, dat inunus honores
Juppiter, & magni conjux Jovis; ora diserta
Mercurius; Pæan numeros, artemque canendi;
Artem venandi Diana: Minerva sagacem,
Prudentemque facit Puerum; Cytherea, venustum.
Martis opus, ne forte aliquis subito ingruat hostis,
Mars docet. ingenuum Pueri admirata pudorem
Vesta diu, se Diva suo spoliavit honore
Illius inponens capiti venerabile vinclum.
Accipe, pars olim nostri clarissima cœtus,
Accipe, care Puer, nostræ quoque munera dextræ,
(En, ait) & vittæ jam nunc adsuesce ferendæ.

Hæc ut Cœlestes Puero cœlestia dona
Distribuere, polum terrâ petiere relictâ,
Infantemque suis Nutricibus erudiendum
Porro commisere. Illæ mandata faceffunt
Ocyus, ac variis natum modo dotibus ornant.
Stellarum numeros, vastique volumina mundi
Edocet Uranie: regnantum fata referre,
Sanguine Melpomene regali tincta cothurnos:
Heroas canere, & bellantum dicere laudes,
Calliopea; modos teneros, & amantia verba,
Euterpeque, Eratoque, Thaliaque, Terpsichoreque;
Dulce melos, Clio: varium Polyhymnia carmen.

Est lucus gemini sub verticibus Parnassi,
Naturæ mirabile opus: nam prodiga sese
Illic per campos latè diffuderat ones,

Et quicquid pulchri, quicquid producit amœni
 Ipsa sua Natura manu congefferat: illic
 Omne genus florum, & fruticum, herbarumque viren-
 Nutrit, & ambrosium tellus exhalat odorem. (tum
 Nec defunt fontes, & flumina: montis aperti
 Currunt perpetui summo de vertice rivi,
 Subjectamque rigant vallem. Scatet arbore vallis
 Innumera. Viret hîc Matri jucunda Deorum
 Pinus, & Idaliæ Veneri gratissima mirtus,
 Et laurus Phœbo, & Phœbo dilecta cupressus,
 Et platanus genialis. Aves arbuſta pererrant,
 Et paſſim lætis reſonat nemus omne querelis.
 Mulcet humum Zephyrus: cœloque cadentibus undis
 Juppiter, & modico Sol temperat arva calore.

Illum doctarum ſtudiis operique Dearum
 Se crevere locum Superi. Regionibus illis
 Ibat, & Aonias Juvenis creſcebat in artes.
 Et nunc ad fontes Aganipidos Hippocrenes
 Vertebat ſeſe fitiens, laticemque bibebat
 Pegafeum: nunc vicini de culmine montis
 Æternum virides luſtrabat lumine ſilvas:
 Nunc ſola ſecum nemoris ſpatiat in umbra
 Neſcio quid meditabundus. Veſtigia euntis
 Obſervant Muſæ, atque ſuum comitantur alumnum,
 Et, quacunque movet greſſus, vel ponè ſequuntur,
 Vel latus adglomerant lateri, ducuntve ſequentem,
 Aut medium circumſiſtunt, aut ceſpite ſidunt
 Gramineo, dolci complentes avia cantu.
 Jamque canunt ipſæ: veterum jam carmina vatum
 Subjiciunt oculis, animumque ad grandia natum
 Grandibus exemplis acuunt. Eſt maximus illic
 Mæonides, fortesque viros in prælia cogit:
 Quique Syracofias carmen modulatur ad undas:
 Quemque repentinum fecerunt ſomnia vatem.

Præcipue, quos Aufonia pellexit ab omni,
 Inclusitque suo gremio, vel mœnibus urbjs
 Extulit ipsa, ævo commendavitque futuro,
 Roma vetus, veterique recens urbs æmula Romæ
 Semine eodem ortos jussit simulate nepotēs.
 Nec non, qui rerum seriem memorandaque pandunt
 Facta virum, qui Naturæ miranda recludunt,
 Vivendique docent normam, normamque regendi,
 Præscribuntque vias varias, seu fortibus armis,
 Seu longa libuit populos in pace tueri.
 Hos omnes pluresque manu volvebat, & acri
 Versabat cura recolens, totoque bibebat
 Pectore. præceptisque virum monitisque priorum
 Magnarum sese rerum formabat in usus,
 Magnorum sese vatum formabat ad artem
 Artibus instructus variis, camposque per omnes
 Ibat honorati Juvenis memorabile nomen.

Postquam exempta sitis Permessi fluminis unda,
 Nutricesque suas, Phæbumque æquare canendo
 Iam potuit; tractus alios, lætamque petivit
 Aufoniæ regionem: ulnis ubi mollibus illum
 Excipit, atque suo commendat Roma Parenti.
 Continuo: Salve, fama mihi cognita tellus,
 Clara viris, clara ingeniis; salve, inquit, amœnum
 Vātibus hospitium, Musarumque altera sedes.
 Tunc, Poëtarum nutrix uberrima, tunc
 Luminibus spectanda meis concederis? Ut te
 Conspicioque, premoque lubens! Ut Martia facta,
 Virtutemque tui populi, famamque recordor!
 Tene suis preffit pedibus Maro? sensibus imis
 Agnosco geniumque loci, geniumque Maronis.
 Vos modo Romani montes, Tuque inclyte Tibri,
 Molle mihi hospitium concedite: vos mihi montem
 Aonium, vos Aonium præbete fluentum,

Et,

Et, quas deserui præ vobis, reddite silvas.

Dixit, & optatâ ponens vestigia terrâ
Mœnia terrarum dominæ, cœlo æmula, Romæ
Ingreditur. Clarum illa domo, citharaque celebrem
Excipit urbe Virum, lætaturque hospite tanto.

Chisius ante alios. Uni illi maxima cura
Ferdinandus erat. Lateri illius, illius ori
Fidus adhærebat semper comes. illius ædes,
Illius Aonios unâ invisebat amores.

Scilicet illud erat tempus, quo maxima Romæ
Cæsaris Augusti revocaret sæcula, & omnes
Illò confluerent vates, sermone Latino
Musa quibus dederat victurum scribere carmen,
Pollinusque premens viridi canentia lauro
Tempora, carminibusque suis, quam stemmate longo,
Nobilior Rondininus, titulisque parentum,

Et Gradus, Vaticanæ custodia rupis,
Grandiloquusque Favoritus, clarissima Romæ
Lumina, quique suæ jussu auspiciisque Minervæ
Nuper ab Arctoïs illuc devenerat oris
Heinsiades, Musæ patriæ certissimus hæres,
Innumerique alii, doctarum ad sacra Sororum
Admissi interiora. Hos Furstenbergius inter,
Nulli horum ingenio inferior, nulli arte secundus,
Affiduus versabatur, varioque vicissim
Fallebat sermone diem, cantuque solito
Ad sua Romuleos rapiebat carmina Patres.

Interdum turba comitum stipatus eadem
Clara recensibat veteris vestigia Romæ,
Prolapsæque domos urbis, vicinæque cœlo
Rudera, bellorum tristes, ævique labantis
Reliquias: interdum umbras & grata secutus
Frigora, Romanisque sitos in collibus hortos,
Sive suburbanis in vallibus, inter opacas

Mirtosque, platanosque, atque aërias cyparissos,
 Inter odoratas lauros, undasque sonantes,
 Diversasque avium voces, aut ipse canebat,
 Aut tenuem molli somnum captabat in herba.
 Æstivos modo secessus, Tiburque supinum,
 Et gelidas Anienis aquas, modo rura petebat
 Tuscula, & æternâ salientia flumina venâ, (nis,
 Formosam modo Parthenopen, tumultumque Maro-
 Pausilypique jugum, flagrantemque igne Vesevum,
 Et Cumas, & Cumanæ cæca antra Sibyllæ,
 Telluremque tuam, Campania, nobile semper
 Certamen Bacchi, & Cereris, flavæque Minervæ.
 Talibus atque aliis animum dum pascit, & Urbem
 Perlustrat, cupidusque oculos per singula volvit,
 Purpureosque Patres, & magni tecta frequentat
 Chisiadæ, fatis iter ostendentibus, Urbis
 Suscipit imperium terris fatale regendis
 Nomen Alexander, claræ spes inclyta Senæ,
 Inclyta Pieridum. Gavisa antistite tanto
 Attollit septemgeminis de montibus altum
 Roma caput, plauditque cavis Tiberinus ab antris.
 Ipse sua ter iö, ter iö, clamavit ab arce,
 Et Ferdinando, vacuis dum ludit in hortis,
 Dulce Palatinus carmen dictavit Apollo.
 Gaudet Alexander, suaque intra limina ducit
 Hospitem Apollineum, multoque invitat honore.
 Ergo dum curam thalami, dum corporis illi
 Committit, cui dudum animum commiserat omnem,
 Maximus Europæ princeps, & maximus hospes
 Interioris amicitiae celebratur amicus,
 Illum omnes colere, illum omnes adamare Quirites,
 Præsulis ad nutum: namque illi credere sensus
 Arcanos, illum dubiis adhibere solebat
 Consiliis, illi ante alios parere monenti.

Sæpe illi mensis una, arbitriisque remotis,
Aut aulæ, aut horti adjecti secreta petebant,
Multa super populis Europæ in pace regendis.
Multa super belli discrimine, multa loquentes
Romano super imperio, Italiæque salute:
Sæpe, Quirinali deserto colle, beatos
Lustrabant Latii campos, & in otia natum
Albani montis tumulum, gelidumque propinqua
Valle lacum, & Scythicæ regnum jam mite Dianæ;
Et sacros Musis lucos, Fontemque sonantem,
Egeriæque Nemus Nymphæ, gratissima iusto
Ante Numæ, nunc Chisiadæ gratissima vernis
Frigoribus loca: quippe locum selegerat unum
Hunc sibi Chisiades: hîc rerum pondera, & omnem
Fortunæ deponebat cum corpore molem
Maximus antistes; curasque, animumque laborum
Oblitum sermone sui lenibat alumni.
Non sic Egeriam coluit Numa: non ita Phœben
Hippolytus; neque sic illis adamatus uterque est,
Continuis licet alloquiis notissimus alter,
Alter amore Deæ Stygiis revocatus ab umbris:
Neu tantâ pietate suum dilexit Oresten,
Aut tantum rursus ipse suo dilectus Oresti est
Exemplum Pylades fidei memorabile, quantâ
Ferdinandus Alexandrum pietate colebat,
Ferdinandus Alexandro redamatus ab ipso est.
Mens illis erat una; & par eademque voluntas:
Unum illis studium. Studii communis amore
Accensi, aut dulces doctis sermonibus horas
Frangebant, aut clarorum monumenta virorum,
Quos Hellas, quos Ausoniæ pulcherrima tellus
Edidit, & veterum volvebant carmina vatum
Assidui, aut æstro parili stimulisque citati
Pierii viridi cantabant carmen in umbra,

Quod veteris genium Latii spiraret, & ævi.
 Assensere Deæ nemorum, assensere Camœnæ,
 Plaudentumque sonus Luco exauditur ab imo,
 Lætæque vicinis resonat de collibus Echo.

Sic ubi concessum clementis munere cœli,
 Sermones inter varios & plena laboris
 Otia, Romano cum principe transigit ævum
 Hospes Apollineus, votis communibus absens
 Eligitur, Paderæ ut capiat moderamina Præsul.
 Gaudet Alexander, sapiensque piumque legentum
 Judicium, toto Patrum laudante senatu,
 Electumque probat. Dat Rospiliosius illi
 Pastorale pedum, capitisque insigne tiaram
 Crinibus inponit sacratiss. Omne læto
 Vaticana fremit rupes: fremit ardua Roma.

Ut vero sacris manus ultima ritè peractis
 Solemni pompæ inposita est, rediitque penates
 Quisque suos, magni imperio parere parabat
 Pontificis, populosque datos, tutandaque spectans
 Oppida Germanas Princeps properabat ad oras.
 Nulla mora est: urget comites; carosque sodales,
 Augustosque Urbis Patres, Urbemque salutat;
 Jamque relicturus dilectæ moenia Romæ
 Tali Romanum compellat voce Parentem.

O cui terrarum cessit suprema potestas,
 Alme Pater, quas innumeris tibi solvere grates
 Pro meritis, quos unquam ausim tibi reddere honores?
 Tanta equidem sunt ista, meis ut denique verbis
 Longè sint majora: tui monumenta favoris
 Agnoscam tamen, & tacitus mecum ipse revolvam,
 Excipient absentem oræ quæcunque, meoque
 Nulla dies eadem illa animo, nulla eximet ævo.
 Et quoniam tua dicta jubent, ultroque sequentem
 Fata vocant, ego sic populos urbesque tueri

Ten.

Tentabo, ratio ut constet cœloque tibi que.

Jamque vale: &, si vota aliquod mea pondus habere,
Vive, Pater. tibi quod superest ætatis agenda (bunt,
Proroget, æque meis istos Deus augeat annos,
Floreat & longum, felix te principe, Roma.

De me viderit Ille, videt qui cuncta, polumque
Terrasque fluctusque suo sub numine torquet,
Subdit Alexander, multa pietate fideque
Cognite, & huic animo ante alios gratissime, Princeps.

Te vero, cui genua virent, te juverit Idem
Ille, oro, longumque tuis, juvenisque super sis.
Tempus erit, cum tu, promotio limite, fines
Ibis in Angarios, & te Mimigarda Regentem
Agnoscat, populosque tibi submitter, & urbēs.

O mihi tam longi maneat modo terminus ævi,
Ut videam, tibi quem decernunt fata, triumphum!
Interea nunc oblato contentus honore

I precor, exiguumque mei cape pignus amoris,
Dum tibi dem potiora istis ego, vel meus hæres,
Munera. Sic fatus dilecto dexteram alumno
Porrigit, & geminis abeuntem amplectitur ulnis,
Supremumque vale mœsto vix adjicit ore.

Continuo acceleratur iter: magnique Quirini
Nunquam visenda discedit ab urbe, sui que
Grande decus Princeps, longumque relinquit amo-
Deserit Ausoniam, summoque minantia cœlo (rem.
Alpini juga montis, & ardua saxa Tridenti
Exsuperat; tandemque sua tellure potitus,
Per Rhætos, per Vindelicos, Francosque, Cheruscos-
Ad Paderæ fontes, regnandaque pervenit arva. (que,
Profiliunt imo Padera Amisusque fluento,
Luppiaque, & Padulus, famæque insignis Aliso,
Jucundumque suis Resonus Fons murmurat undis.
Ipse etiam, dum Cæsareos lavat agmine muros

Flu-

Fluviorum rex Danubius, sua gaudia Sacro
 Nuntiat Imperio. Jucundo murmure Rhenus
 Gaudenti applaudit Paderæ. Per strata viarum
 Ædibus effusum magno ruit impete vulgus,
 Lætantumque sonant voces. Ante omnia cunctis
 Festus honos templis indicitur, altaque passim
 Thure pio fumant altaria, proque salute
 Principis imperiique Deum prece supplice adorat
 Inclinator humi populus, votisque fatigat.
 Ollis ætherea mundi Regnator ab arce
 Annuit, & mites isto sub Principe soles
 Promittens, nubesque simul ventosque removit,
 Atque serenato pulchrum dedit omen Olympo.

Ille autem patriæ rerumque capeffit habenas,
 Ingentique animo sæcli melioris amorem
 Induit, & clarorum hominum præstantia facta
 Proponitque sibi Princeps, imitandaque sumit
 Ipse: & ut humano generi didicisse probaret,
 Non sese sibi, præceptis quodcunque priorum
 Hauserat, ostendit depromptam pectore ab imo
 Virtutem, & varios hominum diffundit in usus;
 Intentusque bono pariter populique suoque
 Concipit imperii formam, qua possit utrumque
 Reddere fortunatum, aliisque excellere longè
 Principibus populisque. Ergo illum haud Martius ar-
 Imperiique sitis stimulat, nec ut orbis in oras (dor,
 Extendat famam, & spoliis decoratus opimis
 Insignes multa ducat de gente triumphos.
 Et bellum, & belli strepitus, demptasque peremptis
 Hostibus exuvias, & partas sanguine lauros
 Odit, & accensus Divæ melioris amore
 Pacem amat, & pacis studiis sese applicat omnem.
 Unica cura quies illi: non segnis inersque,
 Sed docta, & generosa, suo fed Principe digna,
 Æter-

Æternoque Deo similis. Deus ipse quiescit,
Atque quiescendo facit omnia. Spectat inanes
Et vanos hominum motus, passimque ruentes
In cædes & bella polo procul audit ab alto:
Ipse autem sese fruitur, placidusque recumbit
Ætheris in medio, & solo movet omnia nutu.
Non aliter, si divinis componere rebus
Humanas licet, imperium populique sui que
Ferdinandus ad exemplum supera alta tenentis
Temperat, & curas hominum, rabiemque, necemque
Haud consternatis animis, ac mente quieta
Despicit, atque sibi sese implicat. Utque benignum
Numen inexhaustos destillat ab æthere rores
Arentis terræ in gremium, pluviaque rigatam
Sole opportuno recreat, nutritque, fovetque,
Innumerisque beat plantis, atque ubere gleba
Exhilarat genus omne hominum, genus omne ani-
mantum :

Munifica sic usque manu sua commoda Princeps
In sibi parentes populos, subiectaque spargit
Oppida, continuoque sui dat signa favoris,
Mors Dei clementis. Et ut clementia virtus
Principis est, & sola Deo nos æquat: ita omnem
Ferdinandi animum Pulchri succendit amore,
Coelitibusque parem facit; & penetralia ad ista
Virtutes socias invitat, & agmine juncto
Secum unâ sanctamque Fidem, Fideique sororem,
Jam reducem, jam non terras hominesque perosam,
Justitiam trahit, & sacras admittit in ædes
Nunquam animo, nunquam templo meliore receptas.

Hoc sibi namque loco templum delegit habendum
Virtutum genus omne. Hanc confugiebat ad aram,
Clementique suam tenuit sub iudice caussam
Sæpe reus. Sæpe angustis in rebus amicam

Hinc

Hinc sensistis opem miseri, sensistis egeni;
 Et quæ non sensit regio? Jovis insula magni,
 Illa Asiæ, illa Europæ commune sepulcrum,
 Supremam exhalans animam; donantis amorem,
 Donaque conspexit Crete. Conspexit eundem,
 Arderet quando Getico trepida Austria bello,
 Laudavitque pios generosi pectoris ignes.
 Nempe suos illi cives, mundique clientes
 Auxiliante fovere manu, nullique negare
 Præsidium, ac facilem præbere adeuntibus aurem;
 Communique bono se impendere, summa voluptas
 Semper, & in gentes varias venturaque latè
 Sæcula nobilibus virtutem extendere factis.

Hæc illi ante oculos, hæc illi in pectore sola,
 Quique illam coluere viri, quos Itala tellus
 Produxit Latii è gremio, murisve Quirini,
 Brutique, Decique alacres, parvoque potentes
 Fabritii, & clari pariter belloque fideque
 Scipiadae, Fabiique, incorruptique Camilli,
 Contentusque suo sulco Serranus, & Urbi
 Non intellecti quondam Latioque Catones.

His animum stimulis Princeps acuebat honestum;
 Naturæque suæ genium, & præclara secutus
 Semina, pacato populo, pacemque colenti,
 Mollia jura dabat. Reputabat quippe, regentem
 Pastorem esse sui populi; populumque, regentis
 Esse gregem: utque suum pastor custodit ovile,
 Invisumque lupos pecus à præsepibus arcet:
 Sic, quibus imperium magni dat Rector Olympi,
 Rectores populorum, ursum more furentum,
 In cives, hominesque, manu sævire cruenta,
 Est indigna Deo res visa, Deique ministro.
 Ille, bonus placidusque, bonos placidosque ministros,
 Naturæque suæ similes, & pacis amantes

Eligit, atque suis custodes præficit aris.

Illius exemplo populumque gregemque regebat
Commissum, pacemque suo præstabat ovili
Pacificus Præsul, Paderæque ad flumina nota
Dilectas pascebat oves. Modo ducit easdem
Longius, & Paderæ deserto fonte beatis
Fluminis Hebræi lymphis, Siloësque salubri
Mersat aqua, & Solymæ per pascua læta vagantes
Graminibus reficit vivis, vivoque liquore.

Quin etiam his Solymes ostendit templa, sacrumque
Conscendit montem, & penetralia ad intima castos
Fert gressus, Numenque loci taciturnus adorat.

Exin sublimem prærupto vertice rupem,
Rupem infelicem, multorumque offibus albam,
Monstrat, ubi quondam nobis pro fontibus Agnus
Ille Dei nullo satiatum vulnere ferrum

Tinxit, & innocuo resperfit saxa cruore.
Nec non & Bethlæ campos, felicia rura,
Infantisque Dei cunabula monstrat, & antrum,
Parvum, obscurum antrum, quo primum vagiit ille
Humani generis Pastor, vallisque propinquæ
Pastores olim Puerum videre jacentem.

Quisque sacram veneratur humum, divinaque carpit
Pabula. Dumque suas Præsul Bethlæa per arva
Pascit oves, mollique sedet securus in umbra,
Pastorum in morem veterum, quorum ante cicutis
Dulcibus illi ipsi collesque amnesque sonabant,
Agrestem parili meditatus arundine Musam
Ipse canit, suavique gregem modulamine mulcet.

Nunc agite ô nunc, si quando, adspirate canenti
Pierides, cultamque mihi memorate Camænam
Principis Aonii, tantumque decentia vatem
Dicite; vos illum vestro fovistis in antro,
Et fontem monstrastis Hyantidos Hippocrenes;

Vos.

Vos teneras ad fila manus duxistis, & artem
 Pieriam primo puerum docuistis ab ævo.
 Vobis ille suos etiamnum dedicat annos.
 Quicquid enim, post imperii patriæque salutem,
 A bene tutandis ovibus populisque regendis
 Temporis ac vitæ superest, sibi scilicet uni
 Vindicat, & studio Musarum impendit amœno,
 Cantibus oblectans animum, vivitque vacatque
 Ipse sibi, atque gravi circumstantum undique rerum
 Mole fatigatam solatur carmine mentem.

Nec vero cantat vulgaria, seque minora,
 Quæque viris in principibus laudare solemus.
 Principe digna canit Princeps, Musisque propinquum;
 Et par fortunæ carmen facit, omne quod ævum
 Admiratur, & in seros sparsisse nepotes
 Gaudeat. Hæc certè tantum illi prodiga famæ
 Ingressit vivo, quantum post funera nullis
 Vatis ulla ætas aliis indulsit honoris.
 Et merito nam legitimo si examine solum,
 Principe deposito, vatem spectemus in illo,
 Non tantum ingeniis sese melioribus æquat
 Temporis hujus, at antiquis contendit, & acri
 Affectat palmam studio, dubiamque relinquit:
 Si vero vatis titulo conjungere nomen
 Principis, & simili positos in honore, vel isto
 Longè etiam majore, insignes artibus olim,
 Musarum insignes studiis, magnique poëtas
 Nominis, huic æquare Viro, aut conferre velimus,
 Nulli est assimulandus: & omnibus arte canendi
 Tantum exstat, quantum titulis & honoribus illi
 Privatorum hominum sortem, atque ignobile vulgus
 Exsuperant. Res rara autem, mirandaque, vates
 Inter præcipuos regnantem excellere, eoque
 Tendere, quod pauci vix pervenere poëta.

Interiora etenim, penitusque recondita norat
 Artis Apollinæ, solis & cognita mystis,
 Arcana, & Latii genium sermonis, & aptos
 Permulcendo animo numeros, numerisque politum
 Omnibus, ad normam sæcli melioris, & Urbis
 Invidiam, dextro pangebatur Apolline carmen,
 Quale sub Augusto condebat principe Roma.

Hæc ætas illi placuit, cum purius auro
 Curreret, ac totas simplex Facundia vires
 Exereret, culmenque suæ jam tangeret artis;
 Doctorumque virum proventu divite muros
 Impleret jam Roma suos, mundique superba
 Exuviis hominum sub leges mitteret ora,
 Et morem ingeniis præscriberet illa virorum,
 Illa poetarum nutrix, famamque canentum
 Finibus imperii, summoque æquaret Olympo;
 Imperioque potens gemino, linguæque suoque,
 Orbis & eloquii junctas agitaret habenas.

Hujus ad effigiem sese formabat, & acre
 Judicium docti majestatemque Maronis,
 Et varios Flacci numeros, Veneresque Catulli,
 Et faciles Ovidi Muses, tenerumque Tibullum,
 Simplice gaudentem cultu, grandemque Propertium,
 Artis Apollinæ linguæque exempla secutus
 Unica, diversis è vatibus optima quæque
 Carpebat, cuique eripiens, quod cuique decorum
 Præcipue, propriumque. Novos his jure poetas
 Adjicit, Ausoniæ Romæque recentis alumnos,
 Illustres Phœbi cultores, proxima primis,
 Et paria antiquis scribentes carmina, quorum
 Indubitata legunt æquo vestigia passu:
 Sinceros, Fracastorios, & ad æthera notos
 Flaminios & Naugerios, dilectaque Musis
 Nomina Amalthæos, & quos uberrima plures

Protulit ista ætas vates, vatumque parentem,
Atque ipsum celebrem facundo carmine Bembum.

Omnibus ex illis sese componit, & addit
Divite quod Natura manu concesserat illi,
Ingenioque suo simul, ingenioque priorum
Ufus, Apollineæ rupis fastigia plantis
Summa premit, montisque sacri de culmine colles
In patrios Grajasque trahit Latiasque Sorores,
Romanumque canit Germana per oppida carmen.

Cantanti applaudit Germania, plaudit & ipse
Cæsar, & Hercyniæ surgunt ad sidera silvæ.

Namque canebat, uti Veledæ memorabile nomen
His olim terris fuerit: quæ funera quondam
Ediderit, qualem Romana è gente triumphum
Egerit Arminius, grandi cum cædis acervo
Obstructi geimerent ripis spumantibus amnes:
Utque suo Drusus dictas de nomine fossas
Fecerit: utque novo Germanicus agmine Cæsar
Reliquias Vari, cæsis tot millibus, ultum
Iverit, insignemque patri construxerit aram:
Tum Magnum cantat Carolum, qui Saxona ferro
Fregit, & indomitam vario certamine gentem
Contudit, exuviasque suis crexit in arvis:
Cantat & hac ipsa, quo non præstantior alter,
Stirpe satum Pipinum, ipsum quem ferre tropæa
Vidit, & attonito spectavit lumine Rema:
Tum canit Amisii lymphas, centumque Visurgim
Navibus Arctoi currentem in cærula ponti:
Tum, Paderæ Fontes, hábitatum regibus olim,
Cæsaribusque locum: Paderæque ante omnia gratum
Præsulibus Padulum, nitidis qui lucidus undis
Purior electro fertur, laticemque ministrat
Egelidum, urentemque fugat de corpore febrim;
Quæque intestinos stomachi levat unda dolores:

Tum,

Tum, Fontem Resonantem, unda qui sæpe furente
Æstuat in morem pelagi, rursusque quietus
Sæpe fluit, subterque sinum telluris, ut amnis
Elidis, occulto furtivus labitur ore,
Submersumque suis iterum caput exerit undis.
Denique, ut illustri proavum virtute minores
Excitet, ac feros moneat stimuletque nepotes,
Furstenbergiaco sublime in monte tropæum
Erigit, atque suæ decus & merita inclyta gentis
Gentibus ac sæclis donat spectanda futuris.

Scilicet haud satis est majorum illustria facta
Aoniis celebrasse modis, patriamque disertis
Versibus illustrasse suam: de marmore moles
Excitat innumeras; passimque per oppida, & agros,
Quicquid habent campi memorabile, quicquid & ur-
Fluminaque, & fontes, potæque salubriter undæ, (bes,
Æternis mandat faxis, & carmine signat.
Ac veluti, si quis Latios percenscat agros,
Mille videt monumenta viis, & marmora doctis
Cæsa notis, geniumque sui testantia sæcli;
Antiquasque manus laudat, facundaque verba:
Haud secus erectas mirabitur undique moles
Finibus his, Latiamque illò migrasse viator
Credet humum, Dominumque soli veneratus ad astra
Tantum positorem operum sublimia tollet.
Illum urbes, campique; illum crepitante susurro
Fontesque, fluviique canent; vitæque parenti
Vivere jussa dabunt æternum marmora nomen:
Marmora non illic tantum spectanda, sed omni
Orbis terrarum populo, passimque videnda.
Spargit enim totum Paderæ Monumenta per orbem,
In lucemque trahit Princeps, populisque legenda
Ipse dat; & doctis chartis in sæcula mittit
Nominis atque suæ monumenta perennia famæ.

Tali in pace gregem pariter, populumque, suumque
 Pascebat Princeps animum, studiisque fovebat
 Aoniis, quando, de successore legendo
 Sollicitus, varias volvebat pectore curas
 Providus Angariæ præsul, si forte vocarent
 Fata senem. Frustra istum alius sperabat honorem,
 Quem Ferdinando Virtus Pietasque parabant.
 Eligit hunc Clemens; Adjutoremque tuendæ
 Destinât Angariæ: tu nunc eris alter ab illo,
 Inquit, & imperii frenum moderabere tanti.

Dicta fides sequitur. Bernardum fata tulerunt,
 Et Ferdinandus promissis imperat arvis:
 Invidiamque sua spectat securus ab arce.

Quid tibi vis autem, Livor? quid carmen, & artes
 Objicis Aonias? & nobilitate potentes
 Musarum studiis, Musarum fontibus arces?
 Non sic Romani veteres, Græcique solebant:
 Non sic, Isacidum populus. Dux signa præibat
 Amramides, populumque sui dulcedine cantûs,
 Per montes undarum, & per deserta sequentem,
 Lenibat, facilemque fugam præstabat eunti,
 Auctoremque fugæ, submersamque æquore Mem-
 Carminibus patriis, & grata voce sonabat. (phim
 Hebræas tenui mulcebat arundine silvas,
 Dum patrias custodit oves per pascua Bethlæ,
 Pastor Iëssides: sceptroque insignis & ostro
 Rex idem, pastorque hominum, sublime canebat
 Carmen, & à belli strepitu post horrida victor
 Prælia consuetas de more redibat ad artes,
 Pulsabatque lyram digitis regalibus auream
 Et vatum & regum clarissimus. Audiit illum
 Ipse Deus, placuitque suo modulamine vates.
 Quid referam Grajos, Grajûmque exempla secutos
 Romulidas, quibus in populis divina Poësis

Sedem habuit, gladioque simul calamoque potentes
Protulit heroas, vatesque, aut vatibus ipsis,
Et vatum addictos studiis? Comitatus Homero
Ibat, in extremas Asiæ cum tenderet oras,
Terrarum victor Macedo, Macetumque sarissis
Cornua devictus submitteret aurea Ganges.
Ille triumphatæ domitor Carthagini, ille
Scipio, magnificum cui contulit Africa nomen
Armorum clangorem inter, bellicæ tumultus,
Dulcibus attendit Musis; terrasque per omnes
Assumpsit comitem, nec in ipsa morte revelli
A sese voluit Calabrum post funera vatem.
Quid quod & in medio belli discrimine Cæsar
Julius, inque suis pangebatur carmina castris?
Nec minus Augustus, Divi genus, aurea condens
Sæcula devictis jam gentibus, aurea fecit
Carmina; nec puduit, pacatis omnibus oris,
Tanta in fortuna positum, qua frena teneret
Imperii, ac toti morem præscriberet orbi,
Terrarum domina carmen conscribere dextra.
Quin & nostra suos habuerunt sæcula vates,
Carminibus componendis, populisque regendis,
Clarosque eximiosque. Tuæ decus, Austria, gentis
Maximilianus Apollinea caput arbore Primus
Induit, & geminâ velavit tempora lauro,
Cæsaris insignis titulo, vatisque. Quis autem,
Quis procul ille virum, Romæ qui collibus altis
Insidet, ac læva citharam sustentat eburnam,
Crinibus ornatus niveis, triplicique corona?
Agnosco augustumque senem, summumque poetam,
Cujus ad insolitos cantus Rhodopeia tellus
Intremuit, movitque suas Victoria pennas.
Hic vir, hic ille, decus vatum, decus Urbis, & ævi,
Urbanus, qui subiecto, cui præsidet, orbe

Nil minor, attonitas trahit ad sua carmina gentes.
 Jam vero magno Urbano dignissimus hæres
 Magnus Alexander? clarum hic quoque culmine Pin-
 Nomen habet, vatesque alios supereminet, ambo (di
 Orbis terrarum moderamine, versibus ambo
 Insignes, par Pontificum, par nobile vatum,
 Qui nunc laudandi pariter, pariterque legendi,
 Doctorum volitant hominum, Famæque, per ora.

Quid moror exemplis te pluribus, inclyte Præsul,
 Unus tu quoniam mihi sufficis, & tua Musa
 Grande secuturis exemplum suggerit annis?
 Tu Clarios fontes, Clarios tu denique vates
 Afferis, & duplici imperio mitraque decorus
 Ardua Pierii conscendis culmina montis,
 Invitasque alios; summoque è vertice palmas,
 Et lauros, & quærendos ostendis honores,
 Illustresque viros ad facta illustria ducis.

Tu proavûm ceris, Princeps generose, tuisque
 Non magis illustris titulis, quam carminis arte,
 Splendidius ceris & honoribus inde parabis
 Nomen, & ignava duces de morte triumphum,
 Culmine Parnassi positus; veterisque, tuique
 Præcipuos inter vates memoraberis ævi.

Te tua, te tellus Italûm, te Gallia tellus,
 Te varii passim populi, longeque remota
 Ora canent: te nostra ætas, te postera sæcla,
 Venturique legent, mirabunturque, nepotes.

Sed quid ego, ingenti Musarum abreptus amore,
 Dum vatum canto præconia, teque poëtam,
 Præsulis, atque recens parti obliviscor honoris,
 Angariæ quando terras tibi fata dederunt?
 Scilicet hoc meritisque tuis, tituloque priori
 Deerat adhuc. geminata tuos premit insula crines.
 Quique tibi Paderæ sacram subjecerat urbem

Latius imperium pandit Deus, & Mimigardam,
 Comuni tibi jam assignat ditione regendam.
 Unum illas desiderium tua iussa sequendi,
 Idem illas instigat amor. nova gaudia passim
 Concipiunt, tolluntque suas ad sidera voces,
 Te pacem inducente tuis atque otia terris.
 Nec minus his bona cuncta sibi, te præfide rerum,
 Finitimi sperant populi. nullum Isala bellum
 Hinc timet; & sociam gavisâ Sicambria dextram
 Porrigit Angariæ. veteres illa exuit iras,
 Quanquam armis, quanquam bellis adfucta, sui que
 Transít in ingenium Domini, moremque Regentis,
 Jam lenis, jam composito mitissima bello.
 Insolitos certe motus mea patria tellus
 Sentit, & æternam post prælia longa quietem,
 Æternam populo pacem promittit utrique
 Non dissolvendo tibi juncta Batavia vinclo.
 Te dudum votis petiit: tibi frena tenenti
 Plaudit, & impositum capiti gratatur honorem,
 Atque tibi, atque tuis optat læta omnia terris.

Quod si jam votis patriæ mea jungere, Princeps,
 Vota licet; finemque meis inponere Musis
 Omne felici fas est: Te maximus æther
 Respiciat, vultuque juvet clemente, suumque
 Depositum longum ornandis, longumque regendis
 His superesse velit terris, & non, nisi vitæ
 Jam saturum, serumque, suis accenseat astris.
 Ille tibi, dum terram habitas, terrestria vivo
 Commoda det, corpus vegetum, viridemque senec-
 Quamque tibi tribuit fortunam, donet eadem (tam;
 Posse frui. Tu vero animo, tu, quo prius, ore
 Perge fovere tuos, &, quæ facis, usque tuere
 Otia. Sic te semper amet, sic te colat orbis,
 Quem regis; imperiique tui moderamine læta

56 P E T R I F R A N C I I

Floreat Angaria, & Paderæ contermina tellus.
 Sic tua Pierides, neglecto culmine Pindi,
 Tecta colant, & te multo venerentur honore
 Phœbumque Patremque suum. Sic limina ad ista
 Innumeri veniant vates, & debita portent
 Munera, suspendantque tuo sua carmina templo:
 Teque, loci numen, sublimi in monte sedentem
 Mille canant linguis, mille oribus, & tua latè
 Nomina concordî tollant super æthera versu.
 Sic mea, si qua meæ quoque gratia, se tibi Musa
 Dedat, & omne sui spatium tibi consecret ævi,
 Devoveatque suos, si qua hinc tibi gloria, cantus.



HEROICORUM

LIBER TERTIUS.


AD EUNDEM

Celsissimum ac Reverendissimum Principem

FERDINANDUM,

*Paderbornensem & Monasteriensem
Episcopum,*

EUCHARISTICON.

 Urge, age Calliopea, novumque ordire laborem,Et Ferdinandi dictas modò dicere laudes
Incipe. Respexit vultu nos ille benigno,

Ingentique meum dotavit munere carmen.

Surge age, & insignem victrix molire triumphum.

Indue sepositas vestes, caput indue lauro;

Atque iterum fidibusque novis, numerisque, modisque

Præsulis Aonii generosum pectus, & istum

Commemora, quo me Præsul dignatur, honorem.

Et vos, ô vatum communia Numina Musæ,

Vos unà exultate, animisque faventibus unà

Debita magnanimo præconia Ferdinando

Dicite, & huc pedibus, Divæ, properate secundis.

Vester honos agitur. vobis hæc otia, vobis,

Quæ facit ille mihi, Princeps facit. Ite frequentes,

Ite citæ; multaque Virum virtute decorum,
Multa animi dote eximium celebrate canendo,
Atque secuturis narrate nepotibus olim.

Ignava dudum mersæ caligine Musæ
Sedibus errabant dubiis; & culmine Pindi,
Culmine Parnassi, totoque Helicone fugatæ
Quærebant sedesque novas, alioque tenendum
Orbe locum: jamque Aufoniæ sibi cognita quondam
Lustrabant arva, & dominæ templa ardua Romæ;
Gallica jam per rura, suis habitata Camœnis
Rura, vagabantur mœstæ, doctasque petebant
Lutetias; jam, Gallorum tellure relictæ,
Per Belgas, Batavosque, & dilectas prius urbes,
Diversis errabundæ regionibus ibant.
Nusquam optata quies. non illis aula regentum,
Non illis magnatum ædes, non ulla patebant
Atria. privatis laribus domibusque receptæ
Vivebant, solæque sua sese arte levabant.
Nullus honos, nullus cultus squalentibus illis
Corporis, ingeniive. silent citharæque lyræque,
Nec quicquam, nisi triste melos, nisi flebile carmen
Ingeminant. marcent lauri: nec jam amplius undam
Castalii præbent, obstructis fontibus, amnes,
Ex quo deseruere vagæ sua culmina Divæ.

Viderat errantes, solitoque nitore carentes
Ferdinandus, & exilium miseratus iniquum
Excipit hospitio profugas tectoque Camœnas.
Nulla mora est. alii cultus, alia ora repente
Emicuere. prior facies, & digna Deabus
Forma redit: rediere artes; & pectine læto
Artis Apollinæ doctæ cecinere Magistræ
Suave melos: fidibus resonant tecta alta canoris.
Hic sedes illis stabiles, tandemque quietas,
Magnanimus donat Princeps: aulaque receptas

Interiore Deas omni pietate fideque,
 Omni relligione colit, recreatque fovetque,
 Altricesque suas animo sustentat alumno.

Scilicet ista tuæ, Germania, gloria terræ
 Debita, sacrorum Phœbo non larga virorum
 Ante parens, nunc Principibus fœcunda poëtis,
 Ista reservata est tibi gloria. Surgite silvæ
 Hercyniæ, totoque comas expandite Olympo.
 Tuque adeo, Germanarum dominator aquarum,
 Seu te Istrum, seu Danubium cognomine dicunt;
 Et tu Rhene pater, diversum ab origine prima
 Quamlibet itis iter, causa nunc lætus eadem
 Findite uterque solum, latèque vagantibus undis
 Stringite subjectam majore volumine ripam.
 At tu præcipue, Angariæ modò rustica tellus,
 Nunc studia, & doctas gremio complexa Sorores,
 Principe Ferdinando, Italis qui advexit ab oris
 Ausoniæ quondam dulces telluris Alumnas,
 Tu gaude exultaque, & tanto Vate superba (phos.
 Ducagedum, ductandem alios Mimigarda trium-
 Tuque tuo cara ante omnes, dilectaque semper
 Urbs Domino, gratare tuq Padeborna fluento:
 Et vos vicini colles, genèraliaque arcis
 Culmina Neuhusiæ, Musis loca nata fovendis,
 Tollite sublimes cœlo capita ardua turres.
 Vos habitat Ferdinandus, vos invehit astris,
 Vos Musis addicit. amant hæc culmina Musæ.
 Nec jam illas Pindi, nec jam bifidi Parnassi
 Tangit amor. sordent Graji, juga barbara, montes,
 Neuhusio præ colle: placent ante omnia colles
 Neuhusii: dignos Musis ubi reddit honores
 Devotus Musis Princeps: ubi larga rependit
 Munera, nec steriles cantantum præmia lauros.

Senserat hoc, famamque Viri generosaque dudum
 No-

Nomina per terras passim disperferat omnes
 Rumor, & attonitos exciverat undique vates.
 Ocyus accurrunt alacres, facundaque plectra
 Principis Angarii in titulos vocemque resolvunt
 Dilecti Phœbo vates, & ab omnibus oris
 Agmine conveniunt denso. venit accola Rheni,
 Accola Danubii: vitrei qui prata Visurgis
 Calcat, & Amisii liquidam spatiat ad undam:
 Qui Scaldim Mosamque tenent, Rhenive bicornis
 Margine cærulei degunt prope litora ponti: (gro
 Qui Ligerim, Rhodanumque bibunt; quos gurgite pi-
 Lambit Arar; quos fœcundo rigat amne Garumna;
 Et quos Sequanidum stringit Rex altus aquarum:
 Sebethi quicunque undam, Tiberinaque potant
 Flumina; formoso quos gurgite dividit Arnus,
 Vorticibusque secat rapidis Phaëthontius amnis;
 Et quos vicinis Athesis pater alluit undis.
 Uno omnes illum ore sonant, illum æthere tota
 Annibus exciti patriis modulantur olores,
 Certatimque suis tollunt ad sidera pennis.

Ipse sub herbofo spatiosæ margine ripæ
 Editus, ex illo dictam qua lubricus urbem
 Influit & vasti miscetur fluctibus Yæ
 Amstela, cycnorum exemplo hortatuque priorum,
 Arte laboratas humeris audacibus alas
 Ausus sum induere, & pariles tentare volatus
 Ales ego, insuetumque novo petere aëra cursu,
 Herois fama, & magno stimulatus amore.
 Nam quis non cantet, quis non amet, omnium amo-
 Qui meruit? quis carminibus fidibusque Latinis (rem
 Insignem, vatemque ipsum, vatesque juvantem
 Usque alios, summo vates non æquet Olympo?
 Certe ego qui primis suspexi semper ab annis
 Dulcia Pieridum studia, & præclara canentum

Carmina, divini cœlestia Principis ora,
 Et quam fœcundo promit de pectore Suadam
 Non potui non mirari, cœlique sub auras
 Ferre meis numeris dilectum ad sidera nomen.
 Nam si in privatis res sacra & sancta Poësis
 Creditur, excelsa natis in honore loquor,
 Principibusque viris si dos obvenit ista,
 Qualis censeretur debet? quo carmine dici?
 Hinc mihi primatui, Princeps, causa orta colendi.
 Primus & ingenio venit calor. Ocyus omnem
 Desidiam superare, & inertia rumpere vincula
 Musa dedit. Paderat mox sacra subivimus antra,
 Imparibusque tuam pedibus calcavimus aulam.
 Antra patent, patet aula, & nulli clausa poetæ
 Janua. Tu vultu læto, tu fronte serena
 Excipis ipse meas, vatum celsissime, Musas,
 Et legis, & laudas etiam, claustroque fideli
 Asservare jubes nostros tua scrinia versus.
 Quin & præsentem præsens admittis ad ora
 Me tua. me mensis adhibes epulisque Deorum,
 Inter honoratos comites, quando inclyta terræ
 Moenia lustrares Batavæ, patriique relicto
 Fonte Padi hanc nostram, docta stipante caterva,
 Sepositis premeres titulis & honoribus urbem.
 Quæ species! qui frontis honos! quantum instar in illa!
 Qui cultus, quæ forma Viro! quæ gratia fandi!
 Quæ verbis, dictisque fides! quæ copia linguæ
 Ausoniæ! quæ cognitio & prudentia rerum!
 Quam blandi rursus vultus tibi, quamque remissi,
 Vixque tui; par ut possis similisque videri
 Privatis, nobisque! meæ præconia Musæ (cum tu
 Nam quid commemorem, Princeps, mea carmina
 Per me oblata tibi legeres, atque ore favente
 Prosequerere meos numeros, blandisque canentem
 Vo-

Vocibus, ac verbis exhortareris amicis?
His ego devinctus meritis, non dona petendi,
Non tibi adulandi studio (quod abominor) ullo,
Te cecini, laudesque tuas; tibi condita misi
Carmina, facundum latè spargentia nomen.
Adspicis ore meas & eodem lumine Musas
Quo prius, & multi eloquii, multique favoris
Plena tuum nobis, Princeps, testatur amorem
Littera, quasque mihi nunquam meruisse licebit,
Quas sperare nefas fuerat, me laudibus ultro
Accumulat, vatumque sacro numeroque choroque
Inferit, atque meas aliquid putat esse Camœnas.
Nec satis: insignem huic alium superaddis honorem,
Ornatumque tuis verbis calamoque poëtam
Ipsis exornas rebus, laudumque tuarum
Insuper eximio præconem munere donas.
Admirer quidnam prius hîc? num nobile donum?
Num dantem, dantisque animum, caussamque, mo-
dumque

Donandi? ardoremne illum, suavissima quo tu
Musarum studia, & Clarias amplecteris artes?
Exiguum certè non est, & principe dignum
Munus, & huic ipsi, qua tu splendesque nitesque,
Fortunæ bene conveniens, quod habere dedisti.
Fallor, an auratos mediis è nubibus imbres
Depluit, & pluvio castus descendit in auro
Iuppiter? an nostro redeunt sæcla aurea mundo?
Tempora tu sanè nobis ea reddis, & ævo
Saturni primoque orbi quod defuit aurum
Huic nostro impendis sæclo, foecundaque passim
Munera per varias terrarum dividis oras.
Rarus honos, quiscunque viris ille obtigit, & quem
Tanti equidem facio, si fas modo dicere, quanti
Ferdinande tuum, quo nil mihi majus, amorem.

Verum

Verum ut per sese pretiosum munus ab ipso
 Dante capit pretium, qui rem commendat; & inde
 Grator accipienti eadem atque acceptior illa
 Esse solet: sic munus idem tu extendis, & auges
 Ipsius doni pretium: nec tam mihi donum,
 Quam dator; aut munus placuit, quam muneris auc-
 Res magna est, tali donari munere; major, (tor.
 A tali tantoque. Tuo de nomine, Princeps,
 Omnis honos, omnis, quæ certè summa, redundat
 Gloria. Sublimi te fors tua sede locavit:
 Tu gemina fulges mitra: tu duplici freno
 Subjectas latè gentes moderaris, & urbes.
 Et si principibus rerumque potentibus haud est
 Ultima laus placuisse viris; quæ gloria Musæ
 Parta meæ, Domino undarum, Padeborna, tuarum
 Quæ placuit, placuitque tuo, Mimigarda, Regenti?
 Contigit hic solus nec honos mihi: glorior illo
 Principe, Regnantes ignoscite, glorior illo
 Vate magis: nostros intelligit ille labores,
 Ipse poëta, poëtarum clarissimus ipse.
 Nec vero vatum è numero solertior alter
 Aut versus facere, aut factos dignoscere versus,
 Hoc uno sôloque, omnem qui pectore Cyrrham
 Inbibit, & Latîæ penetravit in abdita linguæ,
 Sacratum dudum Phœbo Musisque Sacerdos.
 Confectos sed enim cursus, doctissime Præsul,
 Quid relegam, rursusque alto dans lintea ponto
 Non renovanda tuæ repetam præconia Musæ?
 Jampridem terras illis implevit, & omnem
 Fama polum; noruntque tuas spatia ultima Musas,
 Istaque venturi discent monumenta minores.
 Tu modò, Pierides aliquam quo iudice famam
 Invenere meæ, mihi tu sine gratuler isto
 Nomine, néve tuas offendam his vocibus aures.

Est quiddam placuisse tibi. te nostra superbit
 Musa, nec Icarii meminit temeraria fati.
 Nunc aliquid spondet de se sibi, nunc pede summam
 Tangit humum, nunc aërias se attollit in auras.
 Et merito. nam, privatis placuisse poëtis,
 Si pulchrum egregiumque; tibi potuisse placere,
 Quam pulchrum illud idem, tanto Vati que Viroque?

Addè quod est animi, nec tu, reor, ipse negabis,
 Æternumque tui monumentum & pignus amoris,
 Quod tua magnificum tribuit mihi dextera donum.
 Quid dubitem? prorumpit; & indubitanda relinquit
 Signa sui; verbisque simul se prodit, & ipsis,
 Signa quibus nequeunt magis esse potentia, rebus.

At quæ te ratio, Princeps, quæ denique caussa
 Impulit, hoc ipso afficeres ut honore, nec istum,
 Nec minimum, qui se meruisse fatetur honorem?
 Certè ego tale nihil merui: meruisse putasti
 Tu modò me. tu, qui per sese non satis illo
 Dignus erat, dignum ipse facis. sententia sitne
 Iusta, an iusta parum, non nostrum est dicere. tu me
 Esse putas talem. Lætor, fileoque: tuumque
 Judicium non agnosco, sed pronus adoro.

Nec vero votis illud precibusve pudendis
 Extorxi, aut aliqua prensavi callidus arte,
 Elicuique tuum missò tibi carmine donum.
 Nil petii, nil speravi: tu porrigis ipse.
 Utque ego spontè tuæ cecini præconia Musæ,
 Artis Apollinæ solo plectus amore,
 Atque tui; dum virtutes mecum ipse revolve,
 Admirorque tuas: ita tu mea verba, meumque
 Spontè vicissim alio pensasti munere munus,
 Quando tibi non displicui, si credere verbis
 Est mihi Ferdinande tuis, ut credere iustum est.

Quare nominibus longè mihi gratius istis

Esse tuum debet munus, quia munus, & auctor
 Muneris, auctorisque animus, ratioque, modusque,
 Omnia plena tui, generosaque: quo mihi monstras
 Quod pretium sacris, quæ quantaque præmia Musis,
 Musarumque sacris cultoribus, optime Princeps,
 Esse velis. Florent Clariæ te vate Sorores,
 Ingenti quas tu studio, ingentique calore
 Et nutriti, & porro nutrire laboras.

Et quid principibus præclarius, aut mage dignum
 Esse queat, quam si Aonias & Palladis artes
 Promoveant, foveantque? Nihil nec sanguine Avorum
 Nec titulis æquabilius, meliusve, magisve
 Eximium. Saltent alii, ducantque choreas:
 Contendant alii rudibus, tractentque periti
 Armorum genus omne: feras petat ille fugaces, (prum:
 Aut cervum, aut leporem, aut metuendum viribus a-
 Hic agilem conscendat equum, flectatque volentem
 In gyrum, & gressus doceat glomerare superbos:
 Hic sese in medios, qua Mars acerrimus, hostes
 Ingerat, & multo pecudumque hominumque cruore
 Fœdet humum, curruque sedens sublimis eburno
 Strage virum innumera, & spoliis exultet ademptis:
 Qui vero pulchram divinæ particulam auræ
 Excolit, & longè potiore corpore mentem,
 Is verè demum mihi nobilis, is mihi princeps,
 Is mihi homo, multoque aliis humanior, ipsi
 Proximiorque Deo est, qui mens est totus, & omnem
 Mente sua terrarum orbem, cœlumque gubernat,
 Unde genus nostrum deducimus, & sumus illud
 Quod sumus, æthereo deductum germen Olympo.
 Sedibus his igitur, nostrique ab origine prima
 Quisquis degenerat minimum, minimumque recedit,
 Atque iterum sese in superas mente asserit auras,
 Major habendus homo est, major, me iudice, princeps.

Est etenim in populo princeps, nisi me mea fallunt
 Arbitria, in bello quod dux, in puppe magister.
 Hic homines regit, ille ratem: prudentia ubique
 Regnat, & assiduum mentis, non corporis, usum
 Flagitat, atque oculis animi videt omnia puris.
 Illa ducem, aurigamque facit; facit illa regentem.

Laus ea, Ferdinande, tua est. Tu mente sagaci,
 Prudenti tu consilio, tu legibus æquis
 Parentem frenas populum: tu Palladis igne
 Usque cales, vigilemque animum nunquamque re-
 Assiduo intendis studio: tu, percitus cæstro (missum
 Pectus Apollineo, Musarum dulcibus undis
 Ora rigas, Padulique sacrum projectus ad antrum
 Ignotas vulgo latebras scrutaris & umbras.
 Hic tu divinam (quid enim divinius illa,
 Utpote quæ cæli donum, delapsaque cælo?)
 Exerces artem; doctisque Sororibus ultro
 Hospitium indulges placidum; semperque sereno
 Dotibus insignes ullis, aut dotibus istis,
 Excipis ore viros; & claros carmine vates
 Muneribus ditas variis, & messibus aurëis.

O generose animi, quem pulchro à tramite Recti
 Corrupti non avertunt contagia sæcli!
 Tu sæclum, tu fortunam, tu regia supra
 Culmina, dilectas dulcesque ante omnia Musas
 Ipse colis, parilique animo sacra ista colentes
 Diligis, atque aliis scriptum non dente maligno
 Rodis opus, quia par primis, quia pectus honestum
 Est tibi, & ingenuas animus formatus in artes
 Tu cuiquam invidas, Princeps? tu nostra repellas
 Carmina? collaudas etiam: præclaraque nobis,
 Invidiosa super præconia, munera donas.

Nempe ita Naturæ visum est, quæ semina clavis
 Indidit ista viris; rerumque ad grandia natos,
 Quos

Quos famæ, quos laudis amor, venturaque tangit
Gloria, perpetuo Musarum inflammat amore.

Musa viros bello egregios, atque horrida cantat
Prælia: Musa mori prohibet, famamque perennem,
Seraque victurum donat per sæcula nomen.

Troja quid, & magnus Trojæ populator Achilles,
Æneas quid Dardanius, quid conditor Urbis,

Quid Pœnus, quid Pœnorum post segnia victor
Fata foret? quid Pompejus, quid Cæsar, & ille

Qui septemgeminis Romæ de collibus orbem
Sub pedibus vidit domitum, si barbara sæcla

Obstarent meritis, & iniqua silentia, tantis?

Idem equidem tumulus, qui corpora texit, & omnem
Obrueret famam pariter, longaque sepulti

Nocte, sub æternis tenebris, sine honore, sine ullo
Nomine, neglecti dudum, ignotique jacerent.

Unde, neque immerito, clava tergoque leonis
Insignem, Jove progenitum, Jovis arce receptum,

Monstrorum domitorem illum truciumque ferarum,
Musarum quoque fautorem cordata vetustas

Finit, & admonuit claros docuitque nepotes,

Nominis ut curam gererent, ævumque per omne
Ultima mansuris irent in sæcula chartis.

Illud idem Æacidum pulchro de semine cretus,
Extremum sibi qui Gangem subjecit & Indum,

Inviectus vidit Macedo. Rerum ille suarum

Tot circumseptus scriptoribus, Hæctoris urbem,

Et consanguinei spectans in litore bustum,

Constitit ingemuitque tamen, juvenique beato

Inviditque suum, sibi que exoptavit, Homerum.

Hic etenim est magnis innatus mentibus ardor:

Magna petunt. vulgare nihil placet: omnia celsa,

Omnia summa juvant. & quo quis major, eodem

Hoc ipso calet igne magis, majoraque semper

Ambit, & æternæ laudis stimulat amor.
Namque nec humano generi frustra ista cupido
Ingenita est, neque laus omnis spernenda, nec omnis
Mentibus extirpanda eradicandaque nostris
Gloria, magnarum calcar faxque unica rerum.
Hac sine nil agitur, nil scribitur: hac sine torpent
Omnia, & æterno vincitur frigore mundus.
Hæc eadem bello claros, dextraque timendos
Cogit in arma viros: eadem studiosa fatigat
Pectora, nec totas patitur requiescere noctes.
Uno ambo flagrant studio: ferventibus ardent
Ambo animis: ambo stimulis agitantur honestis.
Urit amor; blanditur honos; invitat honorum
Fama comes; longumque decus, laurosque perennes,
Venturumque suis spondet cultoribus ævum. (vam

Tu quoque, qui bellicæ Deam ingenique Miner-
Ritè colis, non qua illa manu fert angue minantem
Ægida, sed mitem populis prætendit olivam;
Tu quoque (nec pudeat, nec te, precor, ignis honesti
Poeniteat) facibus, Princeps, accenderis istis.
Tu quoque, quo magnæ mentes ducuntur, amore
Nominis æterni, pulchræque cupidine famæ
Ducers, atque animo venturum prospicis ævum.
Scilicet haud nihil est, justique rectique bonique
Conscia mens, & dote sua sibi cognita virtus,
Et meritis innixa sui fiducia tantis,
Et laus, & fama, & sæcli venientis imago,
Et duraturum nullo non tempore nomen.
Quod quanquam ipse tibi possis dare: quod tibi quan-
Ipse tua dudum dederis virtute, nec ullo (quam
Ullius indigeas calamo: tamen undique laudes,
Et seros, quos ipse equidem non poscis, honores
Cum tribuant, unoque tibi dent ore poetæ;
Teque, vel invitum, cœlo superisque reponant
Sedi-

Sedibus, ac sæclis tradant memorentque futuris:
 Ne quæso indignere, pio si pectoris æstu
 Motus ego, ingentique tui percussus amore,
 Præconum in partem veniam vatumque tuorum.
 Nam quis te norit, nec prædicet? omnia spontè
 In laudes sese ora tuas, animique resolvunt.
 Tu facis ingenium: tu verba canentibus apta
 Suggestis; & stimulos acres sub pectore condis.

Artibus hoc etenim proprium, de more regentis
 Ut vigeant, sumantque suo de principe vires.
 Hujus ad exemplum se quisque effingit, & artes
 Excolit, ipse quibus princeps famamque decusque
 Conciliat. Nam quanquam humili nos gloria sæpe
 Tollat humo, seque ipsa suo mens incitet œstro,
 Jam fortisque valensque: tamen non acrior ullus
 Irritat mentem stimulus, quam principis aura.
 Ille animos, magna ille animis calcaria subdit:
 Ille suum studiis pretium, sua denique ponit
 Præmia. vel segnes accendunt præmia mentes.
 Nonne videmus, ut Eleo de carcere fusus
 Pulsset humum sonipes, vicinaque flumina Pisæ
 Pervolitet, donec mediam dimensus arenam
 Radat Olympiæ victor spatia ultima metæ?
 Defluit ex humeris sudor: rota pulvere fervet.
 Usque adeo palmæ nil non affectat amore!
 Idem artes agit ardor: amant & præmia Musæ;
 Nec generosa suas despectant pectora palmas.
 Virtuti hic debetur honos. hic excitat illam:
 Hic acuit. Non olim aliâ caput intulit astris
 Roma viâ, linguaque viros dextraque valentes
 Felici eduxit foetu. promisit honores,
 Promisit titulos; septemque è montibus orbis
 Romani latè undantes ostendit habenas.
 Nunquam alias tantum Suada, aut Mavortia virtus

Enituit. tunc æthereas eadem inclita mater
 Scipiaden, cladem Libyæ, produxit in auras:
 Et te Romanæ, Tulli, facundia linguæ.
 Quippe ibi sunt artes, ubi præmia. præmia desint,
 Ipsæ deficient artes, spissaque jacebit
 Barbaric, spissa obductus ferrugine mundus.

Hæc, si cujusquam, tua gloria: tu sua Musis
 Præmia, tu meritos, Princeps, concedis honores;
 Divitiasque manu larga, nec parca refundis
 Munera: cumque suis reliquæ cultoribus artes
 Sufficiant fructum, & multa sint messe benignæ,
 Sola poëtarum studia infœcunda relinqui,
 Cominodaque ingeniis steriles dare nulla Camœnas,
 Indignum injustumque putas; &, præter inanem
 Applausum, præter lauros, consuetaque Phœbi
 Serta, istis aliquid palmis pretiosius addis.
 Nec frustra. invitant Musas ea præmia nostras,
 Accenduntque, acuuntque, &, quo jam spontè ruebant,
 Dulcibus inpellunt stimulis. En, undique vates
 Deproperant, limenque tuum turba omnis adorat.
 Ut Clariæ florent artes! ut carmina fundit,
 Ut plaudit tibi quisque; suo dum monte fugatas
 Collè tuo, tectoque foves meliore Sorores!

Namque viris in principibus quid pulchrius, aut quid
 Laudandum magis, Aonidum quam sacra colentes
 Assiduo ante omnes studio, Aonidasque fovere?
 Hic labor, eximiis hæc ævo semper ab omni
 Cura viris. Sic quadriiugo per litora curru
 Vexit Aristoniden, multo ditavit & auro,
 Trinaerii rector populi. Sic, Martis alumnus,
 Magnus Alexander, Persas dum vincit & Indos,
 Scriptores tamen innumeros ope sedulus omni
 Nutriit, & parilem Musarum ostendit amorem.
 Talis ab hoc ipso posita Ptolomæus in urbe

Artibus ingenioque viros calamoque potentes,
 Undique conquirebat, & ære domoque juvabat,
 Regibus exemplum egregium sæclisque futuris.
 Talis & ille fuit, Turri qui celsus ab alta
 Effudit sua dona, canendique arte peritos
 Muneribus variis opibusque ingentibus auxit,
 Tuscus eques; claro cujus de nomine nomen
 Post tot Musarum fautores sæcula servant.
 Vicerit Augustus Siculos, multoque cruore
 Tinxerit Æmathios, genitor ceu tinxerat, agros:
 Fuderit Actiacas puppes; vinætoque duello
 Egerit insignes, domita tellure, triumphos:
 Ille dedit Flaccos orbi; dedit ille Marones.
 Finibus ejectus patriis, prope flumina Mincî
 Mœerebat Maro: mox dominam pervenit in urbem
 Nudus, & erepto proavorum pauper agello.
 Accipe agros, inquit Mæcenas; accipe, vates,
 Divitias; en digna tuis, en, præmia Musis.
 Nec mora: majorem vates sub pectore flammam
 Sentit, & antiquos Galatææ despicit ignes.
 Concipit Ænean; bellumque, & prælia cantat
 Itala, qui tenui Culicem modò luserat ore.
 Adjice Scipiaden, Calabræ quo vindice Musæ
 Attollunt lætum cœlo caput: adjice Magnum
 Pompejum, cultumque suo dictumque Tibullo
 Messalam; lacrymasque inter gemitusque Sororis
 Immatura nimis Marcelli fata gementem
 Fascibus Augustum positis, Flaccumque Maronem-
 Etruscò pariter cum Mæcenate foventem. (que ...

Non aliter, dederat tenebris ubi terga fugatis
 Barbaries, gentis Medicæ gloria Cosmus
 Maxima, & ejusdem gentis spes altera Laurens,
 Pierias omni officio studioque sorores
 Demeruere. illæ tectis primisque relictis

Sedibus Ionios ingenti examine fluctus
 Trajiciunt, intrantque tuos, Florentia, muros. (nam,
 Nec minus his Romamque suam, terramque Lati-
 Ausoniamque omnem, de semine natus eodem
 (Seu transmittuntur majorum in semine vires,
 Seu Domui id proprium huic) doctorum divite messe
 Complebat, donisque suis & munere crebro
 Artis Apollineæ gnaros citharæque scientes
 Ad se pellexit Decimus Leo, maximus ille
 Antistes studiorum. undabant Itala passim
 Oppida Pieriis, undabant arva, catervis.
 Non ego Gregorium, qui tramite pulcher eodem
 Pressit magnanimi vestigia sacra Leonis,
 Prætereo: non Franciscum cognomine Primum,
 Sequanidum, cœlo attollit quos gloria, Regum
 Grande decus; quo vix alium regionibus ullis
 Majorem Mæcenatem videre Camœnæ.

Nec tu carminibus non dicta tacebere nostris
 Urbs Venetum, quæ Sincero tam grande dedisti
 Exiguo donum pro carmine: non ego Bembum,
 Non ego Flamini fauorem, non ego Magnum
 Hic Carolum, Carolumve tuum Ronsarde filebo.

Prisca quid adduco, proavitaque? Vidit & ætas
 Nostra, virum dicam regemque, an rege viroque
 Majorem reginam? artes quæ docta Pelasgas,
 Et Latias, sumptu ingenti invitavit utrasque
 In Boream, & Geticæ sidus glaciale sub Ursæ,
 Intactam Musis terram: doctæque Minervæ
 Æmula, nunc Martem exercet, nunc mollibus ulnis
 Regalique artes gremio foveat, altera Pallas.

Quis tum ibi confluxus, doctorum quanta virorum
 Copia! qui, qualesque viri! quæ gloria Musis
 Addita, Christina gelidos frenante Triones!

Arctæas vixdum Regina reliquerat oras,

Quan-

Quando illas unà profugæ liquere Camœnæ
 Ocyus, & celsam Luparæ venere sub aulam.
 Hic sedes illis placidas, æternaque templa,
 Maximus assignat Lodovix, clarissima gentis
 Gloria Borboniæ, quo nunc moderante superbit
 Gallia, & ingentes attollit Sequana fluctus.
 Ille decus bellatorum, regumque potentum,
 Mille reportatis dextra victrice tropæis,
 Affectat palmas alias; nec Marte feroci,
 Quam Phœbi studiis & partis pace triumphis
 Major, Apollineâ circumdat tempora lauro:
 Ille viros arte eximios, quos Gallia mater
 Educat, includitque suis urbs regia muris,
 Sumptibus invitat variis; Musisque dicatam,
 Atque Academiæ veteris de nomine dictam,
 Format, & impensis ingentibus excitat, ædem;
 Qualem Palladiæ nunquam vidistis Athenæ:
 Ille Navarræo sceptro, sceptroque verendus
 Sequanico, solioque sedens sublimis avito,
 In plures orbis partes, qua litora tundit
 Oceanus, terramque ingens circumsonat æquor,
 Munera distribuit plenâ regalia dextrâ.
 Circumstant regni Proceres, mediumque coronant:
 Ante alios Montozerius, cui publica vota
 Credidit, & Gnatum Genitor commisit alendum,
 Formandumque dedit Latias Lodovicus in artes.
 Artibus hic clarus variis, regalia doctis
 Dona recognoscit manibus, terrasque per omnes
 Spargit, & in varias mundi disseminat oras.
 Nec sparsisse semel fatis est: Rex annua multis
 Dona viris, Rex, venturum quod profit in ævum,
 Diversis donat populis (quis credere possit?)
 Perpetuatque suum generoso pectore donum.
 Hujus ad exemplum, tam magno principe, Princeps,
 Nil

Nil minor, Aonias studiis ingentibus artes
Prosequeris, paribusque animis his æmula præbes
Munera, & Europæ partes diffundis in omnes.
Innumeras inter dotes haud ultima dos est
Ista tuas. Hanc intactam prudensque volensque
Præterii, tua cum canerem præconia versu
Ferdinande meo, ne, quod mihi spontè dedisti,
Indigno affectare modo, atque ambire, viderer.
Tu clarum dic Musa virum, nam dicere posse
Ipse dedit: tu magnanimum, tu carmine dignum
Concine Ferdinandum. etenim generosior illo
Nemo, nec ingeniis alius Musisque fovendis
Pronior, officio vel commendatior ullo.

Nec sanè vates alium, doctæque sorores,
Hoc sibi fautorem cupiant: nec munera tanti
Ulla facit Pæan. Multi, discriminè nullo,
Judicio sæpe alterius sua dona profundunt:
Ille suo. non consiliis, non ille ministris
Indiget; aut aliquam præbere morientibus aurem
Moris habet. quos ipse probat, quos eligit ipse,
Muneribusque suis dignos putat, his sua donat
Munera; nulliusque rei, quam laudis, avarus
Grandibus accumulât Musarum altaria donis.

Quippe viris Musas aliis cum sæpe fovere
Sufficiat, quanquam ignorent quid amœna Sororum
Sacra, quid Aonides: hic illas pectore toto
Diligit, & primo semper dilexit ab ævo,
Artis Apollinæ citharæque peritus, & ipse
Præcipuos inter nomen memorabile vates.
Hic verum pretium studiorum intelligit: idem
Hic facit: & gemino Musarum accensus amore
Ipse colit Clarias, &, quas colit, excitat artes.

Pergite, Pegasides: doctique ad Principis aulam
Tendite. non meliorem alibi sedemque locumque

Invenietis Hyantæ, mihi credite, Divæ.
 Hic centum vobis aras, delubraque centum
 Constituit Ferdinandus, sacrisque litatis
 Ritè facit, flammisque pios inponit honores
 Ordinis Aonii princeps. Comitantur euntem
 Mille viri, mille egregii longo agmine vates.
 Aut has, aut illas multo bonus adjuvet artes
 Ære alius: vel quæ radio scrutantur Olympum;
 Vel quæ suppositam pedibus rimantur arenam;
 Vel quæ Naturæ causas, & semina rerum,
 Atque ignota prius produnt miracula; vel quæ
 Inventis gaudent medicis: ars vestra, Camœnæ,
 Vindice Ferdinando, alias super ardua cunctas
 Eminent. Utque animo reliquas complectitur omnes
 Addictus studiis Princeps; sic omnibus unam
 Prætulit, & cura eximia, totaque Poësim
 Mente fovet: non vulgarem, tritamque, novamque;
 Sed veterem, sed divinam; sed qualis Olympo
 Proxima, natalique recens ex æthere Diva
 Montibus insedit Latiis, cum barbara sæcla
 Nondum polluerant puri sacraria Phœbi.
 Jam priscos vobis habitus, vultusque priores,
 Jam solitas vobis sedes amissaque templa,
 Jam nemora, & fontes habitataque culmina, Musæ,
 Magnanimus reddit Princeps. Non ardua Pindi
 Nunc juga, non Grajas posthac optabitis undas.
 Pro Pindo, pro Parnassō, sunt culmina vobis
 Neuhusii: pro Pegaseâ, pro Phocidis undâ,
 Vicini Fontes Paderæ, Padulique perennes:
 Pro Phœbo, Ferdinandus. Nec vitrea defunt
 Flumina. Phœbeos lento cum murmure muros
 Luppia, & exiguo cum murmure lambit Aliso: 18:
 Proxima Pierios ostendunt jugera campos.
 Vernantes latè saltus, frondisque comantes

Adspicio: video ingentesturgescere filvas;
 Summaque Daphnæis undare cacumina ramis.
 O nemora! o doctis habitanda Sororibus arva!
 O fontes, fluviique! o frondenti obsita musco
 Antra, Camœnarum veteres referentia lucos!
 O blandum hospitium Musarum, & in otia natum
 Neuhusium! o si nunc celeres mihi commodet alas
 Dædalus, atque isto sublimem monte reponat!

Aonii salvete lares, salvete remoti
 Tempa jugi: tuque illius sanctissime templi
 Præses, Apollineâ circumdate tempora vittâ:
 Sit mihi fas docti nemoris lustrare latebras,
 Audacique manu sacrum decerpere ramum,
 Qui mihi per calles dubios, ignotaque rura
 Monstret iter: quali decerptus ab arbore quondam
 Ænean ope fatidicæ monituque Sibyllæ
 Duxit in Elysios felici tramite campos.
 Nil opus est: patuere fores. pro germine dextram
 Porrigit, & vultu placido lenique suoque
 Ipse suas ultro Princeps invitat in ædes,
 Hortaturque procul venientes, sacraque Musis
 Limina dilectis aperit referatque Poëtis.
 Salve inquam, salve Ausoniæ spes unica linguæ:
 Salve iterum. tibi se totam Romana Poësis,
 Antiquum tibi se eloquium, tibi temporis hujus
 Præcipui sese vates, tibi carmina debent
 Se mea, & hunc ipsum agnoscunt pudibunda favorem.

Nam quis divinam studio majore Poësim
 A teneris feros ævi labentis in annos
 Arripuit; tantumque, & tam constanter, amavit?
 Multi illam amplecti incipiunt, lanuginis ætas
 Dum vernat: dum fortunæ moderatior illos
 Aura fovet: postquam titulos & nomina adepti,
 Quam modò dilexere, ingenti spernere fastu

Sæpe solent. Tu contra animo non deside, Princeps,
Nunc quoque, tot titulis & honoribus auctus, amatas
Pergis amare Deas. Per te privata Poësis,
Nobilibusque indigna viris, neglectaque jam non
Res erit, aut viles inter numerabitur artes.

Tu justum his sacris pretium, nomenque decusque
Concilias: tu victurum, tu principe dignum
Ipse facis carmen: nec te pudet, inclyte Præsul,
Phœbeam vittæ geminæ conjungere laurum.

Quid, cum Lucæ, quid cum votiua Liborîo,
Meinolphique sacro persolvis munera busto?

Quid, cum Cæsareas aquilas, tædasve jugales
Concelebras? Quid, cum Galli victricia regis
Prælia, & innumeras insigni carmine palmas
Concinis, & partos diverso Marte triumphos?

Nec desiderio, Princeps, studioque minore,
Quam canis ipse, aliis animo cantantibus æquo
Adspirasque favesque, & amantes carmina vates,
Jam cupidos, jam spontè sua tua castra sequentes
Propositâ accendis palmâ, nutrisque, juvasque,
Muneribusque beas variis. Ingentia testor

Nomina, Pierium dudum cantata per orbem;

Egregios quorum insolito de more labores

Sumptibus ipse tuis doctas in luminis oras

Aut nunc ire jubes, aut jam mox ire jubebis:

Walliacam testor Musam, Musamque Rapini,

Scriptaque Frizoni sublimia, scripta Ruæi;

Innumerosque alios: & te, clarissime Torcki,

Et te, Veronæ magnum, terræque Latinæ,

Maure, decus; nunc Angariæ laus inclyta terræ.

Vos ego, vos testes hîc invoco: vos mihi verum

Adstruite Aonii, siquidem novistis, alumni,

Donaque munificæ sensistis plurima dextræ.

Quanquam ô, præsidio vestro, quanquam ullius ore
Haud

Haud eget, illustres animæ, res ista. vel unus
 Testis ego, exemplumque animi, rerum optime Prin-
 Grande tui. tu me ingeniis, tu vatibus istis (ceps,
 Annumeras: tu me vultu dignaris amico;
 Devotamque tibi Musam, tua tecta petentem,
 Excipis hospitio; nec laudem, aut ulla merentem
 Munera, muneribus donisque ingentibus ornas.

At tibi tam insigni quales pro munere grates
 Optime persolvam Princeps, quæ denique verba
 Inveniam? Non, si centum stent gutture linguæ;
 Non, mihi si fontes omnes undasque recludat
 Dives aquis Helicon; non, si sua, vel tua, Princeps,
 Fila meis aptet digitis Romanus Apollo;
 Debita concinerem meritis ego carmina tantis.
 Muta lyra est: torpent digiti: vox faucibus imis
 Hæret, & attonito frustra se quærit in ore;
 Quasque valet, tacito grates sub pectore solvit.
 Est illic istos animus qui lætus honores
 Sentiat, Officii hujus non immemor ullo
 Tempore, perpetuum, vitales spiritus artus
 Dum reget, auctori ejusdem conservet amorem,
 Hunc cape, Ferdinande, meum nec respue donum
 Hoc leve, quandoquidem majus, quod reddere possum,
 Non habeo. placant ipsos ea munera Divos.
 Si tamen & verbis referenda est gratia & ore
 Insuper, (ulla licet possit quæ digna referri?)
 Accipe & hanc: neque me præsens, neque (pagina pig-
 Hæc erit) ingratum adveniens me nominet ætas. (nus
 Si qua meæ virtus Musæ, si carmina quidquam
 Nostra valent, tu carminibus per sæcula longa
 Notus eris nostris, nulloque fileberis ævo.
 Dicet ad Occasum te vox mea, dicet ad Ortum,
 Dicet ad Australem, Borealem dicet ad axem;
 Dicet ad ardentes mediæ telluris arenas.

Audiat hanc noster certè polus, audiat omnis
 Belgica, & ante alias hæc ipsa Batavia terras;
 Et tu Lugdunum, Musarum nobile quondam
 Delubrum, Clarique Dei sanctissima sedes;
 Nunc deserta domus profugis, & inhospita, Musis:
 Et tu magnorum gebitor, pater Amstelæ, vatum:
 Vos omnes audite, animisque advertite vestris:
 Esse sub Angariæ coelo, procul æthere nostro
 Esse virum, vestris ortos qui mœnibus ultro
 Grandibus obstringit meritis; qui præmia Musis
 Ponit, & Aonias tenebris pius explicat artes.

Illā dies fuit, innumeros cum, Belgica tellus,
 Nutribas olim vates, murisque fovebas
 Leida tuis; cum Scriverius, cum clarus Iambo
 Baudius, & veterum cultor par Heinſius ævo,
 Fonte Caballino madidus, cum maximus ille
 Gentis honos nostræ Grotius, gnatusque paterque,
 Non minus illustres cantu quam sanguine, Douſæ,
 Devoti Musis Douſæ, Heroūque Ducumque
 Progenies, Ducibusque atavis majoris lili
 Scaliger, Aoniæ princeps ductorque catervæ,
 Ingenti latè pompâ tua templa terebant.
 Nunc oblita tibi tot nomina: nunc tibi vates
 Excidimus; fugitque ſuo de limine Phœbus.

At bene, quod nondum tota tellure receſſit,
 Inque tuis tandem laribus ſedemque larēque
 Repperit, o Musis Princeps generate juvandis.
 Tu Phœbum, tu Pieridas, tu numina Pindi
 Excipis hospitio facili, Pindoque reponis:
 Unde, loci reſidens medio, velut alter Apollo,
 Præmia das meritis, ſi qui mœruere, poëtis,
 Et plus quam lauros, & plus quam frondea donas
 Vincula: quamque tibi Superi tribuere faventes,
 Ne ſoli fortuna tibi tua proſit, ab alto

Destillat proluxa iugo: ceu roscidus imber
 Descendit cœlo, & pluviâ rigat arva salubri.

Vicinum quid enim cœlo magis? Omnis ab illo
 Fonte salus: omnis gravidis vis vitæque campis.
 Adspicis, æthereos postquam, pigra sidera, pisces
 Liquit, & Oleniæ contingit cornua capræ,
 Rideat ut toto Veris clementia mundo?

Adspice; cuncta suum renovant reparantque vigorem.

Aërios Auræ campos, Zephyrique tepentes
 Pervolitant: udo rores labuntur Olympo:

Nubibus è mediis nostrum Sol igneus orbem

Lenibus accendit flammis; campisque calorem

Suppeditat: calet omniparens, &, frigore longo

Mortua, paullatim producit semina tellus.

Hîc picturati flores; hîc gramina, & herbæ;

Hîc flavæ surgunt segetes: hîc gemma tumere

Incipit: hîc ramis tegitur frondentibus arbos.

Uberis hæc cœli sunt munera. Solibus illud;

Illud aquis debent læti pluvialibus agri.

Tu quoque, qui crebris, hæc inferiora foventis
 More poli, radiisque juvas atque imbribus agros
 Aonios, segnemque jubes revirescere Pindum:
 Perge, pio Superûm auspicio, cœloque secundo,
 Magne Camœnarum fautor, dilecta Camœnis
 Iugera, & usque tibi culto sacra culmina Phœbo
 Imbribus usque fovere tuis radiisque benignis.

Sic tibi proveniant, quasunque novalia fruges

Ista dabunt: quoscunque ferent pomaria fructus.

Sic Phœbi vireat lucus tibi, multaue surgat

Laurus, & in sertum sese nemus omne coronet.

Sic tibi perpetuos tellus Parnassia flores

Fundat, & ista tuis innectat vincula lauris.

Crescite Phœbei flores: assurgite, lauri:

Ferte bonas, campi segetes. frondescite, rami:

Lætæque Pieriæ protrudite germina silvæ.

Et vos, ô magno natæ Jove, desidepassu
Quæ nunc erratis nemorum sub fronde virentum
Per blandos Paderæ campos, montisque sedetis
Culmine Neuhusii, bifidi ceu culmine montis;
Pro dulci hospitio, pro muneribus concessis
Æternas Domino grates & carmina vestro
Solvite, Castalides; Ferdinandumque per omnes
Terrasque, gentesque, futuraque sæcula passim
Dicite, nec meriti veniant oblivia tanti.

Vosque, sacri Musis vates, quibus ore rotundo
Posse loqui, Latiosque modos, & carmina, doctæ
Donavere Deæ, mecum gaudete frequentes,
Mecum animos, mecum cantus conjungite vestros,
Insignemque sonate Virum, communia sacra
Qui fover, & vatum steriles vetat esse labores.

His ego temporibus certè me gratulor esse
Progenitum. Haud quovis nascuntur tempore vates:
Haud quovis, vatum fautores. Res ea sæcli est,
Annorumque labor: pulchrumque & grande faventis,
Humano generi cum vult bene, munus Olympi.
Huic ævo sanè nostro dudum esse beato
Contigit. Haud aliud mallet per vota: nec illud
Saturni, cum nullus honos erat artibus: aut cum
Augustus domiti tenuit moderamina mundi.

Hæc revocas, hæc tu, Princeps, antiqua reducis
Sæcula, non illis minus aurea, non minus illis
Pacifica, aut Musis etiam minus æqua Latinis.

Felices vates, felicem me quoque, qui nunc
Et vita & rebus fruimur, te dante, secundis!
Certè ego felicem me nomino: certè ego gratus
Semper ero; laudesque tuas, & nomina, versu
Perpetuo, ulla mihi superant dum carmina, dicam.

Neu quisquam me vituperet, me semper eundem
 Dicere, virtutesque tuas renovare canendo.
 Quid, quod vel pluri faciat, vel rectius alter
 Percipiat nemo, quæ scribimus, optima quam qui
 Ipse facis, cultaque feris fide carmina? quid, quod
 Nemo cani, nemo laudari dignior omni
 Ore virtutis? quid, quod meritis me denique magnis
 Devinxisti idem, & tua munera ferre dedisti?
 Quid Flaccus? quid Virgilius? quam multus in ore
 Mæcenas! Mæcenatem sine fine canebant:
 Hoc sine nil altum magni mens dia Maronis
 Inchoat. huic princeps exacta Georgica vates
 Sacra facit. primis hunc versibus invocat unum,
 Ante Deos omnes, tanquam præsentius illis
 Numen, & Augusto quiddam divinius ipso.
 Huic canit arborum cultus; huic apta movendis
 Sidera significat terris: huic Ismara Baccho
 Conserit, atque olea vestit frondente Taburnum.
 Hunc Dryadum vocat in saltus, & Mænala summa:
 Hunc altos vocat in colles florentis Hymetti.
 Mæcenas operis pulchri spectator, & auctor;
 Mæcenatem undæ, Mæcenatem arva sonabant;
 Silvicolæ Mæcenatem cecinere puellæ.

Haud aliter, nostri Mæcenas maxime sæcli,
 Teque, tuasque canam laudes ego: nec semel idem,
 Inclyte Ferdinande, meo memorabere versu.
 Tu modò cantanti vires, quas ille Maroni,
 Suffice. præsidio crescent mea carmina tanto.
 Ecce vides, ecce augurio crevere secundo,
 Sumferuntque novos animos. Tibi, quicquid ab illo,
 Munere Divorum, nobis vitæ effluet, omne
 Debetur tibi. Tu stimulos, tu calcar, & cæstrum
 Subdis, & ingentem accendis sub pectore flammam.

Forſan & illa dies veniet, quâ cognita paucis
Muſa, tuo Princeps hortatu audacior, olim
Dilectas ſpernet latebras, privataque tecta
Deferet, & fracto tenebrarum carcere dias,
Auspiciis animoſa tuis, erumpet in auras.



THE HISTORY OF THE

REIGN OF
HENRY THE FIRST
BY
JOHN GOWER
IN THE
THIRTIETH YEAR OF HIS REIGN
BY
JOHN GOWER
IN THE
THIRTIETH YEAR OF HIS REIGN



ECLOGÆ.

E C L O G A

E C L O G A I,

M O S E S:

S E U

CARMEN ejus EPINICIUM,

Eductis ex Ægypto Israëlitis.

Vix bene Erythrææ fluctus superaverat undæ
 Hebræi ductor populi, ripamque tenebat
 Oppositam, quando meritas pro munere
 tanto

Muneris Auctori grates hoc carmine solvit.

Magne Deus, mare qui Oceanum, terramque, po-
 Æterno regis imperio, nutuque gubernas, (lumque,
 Quæ tibi, magne Deus, reddam præconia, quæ nunc
 Carmina? Tu populum Memphitica iussa gravatum,
 Jamque diu nimium Pharii crudele tyranni
 Servitium patientem, hujus de gutture monstri
 Excutis; & frustra currus atque arma parantem,
 Neētentem frustra jam vincla, sequique volentem
 Mergis Erythræo vesanum gurgite regem.

Dicite submersam, mea carmina, dicite Memphim.
 Occidit ille ferrox Pharaos; tota occidit unā
 Memphis, & hanc nunquam lucem visura diurnam,
 Ceu lapis, aut multo divergens pondere plumbum,
 Imo subsidit pelago. Natat æquore toto
 Naufragium regale. illic currusque, rotæque,
 Illic arma virique, illic armenta gregesque,
 Regales illic gazæ, sceptrumque, tiasque,

Orbatusque sua fluitat rex ipse corona.

Dicite submersam, mea carmina, dicite Memphim.
 Nondum divino monitu Mareotica claustra
 Ruperat Hebræus populus, monstrataque Rubri
 Litora contigerat pelagi, cum nuntia diras
 Fama Parætonii regis pervenit ad aures.
 Ite mei, Pharaon, comites, ait: ite, manumque
 Injicite Hebræis, & dicto promptius arma,
 Arma ciete viri, & populum revocate rebellem.
 Nec mora: sese armant comites, & jussa faceffunt
 Regia. Rex humeris validum thoraca superbis
 Induit, & lateri fulgentem accommodat enssem.
 Addit se nimbusque virum, nimbusque rotarum.
 Horret Idumæus populus, trepidatque, Deique
 Supplicat auxilium, superis Deus advolat oris.
 Ocyus in partes geminas mare dividit altum
 Eurus: utrimque polo surgit sublimis aquæ mons.
 Illi, qua dabat unda viam, per aperta profundi
 Gurgitis, in mediis, sicco pede, fluctibus ibant.
 Efferus insequitur Pharaon. coit unda, virosque
 Implicitosque vorat currus: perit impia Memphis.

Dicite submersam, mea carmina, dicite Memphim.
 Haurit equos, equitesque; virum simul arma, virosque
 Haurit Erythræi rabies maris. interit omnis
 Gaza Parætonii, milesque, domusque tyranni,
 Interit & rex ipse. Deos frustra ille Canopi
 Invocat, & furdum nequicquam implorat Osirim.
 Nil verum contra Numen Memphitica possunt
 Numina: nil omni Pharius cum pube tyrannus.

Dicite submersam, mea carmina, dicite Memphim;
 Victoremque sonate Deum. Deus æthere ab alto
 Hebræum jovit populum, dextraque valente
 Per montes suspensarum deduxit aquarum.
 Ægyptum hic idem devicit, & impia fudit

Agmina, & his ipsis Pharaonem merfit in undis.
 Occubat ille superbus; & impietatis, & omnis
 Morte luit pœnas sceleris. non vincla, necemque
 Amplius innocuis, non arma minabitur ulla
 Ifacidis: periere viri, periistis & arma.

Dicite submersam, mea carmina, dicite Memphim.
 Dicite victori laudes, & debita magno
 Verba Deo. Deus ille poli, Deus ille profundi
 Æquoris, æquoreas cœlo nunc erigit undas,
 Nunc premit, & nigri barathro detrudit Averni,
 Nunc rursus findit medias, tutumque per æquor
 Hos finit ire, illos ima demergit arena.

Dicite submersam, mea carmina, dicite Memphim.
 Uno eodemque mari Deus hos conservat, eodem
 Hos necat. Ecce necem Pharaonem, sidentibus undis,
 Ore bibit moriente, & terribili singultu (que
 Evomit indignantem animam, frendensque gementem
 Nescio quid moribundus aquis immurmurat ipsis,
 Agnoscitque Deum invitus. vehit unda peremptos,
 Hastasque, gladiosque, & scuta natantia ponto,
 Innumerasque virum galeas ad litora volvit.

Dicite submersam, mea carmina, dicite Memphim.
 Fluctibus egestam securo in litore prædam,
 Disiectam latè prædam, pecudesque virosque,
 Aurigasque rotasque, necis bellicæ cruenti
 Materiam, ac toto dispersa cadavera ponto
 Hebræus spectat populus. Quin insuper ipsum,
 Inter plebejas animas, ignobile vulgus
 Inter, inornatum, solitoque decore carentem,
 Exutumque suo spectat diademate regem.

Dicite submersam, mea carmina, dicite Memphim.
 Quis tibi fatali deprenso in gurgite sensus,
 Quid tibi mentis erat, Pharaonem, quando æquore ab illo
 Obruerere? Necem huic populo intentare parabas,

Eripit ecce Deus vitam tibi. stantibus illis
 Margine in opposito, tu mersus & obrutus undis
 Ipse cadis. Non te reducem Nilotica Memphis
 Excipiet: non majorum mōnumenta tuorum
 Contingent tibi; non structum de marmore bustum.
 Marmor Erythræum tumulus tibi. fluctibus istis,
 Isto tu busto tumulaberis. hīc tua membra
 Jejūni pisces, turpesque sub æquore phocæ
 Depascent: aut litorea projectus arena
 Alitibusque ferisque dapes epulasque daturus,
 Ignotus, vilis, nudus, sine honore sepulchri,
 Omnibus indulto mortalibus, esca jacebis.

Dicite submersam, mea carmina, dicite Memphim.
 Et vos ō mecum, Isacidæ, celebrate frequentes,
 Et fortem laudate Deum. Fortissimus ille,
 Ille exercituum Deus est. Exercitus omnis,
 Omnis Niliaci periit modò turba tyranni
 Illo belligerante. Deo præconia forti
 Fundite Idumææ gentes, age fundite, gentis
 Hostis Idumææ Rubra jacet obrutus unda.

Dicite submersam, mea carmina, dicite Memphim.
 Jam nullas vobis leges, injustaque jura
 Præscribet Nili dominus. Pharaone perempto,
 Gens surrepta jugo, gens estis libera, nec jam
 Servitum Phariæ mœstis cum matribus aulæ
 Ibitis Hebræi: vos in meliora reducet
 Arva Deus; vos in tuto, placidoque locabit.
 Surgite, vesani pelagi sævique tyranni
 Faucibus expliciti, grataque silentia voce
 Rumpite: thuricremis imponite munera flammis:
 Et servatorem nullo non carmine vestrum
 Commemorate viri, nullo non tempore, nec vos
 Istorum immemores meritorum, ulla arguat ætas.

Dicite submersam, mea carmina, dicite Memphim.

Certè ego victori victor tibi, maxime mundi
 Arbiter, assiduo laudes ego carmine dicam.
 Tu me, subductum Nilo, Rubri æquoris undis
 Subtrahis, atque tuo servatum munere servas.
 Tu me ductorem populi Hebræique tuique
 Constituisti; dextramque meam facis esse potentem,
 Miraculis claram innumeris. illam æmula vidit
 Memphis, & hæc ipsa stupefactus arundine Nilus.
 Mempheos imperio servilia vincla perosos
 Exuis, & media, duce me, transmittis Erythra,
 Litus in Arabium. Justas persolvere grates (disti,
 Haud nostrum est. Tibi grata tamen, quod posse de-
 Pectora, & æternum obsequii spondemus honorem.
 Ipse tuo jussu demissas æthere Leges
 Puris excipiam manibus, ritusque colendi
 Instituam, populumque tuum tua sacra docebo.
 Ipse tibi passim, per quæ nos ire jubebis
 Arva pater, centumque aris, centumque juvencis
 Rite memor faciam; titulumque hunc insuper addam:
 Extincto Pharaone, Deo hæc altaria Moses.

Dicite submersam, mea carmina, dicite Memphim.
 Tuque adeo, cœlum, & tellus, & cæcula ponti
 Unda, Deo dignas certatim ad sidera voces
 Tollite: plena Dei sunt omnia. Testis & æther,
 Et tellus, & scissa manu maris unda potente:
 Testis Erythræis Pharaon submersus in undis.

Dicite submersam, mea dicite carmina Memphim.
 At tu, magne orbis Rector, qui vindice dextra
 Servitio Pharaonis, Erythræisque procellis
 Eripis Hebræos; perque infelicia rura
 Arabiæ dudum promissos mittis in agros;
 Duc age, duc dubios; & per deserta locorum
 Dirige inoffensos (cæca est via) dirige gressus;
 Donec in optatas regiones, arvaque tandem

Te duce deveniant Cananæa: ubi fata quætas
 Assignant illis sedes: ubi flumina lactis,
 Flumina mellis eunt: sic lac tibi, sic tibi semper
 Mella fluant, frugesque alias eadem optima tellus
 Proferat; & sanctis habitata parentibus olim
 Jugera securi quando lætisque tenebunt,
 Præscripta mancant in religione, suamque
 In sobolem nomenque tuum laudesque propagent.

Talibus Amramides. Precibus Deus annuit istis,
 Ignotosque aperit fontes, & flumina saxis
 Elicit, &, gustus quæ se transformet in omnes,
 Cœlestem rorat Cererem; noctuque, dieque
 Signat iter claro, nubes aut ignis, Olympo,
 Exoriente die nubes, trabs ignea noctu,
 Errantique præit populo, ducitque sequentem.

ECLOGA II,

DAVID:

SEU EJUSDEM

DE CHRISTO

VATICINIUM.



Edronis rapidi gelidam dum pascit ad un-
 dam, (pellæ,
 Proximaque errantes tondent virgulta ca-
 In matutina Jessæus federat umbra.

Jessæus, quo non cantu præstantior alter:
 Jessæus; quo non alius prædicere fata
 Certior: ille decus pastorum, & gloria ruris

Hebræi, ille alto ante alios dilectus Olympo.
 Isque, ut erat cœli arcanis & numine pius
 Veridico, sanctosque pio sub pectore motus
 Senferat, hoc ipso mentem percussus ab œstro
 Hæc effundebat vitreum Cedronis ad amnem.

Labere, grate Deo Cedron, pede sed mage lento
 Labere nunc, fluctusque tuos suspende, nec ullo
 Interrumpe meos lympharum murmure cantus.
 Sacra cano: sacris animum tu adverte, memorque
 Dicta nota. Libet & nubes transcendere, & astra,
 Æthereasque fores perrumpere, & intima cœli
 Perscrutari adyta, & populis aperire futuris.
 Adveniet quippe, adveniet lætabile tempus,
 Ordine sæclorum certo, cum maximus æther
 Conceptum à prima nascentis origine mundi
 Educet foetum, castæque in virginis alvo
 Cœlestem effinget puerum, tandemque sub auras
 Proferet aërias. Fallorne, an lucidus æther
 Signa dedit? video medium se rumpere cœlum,
 Infantemque sacrum aëriis descendere campis.
 Ecce Deus, satus ecce Deo, patri æmula proles!
 Humanam induitur formam, nostraque creatus
 Stirpe puer, nostra nasci dignatur in urbe.
 Hujus in adventum passim fraudesque dolique
 Diffugient: passim terras gentesque relinquet
 Morborum genus omne. Ægro dabit ille salutem,
 Surdo aures, claudoque pedes, & lumina cæco,
 Inque artus imis animas revocabit ab umbris.
 Tunc & doctores magni, Legisque magistri
 Deponent fastum, Puerique docentis ab ore
 Hærebunt taciti, mirabunturque loquentem,
 Abditæque ætherei referantem oracula Patris.
 Ille undam in vinum convertet; multa que paucis
 Piscibus, & modico saturabit millia pane:

Paſtaque conſertis diſcedet turba caniſtris.
Idem marmorei ſpatiatuſ litore ponti
Implebit multo fruſtra ſudantia piſce
Retiaⁿ cæruleas idem tentabit & undas,
Et ſiccis ibit pedibus ſuper æquora ſumma,
Et vento dabit, & tumidis ſua juffa procellis:
Sèrviet illi etenim ventus, mare ſèrviet illi.
Tu vero, Iudæarum regnator aquarum,
Iordanes, laus quanta tuis, quæ gloria ripis
Accedet, ſi quando tuo nudabit in amne
Membra Deus, fluviique tui luſtralibus undis
Tingendum ſparget populum, tingendus & ipſe?
Tu ſacros artus, tu ſorde carentia membra
Vivæ rore rigabis aquæ; fauſtoque repente
Omne divinam cœlo adventare columbam
Percipies, ſupraque caput confidere lætam,
Verbaque concuſſis effundere talia pennis;
Iſte Patris deſiderium, Patris iſte voluptas.
Ex illo latè populis notefcere cunctis
Incipies, paſſimque tui tollentur honores.
Neu tibi ſeſe æquet Ganges, non Nilus, & Iſter,
Non qui per terras ſelici gurgite, non qui
Aureus Eridani per cœlum labitur amnis.
Te quoque, torrentemque tuum, fluvio æmule magno,
Quanta manet fortuna, tuo cum gurgite, Cedron,
O calcande Deo Cedron, meritoque beatas
Inter aquas numerande, Dei plantasque pedesque,
Argento pellucidior vitroque, lavabis!
Gaude, inquam, gaude inſolito dignande favore,
Vorticibusque impelle tuas majoribus undas.
Et vos Bethlemii montes, Solymæaque rura,
Vos unà gaudete, Deoque adſurgite veſtro,
Et ſacras audite, & ſacras diſcite voces.
Namque ſacer patrio delapſus ab æthere vates

Antiquos tollet ritus, Legemque novabit,
 Virtutisque viam norma meliore docebit.
 Mille piæ confestim animæ cœlestibus ultro
 Parebunt monitis, divinaque jussa capeissent
 Divini doctoris. Eum comitabitur ingens (quentur.
 Unda hominum, innumerique greges per prata se-
 Ite sacris, ite, Abramidæ, & properate frequentes,
 Atque salutiferum terris agnoscite regem.
 Ah cæci nimium Abramidæ! scelerata repellet
 Turba Deum, regemque suum gens tetra necabit.
 Heu dolor! heu crudele nefas! nulloque piandum
 Sanguine flagitium! Regem Dominumque Deumque
 Impia condemnat Solyme. Jam mœnia linquit
 Miles, & horrendo strepitu armorumque virûmque
 Obvius it: jam vicini de culmine montis,
 Montis Oliviferi de culmine descendentem
 Corripit, & duro constringit brachia nodo.
 Ducitur; ingentique hominum stipante caterva,
 Judicibus coram falsis, falsoque senatu
 Sistitur innocuus. dictis mordacibus illi,
 Et fœdis ignominiiis, & verberibus sævo,
 Mille modis vexant miserum, damnantque, necant.
 O Solyme! ô dirum genus! ô Calvaria rupes! (que.
 Pendet ab infami ligno Deus! intremittit omni
 Colle Sion; templique sui velamina scindit.
 Diffiliunt montes: sudant elementa: fugit Sol:
 Cumque suo Domino rerum Natura laborat.
 Nil agis, ô Solyme! vinclis necis ille solutis
 Effringet portas Erebi, pulchroque triumpho
 Victa catenatam ducet per Tartara Mortem.
 Nec mora: protriti exuviis Serpentis onustum
 Tertia lux superas vivum revocabit ad auras.
 Vivus enim terras repetet; vultusque tuendos
 Offeret: exiguum donec post temporis arces

Tendat in æthereas, seque in sua sceptrâ reponat.
 Aurato hîc ingens folio terrisque poloque
 Jura dabit, vivi radiis circumdatus auri:
 Cumque suprema dies aderit, quæ flebile mundo
 Inferet exitium, veniæque iræque sequester
 A dextra Genitoris in alta nube sedebit,
 Et vivis simul, ac vitali lumine cassis
 Promeritas solvet pœnas, & digna rependet
 Præmia. Tunc justorum animæ, regione receptæ
 Siderea, divina Deo præconia fundent,
 Mutuaque unanimes ibunt in gaudia gentes.

Dixerat hæc vates. Divini vatis ad ora
 Valles obstupuere cavæ, collesque supini:
 Omnes obstupuere suis Nercides antris.
 Ipse pater ripam Cedron concussit utramque
 Amne suo; frenumque undis laxavit, & omni
 Festinavit aqua venienti occurrere regi.

E C L O G A I I I,
 P A S T O R E S B E T H L E M I T I C I:
 S E U
 N A T A L I S C H R I S T I.

T I T Y R U S, L Y C I D A S.



Tellarum æternos cœlo suspenderat ignes
 Humida nox: passim excubias nocturnus
 agebat

Pastorum chorus, & vigili statione tenebat
 Ec-

Bethlémios montes, & finitimas convalles:
 Æthere cum rupto fragor exauditur, & ingens
 Descendit juvenum piētis exercitus alis,
 Aëra per medium. Mira illi, mira ferentes
 Gaudia, divino complebant omnia plausu,
 Monstrabantque piis parvam pastoribus urbem.
 Ergo visura infantis cunabula magni
 Exiguam Bethlen pastoria turba petebat.
 Ducunt innocuum, reliquis comitantibus, agmen
 Tityrus & Lycidas, Lycidas & Tityrus ante
 Gaudentes ibant pueri, puerumque canentes,
 Delapsum cœlo puerum, regemque, Deumque,
 Atque hæc alterno referebant carmina cantu.
 Hos Lycidas, versus referebat Tityrus illos.

L Y C I D A S

O quam immensa Dei clementia, Tityre, terras
 Respicit! Ô quanto tenues dignatur honore
 Pastores, quibus ætherei divina ministri
 Jussa ferunt, quibus ostendunt cunabula primis!

T I T Y R U S.

Immo ita. non vanos ludunt infomnia sensus;
 O Lycida! nos divini sacra ora ministri,
 Cœlestisque satellitū conspeximus agmen
 Aligerum, & dulces excepimus aure loquelas.

L Y C I D A S.

Ipse suo Gnatum Genitor demisit Olympo,
 Visurum terras humiles, gentemque repostam:
 Quo nato ridebit ager, ridebit & æther,
 Sæclaque pacato decurrent aurea mundo.

T I T Y R U S

Ille suam cœlo gentem miseratus ab alto est,
 Dilectamque dedit sobolem, qui nostra piaret
 Crimina, & infandis immersum sordibus orbem
 Eriperet poenis Erebi, cœloque locaret.

LYCIDAS.

Hoc erat, hoc, quod sæpe idem promiserat olim:
 Quod veterum prædicebant oracula vatum:
 Hoc, quod conspicuus funda citharaque pedoque
 Pastor læssides cedronem lusit ad amnem.

TITYRUS.

Hoc, quod nunc longo demum maturuit ævo.
 Induit ecce Deus hominem: sine femine mater
 Concipit; & casta de virgine nascitur infans,
 Humano generi lapsoque salutifer orbi.

LYCIDAS.

Ipsè Deus Deus ipsè suo descendit Olympo,
 Ruris & Hebræi colles, despectaque Bethles
 Natalem legit arva locum; parvoque cubili,
 Stramineaque casa excipitur rex ætheris alti.

TITYRUS.

Felices agri, vosque ô felicia Bethles
 Culmina, quæ gremio in vestro cœleste fovetis
 Deposita: vestra omnigenis memorabitur oris
 Gloria, & ad seros transibit fama nepotes.

LYCIDAS.

Quantum humiles plantas altæ vincunt cyparissi,
 Tantum urbes vinces alias, celeberrima Bethle:
 Nec tibi se Tyros, aut Babylon, dilectaque cœlo
 Mœnia contulerint Solymes, aut ardua Memphis.

TITYRUS.

Sed tu define jam: sacro successimus antro:
 Introeamus age, & submisso poplite proni
 Numen adoremus puerum, violisque rosisque
 Mollibus, & parvas spargamus baccare cunas.

LYCIDAS.

Quæ vidi modo luminibus, quæve auribus hausi?
 Vix ego luminibus credo, vix auribus istis.
 Et tamen auribus his, oculis his credere cogor,
 Quæ

Quæ modò viderunt oculi, quæque auribus hausi.

TITYRUS.

Vera Deus monuit. Jacet in præsepibus infans,
Et tener auditur parvo vagitus ab antro.

Adstant longævusque senex, intactaque mater,
Et terræ bos procumbit, procumbit asellus.

LYCIDAS.

Fortunate senex, fortunatissima mater,
Cara Deo, longæque aliis prælata puellis!
Nos quoque fortunati omnes, quibus ista tueri
Contigit, infantisque Dei cognoscere vultus!

TITYRUS.

Blande infans, tibi parva agri munuscula nostri
Porrigimus, meritosque tibi sacramus honores.
Addimus & carmen. pariter tu munera, & illud
Suscipe, silvestrem nec dedignare Camœnam.

LYCIDAS.

Nascere, magne puer: totus destillat Olympus
Te super; ipsa suo passim de cortice myrrha
Defluit, atque Arabes sudant opobalsama rami,
Felicesque tibi palmas protendit Idume.

TITYRUS.

Sponte sua facilis producit germina tellus,
Sponte renidentes surgunt per pascua flores:
Sponte virent oleæ: sponte omnis flavet aristis
Campus, & injussæ turgent de palmite gemmæ.

LYCIDAS.

Vernat humus, vernat foliis nemus omne renatis,
Et blandum in silvis carmen modulatur ædon.
Ipsi profiliunt fontes; fluviique loquaces,
Argutique sonant jucundo murmure rivi.

TITYRUS.

Carpit ovis, carpit placidus sua pabula taurus,
Tuta nec iratos metuunt armenta leones.

Festas lætus agit choreas per gramina pastor,
Lætus & agricola, & vacuum suspendit aratrum.

LYCIDAS.

Ecce ferunt Nymphæ plenis sua dona canistris,
Narcissumque, crocumque, & suave rubentem amaranthum,

Frondentesque hederas, intermistosque corymbos,
Et myrtum, & laurum, & florem redolentis anethi.

TITYRUS.

Ecce ferunt procul Eoi sua munera reges,
Nardumque, costumque, & venæ divitis aurum,
Et placaturi parvum suffimine Numen
Thuris odorati cumulos, messemque Sabæam.

LYCIDAS.

Adspice: præluceat rutilum venientibus astrum,
Ostenditque aperitque viam, & per cæca locorum
Ducit inoffensos sacra ad cunabula gressus.
Illi adsunt: regemque suum dominumque salutant.

TITYRUS.

Adspicio, obstuqueoque. novum micat æthere sidus,
Astrorumque ignes alios accendit Olympus.
Jussa facit tellus: jussis obtemperat æther,
Purius & toto scintillant lumina mundo.

LYCIDAS.

Qualis puniceis splendor solet esset Hyacinthis:
Aut ceraso, aut nondum maturæ solibus uvæ,
Aut lanæ, quæ Sidonium mentitur ahenum,
Talis purpura blande tuo puer enitet ore.

TITYRUS.

Qualia nocturno collucent sidera cælo,
Qualis sidereos inter micat aureus ignes
Lucifer, aut primo exoriens cum mane rubet Sol,
Tale tuis, formosæ puer, jubar exit ocellis.

LY-

LYCIDAS

Huc puer huc formose veni: te pascua nostra
 Invitant; te lætus ager desiderat unum.
 Cum tu, blande puer, lustrabis pascua nostra,
 O quanta campos ditabis, & horrea, messe!

TITYRUS.

Huc puer huc formose veni: quacunque per arva
 Incedes, lolium & steriles morientur avenæ.
 Occidet & Serpens: nullum feret herba venenum,
 Nec lupo insidias pavidò meditabitur hœdo.

LYCIDAS.

Te Pietas, te cana Fides, Rectumque, Pudorque,
 Et divinus Amor, partu tecum editus uno
 Assidue comitabuntur. tua plurima virtus
 Te cœlo, pariterque tuos attollet amores.

TITYRUS.

Tecum candida Pax, ramos induta recentes,
 Nata simul, toto sparget sua lumina mundo.
 Bella coëreebis tu tristitia: bella perosus
 Donabis pacem terris, orbique salutem.

LYCIDAS.

Tu placidos pasces agnos, Nasaræa secutus
 Pascua, pendebitque tuo grex omnis ab ore:
 Tu placidos pasces agnos, Galilæa secundum
 Flumina, mersabisque gregem Jordanide lympha.

TITYRUS.

Tu patriis claudes saturos in ovilibus agnos,
 Selectumque gregem, supera ad convexa vocatum,
 Gramine divino divina ad flumina pasces.
 Ambrosia his sua gramina erunt; sua flumina nectar.

LYCIDAS.

Ut prato decori pecus est, pecorique magister,
 Ut flavæ campo segetes, ut flosculus horto,

Amnibus ut lentæ salices, ut montibus alni,
Sic tu ovibus decus omne tuis, oviunque magistris.

T I T Y R U S.

Ut cœlum telluri, ut puro sidera cœlo,
Lunaque sideribus, nitidæ Sol gloria Lunæ;
Ipse Deus Soli, & Lunæ, & fulgentibus astris,
Gloria sic Patri una tuo es, sic una voluptas.

L Y C I D A S.

Adsis ô, pastorque fave pastoribus olim;
Adsis, ô divine puer: nos propter ab alto
Venisti cœlo; cœlo nos invche tecum,
Adventusque tui causam, causamque triumphi.

T I T Y R U S.

Sis bonus ô clemensque tuis: terraque poloque
Nos adjuuge viæ comites. Te pascua nostra,
Te silvæ, te convalles, amnesque sonabunt,
Atque tuas omnis laudes memorabit Olympus.

Talia dum cantant pueri, montesque revisunt
Quisque suos, caput Eoo de gurgite Titan
Extulit, & radiis sparsit juga matutinis.

E C L O G A I V,

D A M O E T A S.



Mstelios nuper campos, nataliaque arva,
Cara sibi puero Damocetas arva relinquens,
Mutabat Batavis Germanas finibus oras.
Illum discedentem amnes flevere lacusque,
Nymphæque Satyrique; illum sine fine gementes
Pastores flevere: ante omnes mœstior Ægon,
Et nullis hortaminibus solandus Iölas.

Erc.

Ereptum sibi Damoetam plorabat uterque.
Plorabat Damoetam Ægon, plorabat Iölas.
Præcipue tamen æqualem lugebat ademptum,
Par animis, par corporibus, par arte canendi,
Par ætate suo Damoetæ, tristis Iölas.
Lugebat parvum Damoetam parvus Iölas.
Discidii namque impatiens, nimiusque doloris,
Vicinis urbi campis errabat, & altum
Pascebat luctum, donec defessus ad undam
Procubuit, patriæque sedens in margine ripæ
Carmine surreptos tali inclamavit amores.

Optime Damoeta, carum latus, alter Iöla,
Sola atque una prius, sinerent dum fata, voluptas,
Nunc dolor idem unus, longumque in pectore vul-
Quis mihi, care puer, crudeli fidere tacto, (nus-
Heu quisnam mihi te eripuit, mea dulcis imago?
Ergo ego complexu infelix divulsus amico,
Crebraque per longos ducens suspiria soles,
Crebraque per longas ducens suspiria noctes,
Absentem suspirabo noctesque diesque?
Ergone cuncta simul perierunt gaudia tecum?
Nec plus aut densa recubantes forte sub ulmo,
Aut pellucentem projecti ad fluminis undam,
Labentes suavi alloquio retinebimus horas?
Non veterum cantus pastorum, & docta legemus
Otia; Romanus cecinit quæ Tityrus olim,
Vel quæ Pisæum Daphnis modulatus ad amnem est?
Non & nos pascemus oves? junctæque cicuta,
Aut magis alternis dicemus carmina cannis?
Ut meminisse juvat jucundi temporis, ipso
Cum te hoc sæpe loco vidi audivique canentem!
Attonitæ tua pendebant circum ora capellæ,
Graminis immemores, & solo carmine pastæ.
Ridebant flores, ridebant gurgite læto

Flumina, ridebatque comis vernantibus arbos,
 Nebat & è patula nativum fronde theatrum.
 Hac invitabas scena genus omne volucrum,
 Discebatque tuas volucrum genus omne loquelas,
 Et dociles ipsi referebant carmina rami.
 Omnia nunc mutata. herbis lymphisque capella
 Abstinet, & vesci te discedente recusat:
 Languescunt flores: turpantur flumina fletu:
 Arentes lugent rami: siluere volucres:
 Undique desertis fugerunt Gaudia campis.
 Fugit & ipsa Pales. tecum formosa Dione,
 Arva Charis tecum, tecum arva reliquit Apollo.
 Ex illo mihi fordet ager; tacitoque mapali
 Obscuraque casa latitans nemora omnia vito.
 Vile nemus, postquam nemorum dos ille recēsti.
 Sed tamen & loca grata prius, calcataque tecum
 Rura pererro, tuique aliquid retinentia lustro,
 Exploroque pedum vestigia, teque per omnem
 Inquiro silvam, tanquam inveniaris in illa.
 Fronde sub hac, inquam, frigus captavit opacum;
 Hac mecum spatiat humo est; hac valle refedit;
 Hic summos dedit amplexus; hoc margine fugit.
 Quò fugis, ô dilecte? mane: tibi blanda benignis
 Munera dat calathis, tibi candida lilia Nais,
 Purpureasque rosas, & purpureos Narcissos.
 Plusne peregrini placeant popularibus amnes?
 Amstela cur Rheno postponitur? Ya, Mosellæ?
 Quo fugis, immitis? sic tu patria arva relinquis,
 Longinquos Trevirûm fines, bellumque secutus?
 Ah quanto melius poteras ad nostra fluenta
 Pascere oves, rurisque decus nemorumque canendo
 Mollibus in pratis undas audire sonantes,
 Et mecum hac ipsa consumi lentus in umbra!
 Nunc tellure procul patriâ, vitâque beatâ,


Horrendum clamorem inter, pila inter & enses,
Tranquillam vitam, & natales deferis agros.
At non sponte fugis; nec sponte hæc arva relinquis.
Divi, crudeles Divi, regionibus illis
Esse jubent: Divi imperiis egere volentem.
In fatis igitur, pacem ut feralibus armis
Mutares, Martemque ovibus sequerere relictis:
Atque, alio degens aliam sub fidere vitam,
Militiam bellicque graves paterere labores,
Et casus idem ancipites, pugnasque subires?
Quam metuo, ne quid noceant hostilia tela,
Labaturque meus isto de vulnere sanguis!
Quam metuo, ne te feriant, immanibus ausis,
Excussi per inane globi, sævisque fatiscas
Ictibus, & terrâ tam cara cæde rubente
Flebilis occurras olim pastoribus umbra!
Di melius! nec dilectum tela impia lædant
Ulla caput: nullusque tibi sese offerat hostis.
Interea, seu castra tenes vallumque tueris,
Seu densis forte in silvis, aut montibus erras,
Aëriisque legis pendentem è collibus uvam,
Seu lento graderis passu vicina secundum
Flumina, teque suo vitreus rapit amne Mosella,
Sis nostri memor usque, loco quocunque vagaris,
Atque animo patrios interdum respice fines,
Si quis amor superest, & nondum oblitus Iölæ es.
Certè ego te, dum vita, colam. piger ante citatum
Præcipitabit Arar Rhodanum, cursuque retorto
Natales sese Rhenus convertet in Alpes,
Quam nostrum ulla tui capiant oblivia pectus.
Est etiam mihi, disparibus compasta cicutis,
Fistula, adhuc spirans os & tua mellea labra,
Æternum nostri ac pretiosum pignus amoris.
Illam seposui inclusam, sanctèque reservo.

Illam sæpe meis manibus tero, sæpe labellis,
 Exuperiorque modos & mollia verba, tuâque
 Pro te sollicitam mentem consolor avenâ.
 Quando erit ille dies, tibi quo data munera reddam,
 Tuque, peregrinis oris populisque relictis,
 Inflabis rursum ipse tuas, velut ante, cicutas?
 Fortunatè Mosella, mei qui pectoris ignes
 Frondoso occultas in margine, nobile serva
 Pignus, & optatum Damoetam flumine pronò
 Fluctibus Amsteliis patrioque remitte novali.
 Sic nunquam perdas nomen majore sub unda,
 Nec tua Rhenano cedat vindemia Baccho:
 Sic udæ vireant ripæ, multisque nateris
 Piscibus: Oceanum velis ita pluribus æques;
 Rivos, mobilitate; lacus, lucente profundo;
 Potu, ipsos fontes: habeasque hæc omnia solus.

Tale suburbanum cantabat carmen ad annem
 Pastorem lugens Damoetam pastor Iölas,
 Cum fausto Nymphæ augurio, cynique canori,
 Plauserunt niveis læto de flumine pennis.

E C L O G A V,

A L E X I S.


 Uspirabat inhumanas Amaryllidis iras
 Pastor Alexis, & abruptos lugebat amores.
 Desertas tantum silvas lustrabat, & altos
 Solus oberrabat montes: ubi talia frustra
 Montibus, & solis jaçtabat carmina silvis.

Intonsi montes, nostræque arbusta, sed olim,
 Con-

Conscia lætitiæ, nunc nostri gnara doloris,
Dicite, prærupti montes, & dicite silvæ,
Dicite, quo mea Nympha jugo, qua valle recumbat,
Supremum saltem ut videam, amplectarque fugacem.
Quo fugis, ô Amarylli? tuum quid ludis amantem?
Nympha, mane: extremum certè quod te alloquar
hoc est.

Me miserum! nihil illa suum nihil audit amantem.

Me miserum! surdi montes, arbutaque surda,

Et mea vesani perdunt verba irrita Cori.

Vos molles potius Zephyri (sensistis amorem

Vos etenim; cœloque preces portatis amantum)

Vos molles inquam, Zephyri, miserescite nostri,

Immitique meos dominæ memorate dolores.

Nil ago: in exitium conspirant omnia nostrum:

Nec profunt Zephyri molles, auræque benignæ.

Sola meos gemitus audit de rupibus Echo,

Passa eadem, geminatque meas, iteratque querelas,

Communemque dolet casum, mihiq; adgemit ultro,

Ipse meos, mecum illa suos deplorat amores:

Echo Narcissum, Amaryllida plorat Alexis.

Sævus Amor deus est. non illum blanda Dione

Monte sub Idalio genuit. de cautibus illum,

Aut iracundo materni è gurgite ponti

Prognatum reor. ille meos crudelis amores

Impulit in scopulos, cæcisque illisit arenis.

Dure puer, matrisque tuæ truculentior undis,

Cur mea tam sævâ torres præcordia flamma?

Cur lentam nullâ torres Amaryllida flamma?

Ah quanto satius foret, ignorare quid esses,

Et nunquam sentire tuos, insane, furores,

Et nunquam sentire tuos, insane, dolores,

Quam sic dilexisse aliquam, nec diligi ab illa!

Quantum isti distat sorti mea! me feras urit,

Me

Me ferus urit amor : nullas sub pectore flammæ
 Sentit adhuc , ridetque meos Amaryllis amores.
 Ipse sequor fugientem : illa averſata ſequentem
 Uſque fugit : rupeſque , & devia luſtra pererrat.
 Quo properas , fugitiva ? quid incomitata vagariſ,
 Et duris ſola in ſilvis & montibus erras ?
 Trifte per inſidias iter eſt , urſoſque , lupoſque ,
 Faunoſque , Satyroſque , & ruricolæ Silvanos ,
 Quique tuas lædent plantas , ſenſeſque , ruboſque.
 Siſte fugam : nec te dubiis committe latebris.
 Siſte fugam : nec luminibus te ſubtrahe noſtris.
 Tecum ego per ſilvas , tecum per dura vagabor
 Saxa ; tibi claudam latus , & comitabor euntem ,
 Ne te forte aliquæ lædant ſenſeſque feræque.
 Heu quid ago infelix , aut qua ſub rupe latentem
 Invenio ? latet illa jugis , latet abdita ſilvis ,
 Ulla nec apparent campo veſtigia toto.
 Huc ades , occultata , tuiſque erumpe cavernis :
 Huc ades , atque meum potius ſuccede ſub antrum.
 Molliter hîc mecum poteris traducere vitam ,
 Hic viridi mecum poteris recubare ſub ulmo ,
 Hic una paſcemus oves , paſcemus amores ,
 Ipſe tuas eadem pecudes in paſcua cogam :
 Ipſe tuas eadem pecudes ad flumina ducam :
 Ipſe tibi flore è vario nova ſerta ligabo ,
 Temporibuſque tuis imponam florea ſerta ,
 Dumque ligo , dumq; impono , ſimul oſcula jungam.
 Dumque ligo , dumque impono , ſimul oſcula junges.
 Interea creſcetis oves , creſcetis amores.
 Sed quid ego hæc autem demens mihi ſomnia ſingo ?
 Effugit ah , ſpernitque meos Amaryllis amores !
 Quem fugias inimica , vide. nec forma , nec ætas
 Eſt mea contemnenda adeo , ſpernendaque amanti.
 Ipſe ego me nuper vicini fontis in unda

Consului; mollesque genas, oculosque notavi;
Et poteram conferri aliis, nisi decipit unda.
Me quoque, si nescis, aliæ petiere puellæ;
Et me Thestylis, & me lubrica deperit Ægle,
Et pulchrum Galatea mihi postponit Amyntam.
Sed me nec formosa Ægle, nec Thestylis, ipsa
Nec tangit Galatea. tibi mea gaudia soli
Sepono, tibi servo meos, Amarylli, Hymenæos.
Tu modo, Nympha, velis, sed tu renuisque fugisque,
Nec mea gaudia, nec mea tu connubia curas.
At quæ non in te suspiria suspiravi!
Mille in te fudi lacrymas, suspiria mille.
Neu te dilexit pastor constantius alter:
Neu te dilexi Nympham constantius ullam.
Tu me sola tenes. tu, primus & unicus ardor,
Prima capis tibi servatæ libamina flammæ.
O quoties flammæ narravi his saltibus illas!
O quam his sæpe mei commisi pectoris ignes
Arboribus; nomenque tuum, formosa, meumque
Incidit teneris, alterno carmine, truncis!
Crescite cum teneris, dixi, duo nomina, truncis,
Et cum nominibus, cum truncis, crescite amores.
Creverunt trunci, creverunt nomina, soli
(Me miserum!) soli vos decrevistis amores.
Hoc faciles vultus, hoc blandæ gratia linguæ,
Et crebri amplexus, totiesque impressa labellis
Bafia spondebant; & inania vota fovebant?
O fallax Amarylli, quid & quid lumine pæto,
Invitasque meos, iterumque cludis amores?
Quem spernis, lasciva? humili non de grege vulgi
Pastor ego, nec quem tu dedigneris amantem.
Ille ego sum, dudum Arcadia bene cognitus omni,
Et carus Nymphis, & Pani carus Alexis.
Ille ego sum, qui surgentis te solis ab ortu

Solis ad occasum cecini, latéque sonare
 Et rupes docui, & silvas, & pascua, & amnes.
 Te referunt silvæ, & rupes, & pascua, & amnes.
 Hei mihi! cantando silvæ, rupesque moventur,
 Tu perstas immota; & nulla carminis arte,
 Nullis blanditiis, nulla tu laude moveris,
 O & rupibus & silvis immanior istis!
 Ergone te, nimium nimiumque ferox Amarylli,
 Nec suspiria mille, nec ora madentia fletu,
 Nec mea carmina, nec tua te præconia tangunt?
 Dura Amarylli, Amarylli meis indigna cicutis,
 Et quamvis indigna, meis dicenda cicutis,
 Sis licet & silvis scopulisque immitior istis,
 Ipsa licet, fugitiva, tuum adsperneris amantem,
 Te non adspernatur amans, nec mutat amorem.
 Seu tu dura manes, seu tu mutaberis olim,
 Nostra manes tamen æternum, æternumque manebis,
 Et quæ primus amor fueras, eadem ultimus esto.
 Certum est in silvis, certum est in montibus illis,
 Quod mihi cunque hujus miseri conceditur ævi
 Per tenebras trahere, & solis mœrere sub antris.
 Implebo silvas, implebo carmine montes
 Luctifono, gemitusque cava de rupe ciebo:
 Nec prius hæc miserum lacrymæ, quam vita, relin-
 Nil nisi flere juvat. non me jam cura peculî, (quent.
 Non me cura tenet pecoris. pastore remoto,
 Incustoditæ pecudes per rura vagantur.
 Nullum illæ fluvium, nullam illæ graminis herbam
 Attingunt. idem pecudes, pecudumque magistrum,
 Perdit amor: moriuntur oves, moriturque magister.
 Cara vale Amarylli: meos jam spiritus artus
 Deserit: hisce meos restinguam fletibus ignes.
 In fontes abeunt oculi, sensimque liquescit
 Corpus, & humectat lacrymarum pascua rivo.

Extinctam Siculæ lugete Lycorida Musæ.
 Vobiscum ipsa Pales, pastoralisque juvenus,
 Cum quibus illa choros patriis agitarat in arvis,
 Amissam dolet: amissam pecus ingemit omne,
 Balatuque suo luctus testatur acerbos.

Ipse ego desertis agito sub montibus ævum,
 Inclamoque meam mœrente Lycorida voce,
 Heu frustra! non audit enim mea verba Lycoris.

Extinctam Siculæ lugete Lycorida Musæ.
 Marcent purpurei moriente Lycoride flores.
 Lilia flaccescunt: pallet rosa: perdit honorem
 Narcissus, vultusque suos, quos arserat, odit.
 Demittit ferrugineus mœsta ora Hyacinthus,
 Antiquosque novat gemitus, & plenius ai ai
 Tristibus inscribit foliis, duplicatque dolorem.

Extinctam Siculæ lugete Lycorida Musæ.
 Quis silvas horror, quis habet dolor? omnia latè
 Rura silent. nullis resonant concentibus agri,
 Et matutinæ vocem pressere volucres.
 Sola gemit, sterilique sedens mœstissima ramo
 Triste canit Philomela, arbustaue rumpit acerbis
 Questibus, & nostros in longum plorat amores.

Extinctam Siculæ lugete Lycorida Musæ.
 Et vos, ô volucres, ô flores, vosque magistri,
 Et pecudes, vallesque cavæ, collesque supini,
 Fontesque, fluviique, orbataque frondibus arbos,
 Campique, silvæque; meam lugete puellam,
 Formosam viduæ lugete Lycorida silvæ.
 Illam non solæ lugebitis. illam ego fletu
 Perpetuo, gemituque, & luctifono singultu
 Prosequar, & cineres lacrymis atque ossa rigabo.
 Hic me præcipuum tangit dolor. illius urnam
 Mollibus ornabo violis, & virgine lauro,
 Et dicam: Jacet hoc tumulo, mea vita, Lycoris.

Extinctam

Extinctam Siculæ lugete Lycorida Musæ.

Ah, formosa Lycori! tuum sic linquere amantem
Dura vales? sic me solum, carissima rerum,
Destituis, comitemque fugis? tecum ire sub umbras,
Tecum unà potuisssem invisam abrumpere lucem.
Gratior hæc certè mihi mors, quam vita, fuisset.
Te sine sustineam quid vivere? te sine sordent
Omnia; quique mihi quondam placuere recessus,
Quid, nisi vile solum, nunc sunt? sua gramina campis,
Arboribus frondes desunt, sua frondibus umbra,
Ex quo liquisti silvas & rura, Lycori.

Extinctam Siculæ lugete Lycorida Musæ.

O nemora! ô saltus! ô pascua læta, capellis
Delibata meis, tenerisque Lycoridos agnis!
O quoties vidi pendentes rupibus illis,
Miratusque loci faciem, diducta per omnes
Lumina converti partes, positosque notavi
Sub pedibus campos, & euntes desuper amnes!
Pascentes hic nos pecudes conjunximus unà,
Hic animos. his arboribus vitavimus æstum,
Exceptusque tuo gremio, formosa Lycori,
Duxi securos in eodem cespite somnos.
Sæpe dies primus nostros conspexit amores:
Sæpe dies serus nostros deprendit amores.
Te sero, primoque die, medioque canebam,
Lætaque silvestri modulabar carmina canna.
Hei mihi! quam lugubre sonat, quam flebile carmen
Integrat hæc eadem! quanto mœrore fatigat
Omne nemus, longisque implet cava saxa querelis!

Extinctam Siculæ lugete Lycorida Musæ.

O infelices pecudes, quondamque beatæ!
Flete, piæ pecudes, dominamque dolete peremptam.
Non vivos vobis fontes monstrabit, & amnes,
Non vobis cytisum, ac salices præbebit amatas

Amplius, & fero saturas sub vespere coget.
Ne tamen, ô miseri, post fata Lycoridis, agni,
Incustoditi solis erretis in agris,
Vestri cura mihi incumbet. vos semper amabo:
Vos quoniam mihi cara Lycoris amaverat ante.
Vos gelidas ad aquas, herbosaeque pascua, ducam.
Vos pecori immiscere meo libet. Ite, capellæ,
Ite mei, grex noster enim nunc estis, & agni,
Ite, juvat quocunque; sed, hunc arrodere montem,
Parcite; nam sacer est: jacet hoc sub monte Lycoris.

Extinctam Siculæ lugete Lycorida Musæ.
Mons facer, & semper viridis sacra culmina montis,
Tuque lapis, qui cara meæ tegis ossa puellæ
Mole sub hac, æterna mei monumenta doloris,
Partem hujus servate animæ, dominæque sepultæ
Este leves; mollique sinu, placidoque recumbat
Illa loco: vos perpetuo venerabor honore,
Vos flore aspergiam vario, tumuloque quotannis
Et lacrymas, & de lacrymis ferta humida nostris
Dona feram, quæ sub nigra fortassis arena
Sentiet ipsa Lycoris, & hunc agnoscet amorem,
Muneribus sacrum cinerem dum spargimus istis.

Extinctam Siculæ lugete Lycorida Musæ.
Care cinis, semperque animo, dum vita sinebat,
Culte meo, quondam, ah quondam, pulcherrima virgo,
Et cunctis mihi virginibus prælata puella,
Nunc cinis exiguus, nudumque in marmore nomen;
Cara puella, puella oculis gratissima nostris,
Primus amor, teneraque mihi dilecta juvena,
A puero dilecta mihi, dum infirmior ætas
Umbrabat molli nondum lanugine malas,
O toties totiesque meis constricta lacertis,
O thalamo promissa meo, quid foedera lecti
Pacta negas, quid tam sanctos abruptis amores,
Quoque

Quoque tuum corpus tumulo, mea gaudia condis?
 At non & tumulo tecum condetur eodem
 Noster amor. dum sum ipse super, super ille futurus,
 Et vitæ qui finis, erit te finis amandi.

Fallor. & hac anima erepta, post funera, noster (bram
 Vivet amor. cinerem ipse cinis te amplectar, & um-
 Umbra tuam, nusquamque tua divellar ab umbra.

Extinctam Siculæ lugete Lycorida Musæ.

Umbra beata, beata meæ prius umbra puellæ,
 Quæ nunc Elysiis erras in vallibus, & nunc
 Eridani lætas pecudes ad flumina pascis,
 Si quid adhuc nostri memor es, tristisque fluento
 Ignavæ nondum potasti obliviam Lethes,
 Si quis amor memori superest, & mutuus ardor,
 Hanc mihi conserva flammam, dilecta Lycori.
 Tempus erit, cum nostra tibi sese addet imago,
 Amplexusque dabit consuetos, castaque figet
 Oscula, & Elysi nemoris per amœna vireta
 Passibus unanimes conjunctis ibimus umbræ,
 Et primum ardorem, & veteres revocabimus ignes
 Igne novo, nulloque ævo, nulloque dolore
 Interrumpendum læti pascemus amorem.
 Interea dum lugubri tibi carmen avena,
 Dum lacrymas raptæ tibi fundimus, accipe quæso
 Hæc animi monumenta, & tristia dona dolentis,
 Donaque, donantisque animum mea sume Lycori.
 Jamque vale. Tecum manes descendet ad imos
 Noster amor; semperque tui meminisse juvabit.
 Te nemora, & fontes, vicinaque rura dolebunt:
 Te pastorales calami: te hæc tristis arundo
 Flebilibus dicet numeris, & tempore nullo
 Cessabunt nostræ lugere Lycorida Musæ.

[The page contains faint, illegible text, likely bleed-through from the reverse side.]

ELEGIÆ.

ELEGIARUM

LIBER PRIMUS.

AD DEUM,

Pro salute publica.

E L E G. I.

M Agne Deus, (quid enim superest, quam
vota precesque?)

Da, quæso, votis, da precibusque locum.

Vota Deum flectunt mortalia. sæpe pre-

Excussere tuâ fulmina sumpta manu. (cantes

Te rogat auxilium tumidis deprensus in undis

Navita, dum cœlum non nisi mente videt.

Te rogat auxilium multis singultibus æger,

Nec vox, amissa pæne salute, perit.

Nos quoque morbus habet, lectoque affigit inert:

Nos etiam fluctus, nos fera versat hiems.

Æquora surrexêre; mari nox incubat alta:

Ac res spectari nulla, nisi unda, potest.

Africus hinc nigris, hinc Eurus inhorruit alis:

Hinc Aquilo pinum verberat, inde Notus.

Vect̃or in ambiguo est, & , dum furit æstus arenâ,

Jam jam potandas naufragus horret aquas.

Nunc timet in Syrtes, nunc alta Ceraunia mitti,

Et parili distant morsque salumque gradu.

Crescit

Crescit & anxietas, quantum ipsa pericula crescunt.
Ingenio robur subtrahit omne pavor.

Nec minus ægra jacet nunc patria : tota laborat ;
Vellitur & miro , distrahiturque , modo.

Celtarum rex arma movet , movet arma Britannus ,
Quosque sui comites Gallia Martis habet.

Quisque manu valida stimulatur , & agmina cogit.
Nec mora : diripiunt mœnia ; rapta premunt.

Res ignota mihi , nota est tibi : tempore parvo
Oppida Borbonium tot subiisse jugum.

Innumeri mœrent cives , matresque , nurusque ,
Et sua quæ ploret damna colonus habet.

Pars detruncata est de corpore multa ; caputque ,
Ipsaque pestiferum viscera virus edit.

Uterius gliscit violentia , fulminis instar ,
Magnaue cum dederit vulnera , magna dabit.

Cladibus hæc nuper , vicinorumque ruina
Sensimus : at nostris nunc ea vera malis.

In nostrum excidium gens plurima jurat , & omnem ,
Qua data porta , rogo vindice , tondet humum.

Non finis furiis , non est modus. ingruit hostis.
Hic ornat classes , hic nova signa parat.

Horrida mox campos legio pulsabit apertos :

Implebunt ponti cærule mille rates. (timetur :
Quo res summa loco ? miserum est quodcunque

Quodque premit miserum est , jam patimurque , pati.
Deferimur cunctis. socii vix unus & alter.

Firma fuit reliquis in levitate fides.

Perdidimus cultasque domos , urbesque , solumque ,
Cumque suo populo pristina fama jacet.

Spem quoque perdidimus. neu spes super ulla salutis ,
Arte tua nobis ni medearis , adest.

Ergone tam lentâ moritura Batavia tæbe ?

Lumina nec condant qui morientis , erit ?

Non, qui communi lacrymas in funere fundat?

Non, qui sparsa levi pulvere membra tegat?

Orba sed exequiis, sine fletu, & honore sepulcri

Occidet, & nudâ nuda jacebit humo?

Illane tam foedis urenda palatia flammis

Scilicet, & tantas hauriet ignis opes?

Quæque prius poterant & regibus apta videri,

Lustra feris fient turpibus? antra lupis?

Mergeturque suis, quâs cingitur undique, tellus

Fluctibus, ut fiat, quod fuit ante, salum?

Nautaque præteriens deserti litoris oram,

Dicat: Ubi est hodie, quæ modò tanta fuit?

Diluviumve igitur rursus patieris, & imbres,

Duraque Lamechidæ sæcla redire senis?

Non finit hoc Arcus cœlo tuus. esse severum

Te vetat. indicium pectoris ille tui est.

Parce, precor, partemque truci de fulmine deme,

Et minus iratâ projice tela manu.

Succurras, oro, miseris, Pater. altera plaga

Possit in afflictos, barbariesque, nihil.

Da vires, da communi fomenta dolori,

Et redeat membris, qui fuit ante, vigor.

Eripe naufragio quassam navim. illa procellas,

Et rabiem æquoreæ strenua vincat aquæ.

Mergere posse, sat est. at tu servare memento,

Qui tibi servati gloria major erunt.

Non quia nos digni, mitissime, sed quia lene

Pectus, & adtimidas cortibi molle preces.

Nil equidem, nisi plura pati, meruisse fatemur;

Turbaque vix pacem digna rogare sumus.

Mille modiste, Sancte, tuamque armavimus iram,

Et nostrâ pœna est impietate minor.

At, nisi peccarent homines, ignoscere Numen

Cui posses? veniæ quis locus esse queat?

Clementem te culpa facit. mortalia cessent
 Crimina, nil bonitas quod tua donet habet.
 Atque ut crebra quidem scelerato admisimus ausu,
 Sic humana tamen crimina, crebra licet.
 Intra hominem mansere: cruentatique leonis,
 Urforumque nihil de feritate tenent.
 Debita non populis confudit jura, Deoque,
 Dextra: nec injustis induit arma modis.
 Non male tentavit vicinam exscindere gentem,
 Innocuoque fuit sanguine facta nocens:
 Impiaque inceptans sine more, sine ordine bella,
 Invasit socias, diripuitque, rates.
 Foeda neque in puppes incendia movit, & ædes,
 Bellorum vetitos legibus ausa dolos.
 Noxa minor nostra est. neque enim scelerata ciemus
 Arma, sed invitos arma coacta trahunt.
 Vincimus ut causa Batavi, vincamus & armis,
 Inque hostem exitium, quod minitatur, eat.
 Et, si rem nulla componi pace licebit,
 Concidat; & legem, quam tulit, ipse ferat.
 Tingat agrum: det terga fugæ: det carbasa ventis;
 Et rubeat multo sanguine pingue salum.
 Pulvere sic tandem ferroque extorta resurgat
 Laurea: sic Batavas velet oliva comas.
 Hoc cupiant captæque urbes, sociique subacti;
 Hoc gens, hoc tellus libera nostra velit:
 Hoc juvenum fususque cruor, nuptæque, virique,
 Et tener, heu frustra matre tegente, puer:
 Stupratæque nurus, quas ne nece perderet unâ
 Hostilis Rheno merfit in amne furor:
 Hoc pecudes, ustæque domus, versique penates,
 Et Bodegravæo rudera sparsa solo:
 Hoc Swammerdami cineres: hoc muta favilla,
 Quæ tua suspirans surgit in ora, rogat.

Ut fileant homines, fluviiq; & saxa loquentur:

Ut fileant, ipsi comminuere rogis.

Sed non finitimus patitur dolor ista fileri,

Multaque per moestas labitur unda genas.

Ecce nimis erudo vexata Batavia bello

Supplicat ante tuos, ore madente, pedes.

Respice submissam, non quâ fera nubila cogis,

Sed quâ dispellis nubila fronte, Pater:

Explicitumque brevi dubii discrimine belli

Ire jube populum tuta per arva tuum.

Nempe tuus certè populus sumus: & tua saepe

Præsentem bonitas testificata Deum est.

Auxiliis Hispana tuis avertimus arma

Bis septem à patriis & duo lustra focis.

Casibus innumeris modo fracta, modo addita, virtus:

Jamque fuit victor, jamque figatus, Iber.

Tum quoque cum nostris lux visa novissima rebus,

Et non fida satis terra, nec unda, foret;

Tu statio, tu portus eras; terraque receptos

Vexisti ad summum parva per orsa decus.

Magna quidem, sed præteriti monumenta favoris

Sunt ea: signa magis nos hodierna movent.

Duxisti quoties, medios dilapsa per hostes,

Plena bonæ mercis carbasa? plena tui?

Auspice te parata est navalis adorea pugna.

Succubuit telis utraque turba tuis.

Tu cæco involvis nimbo, tu nubibus atris,

Æthera: & æstatis tempore frendet hiems.

Litora tu puppes irumpere nostra parantes

Disjicis irato terque quaterque mari.

Alterius frenas molimina regis, & urbes

Cum teneat plures, pluribus ipse caret.

Trajecto prohibes decedere: totque triumphos,

In medio cursu, dispulit una dies.

Bruma fuit : campi, Borea indurante, rigebant.

Quas non ista fuit bruma datura neces?

Irruerant hostes. laxatur frigus, & aër.

Pars hæret glacie : pars bona merfa jacet.

Haga tibi grates solvit. nec sustinet Haga,

Dum memor ipsa sui, non memor esse tui.

Quod nondum sumus hostili data præda furori,

Urimur & servo libera colla jugo:

Quod lucem hanc, quod adhuc vitales ducimus auras:

Hoc quod nunc grati possumus esse, tuum est.

Parce, Pater; servaquetuam, tua munera, gentem:

Nec tua sint nobis ora severa diu.

Et, puto, mollescent. facie quâ durus, eadem

Justus es, atque tuos non finis usque premi.

Justus eris certe, non iustaque tela refringes:

Jamque hostes pœnas, quas meruere, dabunt.

Auguror; occumbent: & lapso latior annus

Protinus auspiciis ibit, eatque, tuis.

Intepuere nives, & clementissima cœlo,

Ac nova jam redeunt tempora, vere novo.

Tu quoque cum miti redeas clementior hora,

Et lenem mundi morem imitare tui.

Aspera cesserunt ut frigora, prælia cessent

Aspera, & optatæ tempora pacis eant.

Neve, Pater, mea Musa tua sit longior ira,

Illa modum ponat versibus, ira sibi.



IN TERTIAM BATAVORUM

DE

GALLIS AC BRITANNIS

eâdem æstate reportatam

NAVALEM VICTORIAM.

E L E G. II.

Dicite nunc , Pæan , & , Iô , ter dicite , Pæan !
 Ter Batavis domito laurea parta mari est.
 Eloquor ? an fileo , signatque modestia
 vocem ,

Cautiùs & tantus diffimulatur honor ?
 En taceo . lingua non est opus : æquora pro me
 Hostili poterunt tincta cruore loqui :
 Quique globi per inane volant ; immistaque fumo
 Fulgura ; & obductus nocte nigrante dies :
 Et vos concussi tormenta per ænea colles ,
 Litoraue , & rauco mœnia quassa sono .
 Desistant hominum ora loqui : tormenta sonabunt
 Latiùs : hæc vel me bella filente canent .
 Hæc melius Batavos enarratura triumphos .
 Exigui non est gutturis illud opus .
 Austrinum gelidâ sonus hic pertinget ab Arcto
 In mare . vox æris tanta futura cavi est .
 Audiat hanc Eos , & quâ declinis Ibero
 Phœbus anhelantes gurgite mergit equos .

Prostra-

Prostratos sale Pleumosis terra audiat hostes,
 Nereaque excusso legibus ire jugo:
 Ter reges cecidisse duos: & sparsa per undas
 Alnorum innumeris membra, virumque, locis.
 Necte triumphales, age necte, Batavia, lauros,
 Sertaque Daphneæ quernæ junge comæ:
 Victoriq; Deo grates, & debita solve
 Carmina, pro populo qui tulit arma suo.
 At vos, ô Reges, auctorem agnoscite vestræ
 Cladis, & adverso ponite tela Deo.
 Cernite, nî vobis oculos ille abstulit omnes,
 Quæ faveat nobis dextra, quibusque modis.
 Scilicet infestis circumvallata catervis,
 Et prope capta capit, victaque vincit humus.
 Ecqua fides? uno soli tria vicimus anno
 Prælia. non hominum; Numinis ista nota est.
 Agmina vos sternunt cœlestia. parcite cauti
 Humanas illis opposuisse manus.
 A tergo vindicta premit. concedite cœlo.
 Jamdudum vestrum damnat, & horret, opus.
 Illius exemplo destitutum condite ferrum:
 Sitque odiis aliquis barbariæque modus.
 Tuque prior, Lodovice, iram depone minasque,
 Diraque perpetuâ comprime bella serâ.
 Quid Christi delere paras, fortissime, gentem,
 Tu qui de Christi nomine nomen habes?
 Non tam sæva tibi de se monumenta reliquit.
 O quantò ingenio mitior ille tuo!
 Ille suum pacem populum, non bella, docebat:
 Quæque suis tribuit commoda, pacis erant.
 Pax erat in vultu, pax dulci fluxit ab ore,
 Exemplum pacis vitaque morsque fuit.
 Et nunc per Bethlæ colles errabat amicos,
 Errabat campis nunc, Samaria, tuis:

Nunc Galileæ placidâ spatatus in umbrâ,
Pascebat mites, flumina propter, oves.
Hærebant amnes, spirabant lenius auræ,
Jordanes fractâ lenior ibat aquâ:
Clementique sacram lambebat flumine ripam,
In morem Domini transieratque sui.
Nulla per hunc fuso maculata est unda cruore,
Nullius manus hæc sanguine facta nocens.
Pax fuit, & pacem coluit Deus. oderat arma:
Multaque perpeffus vulnera, nulla dedit.
Has dotes imitare bonus; pacemque, Deumque,
Indue: quemque refers nomine, mente refer.
Quid petis innocuos? regnandi immensa cupido,
Quos libuit, populos num facit esse reos?
Quin potius junctæ sociamus fœdera gentes,
Alteriusque bonis altera servit humus?
Et poteras proprio securus vivere regno:
Satque tibi campi, sat ditionis, erat.
Nec minùs & reges audires maximus inter,
Nec minùs Europæ gloria prima fores.
Augustus toti dum legem imponeret orbi,
Num patre, num se ipso bellâ gerente minor?
Pace data, gemini stridentia limina Jani
Clauserat, imperii censor; amorque, sui.
Ipse fruebatur donis, lætoque suorum
Carmine. pax illi longa triumphus erat.
Non illum gladius, non illum sica peremit.
Argentes oculos Livia pressit anus.
Hæc eadem te fama, eadem hæc te vita maneret,
Imperio votis sufficiente tuis.
Subjiciunt tibi regna duo latissima Celtæ.
Ampla parum capiti bina corona tuo est?
Quid Batavo affectas viêtricem in pulvere palmam;
Nec, quanto hæc veniat palma cruore, vides?
O, tibi

O, tibi qui varias Europæ subjicis urbes,
 Quot tua fleturis gentibus arma moves!
 Tu quoque quid populos bellum moliris in illos,
 Carole, quîs solii debitor ipse tui es?
 His tu muneribus Batavûm benefacta rependis?
 Et violare fidem, conciliare vocas?
 Nec te noster amor, nec te communia vincla,
 Nec te Religio, nec Deus ipse movet?
 Quò conjuratam deducis in æquora classem?
 Quantum fraterni funeris illa vehit!
 Quid maris affectus regimenè mortale recusat
 Imperium pontus. vindicis ille Dei est.
 Mandatis, rex magnæ, tuis ut pareat æquor,
 Æquore disjectæ dant documenta trabes.
 Quis fructus detestandi, quæ gloria, Martis?
 Cogaris heu damnis arma movere tuis.
 Ipsa doletmersam viduata Britannia pubem:
 Ipsa dolet nullas ire, redire, rates.
 Incipe (quid cessas?) fessis succurrere rebus.
 Si non vis nostris parcere, parce tuis.
 Ulterius duri studiis ne rendite, Reges.
 Horrida sanguineâ projicite arma manu.
 Desinite infandis divellere cædibus orbem,
 Qui meliùs per vos consociandus erat.
 Ah satis est. revocate viros, revocate carinas.
 Quò ruitis? patrium quisque redite larem.
 Ite, precor, tandem unanimes in fœdera fratres,
 Et sperata diu tempora mundus agat.
 Pergite, dum locus est, dum lecta Colonia paci.
 Nescio quam spondet jam mihi Rhenus opem.
 Discordes liget ille animos: tellure marique
 Commissum populis expiet ille nefas:
 Et, consanguineo modò quæ maduere cruore,
 Fœdere constrictas abluat amne manus.

TULPIANIS MANIBUS.

Ex persona Defuncti.

E L E G. III.

PArce meos lacrymis onerare, Batavia, manes,
 Quisquis & ad tumulum fletque gemisque
 meum.

Flere decet juvenes, quos primo in flore juventæ
 Occupat, ante diem mortis, acerba dies.

Terrarum & vitæ saturo quod vivere possem
 Defuit, haud ultra vita, quod optet, habet.

Dum vixi, corpus validum, patiensque laborum,
 Incolumique fuit prole beata domus.

Pœonias colui non infelicitè artes,
 Crevit & ingenio res tua, Phœbe, meo.

Nec vixi sine honore : meo pede curia trita est,
 Parsque senatorum Tulpius una fui.

Ipse suos, ultroque, mihi quater Amstela fasces
 Obtulit, & magnæ credidit urbis onus.

Neve inclusa foret patriis mea gloria muris,
 Inclyta virtutis testis & Haga meæ est.

Hæc ingesta mihi : sed, honore potentior omni,
 Pax animi votis una petita meis.

Hæc fasces, hæc regna domi majora parabat.
 Perpetuus placido sub lare consul eram.

Non illic studiis, non ambitione trahebar,
 Curarum oblitus omnium, & ipse mei.

Sic ego transegi, Natura quod addidit annis:
 Sic mihi dulce fuit vivere, dulce mori.

O ter inoffenso felix qui tramite vitæ
 Supremum clausi composuque diem!
 Amisit jam plaga locum, me jure beatum
 Nominet, ac Cræso præferat, ipse Solon.
 Quod neque divitiæ Lydo, distincta neque auro
 Purpura, mors animo præstitit omne meo.
 Mors, hujus finis vitæ, melioris origo,
 Plus mihi dat solio, Cræse superbe, tuo.
 Non ego Cecropium suprema voce vocavi
 Arsurus structis in mea fata rogis.
 Tranquillus placidusque senilia lumina condens
 Implevi summum, Morte vocante, diem.
 Fortunate dies, qui me tellure caduca
 Tollis, & optatos das habitare locos.
 Jam dudum mea sidereas speraverat arces,
 Gaudebatque Deo mens propiore frui.
 Sub pedibus jacuistis opes, jacuistis honores,
 Et quæ sollicitum somnia vulgus amat.
 Contemptumque lubens mundum, cupidusque reliqui,
 Hic etenim mundus quid, quod amemus, habet?
 Mille per æumnas adeo producitur ævum.
 Nunc miseros morbi, nunc fera bella premunt.
 Nupera quid repetam Batavis data vulnera rebus,
 Cum durum fuerat vivere, suave mori?
 Ut patriam vidi, Faveas, pater optime, dixi,
 Et des alterutras pondus habere preces:
 Hostibus innocuam belloque evertere gentem,
 Si placet & sedit; mors mihi sola placet:
 Sin punire juvat potius, non protinus omnem
 Perdere, sim, salva gente, superstes ego.
 O mea tam lentis procedat passibus ætas,
 Ut videam Batavo reddita jura solo!
 Tum, Genitor, quocunque vocas sequar ordine lætus.
 Est mihi nam, patria sospite, vita mori.

Audit, & extremam donat succedere partem.

Hoc quoque fortunis addidit ille meis.

Quid votis ego velle, Deus dare majus habebat?

Munere nil isto plenius esse potest.

Lumina viderunt pacem mea, cumque Britannis

Tertia concilio foedera facta meo.

Cœlesti nunc pace fruor : Mars exulat unde

Impius, & nullum mors habitura locum.

Explicitâ bello patriâ, patria altera cœlo est.

Illius dicor civis, ut hujus eram.

Hîc amor, hîc fixas posuit concordia sedes:

Hæc æterna quies templa salusque colunt.

His ego commutem terrestria? cedit, terræ,

Et quiquid vani lubricus orbis habes.

Vivere, si detur, renuam : juvenescere nolim;

Et, quam confeci, rursus inire viam.

Quis citet admissos retro de carcere currus,

Extrema spatium circueunte rota?

Quis vento exponat dubiam, pelagoque, carinam;

Quam suus in tutum fluctus, & aura, tulit?

Jam metam tenuere mei, palmamque, jugales:

Quem petiit, portum jam mea puppis habet.

Et felix vixi, & felix vitale reliqui

Lumen: habet cœlum mens mea; corpus, humum.

Ergo flere virum vitæque & morte beatum

Definite: invidia est, non amor, iste dolor.



De Morte

ABRAHAMI HEIDANI,

Ad

CAROLUM CRUCIUM,

Nepotem.

ELEG. IV.

ERgone vixit avus, Cruci, tuus, ora que pressit,
 Quæ toties lachrymas elicuere meas?
 Illa silent : nigraque brevè condentur arena.
 Heu quantum eloquii vilis arena teget!
 Parce tamen lacrymis, ô Carolè, parce dolori.
 Nil poterunt lacrymæ, nil tuus iste dolor.
 Sic placitum cælo. cælo parere necesse est.
 Non hoc, quem luges, si queat, ipse neget.
 Hoc docuit populumque suum, carosque nepotes:
 Hoc docet exemplo teque tuosque suo.
 Hic te flere vetat. monitum ne sperne supremum,
 Dilecti monitus usque secutus avi.
 Ille tibi interiit flendus, populoque, mihi que;
 Me tua, me populi, me mea damna premunt;
 Sed tamen interiit senior : lætusque lubensque
 Mortem obiit, vitæ jam satur ipse suæ.
 Quid quod & hanc primo semper meditatus ab ævo est,
 Quodque diu didicit ferre, subivit onus?
 Est aliquid, didicisse mori; passuque volente,
 Quando fata vocant ultima, fata sequi.

Est aliquid , laudum titulis & honoribus auctum
Florentem multa prole videre domum ;
Et natos , & perpetuos numerare nepotes :
In quorum serie , Carole , primus eras.
Hujus adhærebas lateri comes : hujus ab ore
Legisti madidis ultima verba genis.
Num tibi succurrit supremæ noctis imago ?
Quæ vox , qui vultus jam morientis erat ?
Magno animo occubuit : vultuque , & pectore forti
Naturæ legi paruit . atque Deo.
Nec tamen occubuit . mens est , qua vivitur : illâ
Vivit , & extremum vivet ad usque diem.
Quod fuerat mortale , jacet . populabile corpus ,
Et tantum cineres ossaque terra tenet.
Fama viri totum spatiosa perambulat orbem ,
Altaque contempto scandit in astra solo.
Dum Musis constabit honos , dum Leida vigebit ,
Doctorumque leget scripta , legetur avus.
In linguis animisque hominum , per sæcula , vivet :
In cognatorum cordibus , inque tuo.
Hoc sit ut exiguum : pro vita hac , vita perennis
Est data ; qua majus nil habet ipse Deus.
Sedibus adscriptus superis , cœloque receptus ,
Debita cœlicolis oria lætus agit.
Hic fortunatum calcat nemus , arvaque lustrat ,
Quò sibi commissas ante vocavit oves.
Hic pace æterna fruitur : flammantia mundi
Hic admiratur templa , suumque Deum.
Quare age , parce queri : nec eum vixisse putemus
Carole , cui vitam Fama , Deusque , dedit.
Ingenium in terris : alto mens vivit Olympo.
Hæc sunt Heidani : cætera mortis erant.

NATALIS CHRISTI.

ELEG. V.

Descendit cœlo Deus, & mortalia membra
 Induit, & nasci paupere gaudet humo.
 Bethlemii salvete lares, vos scilicet illum
 Excipitis, quem nec terra, nec æthra capit.
 Clauditur abjecto desolatoque mapali,
 Qui mare, qui terras, sideraque alta regit.
 Qui cœlum stellis, qui terram gramine vestit,
 Lana homines, pecudes vellere, veste caret.
 De stipula fœnoque Parens dat sedula Nato
 Quas poterat vestes, quem poteratque torum.
 Est illi præsepe torus, virgulta tapetes,
 Turba pecus, parvæ tecta superba casæ.
 Illic adstanti Matri, quas ruminat, herbas
 Porrigit officio bos alinusque novo.
 Et quasi sentirent vicinum Numen, adorat
 Vicinum flexo Numen uterque genu.
 Ille autem, quem mox totus venerabitur orbis,
 Vilibus in stabulis straminibusque jacet.
 Majestas tamen in Puero est, divinaque virtus
 Emicat è teneris, & Pater ipse, genis.
 Agnoscunt illum aligeri toto æthere cætus:
 Et plausu & læto murmure cuncta sonant.
 Pars carmen cœleste canit: pars nuntiat orbi
 Adventum Pueri faustum, hominemque Deum.
 Deserit excubias pastor, cunasque salutat,
 Et variis sacram floribus ornat humum.

Eoi veniunt extremo à litore reges,
 Plurimaque obsequii munera signa ferunt.
 Ipsa viam monstrant summo rutilantia cœlo
 Sidera, natalem respiciuntque locum.
 Dicite, mortales; quis non deprendit in illo
 Numinis effigiem Patris, & ora Dei?
 Ille Deus, Puer ille, ætas cum fecerit illum
 Firma virum, mundi triste levabit onus.
 Humani generis sordes Puer iste piabit,
 Quæque fuit nostrum pondera ferre feret.
 Credere quis possit! mortem vitæ oppetet auctor:
 Ut nobis vitam morte det ille sua.
 Nos ut amet, Deus ecce suos exponit amores,
 Datque neci Gnatum (quis putet?) ipse suum.
 Mira Dei bonitas: nos pro bonitate parentis
 Sternimur ante tuos, ô modò nate, pedes.
 Quod fieri voluit, fecisti; ultroque lubensque,
 Paullum occultato Numine, factus homo es.
 Nec te matre, Puer, puduit de paupere nasci;
 Nec puduit parva delituisse casa:
 Et circumstantes inter vagire juvencos,
 Mugitusque boum percipere aure tua.
 Deprimeris, nos ut tollas in cæcula cœli:
 Nos ut honoremur, tu sine honore jaces.
 Ipse humilis cum sis, humiles nos esse jubemur,
 Et mundum exemplo spernere opesque tuo.
 Tu non inflatas animas, & tenuia corda
 Eligis, atque humiles ad tua regna vocas.
 Alme puer, si Pastorum tibi vota piorum;
 Munera si Regum grata fuere tibi:
 Si puro dantes animo, non munere, censes;
 Si locus est votis, muneribusque meis:
 Munera parva meæ ne dedignere Camœnæ;
 Dedignere animi ne pia vota mei.

ELEGIARUM LIB. I. 135

Vota tibi ferimus, ferimus tibi carmina nostra.

Tu vultu adspicias ista decente Deum.

Ille bonus, facilisque. bono mea munera vultu,
Naturæque tuæ conveniente vide.

Nec tu dona, precor, sed amorem dantis, in illis
Adspice. res magno convenit illa Deo.

Corda Deus spectat, non munera. si bona mense est,
Plus centum bubus, simplice gaudet ove.

Quare luminibus donum, dantemque, benignis
Conspice, si donum forte datorque placent.

Blande puer, Matrisque tuæ, Patrisque voluptas,
Edite matre puer virgine, patre Deo:

Verus homo, verum Numen, decus ætheris alti,
Humani generis spes, Erebiue tremor:

Lætitiæ, pacisque dator; namque otia mundo
Natales quondam læta dedere tui:

Huc oculos faciles, pacataque lumina flecte.
Illa mihi cælum lumina, teque dabunt.

Te mihi cum dederis, dederis simul omnia tecum.
Tantum in me vertas ora, beatus ero.

Quem semel adspiciunt radiis tua lumina puris,
Illum continuo vita beata manet.

Nos etiam numero per te numeremur in isto,
Simque tui pretium parsque laboris ego.

Me quoque, si merui tantos indignus honores,
Respice, & è cunis exere mite caput.

Utque tuas vidit cunas pastoria turba;
Sic mihi sit, solum posse videre tuum.



MORS CHRISTI.

E L E G. VI.



Qcumbit, moriturque Deus. Sol, occule
 vultum,
 Lucidaque inductis nubibus ora tege.
 Audit, & inductis condit Sol nubibus ora,
 Ne videat Domino tantum obeunte nefas.
 Induit atratas vestes, nostrique colorem
 Criminis, extincto, machina tota, Deo.
 Horrendo reboat tonitru, micat ignibus, æther.
 Hunc solum præbet gentibus ille diem.
 Succutitur tellus: surgunt maria aspera ponto:
 Diffiliuntque altis ardua faxa jugis.
 Ecce Sion sua templa quatit, sacra lintea rumpit,
 Dilectus Superis ille, Deoque, Sion.
 Una tamen Solyme concusso immobilis orbe
 Permanet, & multo cæca dolore furit.
 Illa, odiis ardens immanibus, agmine denso
 Circumstat lignum triste, Deumque necat.
 Monte sub aërio terræ moderator & alti
 Ætheris infami de trabe pendet onus:
 Extensasque manus, longis affixaque clavis
 Ostendit magno brachia nuda Patri.
 Spina caput fodit, hasta latus, perque omnia membra
 Mille fluit plagis vulneribusque ruor.
 Utque cruor venas, linguam sic deserit humor.
 Sanguine membra suo, lingua liquore caret.
 Qui vivos homini fontes, undasque salubres
 Sufficit, & dulces sponte ministrat aquas,

Fons

Fons vitæ, fons jugis aquæ, fitit ipse, & aceto
 Cogitur, & mixto felle levare fitim.
 Nec satis hoc. verbis turba illum incescit amaris,
 Et plus, quam ferrum, quam sitis, ora nocent.
 Si Deus es, descende tuo, Deus inclyte, ligno,
 Atque aliquid magno dignum, ait, ede Deo.
 Qui plures alios servasti, occideris ipse.
 I nunc, & regis, rex bone, nomen habe.
 Ille filet, Patremque ipsis pro fontibus orat,
 Et verba errorem, non scelus, ista vocat.
 Nec minus & dictis illum mordacibus urit
 Ejusdem pœnæ suppliciiq; comes.
 Increpat hunc socius: Quis te furor incitat? inquit:
 Præsentemne times, jam moriture, Deum?
 Tu vero nostri mox sis memor. Ille precanti
 Annuit: Hac cœlum luce videbis, ait.
 Dixit: & in mediis animam singultibus efflans
 Occidit ante oculos, gens Solymæa, tuos.
 Quid facis, ô Solyme? si nescis, barbara, regem,
 Et vestrum, & mundi regem, inimica necas.
 Quem vos supplicio afficitis, vitæque necisque est
 Arbiter ille, Deo natus, & ipse Deus.
 Exiget ille olim dignas hoc crimine pœnas.
 Effugite, iratum jamque timete Deum.
 At vos, ô populi, mundique accurrite cives;
 (Sic vobis fusus sit, precor, iste cruor)
 Adspicite inflexumque caput, vultusque cruentos,
 Sanguineasque manus, sanguineosque pedes:
 Purpureosque humeros multo sudore madentes;
 Purpureum pectus, purpureumque latus.
 Hoc latus opposuit nostris interritus ille
 Hostibus: hoc nostri pectore vixit amor.
 His humeris vasti portavit crimina mundi,
 Et, quod nos ipsos ferre decebat, onus.

His pedibus liquidi calcavit marmora ponti,
Et nulli tritum per mare fecit iter.
His manibus certum auxilium mortalibus ægris,
Nulla quod his poterant gramina ferre, tulit.
Hoc vultu nobis iratum sæpe Parentem
Leniit; & verbis molliit ille suis.
Hei mihi, quam diversus ab hoc cruce pendet ab alta,
Distractus miseris omnia membra modis!
Fortis amor, quis te possit memorare canendo?
Quis laudare fatis, quis redamare, Deum?
Humana pro gente Deus, pro fontibus insons,
Crimina, quæ nos commisimus, ille luit.
Supplicio lætoque suo nos eximit omni
Supplicio: nam mors nos vetat ista mori.
Supplicium servile, suo delapsus Olympo,
Ne serviremus nos, subit ipse Deus.
Ipse dator vitæ vitales deserit auras:
Dumque perit genitor lucis, & illa perit.
Damnatur, luce indignus, caligine mundus,
Illud inextinctum lumen ut umbra tegit.
Hic dum Justitiæ Sol occidit, occidit & Sol,
Ulteriusque suis ire recusat equis.
Quid mirum? Natura cadit, dum concidit Auctor.
Naturæ moritur lex, moriente Deo
Ecce Deus moritur, diroque è stipite pendet,
Opprobrium populo ludibriumque suo.
Pendet ab excelfo ligno, terramque polumque
Inter, qui nutu solus utrumque regit.
Latrones inter geminos sanctissimus ille
Pendet, & hanc mortem, ceu sceleratus, obit.
Morte cadit turpi, quo magnificentius uno
Nil habet hæc mundi machina, & ipse polus.
Discite mortales, quid mors ea prosit amanti
Taliam perpeßum cum pietate Deum.

Mors nobis vitam, mors nobis ista salutem
 Contulit. hac fluxit de cruce nostra salus.
 Credite mortales, nostro pro crimine fusus
 Iste cruor, nostras abluit ille notas.
 Corporis atque animi maculas cruor abluit iste.
 Intemerata per hunc puraque turba sumus.
 Ille salutari nos expiat imbre, Deumque
 Immemorem nostri criminis esse facit.
 Ille dat æternam vitam, æternamque salutem;
 Ille dat, æthereas posse videre domos:
 Et fortunatas animas, pacataque coram
 Pro nobis cæsi conspiciere ora Dei.
 Ergo nec opprobrio, nec vobis iste pudori
 Sit Deus: occisum mente videte Deum.
 Pro nobis ignominias, pœnasque subivit
 Has Deus. hac orbis cæde piandus erat.
 Ut lustraretur deterfis sordibus orbis,
 Factus homo Deus est, victima factus homo est.
 Victima pura, nec ullius rea victima culpæ,
 Victima grata homini, victima grata Deo:
 Respice sublimi nos de cruce, nostraque tolle
 Crimina, nos propter victima facite Deus.
 Nec mortem hanc nostris infer rationibus, hujus
 Nos quoque pars turbæ quamlibet una sumus.
 Nos, nos te ligno suffigimus, hastaque nostra
 Infligit lateri vulnera cruda tuo.
 Nostra tibi ferro clavisque trabalibus ira
 Transadigitque manus, transadigitque pedes.
 Dexterâ nostra caput spinis tibi pungit acutis:
 Et te, ceu quondam, crimina nostra necant.
 Ne tamen hæc nobis, precor,ingere; cunctaque perfer,
 Quæ te olim nostri ferre cœgit amor.
 Has plagas, hoc supplicium te ferre cœgit
 Humani generis, teque peremit, amor.

Et cessamus adhuc tepidi, nec amamus amantem.

Qui nostri periit captus amore, Deum?

Surgite, terrarum populi, paribusque calete

Ignibus, & flammæ concipite usque novas:

Et vitam, quam vitæ auctor quondam in cruce vestri

Sprevit amore Deus, spernite amore Dei.

Qui lucem vitamque Dei contemnit amore,

Vita perennis ei præmium amoris erit.

Hic illo dispar amor est, meliorque priore:

Conferet hic vitam, contulit ille necem.

At tu, qui nostri caluisti semper amore,

Qui nostri pariter nunc quoque amore cales,

Da pronos in amorem animos; & corde vicissim

Spiret amor nostro, spirat ut ille tuo:

Quasque prius nostri liquisti Numen amore,

Da nobis patrias olim habitare domos:


Et, quam tu moriens pro nobis sponte subisti,

Evitare necem da, prohibeque mori.



CHRISTI
RESURRECTIO.

ELEG. VII.

 Te Dei bellatrices in tempora lauri :
 Mors debellata est victaque morte Dei.
 Ite triumphales lauri : spinisque rubisque
 Implicitum vestra cingite fronde caput.
 Magna Deo parta est victoria. gaudeat æther,
 Et bis Iö bis Iö terra triumphæ canat.
 Morte Deus victa, ducit de Morte triumphum,
 Sub pedibusque suis illam, Erebumque, premit.
 Vix bene ad invisas Erebi pervenerat umbras,
 Protinus inferni cum tremuere lacus.
 Horrui, & flammis Phlegethon minus acribus arsit :
 Pallida Styx imis condidit ora vadis.
 Impuræ fremuere umbræ; Pallorque, Timorque,
 Et Furor, & Rabies, & scelerum atra Fames,
 Nulliusque boni Mens conscia, Numine viso,
 Anxia præcipiti terga dedere fugæ.
 Fugit, Tartareisque caput Mors abdidit antris,
 Conscia supplicii, Virgine nate, tui.
 At sancti manes, & quos felicior æther
 Detinet, & Zephyri purior aura fovet,
 Spontè suo occurrunt Domino; fractisque sepulcris
 Multa per Hebræos umbra vagatur agros.
 Ipse suo surgit tumulo, Letique Erebi que
 Victor Idumæam, ceu prius, ambit humum.
Mane

Mane erat, & primo lustrabat lumine montes
Eoïs vixdum fluctibus orta dies,
Cùm vitæ & lucis tumulto caput erigit auctor,
Et rupta, tanquam Sol novus, exit humo;
Exuviasque, catenato quas cœpit Averno,
Et quæ, devicta Morte, tropæa tulit,
Judæo monstrat populo, medioque Sionis
Culmine, Calvaria monte fremente, locat.
Interea busto effracto dum surgit Iêsus,
Quamque sua tinxit cæde pererrat humum,
Visuræ Domini tumulum, Dominique cadaver,
Approperant matres, approperantque nurus:
Cara Deo matres dilectæque turba, minusque
Sanguine conjunctæ, quam pietate, nurus.
Illæ mane novo, primi sub lumina Solis,
Excedunt tectis, urbs Solymæa, tuis.
Campus erat, Solymæque situm prope moenia bustum,
Condiderat Dominum quo pia turba suum.
Illuc dum properant matres, subito ecce fragore
Intumuit quassum, contremuitque, solum.
Aliger ex alto juvenis descendit Olympo,
Et tumuli clausas non finit esse fores.
Ille manu saxum busto devolvit aperto:
Ipse super busti saxum, aditumque sedet.
Pura Virò vestis, nivibusque simillima primis:
Os roseum, roseo fulgor in ore fuit.
Accedunt timidæ matres. Quem quæritis, inquit,
Non hîc est Dominus, sed Domini iste locus.
Discedunt mœstæ matres. Quem quæritis, inquit,
In Galilæis invenietis agris.
Ite bonis avibus matres: vos ite beatæ,
Atque hæc Discipulis dicite verba, nurus.
Illæ deseruere locum, monstrataque jussæ
Arva petunt. hinc spes urget, & inde metus.
Jamque

Jamque propinquabant Solymæ moenibus urbis,
 Quando illis præsens obtulit ora Deus.
 Cognatæ salvetæ meæ, quem quæritis adsum,
 Ille ait : hæ flexo procubuere genu.
 Surgite cognatæ, subdit Deus : ite ministræ,
 Atque hæc Discipulis visa referte meis,
 Dixerat : hæ celeres peragunt mandata, viamque,
 In tenues auras dum fugit ille, secant.
 In tenues abijt ille auras, visendaque rursum
 In Galilæo subtrahit ora solo.
 Christicolæ gaudete : Necem superavit, & orcum,
 Qui nunc sub pedibus calcât utrumque suis.
 Christicolæ gaudete : sacras vos nectite lauros,
 Lætæque victori dicite verba Deo.
 Exit in aërias, tumulo modò conditus, auras :
 Et vivit, vitâ qui modò cassus erat.
 Erumpit tumulo, tenebras non passus inertes,
 Tertius Eo surgit ut orbe dies.
 Hoc totidem lucis balæna merfus Iônas :
 In puteo latitans hoc Iosephus erat.
 Hoc illud templum, populi, Deus alme, furentis
 Destructum manibus, compositumque tuis.
 Tu, velut ante, artus laceros, diffractaque membra,
 Templi hujus lapides vivaque saxa, locas.
 Tu Mortemque, Erebumque domas ; justumque
 triumphum
 De Nece, de tumulo, de Styge, victor agis.
 Et quid prodesset mors hæc, nisi, Morte perempta,
 Exisset tumulo vivus, ut ante, suo?
 Quo pugnasse fuit, nisi eam victoria pugnam,
 Atque triumphalis palma, secuta foret?
 Infernum frustra fuerat domuisse tyrannum,
 Victor ab infernis ni rediisset aquis.
 Ecce redit, manibusque Necem post terga revinctis
 Sub superas auras, & sua jura, trahit.

Testis erit primæ rupes Calvaria pugnae,
Plena latrocinii, plena cruoris humus.
Est illa cum Morte Deus congressus arena:
Mortem illo vicit culmine morte sua.
Concidit infelix divinâ bellua dextrâ;
Quoque loco solita est vincere, victa fuit.
Nec satis: insequitur fugientem Victor in imas
Bustorum latebras, & loca fœta situ.
Nec satis: insequitur fugientem Victor in altas
Umbrarum tenebras, Tartareumque chaos.
Hic se occultantem dono caliginis atræ
Constringit vinclis, implicitamque tenet.
Nec mora: vitales auras Hebræaque lustrans
Oppida, natalem rursus oberrat humum;
Induit & spolio se triplice, deque sepulcro,
De Nece, de Stygiis rite triumphat aquis.
Nil Stygiæ jam juris habent, nil roboris, undæ
Perdiderunt vires mors tumulusque suas.
Si morimur, vitam æthereo ducemus Olympo,
Cujus nec spatium, nec modus ullus, erit.
Si tegimur tumulo, tumulo surgemus eodem,
Et vivum hi cineres ossaque corpus erunt.
Nec, qui nos longa damnatos nocte tenebat,
Damnabit tenebris Orcus, ut ante, suis.
Salve, ingens Erebi victor, tumulique, Necisque,
Hostibus eripiens terna tropæa tribus.
Tu moreris, tu prostrata de Morte resurgis.
Crux hominem, tumulus te docet esse Deum.
Magne Deus, qui nunc victa de Morte triumphas,
Et nigra, amoto marmore, surgis humo,
Tu facilisque bonusque veni, precor: utque sepulcro
Horrida vulneribus fractaque membra levas,
Sic nobis vita cassis, tumuloque sepultis,
E tumulo liceat surgere, teque sequi.

CHRISTI

IN COELUM ADSCENSIO.

ELEG. VIII.

HActenus in terris, quod jusserat æthra, peractum
 Empta Dei sacro nostra cruore salus. (est.
 Omnia quæ voluit Genitor, tulit omnia Gnatus.
 Nil, Hic quod jubeat, quod ferat Alter, habent.
 Debetur cœlo Numen. tellure relicta

Tendit in æthereas, regna paterna, domos.
 Non procul à muris Solymes, altoque Sione,
 Collis erat : colli nomen oliva dabat.
 Occupat hunc, solita comitum stipante caterva,
 Discipulisque refert talia verba, Deus.
 Ite mei, gens cara mihi, gens fida, ministri,
 Et, quem vos docui, ritè docete Deum.
 Vos mea vidistis coram miracula : laboris
 Vos eritis testes tempus in omne mei.
 Me Solyme, me gens Judæa, quod ante negavit,
 Agnoscet Dominum, totaque terra, suum.
 Jamque dies veniet, voto vicinior ipso,
 Qui manifesta sui signa daturus erit.
 Spiritus ex alto vos accensurus Olympo est.
 Lucebit subito tota nitore domus.
 Hæc ubi dicta, leves abiit, ceu fumus, in auras,
 Aëria nitidum nube tegente caput.
 Obstupuere animis comites, longèque volentem
 Cernere luminibus non potuere suis.

Dum cœlo intendunt oculos, in vestibis albis
Ponè adstant juvenes ecce repente duo.
Hoc quid cœlum oculis spectatis, & æthera fixis,
O Galilæi, pectora sancta, viri?
Ut petiit patrium Deus æthera, non secus idem
Descendet patrio, ne dubitate, polo.
Sic fati, ærias illi fugère per auras:
Hi repetunt muros, urbs Solymæa, tuos.
Interea jam non oculis spectabile Numen
Invehitur liquidis in sua regna rotis.
Campus erat, cœli spatium; cava nubila, currus;
Flamina, equi; ventos currus habebat equos:
Aurea cæruleum variabant sidera currum,
Ut formam cœli posset habere sui:
Auratae fulsere rotæ; temo aureus illi;
Aureus, & stellis concolor, axis erat:
Argentum se per radios diffuderat omnes;
Ad juga Chrysolythus, multaue stabat onyx.
Protinus ærium cœli per inania currum
Cum Zephyro Boreas, Eurus, & Austro agunt.
Ipse triumphali Deus insidet ætheris axi,
Cæcæque quadrijugis nubila findit equis.
Candida erat, simplexque, Deoque simillima vestis:
Ornabant dextram gemmea sceptra manum.
Ornabant sua sceptra manum, sua sidera crines:
Splendebat sacro multus ab ore decor.
At chorus Aligerum, cœlo delapsus ab alto,
Occurrit Domino, Patre jubente, suo.
Hi currum circumvolitant, niveoque coronant
Agmine. Cœlestum personat æthra tubis.
Cœlestes sonuere tubæ; lætumque Triumphæ,
Qua vehitur, magno concinere Deo.
Ille simul terras linoquit, simul æthera tangit,
Altaque despectâ sidera calcât humo.

Æthereæ patuere fores, patet aula Tonantis,
 Seque suum sistit Filius ante Patrem.
 Care Pater, mundo sæcloque perennior omni,
 En tua confeci iussa : quid addis? ait.
 Ulteriusne meo scelerata iniquaque tellus
 Sanguine pascenda est, sanguine pasta meo?
 Prætereane jubes aliquid, Pater? annue tantum,
 Sitque modus poenis, meta nec ulla, meis.
 At Pater, ô oculis & me mihi carior ipso,
 Vera tui soboles, Gnate, Parentis, ait:
 Desine poenarum, satis est. haurire cruoris
 Divini quantum debuit, hausit humus.
 Cætera, parce precor verbis; cœloque receptus
 Incole cœlestes, & moderare, domos.
 Dixit, & immensi culmen conscendit Olympi,
 Se juxta Gnatum constituitque suum.
 Considet ad dextram magni Genitoris, & orbis
 Commune imperium cum Patre Gnatus habet
 Gnatus habet cœlum. Domino gaudete reducto,
 Cœlicolæ sancti, cœlicolumque lares:
 Et vos, ô terræ; quique hæc terrestria tecta,
 Et multa obductam facie tenetis humum.
 Tempus erit, cum vos terrena mole solutos
 In loca transcribet nobiliora Deus.
 Pro tellure suam vobis concedet Olympum;
 Et, quæ nunc habitat templa, habitanda dabit.
 Quas petiit sedes, sperate, petemus & ipsi.
 Calcandum nobis ille prævit iter.
 Diffraeto frustra tumulto rediisset in auras,
 Si non & cœlo restituendus erat.
 Æthereas idem frustra rediisset in arcès,
 Si non & cœlo turba locanda sumus.
 Ut generi humano plenam daret ille salutem,
 Debuit aëriis astra subire rotis.

Credite mortales : pro nobis ille reliquit,
 Pro nobis repetit, liquit ut ante, polum.
 Nec dubitare licet : verbis hoc dixit apertis,
 Fallere qui nescit, nec velit, ipse Deus.
 Pascite commissam, pastores, pascite turbam,
 Vosque mihi caræ pascite, dixit, oves.
 En ego, quas habui terras urbesque relinquo,
 Inque domos alias hinc abiturus eo.
 Pro vobis abiturus eo : cœli atria vobis
 Ut referem; vobis ut loca digna parem.
 Ergo agite ô, quicumque Deum modò vera locutum
 Creditis, ut verum credimus esse Deum,
 Exhilarate animos lætique remittite vestros,
 Et spe cœlestes concipitote domos.
 Quas spe concipitis nunc tantum, habitabitis olim,
 Et cœlum, & sanctos conspicietis avos :
 Divinumque simul vatem, qui, pignus ituri
 Numinis, ignitis ivit in altra rotis.
 Ille cûi præluit, idem nos rite sequemur
 Numen, eruntque uno Pastor ovesque loco.
 Nimirum cœli convexa, habitacula nostra,
 Corpore nos isto mors ubi solvet, erunt.
 Tunc pede calcatis mutabimus æthera terris,
 Permisti Superis, cum Superisque Deo.
 Tunc cœli sedes & templa tuebimur auræa,
 Quicquid & immensi continet aula poli.
 O pulchræ cœli sedes, ô aurea templa :
 Numinis artificii condita templa manu !
 O muri, ô altæ solido ex adamante columnæ,
 Gemmataque fores, marmoreumque solum !
 Pictaque sideribus vasti laquearia mundi,
 Solibus, & Domini plena nitore sui !
 O illo, qui vos posuit, dignissima templa :
 Quondam habitanda homini, nunc habitata Deo !
Quando

Quando erit illa dies, cum vos intrare licebit,
 Mœnia fiderei tectaque pulchra poli?
 Quando ego vos, cœli formosa palatia, visam?
 Quasque Deus sedes incolit, ipse colam?
 Cumque piis Superis cœlestia gaudia carpam?
 Gaudia : sed nostro non memoranda sono.
 O, quibus Elias, quibus æthera Christus adivit,
 His illos ipsis detur adire rotis!

MISSIO

SPIRITUS SANCTI

ELEG. IX.

Sunt rata verba Dei, sunt ut rata semper: Olympo,
 Quem modo venturum dixerat, ecce venit.
 Ecce venit, Sanctusque polo delabitur alto
 Spiritus in terras, discipulosque Dei.
 Tempus erat, quo grata suæ libamina terræ
 Gens Hebræa Deo primitiasque dabat.
 Ducebant Solymen solemnia festa per urbem,
 Surgeret agricolæ messis ut ampla suo.
 In sacris urbs tota fuit. sua sacra colebant
 Discipuli, una quibus mens erat, una domus.
 Protinus auditur rupto fragor æthere, qualis
 Amramida Leges accipiente fuit.
 Ventus erat, multo permixtus turbine ventus;
 Si fuerat ventus, nec magis ille Deus.
 Intremuit, timuitque domus : domus igne reluxit,
 Flammaque præsentem testificata Deum est.

Ante oculos lapsæ stabant ex æthere linguæ.

Ignis erant linguæ : Spiritus ignis erat.

In partes sectus varias, variasque figuras,

Igneus adstantum sedit in ore Deus.

Ocyus innumeras illi effudere loquelas,

Hactenus ignotis multaque verba sonis.

Discipuli, linguas, quas non didicere, locuti,

Spectaclum Solymes, & stupor orbis, erant.

Accurrere, suis laribus quicunque relictis

Incoluere tuas; urbs Solymæa, domos.

Venit Arabs, venit primi niger accola Gangis,

Quique tenent ripas, aurifer Inde, tuas:

Venit & Euphratis, venit potator Araxis,

Quique tenent ripas, aurifer Herme, tuas:

Qui Xanthum Simoi inque bibunt, qui litore curvo

Æquoris Euxini, Caucasique, jacent:

Qui Creten, qui Cyrenen, Meröenque coronant;

Et qua vicinam Nilus inundat humum:

Qui lymphas, Achelöe, tuas; qui rure Latino

Terrarum dominam Tiberidis haurit aquam.

Omnis discipulos gens admirata loquentes:

Omnes prodigiis obstupere novis.

Auctorem tantorum operum pars tollit ad astra:

Ebria gens nimio, pars ait, ista mero est.

Petrus adhæc: Quicunque refers ea falleris, inquam;

Ista nec est ullo faucia turba mero.

Eois vix Sol radiis respergit Olympum,

Lustravit flammis & fata læta suis.

Templa vocant, non vina: hæc ad solemnia festa;

Ad matutinas nos vocat hora preces.

Vera cano: pane aut vino jejunia nullo

Solvimus: at linguas solvit & ora Deus.

Ille dedit, varias hominum cognoscere linguas:

Posse loqui linguis pluribus, ille dedit.

Hoc erat, hoc, quod vaticinans prædixit Iöel,
Vatis & ipse sui rettulit ore Deus.

Ille dies, inquit, veniet, cum lapsus ab alto
Æthere per totam Spiritus ibit humum.

Et gnati, & teneræ fundent oracula gnata:
Servarum, & famulûm turba futura canent.

Nocturnas facies, & non fallentia signa,
Spectabunt juvenes; somnia vera, senes.

Cædibus infecti spumabunt sanguine rivi:
In cinerem fident oppida, fidet ager.

Abscundet rutilos Titan ferrugine vultus:
Inficiet niveas Luna cruore rotas.

Signa sui nunc terra dabit, nunc arduus æther,
Omnis & hæc mundi machina fumus erit.

Vera Deus monuit: verum prædixit Iöel:
Illustris Domini jam venit ille dies.

Indigno quem supplicio, letoque dedistis,
Disrupta leti vincula rupit humo.

Vivus in aërias rediit vitæ arbiter auras.
Ille Deum terris reddidit, ille polo.

Illius imperio, dudum promissus Olympo
Labitur, & loquitur nostra per ora, Deus.

Creditis, an mentem, populi, obduratis, & aures?
Credite: credenti dat sua dona Pater.

Funditur in paucos qui nunc, fundetur in omnes
Spiritus, &, noster qui fuit, orbis erit.

Vos modo ductoris magni sacra signa secuti
Militiæ sacram sumite pignus aquam.

Dixerat hæc Petrus: tingitque salubribus undis,
Nomina qui Christo, ter prope mille, dabant.

Fortunata cohors, quibus his accedere primis
Contigit, & Christum discipulosque sequi:

Istorumque pias ductorum agnoscere voces;
Et cælo, & Christo, proximior frui!

Longa dies illum nobis invidit honorem;
Ore licet pasci nec mihi, Petre, tuo.
Quid loquor? ah! voces & nos audimus eandem,
In nobis eadem sit modò, Petre, fides.
Dixisti sæclis, quæ tunc sunt dicta, futuris,
Serus & imbibimus nos tua verba nepos.
Nunc etiam loqueris, nunc exaudiris, & orbis
Nunc quoque, ceu quondam, pendet ab ore tuo.
Qui tibi diversis hominum sermonibus olim
Posse loqui dederat, dat tibi posse loqui.
Hic per te loquitur, quo tu prius ore locutus,
Commisit chartis & tua verba suis.
Cœlestes chartæ, cœlesti nectare plenæ,
Sacrum opus, æterno pagina plena Deo;
Delapsæ cœlo chartæ, via sola salutis,
Mansuræ, dum, qui vos peraravit, erit:
Et tu, qui foliis contenta oracla sub istis
Scripsisti propriâ, Spiritus alme, manu;
Sedibus & superis olim domibusque relictis
Lustraſti noſtram, ventus & ignis, humum;
Oraque discipulûm divino tacta calore
Juſſiſti variis edere verba ſonis:
Pandite cœlestes cœli, precor, atria chartæ;
Claude nec æthereas, æthere lapſe, fores.
Da, quas ſcripſiſti, ſacras cognoscere voces,
Atque iterum aurato labere, Sancte, polo:
Et, quæ discipulûm quondam ſedere ſub ora,
Ardentes acuant pectora noſtra faces:
Utque illos variis docuiſti dicere linguis
E cœlo lapſi grandia facta Dei;
Sic nobis concede, tuâ data munera dextra
Oribus & linguis commemorare novis;
Æquævumque Patrem Gnato, Gnatumque Parenti,
Æternûm numeris, Teque, referre meis.

A D

CHRISTUM

In cælo sedentem.

ELEG. X.

Christe, Dei patris soboles, Deus ipse, relicto
 Ardua qui mundi nunc premis astra solo;
 Inque poli medio, dextram Genitoris ad ipsam
 Tradita fers manibus sceptrâ paterna tuis:
 Respice pacato desertas lumine terras,
 Unica terrarum nostraque, Christe, salus.
 Æthere mutasti terram Deus: Ætheris exul
 Calcasti nostram quondam homo factus humum.
 Illa sui sensit vestigia Numinis: illam
 Tinxisti moriens sanguine, Christe, tuo.
 Sanguine divino madidam tu rursus eandem
 Deferis, & cœli cum Patre regna tenes.
 O decus, ô ingens vasti moderator Olympi!
 O, qui te genuit, nil Genitore minor!
 Respice nos, tantos pro nobis passæ labores,
 Inque tuas tecum duc æge, Christe, domos.
 Tempus erit, cùm nos isto mors corpore solvet,
 Et, quæ te tenuit, nos quoque condet humus.
 Tempus erit, cum vitales in luminis auras
 Ibimus exemplo membra sepulta tuo:
 Investique tuis laribus, cœloque recepti,
 Jungemur supero, junctus ut ipse, choro.

Hoc certè quondam de te sperare jubebas,
 Hanc cum defereres, illò abiturus, humum.
 Aurea, dicebas, cœli peto templa, Paterni

Ut pandam vobis limina pulchra poli.
 Excipiet cœli vos mecum regia : cœlum,
 Credite mortales, qui modò credit, habet.
 Credimus ô, inquam, cui soli credere fas est.

Credimus æternum te, fate Patre, Deum.
 Credimus intacta pariter te Virgine natum:
 Credimus indignam te subiisse necem.

Credimus effractò te surrexisse sepulcro:
 Credimus ætheream te remeasse domum.
 Credimus ex alto rediturum rursus Olympo,
 Cum judex olim noster, ut orbis, eris:

Et te cœrulea sublimè in nube sedentem
 Conspectiet Dominum terra, tremetque, suum.
 O præclara dies, hujusque novissima mundi,

Tam speranda bonis, quam metuenda malis;
 Adsis fortunata, precor, cœloque sereno,

Lucidaque & felix, non metuenda, veni.
 Ergo dies veniet, volventibus ordine sæclis,
 Cum mare, cum tellus, cum polus, ignis erunt?
 Totaque diversis flagrabit partibus æthra;

Cunctaque sub priscum sunt reditura Chaos?
 Illa dies veniet: veniet quoque Numen in illa:

Si qua fides verbis pagina sacra, tuis.
 Nuntia terribilis tempestas atra dici,

Emissusque suo carcere ventus erit.
 Terrebunt pavidas, quatientque, tonitrua terras:
 Spargentur toto fulmina crebra polo.

Exibunt tumulis cariosa cadavera ruptis,
 Aligerùm clarâ sæcla citantè tubâ.

Hos inter Deus ipse suo descendet Olympo,
 Vectus in aëriis, vectus ut ante, rotis:

Justitiæque

Justitiæque trucidis medius, veniæque faventis,
 Digna dabit meritis præmia cuique suis.
 A dextrâ positos cœlo transcribet & astris:
 A lævâ, Stygiæ gurgite merget aquæ.
 Protinus assument alias Elementa figuras:
 Accendet vastam, qua patet, ignis humum.
 Fumabit latè Vesper, fumabit & Ortus:
 Immensus cinerum mundus acervus erit.
 Ardebit cœlum: superumque vorantibus axem
 Vix domus à flammis tuta futura Dei est.
 Alme Deus, quem, quæ cœlo vexere, reducent
 Labentem patrio nubila curva polo:
 Aëre qui medio, facto de nubibus arcu,
 Arbiter in totam, Christe, sedebis humum:
 Et tibi dilectæ facies discrimina turbæ;
 Et tecum caras ire jubebis oves:
 O utinam nobis ita sit felicibus esse,
 Simus ut illius pars modò parva gregis!
 Quique suis terram lustrabit, & æthera, flammis,
 Sit nobis utinam candidus ille dies!
 Parce, precor, mundoque fave, mundi inclyte iudex,
 Nec iudex nobis, sed pater, esse velis.
 Sis bonus ô, placidusque tuo, bone ductor, ovili;
 Et pro sit populo mors tua, Christe, tuo.
 Christe veni, gentemque tuam cœlo asserere, pro qua
 Non detrectasti, vivat ut illa, mori.



ELEGIARUM

LIBER SECUNDUS.

FERDINANDO,
PRINCIPI ET EPISCOPO
PADERBORNENSI.

ELEG. I.



Cui, nominibus quanquam præcellis avitis,
Nobilius Pæan nomen habere dedit:
Da veniam, Fernande, sacrum dum limen adorat,
Sollicitatque tuas nostra Thalia fores.
Suasit id Heinfiades, crimenque auctore redemit,
Ille decus Batavi nominis, ille meum.
Heinfiades versus metuenti mittere dixit,
Mitte, neque Aonii Principis ora time.
Non illo melior, citharæ nec amantior alter,
Nec iudex quisquam verior esse potest.
Atria quid cessas, & amicam vatibus aulam
Visere? ne dubita, lente, viamque seca.
Talibus atque aliis firmato pectore dictis,
Sunt mihi non lentâ carmina scripta manu.
Hæc ut temporibus possunt aliena videri,
Sic sunt ingenio non aliena tuo.

Otia sectaris tu sacra, novemque Sorores,
 Et placida Musis mente, Deoque vacas.
 Tu Martem insanum, feraliaque arma relegas
 Crudum ultra Boream, Sarmaticasque nives.
 Infedere tuum concordia Numina limen.
 Æde tua colitur Phœbus, amatque coli.
 Ille suo quoties te tangit & incitat æstro,
 Carmina Phœbeo digna furore canis.
 Incede heröis, heröis ire decorum est:
 Pange elegos, elegos composuisse decet.
 Sume lyram Flacci, veneres imitare Catulli,
 Nil hic, nil vates tersius ille dabit.
 In te Romanus spirat post fata Tibullus,
 Deliaque & Nemesis flagrat amore pari.
 Utraque te cupidis certatim amplectitur ulnis:
 Illa tuos numeros ambit, & illa tuos.
 Et toties blandi versu celebrata Propertü
 Te præfert vati Cynthia pulchra suo.
 Artis namque tuæ est Elegeia: nec prior ullus,
 Aptæ per undenosnectere verba pedes.
 Hinc tibi partus honos, hinc gloria: plurima ab isto
 Venit in augustas pulvere palma comas.
 Romanos montes, & montibus eruta testor
 Rudera; carminibus saxa superba tuis:
 Surgentemque Deam septeno culmine, & arces
 Oblitum tardis radere Tibrin aquis:
 Et placitis Longæ recubantem collibus Albæ
 Chisiaden, Romæ Pontificumque decus.
 Illic sæpe tui dulcedine pectinis hæsit,
 Et doluit parvas solibus esse moras.
 Inter Aricinæ Zephyros & frigora silvæ,
 Pectora qui noras intima, solus eras.
 Illius cupidam præbebas versibus aurem:
 Captabat numeros auribus ille tuos.

Cantabas Dominumque tuum, Dominumque loco-
 Et non humano lingua locuta sono est. (rum,
 Responſaſſe cavaſ valles, lætoque fragore
 Egeriæ ramos intremuiſſe putant :
 Pellectuſque modis imo latitantia fundo
 Extulit Albano Virbius ora lacu.
 Invidit Latio Germania. Tibris amatum
 Tranſmittit Rheno, mœſtaque Roma, caput.
 Roma ſolo patrio te reddidit. Iſta regenda,
 Iſta tibi regio nempe canenda fuit.
 Tu patriæ fontes, patriæ dicturus amœna
 Flumina; Francorum tu monumenta ducum :
 Et captas aquilas, proſtratique agmina Vari;
 Pluraque Saxoniciſ fixa tropæa tholiſ.
 O quoties, & quæ, Paderæ mirantiſ ad undam
 Aurata cecinit dextera docta chely !
 Audiit iſta Pater, vitreaque recliniſ in urna
 Te faſſuſ fluvio puriuſ ire ſuo eſt.
 Te Phaëthontæ riſere canente ſororeſ,
 Applauſitque novi cycnuſ ab amne Padi :
 Ipſæ venerunt ſegeteſ felicibuſ agriſ,
 Herba ſolo, pecudeſ ſaltibuſ, umbra loco.
 Et modò te antiquiſ, noſtriſ modo vatibuſ æquaſ,
 Et primoſ inter non leve nomen habeſ.
 Nam licet inſigneſ tulerint hæc ſæcla poëtaſ,
 Ingenio tulerunt nil priuſ illa tuo :
 Dumque Favoriti, dum Walli, dumque Rapini
 Scripta probat, veſtrum Fama probabit opuſ :
 Nec pluſ eloqui, nec pluſ te laudiſ habebunt
 Filiuſ Heiniadeſ Heiniadeſve pater.
 Quin & Alexandro componeriſ, Urbanoque.
 Hic citharam docta movit, & ille, manu.
 Qua moderabantur Latiae telluriſ habenas,
 Sæpe lyram poſito ſuſtinuere pedo.

ELEGIARUM LIB. II. 159

Horum exempla sequens, horum vestigia, Princeps
Principibus tantis annumerande, premis.

Tu tibi subjectos populos moderaris, ut illi.

Te quoque cingit apex, vittaque sacra tegit.

Tu quoque dulce canis, geminoque insignis honore
Fert tua dextra pedum, fert tua læva lyram.

Ipse tibi cedit cantandi Chisius arte,

Et pudet Urbanum verba minora loqui :

Quis quantò minor imperio es, rebusque gerendis,
Tantò carminibus major es ipse tuis.

Salve, Pieridum columen, salve, inclyte Princeps,
Conspiciende pedo, conspiciende lyra.

Tu facis imperio dignos, vittaque, poëtas :

Tu pretium Musis, ingeniisque, facis.

Tu tua sæcla doces pangendi carminis artem :

Scribere Romanè tu tua sæcla doces.

Per te non studium dicetur inutile carmen,

Et nomen vatis, nomen honoris erit.

Quæ vero pro muneribus tibi munera tantis
Reddimus, ô ævi gloria rara tui?

Acquisitus honos in te, Fernande, redundet,

Afferti per te quem sibi cunque ferent :

Proque tuis meritis, omnes te jure poëtae,

Omnes te gentes, omnia sæcla canant.

JACOBO WALLIO.

ELEG. II.

SI quid pacati Musis fera bella relinquunt,

Et citharæ lituos inter & arma locus :

Accipe quam patria tibi portat ab urbe salutem

Pagina, sermonis nuntia certa mei.

Perlegis?

Perlegis? an prohibet male cognita? perlege, Walli;
Non est hostili charta notata manu.

Seu cenferis Iber, seu mavis Belga vocari,
Seu quocunque venis nomine, Belga venis.

Stat Batavo conjunctus Iber. Communis utrique
Belgica. Borbonias sistit uterque minas.

Ambobus mens ut populis, ita vatibus, una.

Est studium nobis pacis, ut artis, idem.

Me Musæ rapuere : sua me sustulit urbe
Amstela : Romano Francius ore vocor.

Uror amore tui. Cunctantem hic impulit æstro,
Finxit & hos ipsos clicuitque modos.

Illa quidem fateor magni non esse poëtæ
Otia, nec, Metio judice, digna legi.

At limæ quicquid deêrit, deêritque calori,
Concedet Musæ Wallia Musa meæ.

O lingua, ô numeris longè tersissime Walli!

O laus Aonii maxima, luxque chori!

Ergo ego te vivum, falso qui murmure vulgi
Dictus es Elysium nuper adisse nemus;

Ergo ego te vivum nunc alloquor, optime vatum;
Inque tuas venient hæc mea verba manus?

Vivis io, vitamque novam tibi gratulor istam,
Cumque tuâ vitâ reddita vita mihi est:

Itque salutatum te littera. Comis euntem

Excipe, & ingenium fronte decente tuum.

Non tibi te coram laudatrix, non ita venit
Improba : sinceri est pectoris illa fides.

Te referant alii, major quos spiritus implet,
Atque adeo, mutis omnibus, ipse refer.

Ipse tibi solidæ virtutis grande theatrum es;

Nullaque te melius, quam tua, Musa cænet.

Nam modò te Flacco assimulas, & vertice ab alto
Ceu magnò Lyricis laberis amne modis.

Et modò Peligni numeros artemque poetæ
 Exprimis, & campo liberiore fluvis.
 Nunc majestatem divini æquare Maronis
 Te juvat : & currus pangis, & arma virum.
 In te Roma suos antiqua agnoscit alumnos.
 Mæcenas istam laudat amatque lyram.
 Nasonemque suum, deterfa sorde, Perilla
 Credit ab intonsis læta redire Getis.
 Excitus Andinum renovare putavit olorem
 Augustus Latîâ Dardana fata tubâ.
 Austriacos certè cepisti carmine Patres
 Laudavitque tuum rector Iberus Epos.
 Et quanquam propria te laude ostendere possis,
 Ingeminant dotes sæcula nostra tuas.
 Te tuus Hoffchiades, par laudatoribus unus
 Omnibus : innumeri te cecinere viri.
 Accedit titulis & Furstenbergius istis,
 Laus & honos clarîi maximus ille chori.
 Scilicet est aliquid, post tot præconia Famæ,
 A tali dici Principe, Primus amor.
 Urbis Alexander qui flexit, & orbis habenas,
 Audivit Musam deperiitque tuam.
 Tempus ut huic præsens valeat nihil addere majus :
 Plus addent famæ postera sæcla tuæ.

A D E U N D E M,
 URNÆ FRACTÆ RESPONSORIA.

ELEG. III.

I Lla ego quæ nuper, Treviris effossa ruinis,
 Fractaque sacrilega militis Urna manu,
 Lugebam

Lugebam caros cineres, & mœsta videbar
Æternùm tantis indolitura malis,
Mœrorem deterfi omnem, lamentaque jussi
Vicinum rapidos in mare ferre Notos.
Scilicet, Aonidum Walli Phœbique sacerdos,
Tu mala, tu luctus, tu mea damna levās.
Quod doleam non est, ut sum tibi credita, Vates,
Materies numeris ingeniosa tuis.
Effossæ fuerant hæc infortunia tanti.
Ut vivant aliæ, me periisse juvat.
Erravi: vitam mors hæc dedit. hæc, mihi vita est:
Et mors, quæ vitæ nomine venit, erat.
Nunc demum vivo, cœcis eduçta latebris,
Ignavos Erebi despicioque lacus.
O bene, qui tenebris ereptam reddidit orbi,
Æthereumque dedit posse videre jubar!
Et rursus bene, qui egestam dum bajulat urnam
Confregit! laudi favit uterque meæ.
Cum jacui defossæ solo, neglecta jacebam
Protenus, & testæ gloria nulla fuit.
Inventam rupit me postquam incuria, multis
Extollor titulis, & canor ore tuo.
Longa, tuis rediviva modis, in sæcula vivo;
Et nil altera mors, quod populetur, habet.
Temporibus cuncta intereunt mortalia certis.
Corrumpit ferrum saxaque longa dies.
Artificum periere manus, periere labores,
Quique tenet tumulus corpora, signa tenet.
Lysippi non spirat opus, non spirat Apellis.
Quid super è tantis nunc, nisi fama, viris?
Carminibus vivunt vates. mihi gloria vivæ,
Perpetuusque tuo carmine crescit honos.
Neu mihi quis numeret peragenda, quot ante peregi,
Sæcula: cùm tulerim plurima, plura feram.

Immen-

Immensum est, quod restat adhuc, & terminus ævi
 Idem, qui mundi terminus hujus, erit.
 Paupere nec busto, parvâque includar arenâ,
 Et tantum Treviris nota futura meis.
 Trans ego Danubium, trans altas evehar Alpes,
 Trans juga Pyrenes, occiduumque diem.
 Me fulvo Tagus amne, suo me gurgite Rhenus
 Concinet, attonitis me Tiberinus aquis.
 Quin etiam pia Roma, sui monumenta laboris
 Agnoscat lacrymans, & mihi dicat, Ave:
 Quemque prius texi cinerem, dum vita manebat,
 Quos habuit colles, monstret, &, unde domo.
 Forte pererrabit notum quoque culmen imago,
 Occurretque isto conspicienda loco,
 Et dabit amplexus teneros, & basia junget,
 Lætaque gaudebit versibus Umbra tuis.
 Mox ubi jam Elysiûm repetet, vallemque beatam,
 Narrabit Stygio carmina culta Jovi.
 Inferni gens assurgat de sedibus omnis,
 Et ducet festos læta per arva choros.
 Pars huic applaudet; partoque favebit honori:
 Hunc mihi qui invidet, qui sibi malit, erit.
 Non hanc marmoribus vitam dedit Appia priscis:
 Non hanc Æmiliæ Flaminiaque viæ.
 Nomina vix servat Latium. cecidere sepulcra:
 Urna suo superest & quotacunque rogo?
 Certè ego, Roma, tua sum fortunatior urbe,
 Et quicumque tua restat ab urbe lapis.
 Tu dudum æternæ premeris caligine noctis:
 Mî datur optata luce dieque frui.
 Mortua tu propriis immergeris usque ruinis:
 Temporis ac vitæ nulla ruina meæ est.
 Quos dant fata dies, perago, secura pericli;
 Tu, ne sint spoliûm, quæ premis, arva, times.

Cura tibi, ne quis lapides scrutetur, & æra,
 Perdat & indignâ sacra reperta manu.
 Non ego nunc rastrum metuo, metuove ligonem.
 Non, mea qui campis fragmina spargat, erit.
 Nec sum opibus, censu nec commendanda potenti;
 Exsupero cunctas & tamen Urbis opes.
 Wallius ignotæ pretium mihi ponit, & artem.
 Æstimor ingenio, magne poëta, tuo.
 Si qua mihi feris ventura nepotibus olim
 Gloria, muneribus debita tota tuis.
 Tu facis, ut latè peregrinis canter in oris:
 In tibi nativo canter ut una solo:
 Laudibus ut cedant nostris, quæcunque Vetustas
 Exhibuit fictis carmina lusa modis.
 Jam poterit Fractæ palmam dare Psittacus Urnæ,
 Et famæ poterit Passer habere minus.
 Clara tuis ego carminibus sublimia tango
 Sidera. nil votum, quod superaddat, habet.
 Si tamen hæc ultra quicquam benefacta petendum est,
 Æternùm pietas duret ut ista, peto.
 Pectoribus me nulla tuis unquam eximat ætas,
 Simque illibandi pignus amoris ego.
 Sic adsint Musæ faciles; nomenque decusque
 Perpetuum à memori posteritate feras:
 Sic te, sera colum Lachesis cùm ruperit, orbis
 Lugeat; & multus busta poëta colat:
 Annua sic manibus faciat solemnia puris,
 Spargat & intactis sancta sepulcra rosis:
 Sic tibi, pro meritis, Walli, sit fida, precabor,
 Quondam urnæ tellus, ossibus urna suis:
 Et, quæcunque tuos cineres involvet arena,
 Sit cineri, dicam, non gravis illa tuo.

JOH. GEORG. GRÆVIO.

ELEG. IV.

ERgone adhuc superas media inter bella, Georgi?
 Et tua stat salva conjuge salva domus?
 Gratulor incolumi, quantum licet. una salutem
 Sunt mihi nosse tuam gaudia, parsque meæ.
 Ipse quidem valeo, Grævi, privata valere,
 Dum res ægrotat publica, si qua potest.
 Vis brevius dicam? doleo: & feralis imago
 Temporis ante oculos ambulat usque meos.
 Et modò Borbonio devictas milite gentes
 Conqueror, & campos, Geldria terra, tuos.
 Nunc Vahalis largos, nunc elicit Isala fletus,
 Vincetus uterque manus, vincetus uterque pedes.
 Cuncta movent animum: sed vos mihi maxima cura,
 Trajectinæ arces, & loca, blanda prius.
 Seu me camporum, seu gratia demeret urbis,
 Hæc aliquid fati seu tenet ora mei.
 Qui mihi præ terris arriserat omnibus olim
 Angulus, heu lacrymas nunc habet ille meas!
 Illic Pieriamque domum lamentor, & istos
 Qui pœnam hanc culpa non subiere sua.
 Cumque ego commemoro plures mihi, plurimus ipse
 Diceris, & mœsti creber in ora venis.
 Immeritos ploro casus urbisque tuosque:
 At nil ploratus, quo medeantur, habent.
 Forsitan hæc aliquam demet tibi pagina curam,
 Et minus infelix per breve tempus eris.
 Eheu! quid volui solamine? Grævius illo
 Non eget, & propria sublevat arte malum.

Nequicquam monuisse virum est, cui Musa medela,
Et liber exemplum quilibet esse potest.

Idem animus, damno mortali major, eodem
Fortunam vultu novit utramque pati.

O decus, ô sæcli merito laus inclyta nostri!

O vir consilio fortior ipse meo!

Sæpius inceptum revocavit epistola cursum,
Ire per infeasas nec fuit ausa vias.

Nuper erat scriptus versus mihi : cætera tristi
Ducere me memini non potuisse manu.

Nunc etiam metuo, chartam ne polluat ipsam
Plurima de lacrimis facta litura meis.

Atque utinam tantum vestro lugere periculo
Cogerer, & tellus libera nostra foret!

Hactenus, ô Superi, fureret Bellona, neque ultra
Gallicus Hollandas ureret ignis opes!

Serius exitium paullo properamus ad unum.

Communis leti parva futura mora est.

Illa perit latam Mater factura ruinam,

Et causam interitus nescit : at illa perit.

Sic æger, medico morbum ignorante, laborat.

Discordi vento sic labat iccta ratis.

Sic gemit impactis truncanda bipennibus arbos,

Et vastum alterutra parte minatur onus.

Me miserum, quanti fuscantur æthera nimbi!

Jam fœdum immensæ decidet agmen aquæ.

Me miserum, quanti tonitrus glomerantur, & ignes!

Jam cœli nostrum proteret ira caput.

Sed meliora Deus ! Parcas, pater optime, parcas,

Et sint augurio pondera nulla meo.

Mollia mutantur duris, adversa secundis,

Nec, quamvis male nunc, res male semper eunt.

Vidi ego laxatis horrescere nubila ventis :

Et vidi, pulsa nube, nitere diem.

Neu me incerta putes dubiis fundamina rebus
 Ponere : pro populo fert Deus arma suo.
 En conjuratus pro nobis militat æther,
 Et Sol inversis signa pererrat equis.
 Quin æstate gelu, bruma percœpimus æstum,
 Proque Noto Boream, pro Boreaque Notum.
 Te quoque, divinâ præeunte, Batavia, dextrâ,
 Exstimulat vindex tandem aliquando dolor.
 Te pietas, te innatus amor patriæque tuique,
 Te bona, te conjux, pignoraque alma vocant :
 Caraque libertas, vitâ pretiosior ipsâ,
 Signatum nostris sanguine nomen avis.
 Cernere jam videor rumpentem vincla Leonem,
 Undique & excitos arma movere viros.
 Hostilique procul Rhenum spumare cruore,
 Et Vahalim obstructis segnius ire vadis.
 Parte alia lætos spondet Groninga triumphos,
 Et Rabenhauptiacâ capta Covorda manu.
 Libera vicinas ad pilea fuscitat urbes
 Ille, novo niveam vinctus honore comam.
 Auriacus Batavas hinc ducet in arma catervas :
 Jamque brevi spatio, nec mora, liber eris.
 Unda recedet agris ; & dulci carmen avena
 Cantabit medias Tityrus inter oves :
 Atque ego dilecta rursus spatiabor in umbra
 Per Trajectini jugera culta soli.
 Jugera Castaliis calcata Sororibus ante,
 Castaliæ, dicam, gloria gentis ubi est ?
 Pulsaboque fores notas, salvumque tuebor
 Salvus, & amplexu colloquioque fruar.
 Hæc ne vana canam, dent fata tibi que mihi que,
 Votaque successus comprobet ista bonus.

JACOBO GRONOVIO.

ELEG. V.



Qui, victa Pyrenæi post frigora montis,
 Hispanum Grajas ducis in arva Deas:
 Quantumvis longè patriis semotus ab oris,
 Oblitus nondum nominis anne mei es?
 Et tibi, tot curas inter patriæque tuasque,
 Nos quoque pars curæ quantulacunque sumus?
 Jucundum est, quod, amice, facis. renoventur amo-
 Qui junxere olim me tibi, teque mihi. (res,
 Alterno alloquio (nulla est mora) littera certet,
 Et pietas cursu, quo prius ivit, eat.
 Dum loquor, ærias rapitur mea Musa per auras.
 Ecce Pyrenæas transiit illa nives.
 Si, quid agam, quæris, valeo. si plura rogabis,
 Dicet flebilibus cætera charta modis.
 Nam nunc finitimo descendit ab aggere Gallus,
 Nunc Brito captivæ vincla minatur aquæ.
 Saucia vulneribus suspirat patria foedis;
 Utque ratis, dubio fluctuat acta noto.
 Felices, quos Herculeis vicina columnis
 Cladibus à nostris terra remota tenet!
 Vos audita movent, at nos spectata, pericla.
 Lenius hæc animum, fortius illa, gravant.
 Spes tamen est domitæ venturæ pacis in undâ.
 Fallor? an audita est hæc quoque fama tibi?
 Scilicet & campis sonus intellectus Iberis,
 Victrices Batavum cum tonuere rates.
 Fœdere conjunctas bis vicimus æquore classes,
 Albionum inflatas contudimusque minas.

Illa

Illa ferox toto depulsa Britannia ponto est,
 Perfidiae poenas & luit ipsa suae.
 Interea, meliora Deum dum fata precamur,
 Diversa longum decipio arte diem.
 Nunc pectus studiis juvat emendare severis:
 Otia nunc Musis quærere blanda meis.
 Nunc Grajos audire placet, Latiosve poëtas,
 Et senis Andini, Mæoniique, tubam:
 Nunc populo vatem eripiunt Parnassia Tempe
 Phocidis in valles, Aoniumque nemus.
 Utraque docta mora est, dulces habet utraque causas,
 Atque alit hæc animum, nec minus illa, meum.
 Tu vero, rerum, quid agis, suavissime? sera
 Anne aliquid dignum posteritate paras?
 Num titulos æquare studes virtute paternos,
 Quò tibi jam vivo facta parente via est?
 Quicquid erit, didicisse libet: cupidusque revolvam
 Ingenii foetus & monumenta tui.
 Mittere ne dubita: non est mutata voluntas:
 Ullius studii nec mihi friget amor.
 Impetus est aliis alius. cupit ille latere:
 Grande libris nomen pluribus alter emit.
 Scribendi quoque forma nec una, nec una voluptas.
 Ducimur huc variis attrahimurque modis.
 Hic chartas veteres, terræque recondita Grajæ,
 Et Latium doctis explicat omne notis.
 Ille tuus campo genitor sudavit in isto:
 Hoc tibi jamdudum pulvere crevit honos.
 Eloquio pollent alii, mulcentque, moventque.
 Alter in historia nobile pangit opus.
 Sunt quoque qui dulci stimulantur Apollinis æstro.
 Horum (confiteor, nec piget) unus ego.
 Vive age neglecta si dicat arundine Pæan;
 Abnucri: usque adeo fistula suave malum est.

Ignoscas, Iacobe, juvat quoque morbus, & omnem
Auxiliaturæ respuit artis opem.

At non, Musam ut amat, reliquas mens negligit artes.

Falleris. impensè, quæ placuere, placent.

Rusticus est etenim, quem non capit alma Vetustas,

Et quicquid Pæan ipsaque Musa probat.

Rusticus est etiam, qui sacra Poëtica temnit,

Et gustum antiqui non satis oris habet.

Et minimis sua palma datur. decor omnibus idem:

Sed fovet ingenii semina quisque sui.

Nil agis, invitâ quicquid conere Minervâ:

Quò te sponte vocat, perge; disertus eris.

Naturæne vides morem? jam gramine lætam,

Jam picturato flore, coronat humum.

Hanc pomis, oleisque beat felicibus illam.

Hac veniunt segetes: hac tumet uva mero.

Munere cum vario niteat ditissima tellus,

Allicit hæc oculos, allicit illa, meos.

Quid non egregii, tot vatibus aucta, Poësis,

Æmula Naturæ parturientis, habet?

Quamlibet haud uno conscendant tramite Pindum:

- Dissimiles similis laus tamen inde manet.

Hic focci capitur sermonibus, ille cothurno,

Et tragico questu tota theatra movet.

Ille Lycambeo sua collinit arma veneno:

Hic Satyram, Veneres hic amat, ille Sales.

Arguto feriit limatum pollice carmen

Romanæ fidicen præsidiumque lyræ.

Cantabat molles elegos, quo sæpe canente

Laxatis Ister mollior ivit aquis.

Ilion Ausonias & qui deduxit in arces

Fortia concinuit fortibus arma modis.

Adde quod, invalidi renuant quid ferre lacerti;

Quid possint fortes, noscere quemque decet.

Stabis,

Stabis, materiam quisquis tibi deligis æquam:

Si virēs ultra progrediare, cades.

Fabula trita quidem, sed nos inventa monere,

Irati Phaëthon perditus igne Jovis.

Stultus Apollineas si nunquam agitasset habenas,

Texisset medio non Pater ora die:

Non illum cognatus olor, non maximus amnis,

Lugeret positus non Phaëthusa comis.

Icarus infirmis issset nisi celsior alis,

Viveret; & nulli signa dedisset aquæ.

Me quoque fortunæ terrent exempla prioris,

Et suadent humili cautiùs ire via.

Aëra pervolitent alii: mihi Musa negavit

Scaligeros inter Salmasiosque locum.

Non mea tam validi distendunt carbasa venti:

Area non nostris ista terenda rotis.

Illis tu natus; parvis ego. parva sequentem

Me juvat Aonio nomen habere jugo.

Decipior? sacris an me quoque Fama poëtis

Inseret, ignava nec tegar omnis humo?

Cumque aliquis Batavos numerabit in ordine vates,

Et mea qui forsan nomina subdet, erit?

Et dicet mea præteriens monumenta viator:

Qui jacet hic, Clarii pars fuit una chori?

Invidiosa sonent alios præconia manes:

Gloria sufficiet manibus ista meis.



AD

HENRICUM SOLINGIUM,

De vitæ privatæ commodis.

ELEG. VI.

S Olingi, laus Pœonii non ultima cœtûs
Parsque sodalitii, nec pudet, una mei;
Quid moliris, agisve? tuo num pectore pulsus
Francius? an memorem mutuus urit amor?
Certè ego non istud committam rumpere vinculum,
Ex quo tu patria junctus in urbe mihi es:
Cum mores placuere tui, candorque leporque,
Innocuique joci, mixtaque verba sale:
Et, quæ temporibus se commendabat avitis,
Simplicitas, nostra protenus exul humo:
Atque animi dotes, & concurrentia raro
Ingenium parili judiciumque modo.
Sive Machaoniis juvat inclarescere succis,
Dum Letum oppugnas, Tartareosque lacus:
Seu tu, prima rudis disponens semina mundi,
Hoc, quodcunque vident lumina, fingis opus:
Cum mare, cum terram, & cœlum, indigestaque cœli
Sidera, quæque suo digeris apta loco:
Unde nives, unde Æolii cum grandine venti,
Unde graves tonitrus, fulminis unde minæ.
Quid Phœbus, quid agat rutili soror aurea Phœbi;
Igne relucescat fratris, an igne suo:
Cur fluat alterno, vel cur mare refluat æstu;
Cur tumeat, victo cur cadat ira fallo:

Si

Si latitet Nilus; quibus ardeat ignibus Ætne,
 Saxaque disrupto volvat in astra jugo.
 Ad caussas rerum obscuras, nodosque latentes,
 Ipsaque telluris viscera, sternis iter:
 Et, quascunque sinu Natura recondidit imo,
 Naturæ occultas pandis alumnus opes.
 Fortunate animi, cui tot miranda tueri,
 Et populo ignotam contigit ire viam!
 Cui vulgi studiis, & ab ambitione remoto
 Privata licuit consensuisse domo!
 Cui data mens, quæ temnat opes, quæ temnat honores,
 Quæ contenta suo est, & satiata, bono!
 Cuncta fluunt: decrescit honos: modò Cræsus in Irum
 Vertitur, & fiunt maxima regna cinis.
 Corporeis certi nihil est. bona pectoris una,
 Cætera cum fato sunt peritura, manent.
 Ista petit Sapiens; patrioque insertus Olympo
 Transít ab humanis in loca dia locis.
 Terrenæ nil fœcis habens terrestria vota
 Despícit, ac solo pascitur ille Deo.
 Non illum curæ insomnes noctesque diesque
 Exagitant; dubio non data vela salo:
 Nec, quibus impellunt venti mare, motibus ísdem
 Æstuat infelix, & mare pectus habet.
 Possessis non plura petit bona. crescit edendo
 Ista fames, caussa est & cibus ipse cibi.
 Æmula nec saturat se gloria; quamque levare
 Fontis aqua poterat, vix levat amne sitim.
 Respuit ingestum, nec inani pendet ab aura,
 Qui desiderio sufficit ipse suo.
 Ipse sibi solium, ac sceptrum, diademaque format,
 Regali major culmine, rexque suus.
 Haud ulli talem strepitus; haud classica terrent:
 Heu nimium patriæ classica nota meæ!
 Undique

Undique restricto securus obambulat ense,
Nec belli strepitus audit, & æra virum.
Qui torvæ excuteret clypeumque hastamque Mi-
Qui Martem primus vinceret; ille fuit. (nervæ;
Nil sperat; metuitque nihil. quod tollere possit,
Nil mala, nil bona fors, quod dare possit, habet.
Fortunæ vultus varios vultu unus eodem
Ridet, & immoto pectore, parque sibi est:
Nullius metuens discriminis; obruat orbem
Unda, vel in flammam, qua patet, orbis eat.
Ipsa ruant cœlo fractis licet axibus astra,
Infractum feriant illius astra caput.
Illius impavido sub pectore læta Voluptas,
Otiaque, & Risus, & Jocus omnis agunt:
Quamque sibi inveniunt nusquam sedemque domum-
Inveniunt isto Paxque Quiesque loco. (que,
Nunc amat urbe frui: nunc, urbis amore relicto,
Ruris opes, blandi commoda ruris amat.
Hic suus, & pura, quam carpit, purior aura,
Deductas valles & juga montis obit.
Arva nemusque vocant. Virtus errare per arva
Dicitur, & nudo Gratia nuda pede.
Arva Fides, Pudor arva colit. terrena relinquens
Finibus ex illis cessit in astra Themis.
Ducitur hic victu modico, contentaque paucis
Vita, procul quæstu, dissidioque procul.
Felicem demum agricolam, si se modò norit,
Cui facilem præbet terra benigna cibum!
Quod si non domus huic ingentibus alta columnis;
At parva è tenui stramine facta casa est:
Tutior at somnus, qui divite pulsus ab aula
Præcipue parvas fertur amare casas.
Si non innumeri veniunt ad tecta clientes;
Suavius est vulgi murmure, murmur aquæ.

Æris pondus abest; at non desiderat æra,
 Texta Semiramiam nec variata manu.
 Lana quid Assyrio fucabitur alba veneno,
 Cui plus Assyrio murice concha placet?
 Dives agri, dives pecoris, dum rure paterno
 Pascit, & errantes inter oberrat oves.
 Talem vivebat vitam sine fraude Vetustas:
 Saturno talis sub sene mundus erat.
 Spirabat pacem, spirabat & otia mundus.
 Nectebant molem mutua vincla novam.
 Instructus nondum facibus, nondumque sagittis,
 Nulla minabatur vulnera inermis Amor.
 Nectar erat commune: cadebat ab arbore nectar;
 Et, quod volvebant flumina, nectar erat.
 Ridebat Zephyro tellus inarata colono:
 Sponte sua segetes, sponte virebat ager.
 Divitias, meliusque situm, dum conditur, aurum
 Damnarat tenebris, nec pia norat humus.
 Divitiis contenta datis, nullius egena
 Vomeris, ingenio floruit ipsa suo.
 O curis ætas vacua! ô ætatis imago
 Illius! hac fieri lege colonus amem.
 Qua licet, affecto tamen hunc; populumque perosus,
 Dum vacat, in saltus & loca sola feror.
 Harlemi colles, dilecta que rura Camœnis;
 Sæpe quies Musis, rura, petita meis:
 Umbrosi salvete iterumque iterumque recessus,
 Ire nec in vestrum me prohibete nemus.
 Me curas juvat in gremio deponere vestro,
 Tædia frondosis me sepelire jugis:
 Æstivosque sub arboribus vitare calores,
 Dum torret medio Sirius arva die.
 Jamque errare libet lento pede, jam pede lasso
 Sidere, gramineis & recubare toris.

Mulcet membra quies, & molli mollior herba
 Subrepat furtim lumina victa sopor.
 Conciliant illam volucres, rumpuntque, canoræ.
 Utraque lassato grata querela mihi.
 Grata quoque & venti sunt sibila; quique beatam
 Fœcundo Zephyrus flamine lambit humum;
 Et tremulis suspirantes in frondibus Auræ:
 Quas Procris Cephali crederet esse sui.
 Siste fatigatum; verus, puto, fiet amator,
 Ac solitis dicet vocibus: Aura, veni.
 Amissam inveniet venienti Procrin in Aura,
 Pensabitque toro fata priora novo.
 Fallor? an & Floram læto vocat ore maritus,
 Annuit & motis garrula silva comis?
 Hæc Nymphæ, Satyrique, & capripedes Silvani;
 Hæc lufret cupido tesqua Diana pede.
 Hic, confessa suos, aliorum narret amores,
 Osculaque Assyrio det Cytherea viro.
 Non hic acre lupos genus, invisosque leones,
 Fulmine terribiles non metuisset apros.
 Securus saltu puer erravisset in isto,
 Nec foret Idaliæ nunc dolor ille Dæ.
 Da Pindum, & Pindo spumet Penæus ab imo;
 Theffala credideris hic tibi rura dari.
 His ubi blanditiis animumque & lumina pavi,
 Vicinæ repeto proxima tecta domus:
 Inque suburbano claudor lare; parvaque lustro,
 Sed non culta minus jugera, parva licet.
 Finibus exiguus quanquam me detinet hortus,
 Hic tamen exiguus, quo capiaris, habet.
 Vota sui domini non spe deludit inani,
 Mendacique solo credita fallit ager:
 Ingeniosus at in flores, fructusque ferendos,
 Fructibus, ac piætis floribus ornat humum.

Lilia seu spectanda, nives æquantia : seu qui
 Flos olet Eois cinnama lecta jugis :
 Quæque refert variis tulipa coloribus Irin :
 Quæque rubet Tyrio tincta cruore rosa :
 Et Phœbo veterem quæ nunc quoque servat amorem :
 Et periit forma qui miser ipse sua :
 Et suaves violæ, & lugentes Hyacinthi :
 Et quæ de lacrymis Cypria, nata tuis.
 Nec minus & teneras inter reptantia frondes
 Fraga libet facili subsecuisse manu :
 Persicaque, & coctas maturis solibus uvas :
 Teque, notam geminæ quæ necis, arbor, habes :
 Quasque prius Corydon & quas Amaryllis amabant ;
 Et cerasa, & succo dulcia pruna suo :
 Pomaque distentos & mala prementia ramos,
 Blanda suum peteret quîs Galatea virum.
 Est quoque telluri semen mandare voluptas :
 Aut aliquo siccum fonte rigare solum :
 Aut rastrum versare manu, versare ligonem,
 Ac Bacchi nimiam falce putare comam :
 Aut per adoptivos truncum diducere ramos :
 Ut recidiva novas proferat arbor opes :
 Aut turdo struere insidias, sibi dum male prudens
 Ipsa dolos collo vel pede necit avis :
 Aut volucrum aërios lentè spectare volatus ;
 Teque polo pennis vecta columba tuis.
 Interdum lubet umbrosa sub vite jacere,
 Inque meo temere procubuisse toro ;
 Ac late spatari animo, populosque remotos
 Cernere, perque salum currere, perque solum ;
 Luminibus visas & mente revisere terras.
 Illi quò pedibus non datur, ire datur.
 Ante meos oculos adducitur hospita tellus,
 Apricus dum me lectus & umbra fovet.

Hic parvam fingo Italiam, sedesque cupitas,
Inque peregrinis me reor esse locis.

Sic ubi jucunda capiuntur imagine sensus,
Ipse mihi dico : Quid sibi visa volunt?

Ipse mihi tum dico : Meos num migrat in hortos
Ausonis? Ausonium conspicio anne solum?

Attollunt septemgemi sui culmina montes:

Tollit arundineam Tiberis ab amne eomam.

En ultro me Roma suas deducit in arces.

Subsequor : ac veterem miror in urbe nova.

Innumeras intro villas, & colle recumbo,

Sive tuo, Cœli, sive, Quirine, tuo.

Hic inter laurosque altas altisque cupressos

Detineo profugum decipioque diem:

Quoque loco, gratas pandit spatiantibus umbras,

Et scatet irriguis fertile Tibur aquis:

Quoque loco, platanis & multa nobilis urna,

Commendat Latiam Tuscula Nais humum:

Aut illo potius, Maro quo jacet; aque Marone

Proxima divinis Actia Musa modis.

Fortunata nimis, geminoque superba poeta,

Dignaque Sincero, digna Marone, juga;

Sit mihi, sit rursus, decerptas vertice vestro,

Nectere Daphnæas in sacra busta comas:

Sit mihi Pausilypi placida recubare sub umbra,

Cernere ludentes & maris inde Deas.

Hei mihi! quam fallax, & quam brevis, illa voluptas:

Quæ, dum mens umbras captat, ut umbra, fugit!

Avolat, ut pennis volucres! ut ab arbore pomum,

Decidit! ut flores flamine, tota perit!

Alliciunt oculos hæc oblectamina solos.

Qui sapis, his nimium ne capiare, cave.

Seria sunt studiis interponenda jocos.

Quæ pascant animum seria nempe dabunt.

Seu fedet annales veteris perdiscere facti,
 Et rerum varias imperiique vices:
 Dogmata seu Senecæ, vel dii mella Platonis,
 In labris pueri qualia finxit apis:
 Seu Demosthenicæ tonitrus ac fulmina linguæ;
 Quove juvet trepidos Tullius ore reos:
 Lumine seu captum, qui plurima vidit, Homerum,
 Cantantem forti fortia bella tuba:
 Ascraove seni visas per somnia Musas;
 Sive Syracosii carmina blanda senis:
 Quique illis palmam eripiens, tres æquat in uno,
 Ternaque promeruit præmia, terna tulit;
 Cui Tiberis, cui Sebethus, cui flumine curvo
 Mincius, & tremulis Mantua plaudit aquis:
 Quoque nihil vidit Sol ingeniosius; in quo
 Pelignus merita laude superbit ager:
 Et qui Pierias Augusti Cæsaris aures
 Cœpit, Apollinæ maximus arte lyræ.
 Hi mihi sunt comites. Juvat hos audire canentes;
 Accendit cantus cantus & ille meos.
 Erigor: ac simili pectus percussus ab æstro
 Sentio nescio quem pectore & ore Deum:
 Quique voluptatum cumulus, testudine sumpta,
 Ipse meas ferio sollicitoque fides:
 Effingoque aliquid, tentoque, & nitor eandem,
 Quantumvis passu dispare, inire viam.
 Quod si sponte mea curas componere possem:
 Componi curas hoc mihi more velim.
 Hæc vitæ mihi forma placet. sic frangere soles
 Juverit. optarim nil agere, hoc ut agam.
 Interea cari venientes urbe sodales
 Sæpe interrumpant seria, sæpe jocos.
 Hos inter si me alloquio dignaberis hospes,
 Et venies lateri tu mihi dulce latus,

In silva, & solis unà spatiabimur hortis,
 Sæpe locuturi seria, sæpe jocos.
 Protinus ad nostros ridebunt germina risus,
 Applaudet lætis & nemus omne comis.
 Curre, vola : blandi nemoris te murmurat aura ;
 Ipsa tibi rident germina , ridet humus.
 Sedibus his utinam primo te sistat Eoo ,
 Eoûm vigili qui vehit axe diem !

JANO BROUKHUSIO.

ELEG. VII.

BRoukhufi , quem blanda Erato , quem mater
 Amorum,
 Formavit manibus quem Charis ipsa suis:
 Quem mihi jube sodalitium sic junxit amant
 Unus ut è gemino corpore spiraret amor:
 Ecquid, amice, vales? animæ pars altera nostræ
 Ecquid adhuc superest, &, velut ante, viget?
 In te quæ superest animæ pars altera, certè
 Dudum nescio quo tabuit illa modo.
 Hæc viget, illa jacet: videorque ego, sanus & æger,
 Vivere dimidius. dimidiisque mori.
 Non sunt de nihilo præsagia. mens mihi tristis
 Anxia pro vita proque salute tua est.
 Terrent sollicitum diuturna silentia pectus,
 Erroresque vagi, militiæque labor.
 Terret & Auriacus, Caroli qui nomine regis
 Dicta repentino mœnia cingit equo.
 Undique jam video præruptos scandere muros,
 Et cadere hostili millia multa manu.

Ah metuo, ne tu numero numereris in illo,
 Simque, tuo audito funere, funus ego.
 Ah metuo, si forsan & hæc, quam nunc tibi mitto,
 Charta tuas unquam sit subitura manus.
 Cuncta miser timeo. tu cuncta ignosce timenti.
 Si nescis, amor est, non timor, iste metus.
 At tu obdura animum, & magno preme pectore for-
 Et sis carminibus fortior ipse meis. (tem,
 I genere animi, (tibi sic Deus adsit eunti)
 Quo Deus, & virtus, & tua fata vocant.
 Dura quidem, fateor; sed quæ leviora ferendo
 Confieri possunt, si bene fertur onus.
 Tempus adest, cum, suspenso post prælia ferro,
 Otia Pax terris, & tibi, longa dabit.
 Tunc erit in studiis consumere dulcibus ævum
 Gestanti citharam, qua prius arma, manu.
 Fila legent Parcæ tibi mollia: dumque priora
 Excusare volent, prosperiora dabunt.
 Hæc quoque, quæ pateris, quondam meminisse juvabit,
 Curaque lætitiæ pars erit ista tuæ.
 Candida nec mihi sunt ex omni stamina voto:
 Nam, quæ perduras tu mala, & ipse fero.
 In partem socii venio discriminis: in te
 Vulneror, & morior, si moriaris, ego.
 Obversant animo Leti mihi mille figuræ,
 Luminibus lacrymas eliciuntque meis.
 Sed tu nec timidus, nec tu temerarius esto,
 Et nimium vitæ prodigus ipse tuæ.
 Parce, precor, quantumque licet discrimina vita:
 Et mihi si non vis parcere, parce tibi.
 Si tibi non parcis, dilecto parce sodali:
 Parce, neque unius funere perde duos.
 I tamen, i contra. cœpto bonus annuit æther;
 Et, quem protexit, proteget ense Deus.

Te multis ante eripuit bellicę marisque
 Fluctibus, & tutum cinxit ab hoste latus.
 Illum hilaris, quocunque vocat, latusque sequare.
 Incolumem patrio te dabit ille solo.
 Pignorer augurium. perfer, quodcunque ferendum est;
 Dum veniat votis mitior hora tuis.
 Interea, quando amplexu prohibemur amico,
 Leniat invisam multa tabella moram.
 Nunc pede, nunc pedibus decurrat epistola nullis,
 Lasset & alternas littera crebra manus.
 Dumque procul longo disjungimur intervallo,
 Mutuus in juncto pectore flagret amor.
 Adsumus absentes: & lumina corporis ire
 Quò nequeunt, illuc lumina mentis eunt.
 Ut juvat optatos vultus, & cara tueri
 Pectora! transactos ut meminisse dies!
 Tecum per nemora, & colles, & devia rura,
 Et secreta piis vatibus antra feror.
 Et modò propter aquam, viridi modò fusus in herba,
 Ceu prius, assumpta gaudet uterque lyra.
 Nunc tibi compositos repeto relegoque labores,
 Et capior numeris, culte poëta, tuis.
 His levo deliciis animum. jam audire loquentem,
 Reddere jam videor verba, palamque loqui.
 At cum grata manus pertingit epistola nostras,
 Tum mihi tu loqueris, tum loquor ipse tibi.
 Conspiceris tabula, præsensque audiris in illa.
 Hæc animum, hæc vultus monstrat imago tuos.
 Ipsa sui genium domini, numerosque, sonumque
 Quæ referat vivis, est mihi charta, notis.
 Judicium tenet illa tuum. nec certior index
 Esse potest animi, candidiorve, tui.
 Scilicet Aonius, Domini post fata, libellus
 Commendat Famæ carmina, seque mihi.
Desine,

Desine, amice, tuas mihi commendare Camoenas.

Ista sui debet pignora noster amor.

Quid dubitas? vinculum credisne perennius ullum,
Aut aliquid nostra sanctius esse fide?

Non illa Pylades macula consperfit Oresten:

Per Nisum Euryalo non ea inusta nota est.

Ex æquo Pylades, ex æquo ardebat Orestes,
Euryalique comes, Euryalusque puer.

Nos quoque fax eadem flammis æqualibus urit,

Quoque tuum, parili cor calet igne meum.

Fœdus amicitiae per non violabile juro:

Perpetuae curæ te fore, & ista, mihi.

Nil opus est stimulis. fugit hos, oditque rogari

Verus amor. calcar sufficit ipse sibi.

Spontè facit, quodcunque facit. Vis pignus amoris?

Æternum fidei te tibi pignus habe.

Ne dubita: vinculum neu crede perennius ullum,

Aut aliquid nostra sanctius esse fide.

Ibimus in lucem pariter, pariterque legemur;

Et qui nos, idem carmina junget amor.

Floribus ornabo tumulum, lacrymisque rigabo,

Musa nec officio deërit amica suo.

Non mea cum caro pietas moritura sodali est.

Transcendet fati litora noster amor.

Denique diceris semper, quam longa supersum.

Tempora, seu vivas, seu moriari, meus:

Sed potius vivas; & in uno corpore serva,

Dimidiumque mei, dimidiumque tui.



A D E U N D E M.

E L E G. VIII.

Accipe dilectum Musis opus, accipe Jane,
Quod tibi depositum reddit amica manus:
Cara tibi manus ante alias, belloque fideque
Cognita, jamque suo cognita amore mihi.
Militiæ comes ille tuæ, tuus Hæsius ille
Fert tecum ingenii pignora, Jane, tui.
Haud equidem potui tua carmina tutius ulli
Credere, credideras quæ vagus ante mihi.
Illa meum nunc hospitium tectumque relinquunt,
Oraque dilecti sub genitoris eunt.
Tu vero gaudente manu venientia, & illo
Excipe, legitimum quo decet, ore, patrem.
Quanta tui capient mox incrementa libelli
Invecti laribus, Jane polite, tuis!
Quæ species, qui cultus erit, quæ gratia, per te
Accipient summam cum tua scripta manum!
Illa quidem facunda, & quæ dictasse canenti
Crediderim ductas ex Helicone Deas.
Nec plures edunt flores Parnassia Tempe:
Nec fluit Aonio purior amne latex.
Illa tamen Domini tersam revocanda sub aurem
Rursus, & exactâ perpolienda manu.
Perge decus juvenum, cultissime perge poëta,
Per te correctis cultior ire modis.
Non ego vitupero, laudo quoque: possit ut ultra
Addere nil operi lima polita tuo.
Perge inquam nova Pegasidum, nova gloria Phœbi,
Inque diem, & populos, quæ male condis, eant.
Rumpe

Rumpe age, rumpe moras: quid enim cessamus in-
 Ire nec in lucem, canaque sæcla, libet? (tes,
 Quid premis immiti vulganda poemata dextra,
 Et tenebris damnas digna videre diem?
 Ingenii monumenta tui legat ultimus orbis,
 Cognita nec soli sit tua Musa mihi.
 Ipsa vocat te Fama, sacrique è vertice montis
 Lecta parat capiti laurea festa tuo.
 Hac sine, quò versus effingere? quò tibi nomen
 Vatis? inauditæ gloria nulla lyræ.
 Hæc alit, hæc laudis sitientum pectora vatum
 Excitat: hæc illos unica palma manet.
 Huic decet inservire: hæc nos vulgoque soloque
 Eripit, & cœlo sideribusque locat.
 Cantanti dudum illa tibi favitque, deditque
 Nobile in Aonio nomen habere choro.
 Non valet hæc eadem, quod contulit ante, negare.
 Augebit famam pronior usque tuam.
 Cumque recensabit nostræ telluris alumnos,
 Et Grotium, & Doufas, nomina magna, canet:
 Æqualemque patri Heinsiadem; dulcemque Secun-
 Delicias Phœbi, deliciasque tuas: (dum,
 Hos inter vates aliquem tibi jure relinquet,
 Et non postremum, Jane diserte, locum:
 Dumque Secundi ignes terra admirabitur, alter
 (Quid majus tribuat Fama?) Secundus eris.
 Illius ingenio cunisque superbiat Haga:
 Te, quo se tellus Amstela jactet, habet.
 Hooïdus illustret patriam natalibus urbem,
 Et linguæ, & Batavæ gloria summa lyræ;
 Qui primi Clarias Tiberi deduximus artes,
 Nos sumus. Invidia vera fremente loquar.
 Primus ego in patriam, quo nomine glorior uno,
 Montibus è Latiis sacra Latina tuli.

Major ut ingenio sit nobis, major ut arte,
Hoofdus; est aliquid non patrio ore loqui.
Est aliquid Latia carmen componere lingua,
Itala quod tellus, Roma quod ipsa legat.
Quare age, Jane, novas capiti precor indue lauros,
Et celebris Musis sit tua terra tuis.
Scilicet has olim, præsens si respuet ætas,
Excipient gremia postera sæcla suo.
Hæc verum imponent pretium tum, quod tibi Fama
Jam dedit, ex æquo post tua fata dabit.
Tu modò Pieriis vitam famamque libellis
Assere: nec lapis has, qui tegeti ossa, tegat.
Artibus Aoniis periturum extendere nomen
Aggredere, Aonia nomen adepte lyra.
Ede tuos versus: quid enim facundius illis
Esse: quid his ipsis tersius esse potest?
Flagitat hos Phœbusque pater, Musæque sorores,
Et, quæ pasta tuo nectare sæpe, Charis.
Flagitat, æquoreo de gurgite nata Dione:
Et, qui te docuit scribere carmen, Amor.
Ulteriusne premes, quod nos, tua turba, sodales
Dudum exspectamus non patienter opus?
Rumpe precor latebras, Musisque faventibus exi,
Exit ut Eleo carcere pulcher equus.
Emendata diu jam carmina, qua patet, orbis
Audiat, & multa voce manuque probet.
Si tamen emaculata satis nondum illa putabis,
Alter in alterius vulnera portet opem:
Et detergendis incumbat uterque lituris:
Tu nostro melior carmine, egoque tuo.
Præstitit officium hoc Naso tibi, culte Properti:
Istud idem, Naso, præstitit ille tibi.
Nasonem Lyrica demulsi Horatius arte:
Coepit Flaccum Elegis Naso poëta suis.

ELEGIARUM LIB. II. 187

Tales, exemplo veterum, Jovianus, & olim
 Actius, alternos corripuere modos.
 Talis Sidronio fuerat modò Wallius, illi
 Sidronius : par his cura duobus erat.
 Et modò laudabant quicquid pulchrumque bonum-
 Nunc meliora suis substituere locis. (que :
 Profuit hoc illis studium : maculasque notasque
 Tollebat numeris libera lima suis.
 Hæc tibi si via fortè placet, quin tendimus illac,
 Et tritum magnis vatibus imus iter?
 Auxilium tibi, Jane, meum promitto, tuumque
 Pigneror : alternam res ea poscit opem.
 Atque utinam propiore solo traducere vitam,
 Inque suburbano posse liceret agro:
 Conspectus tuus ille mihi, tibi noster, amice,
 Sufficeret nostris robora quanta modis!
 Nunc, quia diversis disjungimur urbibus, unâ
 Vivere nec nobis in regione datur:
 Littera compenset culpam terræque locique,
 Oris & alloquii sustineatque vicem:
 Quaque licet, studiis communibus adsit uterque,
 Si res indigeat te mea, meque tua.

RENATO RAPINO.

Cum meas ei Eclogas mitterem.

ELEG. IX.

Magne Vetustatis defensor, docte Rapine:
 Laus & honos Clarii, culte Rapine, chori
 Accipe, nec pigeat crescentem audire poetam,
 Hæc mea bucolicis carmina lusa modis.

Pasto-

Pastorale placet dudum mihi carmen, & illuc.

Si qua mihi Musa est, me mea Musa vocat.

Jam dudum Sículus rapuit me pastor, & ille

Qui sequitur Sículum, non minor ipse, senem.

Illi prima meæ moverunt semina mentis:

Altera tu numeris, culte poëta, tuis.

Tu calamos utcunque meos non passus inertes.

Inflavi calamos, te modulante, meos:

Exemploque tuo, Iessidæ vatis ad urbem,

Pavi lanigerum læta per arva gregem.

Alter ego incedo tua per vestigia vates,

Audax hortatu factus ab ipse tuo.

Tu, me cùm legeres, aliquid sperare jubebas:

Laudabasque meos ore favente modos.

Ex illo velis cœpi majoribus ire,

Favit & incœptis Calliopea meis:

Iussit & Heroïs pedibus graviora referre,

Martiaque Andinâ dicere bella tubâ.

Nunc tuba, nunc sumpta est mihi fistula. quid mea

Fistula, tu quæso, cui propria illa, vide. (possit

Tu morem imponis calamis, legesque canendi

Præscribis nobis, nec minus ipse tibi.

Sic utinam ista sequi, ceu tu præscribere, possem,

Carmine materiæ conveniente suæ:

Et leve nescio quid tenui cantare cicuta,

Pana quod oblectet, Naiadumque choros.

Ah vereor, nostræ ne sit decor ille cicutæ,

Sufficiat teneris nec mea Musa modis. (men.

Multum Elegos, multum Heröum conscribere car-

Plus habet hoc artis, quo patet illa minus.

Simplicitas, sermoque suus, sermoque pudicus,

Multum naturæ, plus tamen artis, habent.

Artis, si qua fides, Naturam effingere, summæ est.

Non nisi Apellea pingitur illa manu.

Ass

Ast hæc quo major, major mihi caussa timendi,
 His gravius ne sit viribus illud onus.
 Justius incumbunt humeris ea pondera firmis.
 Ferre negant humeri pondera tanta mei.
 Nata tuis manibus, manibus tractetur ab istis
 Canna: decet digitos canna, Rapine, tuos.
 Quodam jure tuum rus est: tibi pascua, & horti,
 Imperioque tuæ subdita paret humus:
 Et Nemora, & picti Flores, Pomaria, & Undæ,
 Nomina sunt versu nobilitata tuo.
 Te colit ante alios pastorum Numen, amatque
 Illo, quo solitum est, dignius ore cani.
 Nec tamen, ut spero, nostram averfatus avenam
 Respuet Arcadiæ, si finis ipse, Deus.
 Illum concilia mihi ru: facilesque Napæas
 (Nam potes) in saltus & mea rura voca.
 Ipse quoque haud dubita nostras invisere silvas:
 Clementique meos imbibere aure modos.
 Invenies illic sterilis mala semina avenæ,
 Evellenda tuâ semina cassâ manu.
 Invenies etiam frutices, & amabile forsan,
 Quodque velint teneræ carpere gramen oves.
 Illic, umbrosâ recubans sub tegmine fagi,
 Percipies cantus per nemora alta meos.
 Dumque meos audis cantus, mulceberis illis
 Forsitan, atque aliqua parte placebit opus.
 Forte meo quoque Damoætæ suspiria fundes,
 Et, qui te moveat, noster Alexis erit:
 Proruptasque meis oculis mihi fleta Lycoris
 Ostendet lacrymas, elicietque tuas.
 Ergo age, pastoresque meos & pascua lustra,
 Inque meas silvas, captus amore, veni.
 Si quid in his frugisque bonæ nascetur, & herbæ,
 Debebo monitis carminibusque tuis.

A D

NICOLAUM HEINSIUM,

De secessu ejus Vianensi.

E L E G. X.

P Atris Apollinci soboles, quem margine Leccæ
 Mœnibus includit pulchra Viana suis:
 Mille voluminibus qua tu circumdatus, Heinſi,
 Fingis in Aonia parvum Heliconæ domo:
 Infanoque fori strepitu vulgique remotus
 Nunc tota Musis mente, tibi que, vacas:
 Salve, Pierii dux agminis; istaque perge
 Otia, concedit dum Deus ista, sequi.
 Hactenus Europæ varios populosque locosque
 Perluſtraſti oculis, multaque regna, tuis:
 Inque hominum media verſatus luce ſalutem
 Curaſti Batavæ, nocte dieque, rei.
 Teſtis Hyperboreis ſubjecta Trionibus ora,
 Canaque perpetuâ Parrhaſis uſa nive:
 Quæ curamque, operamque tuam, vigilemque labo-
 Vidit ab Arctoo, pervigil uſque, polo. (rem,
 Sæpe tuam mirata fidem Regina Trionum eſt:
 Mirata eſt numeros sæpe eadem illa tuos.
 Illius auſpiciis, quam nunc habitatque probatque,
 Calcaſti Latiam non novus hoſpes humum.
 Illius in terris multos exinde per annos
 Auxiſti patriæ remque decuſque tuæ.
 Plena quidem famæ, ſed, multi plena laboris,
 Quam tu vixiſti, publica vita fuit.

Quod

ELEGIARUM LIB. II. 191

Quod superest, longumque tibi dent fata superſit,
Jure tuo Muſis, & tibi, ſolus habes.

O fortunatum pariter ſtudioque locique,
Æthere quem noſtro purior aura ſovet!

Cui melior tellus, noſtrisque ſeracior arvis
Surgit, & innumeras larga miniſtrat opes!

Cui, Brederodæam dum præterlabitur arcem,
Suppeditat dulces proximus amnis aquas!

Hic vivis, tecumque habitas, hic multa ſenectæ
Instantis Claria tædia fallis ope.

Clauderis hic parvis laribus, nec clauderis illis
Tu tamen, atque animo, quò libet, inde fugis.

Illo pervolitas quicquid Latetia, quicquid
Includit gremio maxima Roma ſuo:

Et, Vaticanus quæcunque recondit Apollo,
Evolvis cupidâ ſcripta vetuſta manu.

Quin ea ſacra tuos dudum ſubiſſe penates,
Inque Vianæum Roma receſſit agrum.

Huc tua ſedulitas Italis advexit ab oris,
Egregii ſi quid Tiberis & Arnus habent.

His animum ſtudiis oblectas; jamque Maronem,
Jamque alios, tenebris explicuiſſe juvat.

Tota poëtarum ſeries tibi denique vitam
Debet, & acceptum fert, ſine ſorde legi.

Dat plauſum, dat promeritas turba enthea grates
Auctori vitæ, ſæpe datura, ſuæ.

Ergo aut antiquos vates è faucibus Orci
Eripis; aut, illis æmulus, ipſe canis.

Jam veterum monumenta virûm, jam ſcripta recen-
Excutis, & multa ſedulitate teris. (tum

Nunc vicina tibi Germania, nunc tibi mittit
Gallia, nunc ceras Auſonis ora ſuas.

Et modò Fernandus, modò te Chriſtina ſalutat:
Nunc Montoſerii, nunc tua, Coſme, manus.

Nunc

Nunc è finitima docti regione sodales
 Invisunt Musas, suspiciuntque, tuas.
 Ecce Vianensem creber festinat ad urbem
 Grævius, & multum fert tibi lætus ave.
 Deserit Hagani nemoris Kinschotius umbras,
 Teque tibi que aditum gaudet adire locum.
 Et, qui fama suis, Bleisvicius, inclyta Delphis,
 Natalem Lecca flumine mutat humum:
 Insignesque lyra Hugonii, gnatique paterque,
 Magna aulæ, Clarii lumina magna jugi.
 Sic his, sic aliis vivorum, aut luce carentum,
 Alloquiis, animum pascis, alisque tuum:
 Et terras, terrarum exul, mundumque relinquens,
 Hoc quod abest tibi tu das, nec abesse doles.
 Multa ætas vanum docuit te spernere mundum:
 Spernere cum Musæ te docuere tuæ.
 Quod tibi furripuit, quamvis reparabile damnum est,
 In libris, in te percipis, inque Deo.
 Hic fructus studiorum, hæc debita palma, tuorum:
 Suaviter exacti temporis ista fides.
 Scilicet est aliquid, vitæ illecebrisque bonisque
 Destitui, nullis destituique bonis.
 Usque beata adeo, nec vulgo cognita res est,
 Posse aliquem secum vivere, posse sibi:
 Et placidum, & sese contentum vivere solo:
 Nec solum, nisi cum solus es, esse minus.
 O Heinfi, qui depositis hæc otia curis
 Rure tibi placito, rure silente, facis;
 Sive sodalitiî consortes inter amicos,
 Seu tecum vitæ tempora solus agis;
 Me quoque, si pateris, sacras admitte sub ædes,
 Simque clientelæ pars ego parva tuæ:
 Inque tuæ Musæ cultoribus, & mihi, quæso,
 Concedas aliquem, magne poëta, locum:

Virtutesque tuas mirantem, & grandia plectra,
 Me tecum excipiat margine Lecca suo.
 Lecca pater, seu tu Vahalis cognomine dici,
 Seu Mosa, seu Rhenus, seu mage Lecca cupis;
 Et vos arboreæ frondes, umbræque cadentes,
 Et quæ populeas concutis, aura, comas;
 Alituumque genus varium, trichilæque, viæque,
 Et prorupta solo lympha, Genique loci;
 Et vos umbrosæ secreta silentia silvæ,
 Tuque fatigati corporis, herba, quies;
 O, qui me vestri nemoris seponat in umbra:
 O, qui me vestræ margine sistat aquæ:
 Innumeras ut delicias, & gaudia glebæ
 Uberis, hinc oculis, auribus inde, bibam!
 Trajice me fluvioque tuo, ripaque jacenti
 Opposita mollem da mihi, Lecca, torum:
 Temperiemque tuam videam, passimque volantes
 Huc illuc celeres, quod jubet aura, rates.
 Et tu, proxima silva, tuo me gramine fessum
 Excipe, secessus & mihi pande sacros.
 His ego sub foliis umbras & frigora captem:
 Lenè susurrantes hîc ego lentus aquas:
 Hîc volucrum cantus: quæque alite suavius omni
 Concinit, Heinſiacæ fila canora lyræ.
 Illa tuo ruri dos unica: vate sine illo,
 Ut tibi tu placeas, nil nisi vile solum es.
 Sis multa dives licet arbore; sis licet arce,
 Et Brederodæa nobilitata domo:
 Plus tamen huic te pœnè viro debere fateris.
 Grande tuis pretium frondibus ille facit.
 Hunc unum propter tu viseris: hujus amore
 Creber amat saltus hospes, initque, tuos.
 Non Hagana tibi, non sese Harlemia tesqua
 Æquiparent: famæ plus, & honoris habes.

Phœbo sacra tibi Daphne, tibi Thessala Tempe

Submittunt ramos, aëriumque caput:

Et, quondam Latii certissima gloria campi,

Cedit Aricinum jam tibi, silva, nemus.

Et tibi sunt frondes, natæque è frondibus umbræ:

Et tibi multus honos, & tibi numen inest.

Læta Camœnarum viridi sit Aricia luo;

Sit Daphnes Phœbo terra dicata suo;

Tu quoque silvicolis habitaris, ut illa, Camœnis:

Tu quoque Castalio curaue amorque deo.

Heinsius Aonidas, Phœbum præstatque refertque

Heinsius: ille tuo numen, honorque, solo.

Hospitium geniale sibi te legit, & ipsa

Thessala blanditiis posthabet arva tuis.

Certè ego te cunctis veterum silvisque locisque

Anteferam, & multa relligione colam:

Tæque, tuumque canam, quo possum carmine, vatem,

Et dicam numeris nomen utrumque meis.

Tu modò depositum cœli servare tuumque

Sis memor, &, famam hanc qui tibi donat, ama.

Tu gratas illi latebras, tutosque recessus

Suffice, & attenta, quod canit, aure nota:

Eque tuis foliis, quanquam non indiget illis,

Frondea Pierio vincula nocte viro.

Sic celebrent Satyri, sic te tua numina Fauni;

Naiades festos instituantque choros:

Sic te vicina veniens terat urbe viator;

Lustret & Aoniam plurimus hospes humum:

Sic tibi non Zephyri flatus, non frigora desint,

Scenarumque umbræ, vivaque fontis aqua:

Innumeræ tua sic volucres per culmina ludant,

Argutumque canant ore sonante melos:

Sic nulla violere manu, violere securi,

Neu lædat lignum bucula, ovifve, tuum:

Sic

Sic tibi nec venti noceant, nimiive calores,
 Sæva nec Icarius dum levat ora canis:
 Sic, ut laurea ferta, tui quæ tempora cingunt
 Hospitis, usque tuæ stent, vireantque, comæ.

A D

Æ G I D I U M
 M E N A G I U M,

De studiis ejus Poëticis.

ELEG XI.

MEnagi, primis sibi quem sacravit ab annis
 Pallas, & Aonio cum grege sancta Themis.
 Accipe quod multi mitto tibi pignus amoris
 Pars ego Pierii Francius una chori.
 Ecce timet, doctasque fores pulsare recusat
 Tincta verecundas Musa rubore genas.
 I tamen, i, dixi, timidumque evince pudorem,
 Rustica tam culto ne videre viro.
 Quod metuas, non est; doctas amat ille puellas,
 In quarum numero tu quoque forsan eris.
 Illa nihil: paullo sed ab his animosior, ivit
 Orba metu jussam, nec tamen orba, viam.
 Et merito: quis namque tuam, cultissime vatum,
 Visere sustineat, non metuatque, domum?
 At tu, docte, meas illo precor ore Camænas,
 Excipe, Menagi, quo cupis ipse legi.
 Jam dudum terras sparsit te Fama per omnes,
 Sustulit & pennis alta sub astra suis.

Tu legeris toto, toto cantaris in orbe,
 Æternumque tibi dant tua scripta decus.
 Sive per Astrææ campos spatiaris amœnos,
 Submittit flores & tibi Diva suos;
 Sive Sophos Grajos Stygiis educis ab umbris,
 Et veterum vitam dat tibi vita novam;
 Seu Francæ, Tuscæve doces primordia linguæ,
 Ductaque Sablolia stemmata longa domo;
 Seu tu, Pegasea mentem lymphatus ab unda,
 Laberis Aoniis purior amne modis.
 Hic tua se monstrat virtus, hic exerit omnes
 Ingenium vires eloquiumque suas.
 Te Themis, & patrio rapuit fata vertice, utramque
 Ante tamen Clariæ te rapuere Deæ.
 Inter Apollineos nunquam delebile mystas
 Nomen habes, scripti natus ad omne genus.
 Nunc pastorali carmen modularis avena;
 Nunc Lyra, nunc Elegi, nunc Epigramma, placent.
 Nec satis est, uno dici sermone disertum:
 Facundum linguis pluribus esse, tuum est.
 Jam te Græca vocat, jam te Romana Poësis;
 Gallica jam, jam te Tusca Thalia juvat.
 O quoties numeris ego lenè fluentibus hæsi,
 Et dixi: numeros tolle, Tibulle, tuos!
 O quoties, vel Callimachi, vel Teia coram
 Pæne tuis verbis credita Musa loqui est!
 O quoties Italis laudem palmamque Poëtis
 Visus es, & Gallis præripuisse tuis!
 Sequana mirantum cursum suspendit aquarum,
 Attollit fluctus Arnus & ipse suos.
 Surgunt Muscoso Nymphæ Cephisides antro,
 Plaudit & è mediis Ilia mater aquis.
 Si qua fides, Cytherea polo Charitesque relicto
 Aure bibunt numeros depereunte tuos.

Præ numeris Cytherea tuis, facunde Poëta,
 Deseruit Cyprum, deseruitque Paphon.
 Ipse liber testis tuus est mihi. totus amorem
 Spirat: habet veneres pagina quæque suas.
 Nunc in me Paphios Amaryllis ventilat ignes,
 Nunc, quo furripiat me mihi, Doris habet:
 Nunc versatilibus me Delia captat ocellis,
 Flore levi pictis nunc Telephilla genis.
 Jam me pulchra Corinna rapit, jam pulchra Laverna,
 Versibus in cœlum vecta Laverna tuis.
 Hei mihi, non tutum est vel sic spectare Lavernam!
 Prædatur sensus illa diserta meos.
 Uror io: sensi. flammis ignosce, Menagi,
 Quas per te movit dicta puella tibi.
 Quæ non visa places, ut tu mihi visa placeres,
 Gloria Sequanici, pulcha Laverna, soli!
 Incedas Grajâ; vestis te Graja decebit:
 Incedas Latiâ; palla Latina decet:
 Indue Gallorum cultus, Italumve, recentes;
 Convenit hic formæ, convenit ille, tuæ.
 Jure tibi, quæ Peligno cantata Poëtæ,
 Invidet, & docti Lesbia vatis amor:
 Quæque suo cupidum torserunt igne Tibullum;
 Quæque Propertiaci carmine nomen habet.
 Ipse suos vates Tyrrhenus negligit ignes,
 Et te, pro Laura, pulchra Laverna, colit.
 At tu, Menagi, doctorum scriptor amorum,
 Cui plus quam matri debet amica suæ:
 Vive diu, longumque tuo potiaris amore,
 Istaque disrumpat vincula nulla dies.
 Tu famam dona pulchræ, vitamque, Lavernæ:
 Det famam, & vitam, versibus illa tuis.
 Illa caput mirto, Claria tu cingere lauro,
 Quam tibi quadruplicem Musa datura tua est.

Scribere bis gemina valuit qui carmina lingua,

Et gentes scriptis demeruisse suis;

Bis gemino meruit velari tempora ramo

Scilicet, & plus quam simplice fronde tegi.

Septem urbes dixere suam post funera Homerum:

Tc populi dicent quatuor esse suum.



E L E G I A R U M

L I B E R T E R T I U S .

C R E T A A D J O V E M .

E L E G . I .

E Loquor, an nimius præcludit guttura luctus?
 Qua sese exoneret nescit & ipse dolor.
 Ergo juvat solus miseram dolor? & mihi,
 præter

Flere, nihil superest, & mea damna queri?
 Hoc quoque vix superest. jam mens occalluit usu:
 Vox filet, & verbis deficit ipsa suis.

Et quoties oculis libet indulgere dolori,
 Pro lacrymis multo sanguinis imbre madent.
 Utque gemit moriens sua fata Caystrius ales,
 Hæc ego cycneo carmina more cano:

Exequias comitata meas, vivumque cadaver;
 Funera faneribus (quis putet?) ipsa meis.
 Juppiter ò desint istis sua pondera verbis;
 Inque meos hostes hoc precor omen eat:
 Si quondam jucunda tibi placui hospita Crete;
 Ubra si nutrix nectare plena dedi.

Quid tamen hoc prodest, si depopulanda relinquo
 Hostibus, & tellus sanguine tincta meo est?

At potui peritura, modo meliore perire,
 Et non invisus Threcibus esse cinis.

Jam magis atque magis muros tutantia carpunt
 Agmina: per numeros corpor & ipsa meos.

Arma cadunt : languet longo mea tempore dextra.

Hoc de me spoliū, non meus hostis, habet.

Nec tot sustinuit, nec tantos Troja dolores,

Annorum totidem sit licet illa labor.

Utraque si belli conferre pericula tentas,

Invenies nostris ista minora malis.

Numina quin etiam, quamvis in perfida starent

Pergama, Pergameis ingemuere rogis.

En, tibi quam tribui, vitam, te vindice, perdo.

Et potes exitium, lente, videre meum?

Quo tantum noxæ merui? juvine parentem,

Cum sua te contra sustulit arma parens?

Anne giganteis favi conatibus olim,

Et cinxi æthereas obsidione domos?

Num te Dictæa quondam tellure removi

Portantem Libyco regia furta mari?

Certè ego sum te sollicitis tutata lacertis,

Cum peteret nati membra voranda pater.

Qua sobolem rabido mater subduceret ori,

Tuta quies cœlo vix satis ulla fuit.

Anxia circuitum terræ lustraverat omnem.

Quis credat? profugæ nulla patebat humus.

Una Deæ longos doleoque levoque labores,

Excipioque meo pondera cara sinu.

O tandem miserata mei, miserata meorum,

Hic tibi sit curæ regius exul, ait.

Orabat, regemque poli tradebat alendum.

Agnovi puerum : cætera numen erat.

Interea toto frendet Saturnus Olympo,

Et maria, & terras, qua patet orbis, obit.

Venit & ad Creten, fidæ sub tegmine quercûs

Suspendi cunas, oculuique, tuas.

Quod nisi tunc Leti discrimina parva fugassem,

Jam Chaos antiquum, te sine, mundus erat.

Quod

ELEGIARUM LIB. III. 201

Quod vivis, terræ quod rector & ætheris audis,
Hoc ipsum, quod me deseris, ergo meum est.

Idne, ingrate, placet? sic nutrimenta rependis?

Hæc sunt officiis præmia digna meis?

Mene perire, meo nutritus ab ubere cernes?

Et mors, pro vitæ munere, munus erit?

Non hanc Armenii legem novere leones.

Anne potes duris durior esse feris?

Ah nimium similis tauro cognosceris illi,

In quo cœlestem dissimulabat amor!

Juppiter, ignoscas: verum puto nasse juvenicum,

Et taurum in tauro, non latuisse Deum.

In quem, deposito transibas numine, numen,

In mores idem transiit ille tuos.

Unius in pœnam, ceu conjurata, Deorum

Offensam sequitur cætera turba tuam.

Signa movet diversa meis Latonia signis,

Filiaque irato cum genitore facit.

Est aliquid filices, montanaque rura petisse.

Ingenio rigidi convenit illa loci.

Mollis amor, molli Endymion de corde recessit,

Quod nunc, pro domino, Latmia saxa tenent.

Scilicet humanis assuevit cædibus, ex quo

Tinxerunt Scythicum Taurica sacra solum.

Quid faceret, pleno si se diffunderet orbe,

Sic mihi quæ media parte, meisque, nocet?

At tu verte animos, rebusque cadentibus adsis,

Inque tuas arces, priscaque templa redi.

Iusta precor: serva, ceu te servavimus ante.

Redde vicem meritis: quod peto, nempe dabam.

O per me patriis erepte furoribus infans,

Eripe me Getico, Bosporeoque jugo.

Infandam prohibe muris incurrere Thracen,

Cæde cruentatas abstineatque manus.

Nec de te spoliis indignum insultet ademptis,
Et tibi sacratam turpè profanet humum.

Impia Sithoniæ vanescant cornua Lunæ,
Parque parent ferro, pars sua terga fugæ.

Atque utinam possem satiatos stragibus enses
Affixisse tuis, libera facta, tholis!

Sic nunquam affectent vani tua regna gigantes:

Æternum Enceladi sic premat Ætna caput.

Sic tua perpetuis cumuletur odoribus ara,

Nullaque terrarum pars tibi thura neget.

Per mala: quæ patior, multoque fluentia tabo

Ubera, per primos, dulcis alumne, cibos:

Si quid id est, nisi tota mei te cura reliquit,

Hæc tua te nutrix, non peregrina, rogo.

Quod si Creta nihil te tangit; at orbis amati,

Europæque potes non meminisse tuæ?

Cernis, ut auxilium precibus flagrantibus oret,

Inclametque suum, quo valet ore, Jovem.

Addicine tuos igitur patieris amores,

Verberaque infontem, duraque vincla, pati?

Illane foedari stricto mucrone videbis

Pectoribus toties pectora juncta tuis?

O quanto dilecta tibi felicius Arctos,

Et quas clara tuus sidera fecit amor.

Hæc quoque cum cœlo meruit manifesta locari,

Debita cur vectæ munera vector habet?

Quo tu Sidoniam duxisti, dure, puellam?

Ut, pro regali virgine, serva foret?

Solane barbarico mactanda ornabitur hosti

Victima? & hæc referes præmia, læse pudor?

Ille cruor melius patrio de litore raptæ

Isset, dum potuit virginis ire cruor.

At memini, cum tu Europæ jurare solebas,

Arsum haud alio pectus amore tuum.

Si quid adhuc veteris flammæ super; arma secundes,
 Barbaraque intereant corpora Marte meo.
 Ultiores tonitrus, irataque fulmina torque,
 Sufficiat diris pœna nec una Getis.

CRETA CAPTA.

ELEG. II.

HOc habet. En sero tandem superata duello
 Cessit inhumanis Creta rapina Getis.
 Mars vigila; dira ulterius neu tendat Enyo,
 Imaque pestiferum serpat in ossa malum.
 Surge, age, surge tuis aliquando gentibus horror,
 Bistonis & nostras sentiat ora manus
 Tu quoque quid cessas communem accendere Mar-
 Europa, & populos, & sociare rates? (tem,
 Orat id infelix Solyme, repetendaque tellus,
 Calcavit pedibus quam Deus ante suis.
 Hoc Ister, Venetique lacus, hoc Vistula lymphis
 Omnibus, hoc multâ Græcia voce, rogant:
 Arvaque Pieriis habitata sororibus olim.
 Heu quantum ingenii perdidit iste locus!
 Si subiisse negas aliena pericula tanti;
 Dum tua res agitur, respice: causâ tua est.
 Quid petitur tandem, nisi tu? jacet inclyta Crete,
 Sed non hac pariter tela jacente jacent.
 Progreditur Bellona, novosque resuscitat ignes,
 Nec ponit regno sævitæque modum.
 At tu pone modum, discors, tibi. desine litis;
 Desine, sat diris exagitata tuis.

Quæ non luxuriant fuso de sanguine rura?
 Increvisse suas quod mare nescit aquas?
 Heu ! quonam Oceano, quibus illa piabitur undis
 A consanguineâ dextera cæde nocens?
 Ipse oculus mundi, videat ne crimina tanta,
 Merfa tenebrosis nubibus ora tegit.
 Byzantina foveat hæc lumina : pascitur illis,
 Munera Thrax edi nec potiora velit.
 Utque lupus, summo prædam speculatus ab Hæmo,
 Dum te dilanias, præmia raptor agit.
 Et quantum rixæ, tantum gens impia crescit:
 Crescit, & exitio fertilis illa tuo est.
 Sic, vesana, juvat, plus quam civilibus armis
 Viscera sacrilegas in tua ferre manus?
 Te proprio versas in vulnere? corpore Thracum
 Hic quanto melius sanguis iturus erat!
 Parce odiis, iræque : tuo jam parce cruori,
 Effera : Sithonium transeat hasta latus.
 Supprime morborum primordia : supprime fumum,
 Dum potes, estque tuo robore flamma minor.
 Tempus erit, cum tu cupies sopire furem,
 Et frustra fortis dextra futura tua est:
 Proxima cum Getico vastata Polonia bello,
 Et vicina nimis Cæsaris arva gement:
 Cum petet Italiam, segetisque uvæque feraces
 Barbarici campos ungula sternet equi:
 Cum juga subsident; & victa miles ab Alpe
 In quancunque volet spicula mittet humum.
 Avertat nostro Deus hæc incendia mundo:
 At tu his ne pereas ignibus, ipsa cave.
 Viribus î junctis sceleratam excindere gentem,
 Quæque prior fecit barbara, damna ferat.
 Quid renuis? favet ipse Deus causæque tibi que:
 Et dubitas pronò bella movere Deo?

ELEGIARUM LIB. III. 205

O mihi tam longè fatales currite fusi,
Martis ut Odrysi terga cruenta canam!
Ut tuba Bistonios sonet Europæa triumphos!
Anticipet votum lux, precor, ista meum.

AD SOMNUM.

ELEG. III.

Languentis medicina animi, medicina malorum,
Luce fatigati corporis alma quies,
Quo fugis o, quo Somne fugis? piger ecce Bootes
Ducit sopito languida plaustra polo.
Mollia conticuit resolutus in otia mundus.
Te mare, te tellus, te capit omnis ager.
Sola vident longas sine te mea lumina noctes,
Pervigil in vacuo destituorque toro.
Nunc huc, nunc illuc per laxa cubilia volvor,
Et, quo te potiar, vector in omne latus.
Protinus occurrunt invito mille figuræ,
Et trahitur misero nox prope quanta venit.
Nec mihi, quæ vigiles soletur amoribus horas,
Et levet alloquio, decipiatque, suo.
Eheu quam procul hinc, terrâ divisâ marique,
Secubat in viduo pulchra Neæra toro!
Quis scit, an haud simili curarum fluctuet æstu,
Sollicitæque mei tempora noctis eant?
Forsit & niveis me detinet illa lacertis,
Jactat & elusas in mea colla manus.
Sic certè, si non aliter, conjungar amata.
Huc ades in thalamos, huc age, Somne, meos.
Et tibi pacatum, levibusque domabile telis
Pectus, inauditum nec, puto, nomen amor.
Sepæ

Sæpe Dionæis, lascive, caloribus ardes,
Adscenditque tuum multa puella torum:
Sed tenebris ea furta latent, & noctis opacæ
Plurima nequitias occulit umbra tuas.
Nec tamen occultum, nec te finit esse severum
Palithee juveni nupta locata tibi.
Hoc quoque stellifero quod cingitur agmine cælum
Nos trahit, & Venerem sidera cuncta docent.
Senserunt quoties duplicatos ignibus ignes,
Et Pueri flammæ prævaluisse suis!
Æquoreas oculis nunquam subeuntibus undas
Respicit haud durum Parrhasis ursa Jovem.
Ora poli medio septenaque lumina tollit,
Per mare Sidonios qui tulit ante toros:
Quasque vides collo Tyrii fulgere juvenci,
Atlantis natas Pleïonesque vides.
Si quæris, cur sint Ledæi sidera fratres:
Alterni cælum pignus amoris habent.
Quid sit amor, scit Cassiope; germanaque Phædræ:
Scit Bereniceo vertice tonsa coma.
Et qui mutatam deplorat arundine Nympham,
Quaque potest dominæ jungitur arte suæ.
Adspicis Andromeden, & Persea? victor in astra
Andromeden Perseus, Persea vexit amor.
Semper amant, & amare jubent, duo numina aman-
Siderei pisces, hic Amor, ille Venus. (tum,
Et raptor Ganymedis, adoptivisque sub alis
Tectus Olor, furtis sidera nota suis.
Neglectis numerem quid euntia legibus astra,
Cum quibus incertus semper oberrat amor?
Illic conspicitur furtivas natus ad artes
Juppiter, & formas doctus inire novas.
Herse Mercurium torret, Cythereia Martem,
Vinculaque ultoris ridet & arma viri.

ELEGIARUM LIB. III. 107

Sol quoque, cæruleo quem nunc tenet æquore Tethys,
 Sedando nullis igne calescit aquis.
 Nec sola fratris flamma calet ignea Phœbe,
 Et monet exemplo semper amare suo.
 O quoties sese solito furata labori est,
 Illunisque polus, nubilaque æthra fuit!
 Ecquis nominibus dubitet subscribere tantis,
 Sideribus tritas & neget ire vias?
 Ut domina careant, & spe foveantur inani;
 Quo se defendant, non mea vota carent.
 Dum loquor, auratum stellarum evanuit agmen,
 Et mea paullatim venit in ossa sopor.
 At tu quid nostros premis importunus ocellos?
 Non tempestiva quid mihi luce venis?
 Nocte fato media, tristisque voragine Lethes,
 Quid tibi cum puro, quid tibi, Somne, die?
 Tu tenebris contentus, ea domineris in aula,
 Umbrarum & nigro carcere conde caput.
 Tu diras tecum facies, tu somnia vana
 Ducis, & à Stygio plurima monstra lacu.
 Quid quod & à Leto, solo nisi tempore, differs,
 Et consanguinei grande quod instar habes?
 Cum sua, depulsa caligine, protulit ora
 Admonitrix operum, te quoque pellit, Eos.
 Ferre reformidant tantum tua lumina lumen,
 Non nisi perpetuum sueta videre Chaos.
 Quam tibi conveniat, titulis monstrabit apertis,
 Exponens medio membra pudenda foro.
 Cum trahet illa palam, nigro maculata colore,
 Pectoris agnosces signa, fidemque tui.
 Deformēs oculo renuente tueberis artus:
 Membraque spectanti turpia risus eris.
 Desieram. scires intellexisse, pudebat;
 Cæcæque Cimmeriæ fugit in antra domus.

AD AMSTELAM.

ELEG. IV.

Quæ nova sollicitam tentant mihi gaudia mentem,
Visceraque insolitus repit in ima calor?
An dubii sensus specie luduntur inani?
An vero patriæ pectus adurit amor?
Sic erat : Amstelæ fastigia cernimus urbis.
O decus, ô Batavi gloria ruris, ave.
Ut reducis tangunt animum veteresque sodales,
Et patria, & patrii dulcia membra laris!
Sat Gallis, Italisque datum est. sat rudera Romæ
Vidimus, æternæ busta rogamque decæ.
Nunc libet in patriis agitare recessibus ævum,
Haud procul à ripis, Amstela care, tuis.
Hic dulci addictus studio, tacitusque sedebo,
Sæva licet circum classica, & arma, sonent:
Claraque doctorum repetam monumenta virorum,
Græcia quos, aut quos terra Latina dedit.
Phyllida vel tenui calamo modulabor, agamque
Herboso niveas margine pastor oves.
Heroumve canam Romano pectine carmen,
Tollam & virtutes sidera ad alta tuas.
Nec, qui septenos præterfluit agmine montes,
Majus in Hesperiiis nomen habebit aquis.
Lentior Hadriacum jam nunc Padus ibit in æquor,
Et fons Euganeus contrahet ora novem.
Ergo erit illa dies, cum te, formose, licebit
Ardua Picriis ferre sub astra rotis?
Neu referam Batavo sulcatum milite pontum,
Merisque Victrici captaque rostra manu:
Eoasque

Æoasque domos, fessique cubilia Phœbi.

Trita tuis nimium puppibus ista via est.

Dura Lycaonii perfringam claustra profundi,

Perpetuam glaciem, perpetuamque nivem.

Venturis alios monstrare nepotibus orbes

Me juvat, & populos, te præeunte, novos:

At tu cantanti, Pater, annue, si tibi nondum

Ille vetus nostri pectore cessit amor:

Intemerata tuos si mens celebravit honores,

Et pura coluit teque tuosque fide.

Te colui, te dilexi, regionibus absens,

Nec mutata suo pristina cura loco est.

Testis erit Rhodanus, testes Tiberinides undæ:

Et vidit flammæ flamma Veseva meas;

Quæque Dicarchæâ, lascivæ, luditis ætâ,

Oceani neptes, Oceanique nurus.

Tu quoque ne dubita pariles, age lenis, amores

(Nam tuus est) vati conciliare tuo.

Non ego prodendas venio speculator ad arces,

Nec mecum insidias, tectaque tela fero.

In me, crede, doli nihil est. meus orat Apollo

Innocuas sedes, exiguamque domum.

Jura nec hospitii peregrinus & advena posco;

Sed natalitium, tecta paterna, larem.

Da modò te nostris, da te, pater Amstelæ, Musis;

Inque tuo viridem margine sterne torum.

Hic mihi vicina lento recubare sub umbra,

Hic audire tuæ sit mihi murmur aquæ.

Hæc si præstiteris, structam cadet agnus ad aram:

Non facit ad nostras victima taurus opes.

N A R D A R E C U P E R A T A .

A D S E R E N I S S I M U M

A R A U S I O N I S P R I N C I P E M &c. &c.

G U L I E L M U M I I I .

E L E G . V .

S Anguis Arausiadum, plures cui bella triumphos,
Ante tuis Proavis quam tribuere, dabunt:
Pacando, Princeps, si quid requiescis ab hoste,
Et Musis aliquem das, Gulielme, locum:
Gratulor ejectis Nardæ tibi mœnia Gallis.
Convenit ista tuæ laurea prima comæ.
Nil urbs Te contra valuit: tot millia cedunt
Ocyus, & muros obsidione levant.
Quot menses alios, totidem Te impendere soles
Vidimus. adventu turba fugata tuo est.
Ingredieris captam, Batavis plaudentibus, urbem.
Excussit dominos, libera ut ante, novos.
Nos quoque servata pariter servamur in illa,
Totaque communem patria sentit opem.
Jam latè tua signa jugis figuntur apertis,
Et quadrupes campum, quem pede pulset, habet.
Jam non aggeribus transfundet Nerea ruptis
Hostis, & immixtis oppida merget aquis.
Ipse suas clades, & prædam luget ademptam.
Ut trepidat! vestras ut timet ille minas!

Undique

Undique collectas Trajecti ad mœnia vires
 Contrahit. en toto Mars Tibi cedit agro.
 Augurius ecquid dubitas felicibus uti?
 Quas meruit, pœnas Gallus, & arma, dabit.
 Terra parat justum Tibi Trajectina triumphum.
 Præludunt spoliis ista tropæa novis.
 Hostibus assuescit jam nunc tua dextra domandis.
 Ad majora vocat Te Deus arma: veni.
 Grande viæ pretium. mox pleno gurgite Rhenus,
 Et Mosa, & Vahalis sub tua signa fluent.
 Isala compedibus per pingua culta solutis
 Ibit, & assertas in mare fundet aquas.
 I nostrum i columen, cœlo duce, vindice cœlo.
 Sic faveat cœptis illius aura tuis.
 Sic reparet priscum recidiva Batavia nomen.
 Sic Te perpetuo, quem regis, orbis amet.
 Agmina sic nostras fugiant inimica cohortes;
 Et cupiant urbes, Te veniente, capi.
 Sic ævi simul heroas veterisque tuique;
 Sic superes magnos, fulmina Martis, Avos.
 Sic Turenhoutano prostrata cadavera campo
 Concedant titulis, & Neoporta, tuis.
 Belgica sic reducem Te consociata salutet:
 Nec semel, ingenti voce, 'Triumphe! sonet.
 Fœdera sic incant populi, tandemque coacti
 Deponant telis tela retusa tuis.
 Sic aptes patriis hostilia postibus arma.
 Otia sic per Te parta Batavus agat.

TRAJECTUM AD RHENUM LIBERATA.

*Urbs Principem adventantem**alloquitur.*

ELEG. VI.

T Andem igitur venit, lapsis gratissima rebus,
 Et toties votis hora petita meis;
 Venisti, Gulielme, Deum clarissima proles,
 Ortum sceptriferis nobile germen Avis?
 Excussine jugum, modò quæ cogebar inulta
 Celtarum furias, ludibriumque pati?
 Jamdudum injustis mea presserat ora lupatis,
 Et vectigalem Gallus habebat humum.
 Exhaustis viduæ lugebant civibus urbes,
 Lugebat raptas Alphefibeus oves.
 Nescia quid facerem, fatique incerta futuri
 Pendebam, rabidis agna voranda lupis.
 Et modò Vulcanum ruitura in tecta timebam:
 Nunc rapta cæsas virginitate nurus.
 Cuncta minabatur vitio Martisque suoque,
 Fas ut in obsessos credidit omne nefas.
 Sic mihi jam menses ter sex abiere dolenti,
 Et modus afflictæ, Te sine, nullus erat.
 Tu requies inopina mali. Tu, maxime Princeps,
 Rupisti validâ Gallica vincla manu.
 Quam citò destituit captivos territus agros
 Miles, Arausiaca bella sonante tubâ!
 Ergo ego tot curis, tot jam defuncta periclis
 Mitia conspicio Vindicis ora mei?

Huc

Huc ades, ô terræ Batavæ tutela, meæque,
 Solque novus radiis exoriare novis.
 Sis bonus ô placidusque meis! nec lumine duro
 Tam Tibi devotam respice, Victor, humum.
 Imperii totas in Te transcripsit habenas,
 Et fieri gaudet muneris illa tui.
 Da leges, da jura fori, sanctumque senatum,
 Stetque sub auspiciis, ut stetit ante, tuis.
 Principe Te, Duce Te, vires lassata recepit
 Patria, seque tuum salva fatetur opus.
 Adjice servatis unam, precor, urbibus urbem,
 Simque ego septeni pars quotacunque chori.
 His ipsis focii sanxerunt fœdera Belgæ
 Sedibus, Hispanas cum timuere minas.
 Concilium commune meam confluit in ædem:
 Nata est libertas hoc proavita loco.
 Omina sunt aliquid: neque enim puto, convenit illam,
 Vivere qua primum cœpit in urbe, mori.
 Qua placui, Princeps, culpa minus? an quia fecit
 Mars miseram, merui protenus esse nocens?
 Et data sum, quia danda fui: male firma tueri
 Qui poterat miles mœnia rarus erat.
 Turbine quid tanto properantem sisteret imbrem,
 Vicinus nullam cum Sala ferret opem?
 Disrupto fluvium declinat ponte viator.
 Effugit iratas navita cautus aquas.
 Quis, nisi mentis inops, vento dum fertur & æstu,
 Adverso invalidam dirigat amne ratem?
 Sic ego, Bellonæ ne me modò mergeret æstus,
 Subduxi tumido carbasa cauta mari.
 Ut potui, feci. sed Tu, generosè, jacentem
 Erige, nec socias inter habere nega.
 Nil despero equidem. mea iudice caussa sub æquo
 Pendet, & eventum res habitura suum est.

Certè magna tui nuper documenta favoris,
 Quod per Te dicor libera, serva tuli.
 Reddidit creptum Bonnæ victoria nomen.
 Nec poteras ullo mitior esse modo.
 Nil damni tenet illa mei. longinqua movebas
 Bella, neque in muros exitiosa meos.
 Nostro urbs capta bono, non nostro capta periculo est.
 Vicisti, peregre dum geris arma, domi.
 In mediis Ubiis, & Rheni ad flumina Rhenum
 Afferuere tuæ, Dux animosæ, manus.
 Rex ita de Siculis Agathocles finibus olim
 In Libyam exemplo transtulit arma novo.
 Impiger Ausonias sic Hannibal ibat in arces.
 Scipio sic Afram depopulatus humum est.
 Salve Heros: salve æthereæ fate gente, meaque
 Fige triumphalem, Victor, in urbe pedem.
 Quis de te sensus, quæ mens mihi, conspicis: unus
 Omnibus est animus civibus, unus amor.
 Pars tua facta canit, pars Te majoribus æquat:
 Pars ducibus priscis Te putat esse parem.
 Quæ valet argumenta sui dat quisque favoris,
 Solvit & in laudes protinus ora tuas.
 Ecce Tibi populus currit procul obuius omnis,
 Votaque pro reditu, proque salute, facit.
 Linqunt innuptæque domos, nuptæque puellæ:
 Nulla tenent juvenes limina; nulla senes.
 Serta ligant Nymphæ. festos hæc destinat arcus,
 Hæ scenas variis implicuere modis.
 Cernis, Arausiadum ramos incurvet ut arbor?
 Ut simulata Tibi, ceu sua, poma ferat?
 Cuncta voluptatem spirant loca: plaudimus omnes:
 Voxque Academiæ templa per alta sonat.
 Hic libertatem populis, extortaue Gallo
 Gratatur reduci Grævius arva tibi.

Jacet ametque suum Nereide natus Homerum:
Hic tibi, Pelidæ quod dedit ille, dabit.

AD VENEREM.

ELEG. VII.

ERgo ego perpetuo semper torrebtor ab igne,
Unus in innumeras sufficiamque faces?
Et modò Liriopes, modò Phyllidis urar amore
Incertusque mei semper amoris ero?
Jam mihi dulcis Hyella placet, jam pulchra Lycoris,
Luminibus nunc est grata Neæra meis.
Jam nec dulcis Hyella placet, nec pulchra Lycoris,
Jam nec luminibus grata Neæra meis.
Nunc alios, nunc rursus alios mens concipit ignes,
Et desiderio torqueor usque novo.
Quid voveam, dubito: voveo tamen omnia demens,
Sumque miser voti nescius ipse mei.
Et libet, & cupio: sed quod cupioque libetque,
Hei mihi, nec cupio, nec libet illud idem.
Fluctuat huc illuc animus, ceu pinus in undis,
Nunc Borea, adverso nunc agitata Noto.
Alma Paphi regina, vago Diva edita ponto,
Cur adeo similis motibus unda tuis?
Unda levis, levis est & amor. maris unda movetur
Semper: amor nullo perstat, ut unda, loco.
Æstibus alternis illuc modò pontus, & illuc
Volvitur: alternis æstibus errat amor.
Quo libet, impellunt venti mare: quo libet, æquor
Impellunt animi ventus & aura mei.
In medio vagor oceano: nusquam ostia, nusquam
Terra: stat ante oculos pontus & æthra meos.

Undique vesani tendunt mea carbasæ Cori,
Temperat ambiguam nec manus ulla ratem.
Adsis ô Erycina, meam nec desere pinum;
Jus etenim in fluctus, fluctibus orta, tenes.
Pelle vagi motus animi; ne devius ultra,
Instabilisque meus semper oberret amor.
Da quod amem, da quod ludam, juvenilibus annis,
Ne pereant vitæ tempora verna meæ.
Ver aptum agricolæ, ver aptum tempus amanti:
Vere colendus ager, vere colendus amor.
Jam mihi ver abiit primæ geniale juventæ,
Nec tamen ulla meus germina fundit ager.
Debueram jamdudum aliqua pallere puella,
Castaque legitimi fœdera nosse tori.
Sed neque conjugii socialia vincula nosco:
Nec, qua pallescat virgine, vultus habet.
Furtivo interea melior pede labitur ætas:
Nec scio, quid sit Hymen; nec scio, quid sit amor.
Mille jacent alii juvenes cum conjuge cara:
In thalamo jaceo cælibe solus ego.
Mille rates aliæ portus tenuere cupitos:
Fluctuat in medio nostra carina mari.
Passibus incertis erro miser. æstuat intus,
Et mea nescio quis viscera torret amor.
Utque olim ignotis OEnides ignibus arsit:
Ignotis sic nunc ignibus uror ego.
Heu, quid agam? versant variæ mea pectora curæ:
Nec sat consilii, nec rationis adest.
Non mihi principium miseri, non finis, amoris.
Semper amo, careo semper amore meo.
Occulto sic infelix consumar ab igne,
Dum requiem longi dent mihi fata mali.
At tu pone meo finem, Cytherea, dolori;
Sitque modus dubii certus amoris amor.

AD CUPIDINEM

ELEG. VIII.

EXorata meas audit Cytherea querelas,
 Et desideriiis annuit æqua meis.
 Ecce mihi tandem certos selegit amores,
 Atque unam è multis, præcipuamque, dedit.
 Illa quidem formosa, & amari digna, suoque
 Urere quæ magnos possit amore Deos:
 Sed votis inimica meis, sed dura feroxque,
 Quæque meas surda negligit aure preces.
 Non precibus, non lamentis, lacrymisque movetur,
 Nec scit, nondum illo faucia, quid sit amor.
 Me miserum! votis desideriiisque cupitis
 Dum potior, votis torqueor ipse meis.
 Tollere dum curas meditor, majoribus usque
 Implicor, ærumnis discruciorque novis.
 Nunc ego sum pinus, medio quæ gurgite ponti
 Fluctuat, atque inter spemque metumque natat.
 Nunc ego sum pelago exstantem, contraque rigentem,
 Quæ frustra scopulum verberat, unda maris.
 Hei mihi, quid volui? quò me Cytherea furentem,
 Impulit, & voto favit iniqua meo?
 Nonne foret satius, nullas cognoscere flammæ,
 Quam semper clausas sollicitare fores?
 Quam tristes Dominæ fastus tolerare superbæ;
 Nec finem tanti posse videre mali?
 Parve puer, domitorque hominum, domitorque Deo-
 Matris Acidaliæ, nostraque cura, puer: (rum:
 Si quid te nostri miseret, pharetrate Cupido,
 Tu mihi, (namque unus tu potes,) adfer opem.

O 5
Tende

Tende tuos dextra valida juveniliter arcus,
Inque jecur Dominæ dirige tela meæ.
Aut si tela valent in eam minus, altera tela
Interiora tuas conde sub ossa faces.
Quoque magis caleat, succensum nutriat ignem,
Circumdat niveum quæ tibi penna latus.
Non valet, ut renuat, gemino quin vulnere læsa
Submittat victas illa proterva manus.
Ergo age, magne puer, vires intende, tuosque
Sentiat illa arcus, sentiat illa faces.
Tristitia lenito tandem fastidia vultu
Exuat, atque bonâ discat amare fide.
Et nunc blanditias, & verba juvantia dicat:
Nunc faveat verbis blanditiisque meis.
Non injusta peto. dudum hanc promisit habendam,
Addixitque meo mater amica toro.
Parce voluntati caræ te opponere matris,
Otia nec mihi tu, quæ facit illa, nega.
Quin & res agitur pariter tua: res tua certe est,
Libera ne Paphio virgo sit ulla jugo.
Hætenus Idalios Amaryllis negligit ignes,
Gaudet & elusis ambitiosa procis.
Affere contemptos arcus, spretumque tuere
(Si quid habes animi) nomen amoris, Amor.
Sume, Puer, pharetram, læsosque ulciscere amantes,
In quorum numero, nec pudet, unus ego.
Non tibi vulgarem spondet labor iste triumphum,
Nec te de vili pulvere palma manet.
Hæc est formosas inter formosa puellas:
Hæc est Amstelii gloria rara soli.
Hanc ubi prostrâris, multas superabis in una:
Et metuet numen cætera turba tuum.
Nulla tibi mirto victas non eriget aras,
Assyrioque tuos sparget odore focos.

Certe ego virtutesque tuas, & fortia facta,
 Carminibus gratis tempus in omne canam:
 Atque istum celebrabo diem, quo pulchra Amaryllis
 Venit in amplexus, te feriente, meos.

IN

IDAM PUELNAM.

ELEG. IX.

IDa nigris oculis, nigrisque decora capillis,
 Atque eadem purâ purior Ida nive:
 Dilectum Veneri, dilectum nomen Amori,
 Pulchrior Idæis, Ida venusta, jugis:
 Ida, puella tenella, Deâ formosior Idæ,
 Illa potens formâ sit licet, illa Dea:
 Virginei decus Ida chori, spes omnium amantum,
 Omnium amor juvenum, sed magis, Ida, meus:
 Seu Cretæ, seu Dardaniæ tu nomen ab Ida:
 Seu tu de Cypri culmine nomen habes:
 Quam bene formosæ nomen tibi convenit Idæ!
 Nobilis in Phrygio mons erat Ida solo:
 Mons Cretæ fuit Ida: Cypri stant litore curvo
 Idaliæque domus, Idaliumque jugum:
 Idaliæ loca sacra Deæ, loca sacra Dione,
 Quæ Dea posthabitâ prætalit ipsa Papho.
 Idaliæ promontorium Venus ante colebat:
 Idaliæ lucos; Idaliæque lares.
 Frondosum super Idalium Cytherea nepotem
 Sustulit, in multa composuitque rosa.
 Vallibus Idaliis venantem vidit Adonim,
 Colle suo residens, deperiitque Venus.

Monte

Monte Ida, monte Idæo formosa superbit

Creta: facer Veneri Creta, Jovique, locus.

Idam urbes, Idam fluvii fontesque coronant:

Prima novum Phœbi conspicit Ida jubar.

Collibus aëriæ tollit se Lucifer Idæ,

Spargit & auratum læta per arva diem.

Ida salutare eadem mortalibus herbas

Educat, & capris gramina nota suis:

Nobile Cretæâ Dictamnnum nascitur Idæ:

Dictamnnum Idæo propria planta jugo.

Illud ab hoc ipso decerptum vertice læso

Præbuit Æneæ mater, opemque tulit.

Trojanæ mons Ida dedit cunabula genti:

Nomen Trojano contulit Ida solo.

Ida, decus Phrygiæ, celeberrima fontibus Ida,

Regibus hospitium, Numinibusque, dedit.

Idæ culmina celsa parens Idæa Deorum

Insidet. hîc arces templaque Mater habet.

Formosum rapuit Ganymedem è collibus Idæ

Juppiter, & pennis vexit in astra suis.

Juppiter Idæi confedit vertice montis,

Junonis lateri conferuitque latus.

Monte sub Idæo, nemorosæ in vallibus Idæ,

Creditur Anchisæ concubuisse Venus.

Idæo sub monte Paris, quæ nunc daret Idæ

Ille meæ, Veneri præmia ferre dedit.

Fortunate Paris, patriæ qui in vallibus Idæ

Diceris OEnonen detinuisse tuam.

Non tam læta meis adspirat amoribus aura,

Nec mihi tam blanda est, quam fuit Ida tibi.

Ida decens, Venere Idaliâ speciosior Ida,

Cui formæ palmam non neget ipsa Venus:

Huc ades, o formosa, sinuque illabere nostro,

Et mihi sis, Phrygio quod fuit illa viro.

Par Veneri facie, Veneri par moribus esto,
 Et facilis votis, annue, Nympha, meis.
 Quid renuis, lasciva? tuum quoque nomen amare
 Te docet, Idaliæ semper amata Deæ.
 Tu Veneri Idaliæ gemina jucundior Idæ,
 Idæique sacris, Idaliique, jugis.
 Idalios præ te spernit Cythereia colles.
 Si nescis, oculos incolit illa tuos.
 Ex oculis sua tela tuis jaculantur Amores,
 Accenduntque suas discutiuntque faces.
 Ex oculis Sol ipse tuis, Sol aureus, exit:
 Eo qualis se levat ille mari.
 Nec vero, cum culminibus cognominis Idæ
 Surgit, & alipedem Lucifer urget equum,
 Tantum purpureo diffundit ab ore nitorem,
 Ida, tuo quantus surgit ab ore nitor.
 Utque Idam venerantur agri, montesque minores,
 Sic te virgineus suspicit, Ida, chorus.
 Cedant Idalii colles, fontesque, lacusque:
 Dat colles alios Ida, aliudque nemus.
 His me gaudentem spatium vallibus, Ida:
 His recubare, precor, collibus, Ida, sine.
 Tunc ego mihi Anchises, tunc Juppiter esse videbor:
 Tunc, quod in Idalio vertice Adonis erat.
 Tum, novus ipse Paris, Veneri quæ contulit ille,
 Dona dabo formæ, Cypride digna, tuæ.
 Nec, quem Cretæa complexa est Diva sub Idæ,
 Iasion nobis invidiosus erit.
 Nec, quem saxosæ recubantem culmine Latmi
 Formosâ tenuit candida Luna manu.
 Tu modo, Diva, fave, neque te Dea verior ulla,
 Vulneribusque meis ocyus adfer opem.
 Certius, aëriæ quod vertice nascitur Idæ,
 Tu mihi Dictamnium porrige: sanus ero.

Me Venus, Idalii me tela Cupidinis urunt:

Hæret adhuc lateri penna cruenta meo.

Tu digitis, formosa, tuis evelle sagittam:

Crede mihi, digitis excidet illa tuis.

Non aliud mihi præsidium præsentius ullum est.

Vulneris auxilium, vulneris auctor, amor.

Ergo age cara meis succurre doloribus Ida,

Et mea Pelidæ vulnera more leva.

Tu facis, ut doleam nostrum lenire dolorem

Si cupis, Ida, dole: meque, ut amaris, ama.

A D M U S A S.

E L E G. X.

Musæ, curarum lenimen dulce mearum,
Sub mea Pegasides tecta venite Deæ.

Vos animum lenite meum, vos vulnera, quæso,

Tollite, crudelis quæ modò fecit amor.

Illa ferox Amaryllis, inexorabilis illa,

Frigidior Scythicis illa puella jugis:

Durior his ipsis scopulis Amaryllis amores

Negligit, & surda respuit aure, meos.

Ah nil blanditiæ molles, nil dulcia verba,

Suppliciter fusæ nil potuere preces:

Nil lacrymæ, nil ex imo suspiria corde

Ducta, fides animi certaque signa mei:

Nil lyra, nil carmen, nil carminis auctor, & illo

Ipsa laudati plus semel ore modi:

Nil purus, nil fidus amor, nil quattuor anni,

Et tot, sacravi quos tibi, dura, dies.

Omnia diripienda furentibus æquoris undis

Illa dat, & sævis, sævior ipsa, Notis.

Illa mihi dilecta meos fastidit amores:

Nec plus, quem toto pectore amabat, amat.

Hinc madeo lacrymis; hinc mille doloribus uror,

Hinc crurior miseris nocte dieque modis.

Vix mihi vita placet, vitâ jucundior ipsâ

Fugit ut ex oculis illa adamata meis.

Illa fugit: subito infelix ego percitus ictu

Labor, & heu mecum vota que spesque cadunt.

Ærio talis scopulo dejectus ab imbre

Pastor in æquoreas præcipitatur aquas.

Irato talis cœlo dum tangitur arbor

Interit, & virides perdit adusta comas.

Haud aliter Capaneus, muris delapsus ab altis,

Thebanam moriens sanguine tinxit humum.

Haud aliter Phaëthon, summo dum pronus Olympo

Decidit, Hesperio proluit ora Pado.

Ille ego sum subito cœli percussus ab imbre:

Ille Jovis rapido fulmine tactus, ego.

O nimium crudelis amor! sic ludis amantes

Scilicet! hæc nobis spicula figis, Amor!

At vos, o Musæ, nostri solamen amoris,

Ferte salutiferam, namque potestis, opem.

Vos eritis fractæ tutum navale carinæ:

Vos eritis misero, ceu prius, ara mihi.

Vos me Castalio fovistis sæpe sub antro,

Mens oppressa suis cum foret ægra malis.

Vos ego nunc, vos Aoniæ telluris alumnae,

Montibus è vestris in mea tecta voco.

Currite iò celeres; animumque doloribus ægrum

Pascite Pieriis, & recreate, modis.

Jam mihi cunctarum subeunt fastidia rerum:

Nulla vacat gemitu nox mihi, nulla dies.

Lenta, neque adsueto procedere tempora passu,

Nec Phœbi volucres ire videntur equi.

Et

Et vitæ piget, & lucis; pulcherrimus ille
 Jam mihi Sol oneri est, sumque oneri ipse mihi.
 Sola mihi Musæ solamina. vos mea, Musæ,
 Tædia Phœbeæ fallitis arte lyræ.
 Vos modo festinate citæ: vos corde dolorem
 Pellite: vos animo vellite tela meo.
 Vellite, Castalides: omnes ita pectore curæ,
 Invisusque meo pectore cedat amor,
 Non medicaminibus, non expugnabilis herbis
 Ille, Machaonia nec relevandus ope.
 Auctor opis medicæ, captus Peneïde, nullum
 Auxilium Clarius sensit ab arte Deus.
 A vobis medicina, Deæ, non inde, petenda est:
 Certius auxilium, quam dedit ille, datis.
 Vos Veneris flammis, cæcoque resistitis igni:
 Virginitas vobis, castaque plectra placent.
 Quid sit amor, nescitis adhuc, &, qui domat orbem,
 Nil in vos potuit juris habere Puer.
 Vos animum studiis intenditis. omnis agendo
 Vincitur, & sensim corde fugatur, amor.
 Nam duo cum pariter comprehendere nescit, amoris
 Immemor est, vobis qui studiisque vacat.
 En ego, Pierides, vobis vaco. vos mihi mentem
 Intentam usque suo ne finite esse malo.
 Vos mihi me procul Aonios subducite in hortos:
 Quo me decipiam vos date, quodque canam:
 Quod nec Mavortis studium, studiumve Dianæ,
 Nec fora, nec leges, culta nec arva dabunt.
 Non hinc auxilium desidero. vos ego solas
 Invoco. vos votis annuite, oro, meis!
 A teneris ego vos dilexi semper: eadem
 Vos ego, dum supero, mente fideque colam.
 Et plures, una pro virgine, vos ego amabo,
 Gloria fæminei, virginique chori.

ELEGIARUM LIB. III. 225

Ut jam dura meos Amaryllis negligat ignes,
 At, vobis potero si placuisse, bene est.
 Hoc ego amore tuos, Amarylli, ulciscar amores;
 Materiam flammis concipiamque novis.
 Hic illo longè potior: castusque piusque
 Hic amor: hic mentis, corporis ille fuit.
 Hic illo tantò præclarior, enthea quantò
 Corpore mens major nobiliorque suo est.
 Vos modò, Pegafides, parili vos igne caletè;
 Et sit mutuus hic, & diuturnus amor:
 Utque meas sprevit flammæ Amaryllis, amori
 Este magis faciles, quam fuit illa, meo.

IN NYMPHAM

Quæ Bruxellis in Nemore visitur.

ELEG XI.

Nympha, decus nemoris, quo Bruxellana superbit
 Aula, decus Grudii famaue magna soli:
 Nympha, caput musco, levibusque abscondita tophis,
 Ad gelidum fontem lenè sonantis aquæ:
 Seu Dryadum, seu tu Nympharum diceris una;
 Seu tu Pierii diceris una chori:
 Seu tu, fatidicas inter memoranda puellas;
 Explanas foliis abdita fata tuis:
 Quis te, diva potens hujus nemorisque locique,
 Marmore de niveo nobile fecit opus?
 Num te Praxiteles, num te Lysippus in ista
 Sopiit undosa composuitque domo?
 Qualiscunque fuit, certe fuit optima, vitam
 Quæ tribuit lapidi dextra, Puella, tibi.

At, nisi decipior, non es lapis: ipsa videntur

Ora loqui; mutus sed premit ora sopor:

Hunc tibi seu curæ vigiles, seu ruscidus imber

Ponè susurrantis conciliavit aquæ.

En strepitus tenet unda suos, ne murmure raucos

Abrumpat somnos, dum cadit illa, tuos.

At tu luminibus segnem, precor, excute somnum,

Jam puto quod videas, quodque loquaris, erit.

Quid renuis; formamque tuam formosa videndam

Nympha peregrinis hospitibusque negas?

Ecce peregrinis hospes tibi sistor ab oris;

Quæque pedem sistat caussa, nec una, subest.

Et mihi vernantes sunt oblectamina silvæ;

Et mihi fontanæ cura perennis aquæ:

Et mihi grata quies, placidusque in gramine somnus,

Invitat somnos qua vetus umbra leves:

Me quoque discendi, te qui tenet, incitat ardor;

Musarum dulcis me quoque torret amor:

Quique dedit casus tibi pandere posse futuros,

Fatidicus loquitur Delius ore meo.

Adsis ô, vatemque tuum complectere vates;

Dumque cano, numeris annue, Diva, meis.

Me cantare tuas juvat, ô pulcherrima, laudes;

Nympha nec Aoniis dignior ulla modis.

Ardescunt agitata tuo præcordia Phœbo:

Iste loci genius me rapit, iste tuus.

Tu Bruxellanas inter celeberrima Nymphas,

Sit licet hæc multis ora celebris aquis.

Tu nemore in medio, nemoris vetus hospita blandi,

Marmoreo recubas, marmorea ipsa, toro.

In latus erigeris lævum: fert dextra libellum,

Supposita est collo nempe sinistra tuo.

Frondebis obducto sopita recumbis in antro,

Tecum sopitas, candida, propter aquas.

Unda

Unda suo nunc fonte latet, nunc currere iussa

Roscida de latebris prosilit unda suis.

Te multa circum capreae, cervique vagantur:

Proveniunt udo gramina multa solo.

At chorus alituum, motis per inania pennis,

Argutum facili concinit ore melos.

Cantat avis: frondes mirata cacuminat arbos,

Et docili blandos imbibit aure modos.

Excipit hos ipsos, volucresque imitata canoras

Aura refert tenui per nemus omne sono.

Dulce nemus, nemorisque sacri custodia virgo;

Quæque sub hoc latitas marmore, dulcis aqua;

Ora fave dilecta, fave pulcherrima tellus,

Et fortunato sis mihi pressa pede.

O quantam Ausoniæ speciem telluris habetis,

Ausoniæ quamvis hinc procul absit humus!

Jam Tiburtinos videor mihi cernere colles;

Cernere jam colles, Tuscula terra, tuos:

Et gelidos fontes, superimpendentiaque antra,

Nympharum virides Naiadumque domos.

Sic nemoris densa recubat Tiburnus in umbra:

In Vaticano sic Cleopatra jugo.

Dormit, & æternos exhalat pectore somnos

Illa Parætonii Diva superba soli.

Digna Dea facies, & qualem Cæsar amabat:

Pristinus in molli pectore spirat amor.

Viva foret, clausis nisi dormitarer ocellis:

Si non tota foret saxea, viva foret.

Viva tamen sic est: sed vitam exosa, diemque;

Qualis, cum leto jam premeretur, erat.

En venis avidum regalibus applicat anguem,

Imponitque suo se moribunda toro:

Tarpejumque Jovem spectans, urbemque Quirini

Conjugii pretium plorat inulta sui.

Plorat, & ex isto vivæ quæ pumice guttæ
 Profiliunt, lacrymæ sunt, Cleopatra, tuæ.
 Tu quoque, quæ Phariæ, Paphiæque, simillima divæ,
 Vincita levi somno, fessa labore, jaces:
 Dormi. agedum, formosa; agedum, pulcherrima, dor-
 Nec turbent somnum somnia vana tuum. (mi;
 Me quoque muscosum, si fas, admitte sub antrum,
 Quaque jaces, liceat, Nympha, jacere mihi.
 Non tibi prætulerim, juvenem, quæ stringit amatum
 In Latmi aëriis, æthere Lapsa, jugis.
 Noster erit somno somnus jucundior illo;
 Mollior hoc longè nostra futura quies.
 Pro Latmi rigidis tua sunt mihi gramina saxi:
 Pro nivibus, lymphæ, pulchra puella, tuæ.
 Currite iō lymphæ, lenemque inducite somnum
 Luminibus Dominae, luminibusque meis.
 Currite iō vitreae, saxisque erumpite, lymphæ,
 Et gelido nostram rore levate sitim.
 Vos eritis pura mihi Virgine purior unda,
 Vos mihi Castalia purior humor aqua.
 Fallor, an agnosco labentis murmura lymphæ?
 Fallor, an his ipsis ora rigantur aquis?
 Pegaseum certe præstat liquor iste liquorem,
 Perque meas venas Castalis unda fluit.
 Lumina clauduntur certe mea, cumque soluta
 Per somnum Domina me quoque somnus habet.
 Somne veni, sensimque oculis illabere nostris;
 Aut oculos Nymphæ desere, somne, meæ.
 Dormitare juvat me, dormitante puella:
 Evigilante illa, me vigilare juvat.
 Jam, reor, evigilat. quæ sensi murmura, Nymphæ
 Sunt dormitantis; non, salientis aquæ.
 Vera loquor: magis atque magis sese erigit illa:
 Formosum roseo jam videt ore diem.

DE

JOHANNES SECUNDO.

*Cum Mss. ejus Poëmata dono
mibi dedisset*

CORNELIUS GORIUS.

ELEG. XII.

S Alve melliflui dulcissima Musa Secundi,
Et vos Pieria verba notata manu.
Vosne suo finxit calamo, digitisque politis
Janus, Apollinei gloria prima chori?
Hæcne illa est, hæc est totum celebrata per orbem
Julia, carminibus clara, Secunde, tuis?
Hæc illa est, tibi quæ cupido, cupida ipsa, Neara
Mille dabat quondam basia, mille modis?
Agnosco nigrosque oculos, nigrosque capillos,
Tinctaque Cecropio labra tenella favo.
Spirat adhuc veteres & ventilat utraque flammæ,
Quoque prius Vates, ardet ab igne liber.
Care liber, nostros tandem visure penates,
O desideriiis usque cupite meis!
Care liber, primaque mihi dilecte juventa,
Trite mea toties, jamque terende, manu;
Huc ades, ô facunde liber, dominumque priorem
Permuta domino, culte Secunde, novo.

Ille quidem laribus te sedulus abdidit imis,
 Ne tibi cum blattis res tineisque foret.
 Ille mihi munus veteri te donat amico.
 Illius fueras qui modo, noster eris.
 Nec te pœniteat nostros intrare penates.
 Sæpe etiam exiguas Di subiere casâs.
 Parva quidem domus est, quæ nunc tua, Jane, futura
 Sed tamen à sacris non aliena tuis. (est,
 Ille ego sum, quem Castalium nutritiv ad amnem,
 Edocuitque suum Musa Latina melos:
 Ille ego sum, Batavus Batavo de sanguine vates,
 Quæque tibi patria est, patria terra mihi est:
 Ille ego, quem socium, quem tu dicturus amicum,
 Vivere mî tecum si licuisset, eras.
 Nunc, quoniam sæclo disjungimur, ipsa favilla
 Sentiat officium, si sapit illa, meum.
 Tu modo, Care, veni, (neque enim venisse pigebit)
 Nec dubita nostræ tecta subire domus.
 Hic ego te, Musamque tuam, Geniumque Secundi,
 Placabo numeris per stata sacra meis:
 Ingeniumque tuum, quo nil præclarius usquam est,
 Assidua pro te relligione colam.
 Plaudet ab Idalio Cythereia vertice mater,
 Deposito niveus cuspide plaudet Amor.
 Ergo ego te teneo, pharetrati cultor Amoris,
 Inque mea posthac excipiere domo?
 Ergo ego conspicio doctorum clara virorum
 Nomina, & insignes carminis arte manus?
 Hos Marius versus, hoc scripsit Grudius: ista
 Vatis amatoris littera ducta manu est.
 Ut juvat, insanos Juvenis spectare calores,
 Inque Cupidineum spicula missa jecur!
 Heu quali miserum torret face Julia vatem,
 Enceladum imposito torret ut Ætna jugo.

Illius è tremulis ignem primum hausit ocellis
 Et rudis & nullo tactus amore puer.
 Illius impressit teneris sua labra labellis:
 Illius è collo dulce pendit onus.
 Nec minus, Idalio mentem percussus ab œstro,
 Arsit in amplexus, pulchra Neæra, tuos.
 Blanda Neæra, Neæra mei fax altera vatis,
 O longa Hesperii fama, Neæra, soli.
 Dic mihi, pulchra Neæra, tuis quam crebra labellis
 Fixerit è gelidis basia nata rosis.
 Cecropium, Siculumque, tuo mel haurit ab ore;
 Immortale haurit nectar ab ore tuo:
 In tua nexilibus prorumpit colla lacertis;
 In tua prorumpit labra, tuasque genas:
 Nec sibi præ colloque tuor, labrisque, genisque,
 Optarit Superas, dia Neæra, domos.
 Talia sperarit Veneri dare basia Mavors:
 Talia det Lcdæ Juppiter ipse suæ.
 O quoties, dominæ figit dum basia Vates,
 Hæsit, & in medio constitit amne, Tagus!
 O quoties, viridis projectus margine ripæ,
 Hospitis æthereos imbibit aure modos!
 At tu, quæ versus nomen sortita per illos,
 Tuque tui vatis, Julia, primus amor;
 Vivite victuris nullo non tempore chartis,
 Altaque formosum tollite ad altra caput.
 Vos super antiquas extollet fama puellas:
 Quin palmam vobis ipsa Corinna dabit:
 Deliaque, & Nemesis, sæclisque legenda futuris
 Carmine Callimachi Cynthia nota sui.
 Cynthia Callimachi numeris celebrabitur Umbri:
 Vos Jani teneris, vestraque forma, modis.
 Ille dedit formæ vobis decus; ille perenne,
 Parque sibi, vobis nomen habere dabit.

232 PETRI FRANCI ELEG. LIB. III.

Nulla dies vatem poterit delere Secundum:

Hanc vobis formam perdere, nulla dies.

Ardebunt passim juvenes, istamque figuram

Nunc quoque qui pereat, multus amator erit.

Ipse ego, cui nullis cor expugnabile telis,

Concipio flammæ, incaleoque, novas.

Improba luminibus torres me, Julia, pætis;

Torres me nigris, pulchra Neæra, comis.

O ego quam cupio vestro dare brachia collo!

Quam cupio vestris oscula ferre genis!

Parcite formosæ, formosæ parcite Nymphæ,

Basiolum labris & date dulce meis.

Exiguum date basiolum, solamen amanti.

Sic vincant teneras vestra labella rosas.

Sic ego, quod vestro vix contigit ante Poëtæ,

Adscribar Supero, Divus & ipse, choro.



PETRI FRANCII
ELEGIARUM.
LIBER QUARTUS.

M A N I B U S

Optimi Principis

FERDINANDI

Paderbornensis ac Monasteriensis
EPISCOPI.

E L E G. I.



Qcubuit Ferdinandus. decus omne capillis
Excutit, & passis mœret Apollo comis.
Pierides sibi surreptum lacrymantur alumnum,
Mœstaque de bifido carmina colle canunt.

Amittit veterem Parnasia laurus honorem.

Vertitur in lacrymas alitis humor equi.

Funde tuo largos, Helicon, de vertice rores:

Est dignus lacrymis nemo, vel ille, tuis.

Non sic ante Linum genitor deflevit Apollo:

Non sic progeniem Calliopea suam.

Iste dolor Thracas, dolor iste tenebat Achivos:

Hic populos omnes, qua patet orbis, habet.

Ec-

Ecce procul luget Tiberinus, & aequor in altum
 Volvit turbatae fletibus agmen aquae.

Multa cadit Ligeri, vicino multa Garumnæ,
 Multa cadit Rhodano lacryma, multa Mosæ.

Flebile Danubius mugit, Rhenusque, Visurgisque;
 Amisius rauca flebile mugit aqua.

Amisius, quo non fluviorum tristior alter,
 Horrendo Angariam murmure complet humum.

Affonat Angariæ plangoribus, affonat, Echo.

Mœsta per Hercynium volvitur aura nemus.

At Padera, ille prius puris argenteus undis,
 Cœnoso nitidum mergit in amne caput.

Suspirat parvusque Padus, suspirat Aliso;

Fernandum vidua Luppia luget aqua.

Luget Neuhusii domus ardua, tectaue circum
 Edunt infani murmura crebra Noti.

Exhalat longos gemitus è vallibus imis
 Urbs Paderæ, lacrymis obruiturque suis.

Ille tuus Padeborna, tuus Mimigarda sacerdos
 Occidit, Angarii Rector amorque soli.

Occidit ille decus Phœbi, Phœbique sororum,
 Ille Aganippæi gloria prima jugi.

Ille suis rigidas deduxit montibus ornos,

Ille truces dulci molliit ore feras.

Illi ad numeros venti siluere furentes;

Et fluvii cursus sustinere suos.

Hunc vexisset Arionius super æquora delphin:
 Hunc cum Vate suo saxa secuta forent.

Quid tamen ah prodest, vel Arionis ora, vel Orphæi,
 Aut Amphionis vincere fila lyræ?

Quid juvat, antiquos post terga relinquere vates,
 Et Phœbum numeris æquiparare suis?

Num minus abrumpit vatum quoque stamina Clotho?
 Num minus & morti debita præda sumus?

Ecce

Ecce Poëtarum princeps, princepsque Regentum,
Lux & honos nostri temporis, ecce jacet.

Nullam illi Musæ, nullam illi carminis auctor,
Nullam auctor medicæ contulit artis opem.

Non humor Paderæ gelidus, Padulive salubris,
Auxilium Domino præstitit unda suo.

Nil undæ, nil herba, nihil medicamina possunt.
Nullus adest, aliqua qui levet arte malum.

Omnia vis morbi superat. lenire dolorem,
Ferdinande, tuum dextera nulla potest.

Tu tamen hoc quodcunque mali est, ferrumque, ne-
Spernis, & invicto pectore fata subis. (cœmque

Ergo erat in fatis, post passos mille dolores
Hæc quoque, quæ fuerant non patienda, pati?

Ergone sic & nos, pater optime, votaue nostra
Deferis? Heu Clario fata sinistra choro!

Quis nunc excipiet manibus mea carmina blandis?
Quis mea non dura carmina fronte leget?

Quis me, quis verbis nunc invitabit amicis
Ad Paderæ Fontes, Neuhusiamque domum?

Hei mihi! nec Paderam, nec te Fernande, videbo
Amplius. inceptum mors tua rupit iter.

Crudeles Superi, qui stamina rumpitis, illi
Quæ bene debuerant longa, nec atra, dari.

Tu quoque crudelisque nimis, Fernande, nimisque
In mortem, Princeps, ingeniose tuam.

Hanc tibi, si nescis, curarum turba tuarum;
Imperio vigiles hanc peperere dies:

Hanc tuus iste labor, studiorumque improbus ardor,
Nec nisi sub lucem jussa lucerna mori:

Hanc tibi Pierides, ævum tibi culta per omne
Numina, cultori non satis æqua suo

At si forte brevis tribuit tibi tempora vitæ
Musa, dabit famæ tempora longa tuæ.

Si qua fides , terras ibit tua fama per omnes:

Delebunt nomen sæcula nulla tuum.

Quique futurus erit perituro terminus orbi ,

Olim erit & vitæ terminus iste tuæ.

Interea Musamque tuam , benefactaque crebra

Dicemus mœstis , dum licet usque , modis :

Quaque jaces , violis terram spargemus odoris ;

Spargemus sacrum lacte meroque locum.

Addet & hoc aliquis : Musæ , Charitesque , Pudorque ,

Hac , qua Fernandus , contumulantur humo.

Quando autem , Fernande , choro decus addite sancto ,

Quando tibi similem postera sæcla dabunt ?

Hei mihi ! divinis qui te virtutibus æquet ,

Nulla tulere virum tempora , nulla ferent.

At sperare licet. certe speramus. id unum

Solamen nostro fata dedere malo.

AD BIBLIOTHECAM SOMERIANAM.

Cum

BERNARDUS SOMERUS,

vir doctus & pius , fato concessisset.

E L E G. II.

Librorum numerosa cohors , pretiosa supellex ,

Delicium Domini nuper amorque tui ,

Ut te conspicio invitus , volvoque teroque

Hoc ipso , toties quo stetit Ille , loco !

Ut mox huc illuc spargenda , locoque movenda es ,

Proque uno dominos mille habitura novos !

Ut

ELEGIARUM LIB. IV. 237

Tot speciosa voluminibus modo, tamque politis,
 Nusquam eris in tota, nusquam ut & Ille, domo.
 Quid fumus infelix homines genus? hei mihi, quale,
 Quam fragile ac fallax, quam breve vita bonum est!
 Scribimus, & vitam scribendo impendimus omnem:
 Mors rapit injecta nostraque nosque manu.
 At virtute breves Somerus porrigit annos,
 Vivit & ingenii per monumenta sui.
 O utinam nobis ea tu Bernarde dedisses,
 Effet & ingenii pars super ulla tui!
 O utinam in scriptis eadem probitasque fidesque,
 In vultu & vivi quæ fuit ore, foret!
 Ulteriusque frui fatum sivisset acerbum
 Nos te, te libris, docte Somere, tuis!
 Quid loquor imprudens! fileat, ah fileat, ille disertus,
 Exarat æternas nec manus ista notas:
 Nec dulces Flacci numeros, nec flebile carmen
 Concinit imparibus Musa benigna modis.
 Nil tamen egisti, Mors invida: tuque, Somere,
 Morte vel invita, non moriturus obis.
 Fama tui superest, longumque legentur in ævum
 Divitis ingenii fragmina pulchra tui.
 Amstela te seris narrare nepotibus olim
 Gestiet, & manibus tollet ad astra suis.
 Usque tui memores dicent tua nomina cives,
 Ibis & heroum crebra per ora virum.
 Tu quoque, Care, meo semper memoraberis ore,
 Inque meo sculptum pectore nomen eris.
 Denique, quam vitam mea dant mihi carmina, si qua
 Vita futura mihi est, vita futura tibi est.

JACOBO GOYERO,

Hortorum & Florum amatori maximo,

Immatura nimis morte è vita surrepto.

ELEG. III.

Dilectus Phœbo, Musis dilectus AchivisGoyerus, bifido gloria magna jugo,
Quo non excoluit pictos studiosior hortosAlter, honos campis & decus ille suis,
Ecce jacet, plantæque instar, florisque caduci,

Interit, immiti quem secat ungue manus.

O duras nimium leges, & nescia flecti

Parcarum humana stamina nigra prece!

Siccine destituis caros, Goyere, sodales?

Siccine nostra simul mœnia, nosque fugis?

Mene fugis? Sic tu nunquam rediturus abisti,

Lumine nec posthac conspiciere meo?

Quo fugis, ô vitæque brevis, vitæque fugacis,

Et nimium similis floribus ipse tuis,

Flos juvenum, flos Aoniæ pretiosæ catervæ,

In medio vitæ flore perempte tuæ?

Quid sumus? Hiberno demessi frigore flores

Sub tempus redeunt Vernum, iterumque virent:

Nos, aliquid majus qui floribus, æthere cassi

Longa sub ignava sæcla jacemus humo.

Quid loquor? ut casso putrefacti semine flores

Ibimus in vitam busta per ipsa novam.

Interea quando Fati sic fœdere cautum,

Nec nobis alia vivere lege datum est,

Ereptum docti socium lugete, sodales,
 Mœstaque non siccis fundite verba genis.
 Et vos, vicino domui quos sevit in horto,
 Dum vixit, manibus, dum licuitque, suis;
 Extincti, Flores, tumulum decorate Parentis,
 Et date quæ Domini munera poscit amor.
 Itæ precor, Flores, Dominus jubet, itæ frequentes,
 Æternoque sacrum cingite Vere locum.

In Nuptias

JOHANNIS TRIPPPI
 &
 MARGARETÆ CÆCILIAE NYSIÆ.

ELEG. IV.

Indue Daphnæo, Trippi, caput indue ramo;
 Succubuit precibus Nyssia victa tuis:
 Nyssia, spes cupidæ desideriumque juventæ,
 Nyssia, sceminei gloria magna chori.
 Quæ generis fuerat vincolo tibi juncta propinquo,
 Jungere se vincolo proximior cupit.
 Quæ modò Cognatum, jam te compellat Amantem.
 Dulcius hoc illo nomen in aure sonat.
 Senferat hos ipsos, furtimque notaverat, ignes,
 Et penna volucer plausit utraque Puer.
 Pone metum, Juvenis, non sum rerum inscius, inquit.
 Quam nunc Affinem diligis, Uxor erit.
 Eveniunt. Gaudent pariter Genetrixque Paterque,
 Hæc Sponsi Genetrix, Virginis Ille Pater:

Et

Et qui nunc nostram moderatur Avunculus urbem,
 Et qui sancta tuo jura dat, Haga, Foro.
 Fallor? an & rupto conatur surgere busto,
 Istaque compositus gaudia sentit Avus?
 Gratantur læti Juvenes, lætæque Puellæ,
 Quodque vovet, tacito pars vovet ore sibi.
 Fortunati ambo, quos una eademque voluntas,
 Et propior nexus, quam prior ille, ligat!
 Vivite felices, thalamoque, ut sanguine, juncti
 Edite Patricio germina digna toro.

In Nuptias

CASPARIS BRANTII

&

AGATHÆ PAATSIÆ.

ELEG. V.

Progenies patris Aonii, patri æmule, Branti;
 Inclyte Barlæi, nec neget ipse, Nepos:
 Successor Musæ Patriæ, successor Avitæ,
 Nec solo referens nomine, Caspar, Avum:
 Jam nova, Sponsæ, tibi, jam tertia ducitur uxor.
 Ultima fortunæ sit comes illa tuæ.
 Lugebas sociamque tori, vacuumque cubile,
 Inque tuo longus pectore mœror erat.
 Insomnem in tenebris noctem curisque trahebas,
 Visus & est solito tardius ire dies.
 Plurima volvebas patria suspiria ripa;
 Crescebat lacrymis fluminis unda tuis.

Sen-

ELEGIARUM LIB. IV. 241

Sensit, & indoluit, tanti medicina doloris,
 Paetia, opemque feram, dixit, opemque tulit.
 Gaude, sponse, tua est victoria: cedit amanti,
 Et, patitur, quod tu, jam tua, vulnus idem.
 Vulnere læsa pari, parili tabescit amore
 Victa tuis precibus Paetia, victa modis.
 Molliet hæc luctus abstergebitque priores,
 Solamen vidui dulce futura tori.
 Indolis eximæ Virgo, linguæque disertæ,
 Quod canis, illa leget; quod legat illa, canes.
 Illa tibi gremiumque suum pectusque recludet,
 Teque suo penitus corde fovebit amans.
 Illa tibi læto tantum lætique bonique,
 Quantum promittit nomine, plusque, dabit.
 Firmet id augurium, qui vincla jugalia primus
 Nexuit, & solum noluit esse virum.

IN

VILLAM MARSEVENIAM,

GULDESTEIN DICTAM.

ELEG. VI.

G Ramineo præterlabentis margine Vechtæ
 Villa jacet. nullo suavior aura loco.
 Grata virescentes præbent umbracula rami,
 Seu pede, seu rheda, seu rate carpis iter.
 Fluminis innumeræ ludant in margine Nymphæ;
 Plurima per medias cymba vagatur aquas.
 Lenè sonant Zephyri, purumque per aëra docto.
 Concinit Ismarium gutture mater Ityn.

Q

O mol-

O molles ventorum animæ, cantusque volucrum!

O nemus, o frondes, vivaque semper aqua!

O dulce hospitium Nymphis! o dulce Camœnis!

O Marsevenio consule digna domus!

Hic requiem positis sectatur, & otia, curis;

Hic ferit, hic cultam lustrat, & ornat, humum;

Aut aliquid solo secum meditatur in horto,

Ruraque deserta rusticus urbe colit.

Villa beata, trahis fulvo quæ nomen ab auro,

Idque, quod es, merito diceris esse tuo;

Aurea, & Hesperidum pomis pretiosior aureis,

Arbore, non pomis aurea, Villa, tuis;

Aurea villa, tuo domino quæ sæcula reddis

Aurea, jucundos & facis ire dies;

Cresce per innumeros annos, & pulchrior usque

Sidera frondosis lambe superba comis;

Cumque tuo Domino, Domini cum compare cara,

Et quæcunque isto pignora nata toro,

Vive diu, longumque tua defende sub umbra,

Ista tibi per quam sunt bona nata, domum;

Utque alias vincis forma, sic vince senecta,

Et fias Domini, non nisi tarda, novi.

JOHANNI HUDDE,

Consuli Amstelodamensi,

Defecato per Urbem Amstela.

ELEG. VII.

HAstenus Amsteliam, lymphis stagnantibus, urbem
Halitus æstivæ dedecorabat aquæ.

O quoties mœstæ fleverunt gurgite Nymphæ,

Oraque cœnoso merisit in ampe Pater!

O quo-

O quoties nostram veniens peregrinus in urbem,
 Quam pulchræ, dixit, quam gravis urbis odor!
 Sensit, & indoluit, populoque feramus, & urbi,
 Huddæus, medicam, qua licet, inquit, opem.
 Cœleste extemplo ingenium, seque excutit omnem
 Ille Syracosio proximus arte seni.
 Pluribus aggeribus per aquam, fossisque, molisque,
 Immissam undam alia datque adimitque via.
 Gratia magna tibi, Consul, tibi gratia soli,
 Munus & inventum res ea namque tuum est.
 O decus, ô terræ columen tutelaque nostræ!
 O vir, non ipsa, quam regis, urbe minor!
 Attoniti plaudunt omnes, civesque, Patresque:
 Lætus & è mediis Amstela plaudit aquis.
 Consulis officium est, quod præstas, inelyte Consul:
 Dignius haud aliud, nec, puto, majus erat.
 Vitam etenim tribuisse suis, tribuisse salutem,
 Id demum patriæ consuluisse suæ est.
 Reddidit incolumes tua nos prudentia cives:
 Sanos purgatis ars tua reddit aquis.
 At vos formosæ per humum decurrite lymphæ,
 Currite conspicuæ, currite semper, aquæ:
 Quaque per Amsteliam fluitis sine sordibus urbem,
 Omni laudandum voce sonate Virum:
 Utque decet memores, vestri benefacta Parentis
 Dicite lustratæ, dicite semper, aquæ.



HENRICO HOOFDIO

FISCALI,

Cum

*Satrapa Mudensis & Goeylandiæ**Ballivus Creatus esset.*

ELEG. VIII.

A Emulus Historicis antiquis, æmulus idem
 Vatibus, eloquio scriptor utroque potens,
 Dum Mudam imperio, vicinaque temperat arva,
 Hoofdus, in pretio carmen, ut auctor, erat.
 Arx Pindus, Pindi numen fuit Hoofdus, ingens
 Gloria Pierii præsidiumque chori.
 Culmen ad Aonium, Batavique oracula Phœbi,
 Ibat Apollineis excita turba modis.
 Commune hospitium Musis, commune Poëtis,
 Hoc erat, & nulli non adaperita domus.
 Optavi quoties, epulis accumbere Divum,
 Et vesci Ambrosia, Phœbe Batave, tua!
 Optavi quoties, isto me tempore natum;
 Aut Mudæ similem nunc dare jura virum!
 Successit voti pars altera: redditus urbi
 Hoofdus; Aonio redditus, ecce, choro.
 Sanguinis ejusdem confors, studiique, locique,
 Mente colit Clarias, qua prius ille, Deas:
 Et re proximior, quam nomine, plurima vatum
 ,Scripta terit gnava sedulus usque manu.

Auso-

Ausoniæ fidicen citharæ , Nasoque, Maroque,
 Assidui comites, colloquiumque, Viro.
 Hos legit, hos cantat; densaque sub arboris umbra
 Romula Mudanæ verba docentur aves.
 Interea muris, Hoofdi, laributque propinquis
 Migrabunt docti sub tua tecta viri:
 Utque prius, longo venient examine vates,
 Atque aliquid Musis, & tibi, dulce canent.
 Quod si forte meum non adspernabere nomen,
 Pars ego Pieriæ parva cohortis ero:
 Lustraboque sacros admiraborque recessus,
 Quicquid & antiqui continet iste locus.
 Tu vero, fate Consulibus, fate vatibus, Hoofdi,
 Aurea quo rursus sæcla regente fluent,
 Justitia hanc terram multa recturus, ut olim
 Hoofdius, imperii fræna capeffe tui.
 Illius exemplo da civibus otia lætis,
 Et sis Mudano, quod fuit ille, solo:
 Illius imperio populum moderare volentem;
 Quod voveat populis nil, puto, majus habet:
 Utque diu fuerat terris super ille regendis,
 Hac quoque tu clarum parte imitare virum;
 Quemque tibi Princeps nuper largitus honorem est,
 Sit proprius Domino perpetuusque suo;
 Longævamque tibi vitam, viridemque senectam,
 Quod Rex non potuit, donet habere Deus.



G O D A R D O ,

B A R O N I D E R E E D E ,

A T H L O N Æ C O M I T I ,

D O M I N O i n G I N K E L & c . & c .

H i b e r n i æ P a c a t o r i .

E L E G . I X .

BEllica non omnis Batavorum emortua virtus,
 Nec tantum pelago gens metuenda sumus.
 Excitat antiquum, revocatque in pectora, Martem,
 Reddit & invictos Rex Gulielmus Avos.
 Ducit in adversos agmen Ginkelius hostes,
 Ille fide Regi proximus, ille manu.
 Nobilis ille quidem est, & origine clarus; at armis
 Clarior, & factis pulchrior ipse fuis.
 Multa Viri titulos virtus superavit avitos,
 Linqvit & illustrem post sua terga domum.
 Non neget hoc Genitor: nec tu, gens Redia, majus,
 Magna licet numeres nomina, nomen habes.
 Ossa Viri testor, propriis qui maximus actis.
 Hoc uno minor est, hoc minor esse cupit.
 Nondum perdomitam qui debellaret Iernen,
 Justo qui Domino redderet, ille fuit.
 Ille fuit, belli summam cui credidit uni,
 Grandius in toto quo viget orbe nihil.
 Ibat atrox animi, rebusque superbus opimis
 Gallus in Hyberno moverat arma solo.
 Una resistebat Regalibus Insula votis,
 Freta peregrino milite, freta suo.

Non

Non tulit hos ultra Ginkelius, arvaque & urbes.
 Restituit Regno, Rex Gulielme, Tuo.
 Fit via vi: superantur aquæ, superantur & hostes.
 Pars fugit: externum pars premit ore solum.
 Arma cadunt; ponitque minas Limerica; sui que
 Regis ad obsequium iussa redire, redit.
 Plaudite Victori, Victori plaudite, Gentes:
 Invisam belli sustulit ille moram.
 Terra Tua est, Auguste; Tua est, qua cingitur undis,
 Insula, nec quidquam, quod superetur, habet.
 Deferit assertas armis victricibus oras,
 Perque manus vehitur Victor, & ora, virum:
 Jamque triumphali Londini mœnia curru,
 Structaque de niveo marmore templa subit.
 Excipit augusta Regum fortissimus aula
 Tutelam Regni, præsidiumque, sui;
 Inviictumque virum Regalibus implicat ulnis,
 Atque ait: O claræ spes manifesta domus;
 Te duce parta mihi victoria, parta Britannis,
 Omnis & imperii pars mihi salva mei.
 Maeste animo, generose; meis jam vince Batavis,
 Et lauros istis frondibus adde novas.
 Patria te reducem, te Trajectina reposcunt
 Mœnia; te tellus Belgica, Marsque vocat.
 I decus, î, nostrum; nec te Brumalia tardent
 Flamina: te pelago, res mihi crede tuas.
 Dixerat: Assensit Populus, titulisque coromat
 Grandibus Indigetem, muneribusque, Ducem.
 Et Regi, & populo grates agit ille Britanno,
 Quodque sui, dixit, Rex, Tibi, semper ero.
 Continuo Regemque simul, Regnumque relinquit,
 Et Batavum victis litora tangit aquis.
 Trajecti Turris, vicinaque machina cœlo,
 Altius ærium tolle sub astra caput:

Et vos, recta, viro certatim assurgite magno,
Civis in occursum civis & omnis cat.

Audior: erumpunt alacres, urbisque vagantur
Per loca, lætitiā non capiente domo.

Ipsa triumphali Trajectum assurgit Alumno;
Tradit & invicto seque suosque Duci.

Porrige victricem dextram, fortissime vindex,
Et Tibi commissi suscipe fræna soli.

Te sibi Trajectum, Te Trajectina Regentem
Jugera, Te Populus, Te cupit omnis Eques.

Utraque Te cupit Aula: vacat Patrisque Tuusque,
Jam dudum fuerat qui Tuus, ecce locus.

Iste locus Tuus est, quem dat Tibi sanguinis ordo,
Turba frequens Procerum quem dedit ipsa Tibi:

Iste locus Tuus est, qui, ni datus ante fuisset,
Virtutis merito jam Tibi dandus erat.

Accipe promeritum, venit jam tempus, honorem:
Hic Tibi se servat, se Tibi debet, honor.

Inferere Haganis fortissime Patribus Heros,
Et decus hoc titulis, ut Pater, adde Tuis.

Grande decus Procerum, qui tantum, plusque, decoris
Huic dabis illustri, quam capis inde, loco!

Inclyte Gallorum domitor, devictor Iërnès,
Devictor belli, nec minus ipse Tui!

Delicium populi, plebique affabilis imæ,
Et magni, quæ laus maxima, Regis amor!

Regis consilium, Regis manus; optime bello,
Optime consilio; nec, nisi Rege, minor!

O lux, o patriæ tutamen nobile terræ!

O ingens ævi sidus, honosque, Tui!

Temporis ô prisci, per Te redeuntis, imago!

O nulli veterum Marte secunde virum!

Hic meus est, inquit, Civilis, Belgica tellus;

Hic est Arminius, Teutona terra, meus:

Atque

ELEGIARUM LIB. IV. 249

Atque aliquis Regem landans, Regisque Ministrum,
Hic Regum est, dicet, maximus; ille, Ducum.

IN FUNERE
CHRISTIANI ALBERTI,
MARCHIONIS BRANDEBURGICI,
PRINCIPIS
HALBERSTADIENSIS.

ELEG. X.

O Ccidit heu primo vernantis flore juventæ,
Debuerat Pylum qui superare senem.
Egregius forma juvenis, sed pectore longè
Pulchrior, & quævis natus ad alta, jacet.
Ille gubernandis populis, populisque juvandis
Editus; ille, boni Principis instar, obît.
Quid nunc stemma juvat, quid longi stemmatis ordo,
Et tot clarorum nomina magna Ducum?
Quid pietas, quid religio, sanctæque peracta
Vita, nec à sæcli turbine rapta sui?
Principibus dignas quid se formasse per artes,
Factaque nobilium, mox imitanda, virum?
Nil Proavi, Princeps, prosunt tibi, nil tua virtus
Plurima, nil multa ductus ab arte decor.
Te quoque subvertit, quæ subruit omnia, & ipsis
Regibus, ut nobis, imminet, atra dies.
Non tamen obscuras inglorius ibis ad umbras,
Nec similis vitæ fama futura tuæ est.
Te dolet extinctum Germania; te dolet omnis
Principe te manibus terra regenda tuis.

Te dolet invidium Brenni genus, optimus ille
Rector, in exemplum cuius iturus eras.
Quique tibi pietate magis, quàm sanguine, Frater,
Tecum obit, & luctum non capit ipse suum.
Te Dankelmanini luget virtusque domusque,
Totaque Tutoris, qua patet, aula rui:
Et, quo carpebas nuper monitore fideli
Nobile virtutis, nobile mentis, iter.
Nos quoque, qui vivum suspeximus, hos tibi versus,
Has lacrymas, mœsto fundimus ore tibi.
Sed te nec lacrymæ, nec inania munera tangunt
Nostra, nec invisus te dolor ullus habet.
Italia quiddam melius, quò vota ferebant,
Atque aliquid terra pulchrius, æthra dabit.
Clarius in cœlo regimen Rex ætheris alti,
Serta parat capiti nec peritura tuo.
Crescit in imperium Frater Fratrisque suumque,
Et pro Te terras, patriaque arva, reget.
Fratris ad exemplum flectentis moderamina Frater,
Ut facit, in mores ibit, eatque, tuos.
Quod voveam majus nihil est. Te spectet in illo
Terra, nec ereptum Te putet esse sibi.
Gaudeat hoc longum Germania, gaudeat orbis,
Et sit amor populi, Frater ut ante, sui.
Magne Deus, nostræ arbitrium vitæque necisque
Quem penes, hæc animi sint rata vota mei.
Da precor huic, illi quod mors invidit, & ævo
Alterius quantum defuit, alter agat.
Augeat usque suos, & Fratris suppleat, annos,
Quicquid & ætatis non tulit iste, ferat.
Proroget hanc ipsam cum sœnore; virque, senexque,
Tempora per Fratris, per sua, Frater eat.
Ordine Naturæ quæ debita, morte negata,
Illius hic vitam vivat, & ipse suam.

In

ACADEMIAM HALLENSEM
FREDERICIANAM.

ELEG. XI.

Qualis Apollineam Carolus, cognomine Magnus,
 In Parisiaca condidit urbe domum:
 Qualis Palladium Gulielmus, nomine Primus,
 Fundavit ripa, Rhene Batave, tua:
 Talis Hyanteam Fredericus consecrat ædem
 Tertius, herboſo qua jacet Halla ſolo.
 Mœſta Palatinas vix Muſa reliquerat arces,
 Enſibus & flammis, Galle, fugata tuis:
 Cum Princeps, magni genitus de ſanguine Brenni,
 Siſtite, ait, trepidam, turba novena, fugam.
 Nos dabimus ſedes alias, aliosque reſeſſus,
 Manſurosque diu jam parat Halla lares.
 Erigit hæc niveo ſtructurum de marmore templum,
 Ad Salæ virides prætereuntis aquas.
 Hic domus, hic fidi vobis certiſque penates,
 Tutaque præſidio teſta futura meo.
 Nec vos pœniteat laſibus ſuccedere noſtris:
 Vos mihi cura verus, vos mihi longus amor.
 Teſtis erit Rhemi, teſtis mihi ripa Viadri,
 Pluraque per fines condita templa meos.
 Quare agite, & certas hic rurſum figite ſedes:
 Clarior hoc Salæ margine nullus erit.
 Ite alacres, ite, Aoniſdes; famamque perennem
 Per ſe jam celebri concillate loco.

Gra.

Gratius hospitium vobis Germania nullum;

Gratius hospitium terra nec ulla dabit.

Dixerat hæc Princeps : illæ venere , laremque

Constituunt ripæ margine , Sala , tuæ.

Sala pater , magnis nunc accensende fluentis ;

Saxonix nullo flumine , Sala , minor :

Tu quoque , tu claros inter memoraberis amnes ,

Inclita Germani fama future soli.

Pregela submissos tibi sternit , & Odera , fluctus ;

Ipsæ , quod invidet jam tibi , Rhænus habet.

Incipe vorticibus jam nunc majoribus ire ,

Altaque limosis cornua tolle vadis.

Sed tamen hæc senti , tantumque agnosce favorem ;

Quaque fluis , Domini sis memor usque tui ;

Et dic , Aonios dum præterlabere muros :

Splendorem hunc nostris dat Fredericus aquis.

Tu quoque , quam tanto dignatur munere , dignas

Auctori grates muneris , Halla , refer.

Aëria sis Arce licet , Temploque superba ,

Albertus posuit quod tibi Præsul opus :

Hoc ipso , ejusdem quod sanguinis excitat Heros ,

Castalidum templo nil , puto , majus habes.

Mercibus Aoniis , totumque juvantibus orbem

Artibus , ac studiis clara ferere tuis.

Accurrunt passim populi. te docta juvenus ,

Te sibi Pegasides , Phœbus & ipse , legunt.

Hic nemora , hic gratæ Phœbi cultoribus umbræ ,

Quæque per umbrosam labitur unda nemus.

Hic blandi soles , & clementissimus æther ;

Hic flore , hic læto gramine prata virent.

Et merito Musis sacer hic , Phœboque dicatus ,

Quod si non esset , debuit esse , locus.

Judicat hoc certe Princeps tuus , ille Noveni

Cultor & antistes , præsidiumque , chori.

ELEGIARUM LIB. IV. 253

Judicat hoc Cæsar, qui pignora certa favoris,
 Donaque dat populo, Cæsare digna, tuo.
 Quisque favet, quisque insolitum gratatur honorem,
 Et tecum in niveis rite triumphat equis.
 Ipsa novis favet auspiciis, gaudetque renasci
 Gallorum diras urbs modò passa manus.
 Fallor, an è mediis caput Heidelbergæ ruinis
 Erigit, & lætò plaudit ab æmne Nicer?
 Plaudite nunc æmnes Germani, plaudite montes,
 Et celebret magnum Teutonis ora diem.
 Magna dies oritur, qua non augustior ulla
 Affulsit populis, Teutoni terra, tuis.
 Scilicet hæc illa est, quæ faustum fidus Olympo
 Detulit, & terris Te, Frederice, dedit.
 Salve magne dies, totique salutifer orbi,
 Versibus & votis bis celebrande meis.
 Salve, magne Parens Patriæ, quo surgere jussa
 Auspice, formosum nunc levat Halla caput:
 Qui, quo te pateat Musis natum esse fovendis,
 Natali statuis Musica templa tuo.
 Salve, Musarum columen, salve, optime Princeps,
 Tutelare tui Numen, amorque, soli.
 Tu pacis studiis, Tu bello insignis & armis,
 Nobile militia nomen utraque refers.
 Tempore Tu pacis bellum meditaris & arma;
 Tu bellum studio pacis, & arma, geris.
 Quin & longa nimis caussaris tempora belli,
 Jamque tuis cuperes ferre tropæa tholis.
 Quod cupis, ecce facis; doctisque sororibus ædem
 Ponis, & Aoniis præmia multa viris.
 Vive diu, Princeps, & Tecum Academia; nec vos,
 Tam bene conjunctos, dividat ulla dies.
 Hinc Tibi verus honor, nec sparsus cæde triumphus,
 Hinc veniet capiti laurea digna Tuo.

Pace alii, bello extincto bellicque tumultu,
 Dent Musis aras, templaque, pacis opus:
 Armorum strepitu in medio delubra Camoenis
 Erigere; ingenii res, Frederice, Tui est.

IN NATALEM

Augustissimi ac Potentissimi

BRITTANNIARUM REGIS,

GULIELMI,

&c. &c. &c.

ELEG XII.

Dicamus bona verba: renascitur omine læto
 Gloria Cæsaribus Rex Gulielmus Avis.

Candida lux, o luce dies formosior omni!

Quot bona, quæ gremio commoda nata tuo?

Tu produxisti dias in luminis oras,

Quo nihil hæc mundi machina majus habet.

Tu fidus populis das tutelare duobus:

Te noster merito mundus, & iste, colit.

Salve, læta dies, & Tu Sol alme diei

Illius, Augustas lumine cincte comas.

Hunc Tibi cœlestis dudum spondebat honorem,

Visus in exortu, Circulus ille, Tuo.

Par Ariadneæ nec concessura Coronæ

Stabat Arausiaco clara corona polo.

Augusto visum splendebat in æthere signum,

Augurium regni, Rex Gulielme, Tui.

Nempe Tuo capiti nectebant fata coronam:

Augustus terris nempe futurus eras.

Jamque

ELEGIARUM LIB. IV. 255

Jamque aliquid magnum primo apparebat in ævo,
 Regius & Pueri fulsit ab ore decor:
 Ætatemque supra, tenerisque animosior annis,
 Spirabas Proavos, non minor ipse, Tuos.
 Credita res Juveni Batavum Tibi: credita tellus,
 Majorum valida libera facta manu.
 Induis arma humeris pro Libertate Batava,
 Sternis & hostiles fulmineo ense globos.
 Indolis Heroæ specimen, primusque triumphus,
 Auspicium belli nobile, Narda fuit.
 Altera vitiferi collecta crepidine Rheni
 Palma, peregrino Bonna recepta solo.
 Accedunt urbes variæ: velocius hostis
 Deserit obsessam, quam modò cepit, humum.
 Vindice Te liber Vahalis, Te vindice Mosæ,
 Isalæque excusso dividit arva jugo.
 Securus virtute Tua terraque marique,
 Ille salum rursus findit, & ille solum.
 Ista Tibi debent se commoda: carpinus ista
 Pacis Arausiaca gaudia parva maris. (ptas!
 At quam non propria hæc, quam non sincera vota-
 Ecce iterum Batavos Gallus in arma vocat.
 Signa canunt; Tu terra hostem, pelagoque retundis:
 Dat pelagus lauros, dat Tibi terra, novas.
 Trajicis Oceanum victor quoque, milite multo;
 Perque Caledonias it Tua classis aquas.
 Vix adversa premis pede litora, protinus omnis
 Obvia procedit turba, viamque facit:
 Imponit Tibi promissam Deus ipse coronam,
 Porrigit & manibus debita sceptrâ Tuis.
 Imperii sceptrum triplicis, quod sæcla negabunt
 Postera, Regali dat Tibi ferre manu.
 Dividis hoc cara cum Compare; jamque Britannis,
 Jam Batavis validam fers, bone Ductor, opem.

Signa

Signa animi manifesta Tui, sacrumque cruorem
 Vidit, & attonita Boina recessit aqua.
 Fracta Tua virtute Tibi se tradit Ierne,
 Subdit & imperio colla subacta Tuo.
 Nec minus & Batavis vigilat Tua cura tuendis,
 Et Pelagi vastas spernis, ut amnis, aquas.
 Ipse subis grave Martis onus, durumque laborem;
 Et, si quando vocant prælia, primus ades:
 Primus inis bellum, postremus deferis, idem
 Militis officio functus, itemque Ducis:
 Exactorque operum pariter, sociusque laborum,
 Quod Tu cunque Tuis præcipis, ipse facis.
 Et Tibi cura Tui minor est, quam cura Tuorum;
 Quæque geris, patriæ, non Tibi, bella geris.
 Pugnaces Tu Germanos in prælia cogis,
 Et Tua Cæsareæ signa sequuntur aves.
 Te duce, communem Concordia sustinet hostem,
 Borbonique Tuo sub pede palma jacet.
 Ille quidem pugnam detrectat; Tu tamen illum
 Persequeris terra, persequerisque mari.
 Quam toto nuper trepidavit litore, ut hostem
 Sensit, & armatas in sua damna rates!
 Æquore jam pelagi Tibi cedit, & æquore campi,
 Ille gravis terris, ille tremendus aquis:
 Jamque fatigatus pacem (quis crederet?) ultro,
 Quam dare consuevit gentibus, ipse petit.
 Cingere Daphnæo, fortissime, cingere ramo,
 Quasque Tibi virtus dat Tua, scande rotas.
 Protere jam fractos hostes, Pœnumque rebellem
 Vince salutifera, victus ut ante, mora.
 Exiguum magno spatium concede labori;
 Jam domitus, bello jam, puto, victus erit.
 Ense reducta Tuo Pietas, & nescia fraudis
 Relligio, lætum tollet ad astra caput.

Pax bona tellurem repetet, gentesque beabit
 Copia; jamque suum navita curret iter:
 Atque aliquis densa recubans Melibœus in umbra
 Carmine se, placidas gramine pascet oves.
 Hæc, auguste, Tibi debemus otia, Princeps:
 Hæc sunt natali munera nata tuo.
 Te nisi donasset terris Deus æthere nostris,
 Hostibus hæc dudum præda fuisset humus.
 Tu nobis populum conjungis amore Britannum:
 Tu Galli frangis fulmina, frangis opes.
 O te felicem belli nodumque moramque!
 O fausto terris sidere nate tuis!
 O pulchrum, ô vere niveum, niveoque lapillo
 Signandum populis (nam tuus ille) diem!
 Spes & amor Patriæ, populi tutela Batavi,
 Qui famulus, qui jam, Te sine, nullus erat:
 Edite Principibus victoribus, edite magnis
 Regibus, Albioni Rex, Gulielme, soli:
 Si per Te vitam trahimus, Te vindice salvi;
 Aque tua pendet nostra salute salus:
 Hic quanto nobis vita jucundior ipsa,
 Hic quanto debet carior esse dies?
 Hunc celebrate simul Batavi, celebrate Britanni,
 Et lætum medii murmure unda maris.
 Surgat ab oppositis in Cœlum collibus Echo,
 Plurimus & gemino litore plausus eat.
 Circumdet radiis Titan melioribus ora,
 Signaque lætitiæ det Polus ipse suæ,
 At tu, Natalis, magni cunabula Regis,
 Dulce solum Domini, sæpe revise, tui:
 Et per bisseos revolutis mensibus orbes,
 Pulchrior Eo rursus ab orbe redi.

I N O B I T U M

Potentissima & Augustissima

BRITANNIARUM REGINÆ.

E L E G. XIII.

AD fletum & lacrymas, Elegeia, flebile carmen

Heu vero nimium nomine dicta, veni.

Indue ferales habitus, & temporis hujus

Squallorem passis, oraque, redde comis.

Nunc tristes animo gemitus, nunc flumina & imbres

Lumine deciduæ volvere tempus aquæ.

Occidit, & mediæ demessa in flore juventæ est,

Regina Albioni, Regibus orta, soli.

Afflicti testes animi, prorumpite voces:

Plurima de madidis labere gutta genis.

Hei mihi! nec lacrymæ luctum, nec verba, sequuntur.

Mens labat, & multo victa dolore fugit.

Flere dolor prohibet, vocemque obsignat in ore;

Apta nec officio lingua, manusve, suo est.

Ite tamen lacrymæ, pietas jubet, ite querelæ;

Ite tamen numeri, quod vocat illa, mei.

Cum doceant passim Britones, cum lugeat omnis

Belgica, te solam, Musa, filere nefas.

Ede pios gemitus, & tanto digna dolore,

Sic opus est, mœstis concipe verba modis.

Posceris. Illustri plorant in funere gentes,

Et tellus Dominam luget, & unda, suam,

Luctibus incensas ululat campana per urbes,

Nec solis hominum vocibus æthra gemit.

Tristè

Tristè sonant toto discordes æquore venti:
 Tristè percussis litus utrumque jugis.
 Ipse pater Nereus interlabentibus undis
 Mugit, & ex imo surgit in astra vado.
 Obducit nitidos Titan ferrugine vultus,
 Conditur & tenebris, sideris orba, dies.
 Et merito; quid enim vultu formosius illo
 Mundi oculus gemino vidit ab usque polo?
 Quæ tellus illi similem tulit? ætheris alta
 In terras illam misit ab arcè Deus.
 Excipit infantem, regalique educat aula,
 Non tamen & soli, terra Britannia, sibi.
 In partes mundi varias, lux ista serenos
 Dispersit radios undique, vimque sui.
 Utque supra reliquos Phœbi soror emicat ignes,
 Vecta poli nitidis per spatia alta rotis:
 Sic alias longe Nymphas supereminet omnes,
 Gloria virginei, pulchra Stuarta, chori.
 Pulchrior haud alia hac, aut mente, aut corpore; tanto
 Digna viro; solio digna, Britanne, tuo.
 Numinis hoc illi tribuit clementia, quæque
 Ferre manu meruit sceptrâ, ferenda dedit.
 Numinis in morem, cœlum terramque regentis,
 Æquali populos rexit amore duos.
 Nec melior Regno moderatrix ulla Britanno
 Obtigit, aut populis, Belgica terra, tuis.
 Quis majore Deum coluit pietate? quis ævi
 Longior à vitiis, quam fuit illa, fuit?
 Quæ privata suum complexa est nupta maritum,
 Fœmina quo princeps principem amore virum?
 Quæ non effulsit passim prudentia? quas non
 Divite reclusas pectore prompsit opes?
 Quæ non majestas; quæ non constantia; quæ non
 Pax, & honos, illi frontis, & oris, erat?

Quam leni rexit terras moderamine? quanta
Iustitia? Rheæ sæcla redisse putes.

Præbuit auxilium miseris, solamen egenis,
Æra peregrinis, hospitibusque larem.

Lex erat, exemplum vitæ: virtutis imago
Vita fuit; morum regula; norma boni.

Plura quid adjiciam? Tua laus, tua gloria, Princeps
Optima, sine suo, ceu dolor ipse, caret.

Perdidit hac quantum tua morte Britannia! quantum
Amisit letho Belgica terra tuo?

Quis nunc imperio populos frænabit & urbes,
Longa gerente tuo trans mare bella viro?

Quis validam ornabit classem? quis Belgica rursum
Auxiliatrices mittet in arva manus?

Æquoris in mediis sic Tu Regina, procellis
Destituis laceræ naufraga membra ratis?

Sic Tibi dilectos alieno tempore Belgas
Deseris, & nostram, dura, relinquis humum?

At non ista Tui dederas Tu pignora, cum Te
Misit in imperium Belgica terra tuum.

Hostibus iratis Batavos, populumque Britannum
Prodis, & invicti spemque decusque viri.

Respice communes cives, communia sacra:
Respice rem Batavam, nec minus ipsa tuam.

Me miserum! æterno condit sua lumina somno,
Nec nos jam curat, nostrave, corpus iners.

Ergo nihil tutum est, & Tu quoque, maxima Princeps,
Illi, cui cedunt omnia, præda jaces?

Ergo nihil sanctum est, & cum vulgaribus umbris
Mors etiam Reges, ipsaque Sceptra rapit?

Scilicet hæc cunctis mortalibus æqua rependit,
Et Reges etiam, regnaque, fata manent.

Sic placuit vitæ auctori, rerumque parenti.
Non alia nasci conditione datum est.

Hæc

Hæc quoque Tu, Princeps, venisti in fœdera, Teque
 Eripuit terris, qui dedit ipse Deus.
 Tu nunc ætherea mundi spatiaris in aula,
 Regnaque cum cœli Rege superna tenes.
 At nos, heu miseri, viduati munere tanto
 Flemus, & creptam Te sibi terra dolet.
 Liquitur, & lacrymis urbs diffluit omnis obortis,
 Mœrorem capiunt nec tria regna suum.
 Percutit infano Londinum pectora planctu,
 Scindit & ungue comas, scindit & ungue genas.
 Murmurat horrendum Tamesis, rigat imbris ora,
 Proque suis lacrymas in mare volvit aquis.
 Dat gemitus, & longa tibi suspiria fundit
 Ille tui consors sanguinis, ille tori.
 Quin etiam largos, lacrymarum flumina, rores
 Nunc primum victo vidimus ire Viro.
 Quæ fuerat rerum facies, quæ noctis imago,
 Qua tibi supremum reddidit ille vale?
 Hærebat laterique comes, socioque cubili,
 Sedit & ad thalamum nocte dieque tuum.
 Sedit ad ægrotæ thalamos, ægrotus & ipse,
 Quamque Tibi poterat ferre, ferebat opem.
 Sæpe Tibi fomenta dedit, succosque salubres
 Præbuit hac ipsa, qua gerit arma, manu.
 Jamque propinquabat passû Mors alite, cum sic
 Alloqueris Regem, Regia nupta, virum.
 Care vale Gulielme, vale carissime conjux,
 Conjuxit sanguis quem mihi, quemque torus.
 Te comitem Batavas sum sponte secuta per urbes;
 Clara Britannorum, Te duce, sceptrâ tuli.
 Tu mihi jucundæ lenimen dulce juventæ,
 Tu mihi primus eras, tu mihi summus amor.
 Vixi, quemque dedit cursum Natura, peregi;
 Et, quod amem, præter Te, nihil orbis habet.

Me regnum cœleste vocat; mihi limina pandit
 Ætheris, & vitam dat sine fine, Deus.

Tempus erit, cum Tu sedes transcriptus in istas
 Inter honoratos astra tenebis Avos:

Cumque poli Domino regnabis, & æthere ab alto
 Spectabis terras, despiciēsque, tuas.

Interea populi serva communis amorem,
 Degat & imperio lætus uterque tuo.

Jamque vale. vires adimit mihi languor, & ora,
 Vincitque perpetua lumina nocte, premit.

Quod si quid merui de Te bene, si quid amavi,
 Vive memor nostri, lux mea, vive memor.

Dixit, & augustis animam exhalavit in ulnis,
 Inque sacros humeros triste recumbit onus.

Ille nihil; raptaque simul cum conjuge voce
 Obstupuit tanto, dirigitque, malo:

Perque dies aliquot, nec consolantia verba
 Audiit, aut ullos attigit ore cibos.

Odit & adspectus hominum, lucemque diemque,
 Cumque tori focia visus & ipse mori est.

Ut vero sese invenit, nubemque removit
 Corde dolor, cœpit vix ita vixque loqui.

Magne Deus, cui vulgus inops, plebejaque turba,
 Collati Reges, umbraque vana, fumus:

Qui mare, qui terras omnes, terrenaque regna
 Dirigis imperio, nostraque nosque, tuo:

Care quid admisi Genitor, quod in illud amatum
 Hæc tua tu vibras tela, meumque, caput?

Num tua neglexi forsan sacra, & Tibi fufas
 Concepi casto non satis ore preces?

Impia num movi certamina, bellaque gessi
 Ulla, nisi auspiciis, Teque probante, tuis.

Num me cæde aliqua maculavi, aut ullius unquam
 Dextra, nisi hostili, tincta cruore mea est?

Sed

Sed quid ego hæc autem? sic stat, sic corde voluntas
 Fert tua. Consilium mors ea, Sancte, tuum.
 Cedimus, & posito paremus murmure, mundi
 Aurea cui parent sidera, & ipse polus.
 Hoc mihi Tu thalami pignus cœleste dedisti:
 Eripis hoc thalami Tu mihi pignus idem.
 Vincor, & obsequii mihi gloria nuda relicta est,
 Dum Tu rem repetis, nam tua jure, tuam.
 Dixerat, & mœstam Proceres admisit in aulam,
 Tutamen Regni, consiliumque, sui.
 Succedit tecto Domus utraque, damnaque questi
 Publica, solamen, quod potuere, ferunt.
 Parce metu: nos auxilium, nos robora belli,
 Cumque suis dabimus pinea texta viris.
 Nec nos crede tuæ mutatos morte maritæ,
 Major erit posthac, quam modo, noster amor.
 Talia promittunt Proceres, aulaque recedunt,
 Addicuntque suam Regis in arma fidem.
 Sume animos, Gulielme, tuæ quod funere nuptæ
 Gaudeat, infensus nil puto Gallus habet.
 Vince tuum, Princeps, qui vincis cætera, luctum;
 Et curam Regni Rex age magne tui.
 Jam prope confectum, parva est mora, confice bellum,
 Teque tuus pacem vindice mundus agat.
 Te nunc præsidium, Te nunc solamen in uno.
 Publica tu solus damna levare potes.
 Adfer opem, servaque tuas, fortissime, terras;
 Sisque, quod es, populo portus & ara tuo.
 Trajice brumali laxatum frigore pontum,
 Et reducem videat Belgica, Vere novo.
 Fallor? an infestis concurrunt agmina signis,
 Armataque acies conseruere manum?
 Auguror, & fracta pariter cum viribus ira
 Victorem agnoscat Gallia victa suum.

Ecce tibi motis plaudit Victoria pennis;
 Militat & caussa pro meliore Deus.
 Alme Pater, pacisque bonæ. bellique cruenti
 Arbiter, hæc firma numine verba tuo,
 Vincat, & ornatus spoliis Gulielmus opimis
 Incolumes referat seque suosque domum.
 Arma tholis figat patriis, multumque cupita
 Concedat populis otia, & ipse tibi.
 Aurea restituat pacato sæcula mundo,
 Et semper nitidos donet, agatque, dies.
 Sceptra diu teneat Regalia; quodque Maritæ
 Dempisti vitæ temporis adde Viro.
 Expleat ille suos, & Conjugis impleat annos,
 Proroget & vitam fata per ista suam.
 Adsis ô, precibusque fave Patriæque meisque,
 Et saltem hoc terris da superesse caput.
 Hunc, Pater, hunc verso jubeas succurrere sæclo,
 Restat ab Heroa qui tibi stirpe Nepos.
 Inter sit longum Batavis, longumque Britannis,
 Longus amor populi, longaue cura, sui.
 Cumque solum meritis impleverit, alta, sed olim,
 Sidera, deserto, quem regit, orbe petat.
 Annue tam iustis, Rex ætheris, annue votis,
 Inque domos superas, non nisi serus, eat.



O D Æ.

ODE

PETRI FRANCII ODARUM

LIBER PRIMUS.

B U D A

C A P T A.

O D A I.



Digna Flacco, dignaque Pindaro!
O digna Phœbo! qua neque pulchrior
Pulchra illa, quæ geminis & auro
In mediis Lyra fulget astris:

Vicina seu te Pannoniæ juga,
Raucove labentis murmure Vistula,
Seu Romuli colles, & alma
Ausoniæ tenet ora terræ:

Sive in beatis Elysi jugis,
Aut, propter undas Eridani, pias
Solaris umbras, & vetustos
Æquiparas fidibus poëtas:

Quacunque pendes arbore, quos habes
Relinque campos, linque Nemo pium,
Tibrimque, Sarmatasque montes,
Grandiloqui Lyra Sarbievi.

Te poscit omnis Dacia, Dalmata
Te poscit omnis, te Lithuania:
Te Bessus æer, te Gelonus,
Cæsareis modo fractus armis.

Intende chordas : & fide , qua prius ,
Gentis pudendam Bistonix fugam ,
Thracasque devictos , & arma
Austriacis cane fixa templis.

Audisne ? chordas nempe petit tuas
Cantata chordis quæ toties tuis :
Te victa poscit Thraca : poscunt
Pannonicæ tua fila palmæ.

Assume magnos , o bona spiritus ,
Et Martiali carmine classicum
Ordire , sublimique cantu
Cæsareum memora triumphum.

Vallata magni Cæsaris agmine ,
Illustre regni Pannonici caput ,
Nunc Threca , nunc Germana , belli
Alca ludibriumque Buda ,

Post mille belli fulmina , Thraciæ
Crudele gentis servitium pati
Ultra recusavit , luposque
Magnanimo laceravit ore.

Cedit furori Cæsaris , & minis ,
Germana nec jam sustinet agmina
Invicta quondam : cedit ecce
Illa Tuis , Leopolde , turmis.

Iö Triumphe ! Diffugiunt Getæ :
Invicta Budæ mœnia corruunt ,
Et pæne jam captæ pudorem
Clade sua reparant Viennæ.

Urbem obsidebat Cæsaream Getes ,
Totaque belli mole parentibus
Hinc inde campis explicabat
Odrysus sua signa miles.

Haud

Haud Cæsar illud dedecus , haud tulit
 Germana pubes : advolat Imperi
 Vis omnis , Augustosque lenta
 Liberat obsidione muros.

Dant terga retro Bistones , horridi
 Dant terga Bessi. Dira perit cohors ,
 Pars amne , pars ferro : cruore
 Terra rubet , rubet unda , Thraco.

Accensus ista Cæsar adorea
 Bellum Hungarorum finibus , & tibi
 Inferre molitur , Gelono
 Heu nimium populata bello !

Tellure lectis Austriaca viris ,
 Mavorte claris Auxiliariis
 Budam coronat Cæsar : omnes
 Obsidio premit arcta portas.

Ad signa magni conveniunt ducis ,
 Quicumque flumen Danubium bibunt ,
 Quicumque Rhenum ; qui Visurgim ,
 Qui gelidum procul haurit Albim :

Quicumque silvis Hercyniis latent ;
 Quicumque ponti litora Baltici
 Tuentur , & late remotas
 Oceani speculantur undas.

Idem urget omnes ardor , & intimas
 Urit medullas : ira eadem necem
 Et arma spirantes , ad arma ,
 In mediam vocat usque mortem ;

Ultraque fati limen , & ultimam
 Sese ipsa stagni ripam Acherontii
 Extendit , Edonosque stricto
 Insequitur violenta ferro.

Obversa telis tela , viris viri :

Obversa pilis pila minantibus :

Tormenta tormentis : globorum

Vulnificos rotat æthra nimbos.

Est Terror illic , & Pavor , & Metus ,

Cædesque , Stragesque , & Furor , & Dolor.

Per summa murorum , per omnem

It Rabies animosa campum.

Non plura cœlo fulmina decidunt :

Non tot tonitrus æthere turbido

Exaudiuntur , perque campos

Aeriæ dominantur aulæ :

Non talis Hæmum verberat , aut Athon ,

Hiberna grando ; nec gravior polo

Demissa tempestas ab alto

Æquoreas inimicat undas.

Fallor ? Furentes an sua vincula

Rupere Venti ? Num reboat suo

De ponte Salmoneus ? Ferine

Bella movent iterum Gigantes ?

Non fallor : imo terrificum solo

Agmen Gigantum nascitur. O Pater ,

O iuste Vindex , surge tandem ,

Surge , gravi metuende telo.

Audimur : alto devolat æthere

Alata virgo , ridet & aureo

Serena vultu , Cæsarisque

Haud dubiis super arma victrix

Se librat alis. Dextera lauream ,

Sinistra palmam gestat , & inclytum

De gente Bastarna triumphum

Austriacis modò spondet armis.

Multus Corallis hinc metus additus:

Spes multa, nostris. Pugnat alacrior

Jam quisque: jam muro potitur.

Ex oculo micat ignis omni.

Sic tauriformis Danubius, suo

Jam major alveo, finitimos procul

Inundat agros, & remotis

Diluvium minuitur arvis,

Suisque campos, & pecora, & domos

Involvit undis: sic leo fortior

Depascit imbelles juvencos:

Sic pavidas aquilæ columbas.

Bis scandit urbis moenia, bis retro

Cassus repulsus viribus, haud suis

Desperat armis, tertiamque

De domita petit urbe palmam

Furore multo percitus, & gravis

Amore prædæ miles. In arduas

Jam scandit arces: occupata

Jam profugos fugat Arce Thracas.

Pars usque stricto pugnat acinace:

Pars alba summis linthea turribus

Suspendit, exposcitque vitam

Supplicibus, sine cæde, palmis.

Frustra: cruentis ictibus obvi

Cadunt Geloni: demetit omnia;

Sternitque; nec parcit tenellis

Conjugibus puerisque miles.

Incendit urbem Barbarus. Ignibus

Quodcunque restat depopulantibus

Subsidit omnis; jamque nomen,

Jamque suum sibi Buda bustum est.

Jacet ruinis obruta propriis,
 Ocellus oræ Pannonicæ, domus
 Heu ante Musarum, cruenti
 Nunc odium spoliūque belli.

Pars magna letho Sauromatū dati:
 Pars magna capti: cætēra, prælii
 Pugnæque spectatrix, aperto
 Consuluit sibi turba campo.

Io Triumphe! plus vice simplici
 Io Triumphe! plus vice simplici
 Mavorte Germano subacti
 Turpè cadunt fugiuntque Bessi.

Quem, Musa, primum? quem fidibus tuis
 Dices secundum? Tēne canam prius,
 Inviète Cæsar, & superbas
 Austriadum memorabo palmas?

Tu Marte Thracas sternis, & inclytum
 De gente victa, maxime Cæsarum,
 Ducis triumphum, jamque partis
 Accumulas, Leopolde, lauris.

Lauros recentes. Te pavidī tremunt
 Horrentque Bessi: Te fugiunt Dahæ;
 Nec ferre Romanas volucres
 Bistonix potuere Lunæ.

An te Camœna commemorem mea,
 Virtutē magno proxime Cæsari,
 Insigne momentum triumphī,
 Lottharidum generose Princeps?

Tu ductor ingens agminis: arduas
 Tu scandis arces: tu fugientibus
 Insistis, & fractos citatis
 Frangis equis, equitūque turmis.

An te triumphis inclyte bellicis,
 Manu valentum grande decus Ducum,
 O ductor invictæ catervæ,
 O Bavaræ decus omne turmæ?

An te, decoro pulvere sordidum,
 O Scherffebergi? Te duce copiar
 Junguntur: injecta furem
 Tu cohibes fluvium catena.

Num Brandeburgi fulmineam manum?
 Bello potentem num Neoburgium?
 Num te, Sereni, Marte clarum
 Cæsareo Venetoque nomen?

Souci cohortes, an Coniseggii
 Canto? Comercî, vel Veteranii?
 Turmamne Capraræ ferocem, an
 Magnanimi cano Buthiani?

An te, valentum gloria militum,
 Inviçte Princeps, cui decus inclytum,
 Fatale cui nomen Gelonis
 Marte potens dat habere Croja?

An te, cohortis fama Ligusticæ,
 Decus tuorum, Spinola, mœnibus
 Dejecte de summis, novaque
 Morte tua viduate lauro?

Inviçta bello pectora, quo canam
 Vos ore? Centum guttura si mihi,
 Centumque linguas detis, éque
 Ære tubas lituosque centum;

Nondum valerem vos ego debitis
 Inferre cœlo laudibus. Offici
 Laudique virtutisque vestræ
 Magnificæ nitor ipse palmæ.

Putes feroces , quot videās viros ,
Videre Martes. Ille manu Ducem
Obtruncat in muris Gelonum :
Hic media caput Arce victor.

Parte hic sinistrâ mœnia , dexterâ
Conscendit alter : signa alius suis
Derepta pinnis portat : ille
Finitimum speculatur hostem.

Quis credat ? Urbis mœnia dirui ,
Flamminis peruri , cuncta rapi , palam
Spectat Gelonus , spectat omnis
Sithonii legio Tyranni.

Dux ipse retro signa movet sua ,
Et indecorâ carpit iter fugâ ,
Per plana camporum , per undas ,
Aërios super usque montes.

Gaudete , Gentes : Occidit , occidit
Communis hostis. Mordet humum ferox
Gelonus , ingentique clade
Odrysia cecidere turmæ.

Audit triumphum Cæsaris inclytum
Latina tellus , audit Iberia ;
Camposque Victorem per omnes
Hercyniæ sonat aura silvæ.

Applaudit almæ Lechus adoreæ ,
Volvitque longos Vistula vortices ,
Dravusque , Tibiscusque , & omni
Ister aqua. Tibi , Cæsar , omnis

Applaudit Istri ripa binominis :
Te narrat omnes per populos , suo
Qua fonte prolapsus , sub undas
Caucasei tegit ora ponti.

Horrescit ingens Pontus, & omnibus
Pallefcit undis. Fluctibus asperis

Assurgit Ægæum : pavore

In gelidos fugit Hebrus ortus.

Abfcondit atrum nube cava caput
Metu paventum Luna Othomannidum,

Cornuque diffracto videri

Bosporco negat ægra mundo.

Latè nivofum quaffat Athos jugum,
Hæmiquæ cautes, & Rhodopes, tremunt,

Turresque Byzanti : fuperbo

Vertice Thræicii Tyranni

Nutat tïaras. Non caput Auftriæ,
Romana jam non Barbarus agmina

Bello laceffet. jam Gelonis,

Jamque fuo timet ipfe regno.

Hac Cæfar urget jam domitos Dacias :

Illo, Polonus : parte alia ferox

Jam fæpe divictos per undas

Aggreditur Venetus Coralloſ.

Ite, ite Gentes : ite citis equâ

Turmis : catervis ite pedestribus :

Ite, ite remis, ite velis :

Ite mari fimul, ite terra.

Veftrum ; rebelles cædere Concanos :

Veftrum ; Tyrannum pellere Thracium :

Veftrum ; triumphatis paternum

Imperium reparare Grajis.

Mille Hadriano confpicio mari

Movere remos, & fonitu falum

Pulfare longo ; mille vela

Ionio volitare ponto.

Assumit iras Hadriacum novas :

Accendit undas Iönium suas.

En fervet Ægæum carinis,

En Siculum Libycumque, multis.

Ite, ite: Tellus vos Epidauria

Invitat; arces vos Agamemnonis,

Argosque, & invictæ Mycenæ:

Litore vos gemino Corinthus,

Vos omnis ultro poscit Achaia;

Vos læta tellus Thessaliæ vocat;

Vos poscit Epiros, valentum

Quadrupedum geuerosâ mater;

Vos strenuorum Sparta parens virum;

Ad bella nati vos Salaminii;

Fortesque Thebani, suisque

Gens Macctum stimulatâ palmis:

Vos, vos Athenæ, clara Aganippidum

Phœbique sedes, vos Helicon vocat,

Bicepsque Parnassus, suaque

Jam profugæ regione Musæ.

Ite, ite, virtus quo vocat, & novas

Dudum paratis addite laureas,

Phœbique Mavortisque clara

Fronde comas redimite vestras.

Frondosa vobis proxima porrigunt

Arbusta Tempe. Pergite, pergite,

Tristesque marcentesque luctu

Hæmonias animate lauros.

Auditis? an me decipit, & sua

Incogitantem ludit imagine

Jucundus error? perque cultas

Grajugenum rapit ardor urbes?

Non,

Non, non; Achivum litora jam pede
 Pressistis ipsi: jam mare puppibus
 Stravistis Ægæum: recurvam
 Jam legitis, Veneti, Maleam.

Ite, ite porro: Jam Pelopis domus
 Se tota vobis dedit, & insulam
 Submittet omnem, Græciæque
 Pandet iter breve subjugandæ.

Ite, ite: functi morte vocant viri.
 Vos umbra Atridæ; vos Telamonii,
 Pyrrhique, Alexandrique manes,
 Æacidæ vocat umbra magni:

Et qui per urbes errat Achaïcas,
 Inultus, ardens, bis cupidus mori,
 Dux Castriottus, nomen ingens,
 Attonito grave nomen Hebro.

Ite, ite: vestram poscit opem Rhodos,
 Androsque Naxosque, & Cyprus, & Paros,
 Totoque disjectæ profundo
 Cyclades, indociles moveri.

Vos ore magno flagitat urbibus.
 Exuta centum, gestit & asseri,
 Vobisque reddi, clara divum
 Illa domus, tumultusque, Creta.

Ite, ite, Longè vos vocat inclyti
 Parens Achillei: vos mare Thracium;
 Vos Troja; vos litus propinquum;
 Vos Asiæ Phrygiæque bustum.

Ite, ite fortes, & mare barbarum,
 Hellenque vinclis stringite ferreis:
 Ite, ite victores, & altos
 Dardanidum renovate muros.

Errone demens ? an video truces,
Afro orbe pullos , atque Afio , Getas ?

Sacroque devinctos duello
Christiadas properare rursum

Ad arma Reges ? Ite faventibus
Cœloque ventoque , & Libyes solum ,
Threcique regnatam Tyrannō
Martē Asiā revocate pulchrō.

Vos poscit Hermus , vos dubius viæ
Mæander : omni vos vocat agmine
Et Tigris , Euphratesque , & ingens
Ille sacræ moderator undæ.

Vos poscit Hermon , vos Libani juga ,
Cedrique longis , atque Oleæ , comis :
Vos Thure , vos Myrrha feraces
Arabiz Syriæque silvæ.

Vos Sancta tellus : illa parentibus
Calcata primis ; illa Dei pede
Plantisque calcata ; cruore
Illa Dei madefacta tellus.

Ite , ite : gentem pellite barbaram
Sione toto , pellite collibus
Betles , Palæstinis superbos
Pellite litoribus Corallōs.

Ite , ite : fœdis solvite vinculis
Dei sepulchrum : figite vertice
Super sacrato signa Thracum ;
Longa pii monumenta belli.

Ite , Ite : vobis nutrit Iordanis
Palmeta campis terra patentibus :
Laureta , Daphne . Tota vestris
Serta ligat regio capillis.

Ite, ite: vinclum temporibus duplex
 Aptate vestris. Vincite, vincite
 Thracasque Bessosque, & Gelono
 Eripite imperium Tyranno.

O, qui gubernas nubibus arduis,
 Nutuque terram concutis & polum,
 Bellumque bellantumque curas
 Imperio moderaris æquo:

Tu militares dirige copias;
 Tu bellicosos duc, Genitor, Duces;
 Duxque esto nobis ipse; nostris
 Ipse præi, Pater alme, signis:

Tu, tu feroces sterne manu Getas,
 Tibique caris exige finibus:
 Tu libera Europam cruentis,
 Tu Libyen Asiamque, monstris.

POLONI REGIS VICTORIA.

ODA II.

A Udivit Orbis verba reor, mea,
 Audivit Æther. Thracia mutuat
 Ad arma concurrere Gentes,
 Auspicio Superum secundo.

Sub mole belli Pannonicum gemit,
 Gemit propinquum Moldaviæ solum:
 Gemunt fatigatæ procellæ
 Hadriaco Ionioque toto

Stenit:

Sternit superbos dux Venetus Getas:

Parat recentes Cæsar adoras:

Adepta Victori Polono

Bistonio nova palma bello.

Spargit triumphum per populos novum

Vectus quadrigis Rumor eburneis,

Cunctasque terrarum per oras

Thræciam sonat æthra laurum.

Vixdum sagaci lumine viderat

Passim vagantes limite proximo

Thracum catervas, bellicosus

Sarmaticæ Moderator oræ,

Cum strenuorum corpore de virum

Manu valentes Regius impetus

Egit Polonorum phalangas,

Et veteres per aperta turmas,

In gentis agmen Tartaricæ, sua

Cohorte vulsum proximioribus

Qua stabat arvis, separata

Finitimi regione campi.

Cædit feroces Sarmata Sarmatas,

Primoque Thracas diruit impetu

Polonus. Europæa vincit,

Sueta Asiam superare, virtus.

Cadunt virorum millia bis duo,

Premittque mento turpe solum Getes:

Premitt Gelonus: interempto

Flava Tyræ rubet unda Bello.

Ast agmen ipsum victor, & hosticas

Omni suorum robore copias

Regnator invadit Polonus,

Et subito necopina ferro

In barbarorum tergora militum
 Sævit cruentus, cunctaque fulminis
 De more prosteruens propinqua
 Funeribus tegit arva densis.

Aut, ut fugaces æthere ab arduo
 Agit volucres litus ad ultimum
 Ales Tonantis, Marte fractos
 Moldavicus fugat ultor arvis.

Ardore Regis concita fervidi
 Ardore pugnat tota cohors pari,
 Ducesque militesque præbent
 Quisque animi documenta magni.

Virtute cunctis prænitet aureum
 Illud juventæ fidus amabilis,
 Ut Luna stellis, eminetque
 Ante alios Iacobus omnes.

Adversa sese mergit in agmina,
 Suaque multos ipse capit manu,
 Prædamque captivosque magno
 Grande refert spoliū Parenti.

Gnatus Parentis signa premit sui,
 Et nunc rebelles ense ferit Getas,
 Cæditque prosternitque, longo
 Nunc Geticas fugat ense turmas.

Deserta tendit per nemora oblitus
 Jam non equino sanguine Concanus,
 Fugitque victorem Polonum
 Præpetibus vaga turba plantis.

Tingunt cruentum cæde sua solum,
 Multoque diri sanguine Tartari
 Pascuntque nutriuntque latè
 Moldavicos Valachosque campos.

Species per agros sparsa Valachios
 Invisa gentis funera barbaræ,
 Et, montis in morem supini,
 Innumeros morientum acervos.

Salve, Poloni gloria nominis;
 Bello valentum gloria Principum;
 Salve, Deorum cura; Martis
 Progenies animosa, salve.

Quæ terra partem nescit adorem?
 Quæ non triumphum, Jane, canit Tuum?
 Quæ non triumphat ipsa? quæ non
 Pro meritis Tibi læta tantis

Applaudit ultro? Jam Tibi, jam Tuo
 Pacata gaudet Marte Podolia:
 Victore Te gaudent beati
 Moldavici Valachique campi.

Tibiscus, omni jam suus alveo,
 Sub signa, Princeps, lenè fluit Tua,
 Savusque Dravusque, & quæta
 Danubius, modò victor, unda.

Descendit alto Vistula Carpatò:
 Prorumpit imo fonte Borysthenes,
 Tyrasque, Patiscusque, & antris
 Pina suis, vitreusque Duna.

Omnis triumphos unda refert Tuos,
 Narratque terris Te popularibus,
 Narrat remotis, dividitque
 Vorticibus Tua regna longis.

Plausu Tuorum, qua patet, amnium
 Respondet æquor. Te mare Balticum,
 Te pontus Euxinus, nivosa
 Te Tanais sonat unda ripa.

Te pronus altis Hungarus è jugis,

Te cæde læti Livones, inclyti

Te Lithuani, Te Borussi,

Te gelidi plaga vasta mundi:

Te militaris rura Croatiae,

Te bellicosæ rura Moraviae,

Te Marte gaudentes Bohemi,

Te validi duce Te Poloni:

Te Rhætus; & Te Vindelicus minax;

Te Dacus asper, Dalmata Te ferox;

Te Panno, Te latè potentem

Illyricus vénéatur orbis.

Audit triumphos Illyricum Tuos;

Audit propinquis Hadria fluctibus:

Utrunque per litus Polonas

Euganea stupet ora palmas.

Surgit profundo Tiberis ab alveo,

Tibique partæ plaudit adorea;

Narratque divulgatque longè

Mæonio Tua bella ponto.

Flavente crinem cinctus arundine

Attollit imo cornua de vado,

Fluctusque volvit grandiores

Undisoni moderator Istri.

Gaudet paratis Te duce laureis

Spectata palmis Austria pluribus;

Victorque Victorem salutat

Ipse sua procul urbe Cæsar.

Tollit superbas æthera in arduum

Vienna turres; illa Tuis modo

Asserta turmis, vindicata

Illà Tuâ modo, Jane, dextra.

Tu, Marte clarus, Marticolam fugas
 Utraque ripa Danubii Geten,
 Totaque dispellis minaces
 Austriadum regione Bessos.

In bella natus Thracia Tu puer
 Ferocientis margine Vistulæ
 Diros repressisti Gelonos
 Jam tenero gravis hostis ævo.

Ætate crevit cum tenera vigor:
 Crevere palmæ; famaue, & imperi
 Dispersa Majestas Poloni
 In Getici latus omne mundi.

Heroa virtus ut Tua publicis
 Admota primum rebus, & aureo
 Regale cum sceptro verendam
 Implicuit diadema frontem,

Movere totis ardua culmina
 Pangæa silvis: limite proximo,
 Timore cognato solutis
 Delicuit Rhodope pruinis:

Erexit undas ipse metu suas
 Muscosus undæ Strymoniaë pater;
 Pontoque demersit propinquo
 Attonitâ caput Hebrus unda:

Aufugit omni Luna procul polo,
 Frustraque poscens fratris opem sui
 Subsedit Ægæas sub undas
 Dividuo pudibunda cornu.

Tu stringis arctâ Strymona compede,
 Frangisque Lunæ cornua Thraciæ:
 Tu nectis invisis Corallis,
 Tu trepido nova vincla Ponto.

Tu Marte pulcher, robore Tu potens;
 Tu Christiani nominis, & Tui
 Polone regni liberator;
 Tu Getici domitor Tyranni.

Tu clara præbes militibus Tuis
 Exempla, Princeps. Milite Te Tua,
 Per tela, per flammæ, per ipsam
 Turba ruit furibunda mortem.

Tu bella, regni finibus è Tui,
 Quò nemo Regum, nemo ducum, prior
 Ivit Polonorum, catervâ
 Quadrupedum peditumque magnâ,

Longinqua pugnæ. Tu scatebras suis
 Educis antris, deficientibus
 Per sicca lymphis, & latentes
 Ipse cavas aperisque fontes.

Tu dura Gnatum bella doces Tuum,
 Doces laborem militiæ gravem,
 Formasque præclaras in artes
 Dîs genitam, duce Patre, Prolem.

Sic bellicosum finxit læsiona
 Bellator Æson: sic genitor suum
 Peleus Achillem: sic Iulium
 Matre Dea generatus Heros.

Sic laude clarum, bella per omnia,
 Decus priorum, Rex Macedo, ducum,
 Duxitque, Pellæumque primis
 Erudiit juvenem sub armis.

Dudum æquat illum nomine, mox manu,
 Ætate Fratri, non animis, minor,
 Princeps Alexander, Patremque
 Jam sequitur, sequiturque Fratrem.

Uterque, Patri mox similes suo,
 Virtute Gnatus Te referet Tuus,
 Tecumque mirantum per ora,
 Per populos volitabit omnes.

Clamore magno te populi sonant,
 Unoque palmas ore canunt Tuas.
 Te nostra, Te præsens honorat;
 Te veniens memorabit ætas.

Pars Te Vetustis esse putant parem;
 Pars anteponunt: hi ducibus ducem
 Ævi hujus exæquant, & ipsi
 Æquiparant simulantque Marti.

Illustriores nec titulos domum
 Vexit petitor velleris aurei;
 Majore nec fama superbit
 Iliacæ populator arcis.

Non plura bello prælia Dardanus
 Pugnavit heros: pluribus aut graves
 Palmis reportavit triumphos
 Memnonii tremor ille mundi.

Immaniores non domuit feras
 Invieta patris progenies Jovis,
 Nec monstra submittere quondam
 Herculeæ graviora palmæ.

Et Tu feroci monstra necas manu,
 Formidolosus Thracibus Hercules.
 Tu victor, humano cruore
 Tu madidi Diomedis ultor,

Ista repletos regis equos dape,
 Ad prima cogis pabula: Tu genu,
 Furentis antiquum furorem,
 Threicii rescas Lycurgi.

Te Scipionem Roma vetus suum:

Gens Mithridatem Pontica : Martii.

Pyrrhum Pelasgi : bellicosa

Hannibalem Libye ferocem:

Bello valentem Te Carolum vocat

Germana tellus : Gallia te suum

Appellat Henricum : Gradivo

Progenitum Sueones Adolphum.

Te Tamrelanum, cæde Gravem, Getes;

Te Scandrebegum; fulmina Thracii

Horrenda belli: Te Gelonæ

Perniciem excidiumque terræ.

Tu militari robore Tartaros,

Tu Marte dirum Moldavico Geten

Exscindis, Edonamque cogis

Sarmatiæ juga terre gentem.

Valente Lunæ cornua Tu manu

Frangis Gelonæ: cornua maximus

Infregit Alcides ut olim

Indomitis Acheloa palmis.

Descendit alto Luna tremens polo,

Tuæque, Princeps, ad sonitum tubæ,

Ceu carmine excantata, mergit

Bosporeo trepida ora ponto.

Nil æra profunt auxiliora,

Vanæque voces: æthere jam suo

Deducta, jam verè laborans,

Sola timet Tua, Victor, arma.

Te celsa motis Ismara rupibus,

Te cana latè Sithoniæ juga,

Te rura Byzantina, Thracum

Te profugo pavet aula Besso.

O triste diris exitium Getis !
 O grande terris præsidium Tuis !
 O caussa , momentumque magnum
 Expliciti per acuta belli !

O strenuorum ductor Iazygum !
 O Jagelonum ductor , & inclytum
 Sidus Lechææ gentis , ingens
 Parrhasii Cynosura cœli !

Tu parte cœli siderea polo
 Nitebis olim lucidus aureo ,
 Auro coronatus superno ,
 Æthereo redimitus ostro.

Inter beatos ætheris ardui
 Tu stabis ignes , Arctophylax novus ,
 Telluris Arctœ , & nivosi
 Cura vigil , columenque , mundi.

Tu , falce Perseus terribili , polo
 Micabis alto : Tu trepidos procul
 Terrebis Orion Gelonos ,
 Fulminco metuendus ense.

Te sidus ignes ætheris aurei
 Colent minores. Supplice Te genu
 Adorat Alcides , & ultro
 Ipse suum Tibi pandit astrum.

Te Thraca summo Luna videns polo ,
 Pallefcet omnis ; cornua contrahet ;
 Tuosque contemplata vultus
 Aërio teget ora velo.

V I C T O R I Æ
C Æ S A R I A N Æ
A C C E S S I O.

O D A I I I.

Q Uis ô, quis æstro me stimulat novo
Phœbus? Quis altas Dædalus in vias,
Perseusve, Pegasusve, suetas
Ire polo mihi præbet alas?

Adeste pennis ocyus omnibus,
Et Dædaleo cautius Icaro
Tergoque dereptum pedique
Cedite remigium volanti.

Negatis? alas Fama dabit suas.
Tellure segnis quid moror? Armiger
Jovisque Cæsarisque remos
Ecce suos mihi donat ales.

Jam jam nitenti, dum loquor, alite
Immutor omnis: jam mihi decidunt
Per crura pelles: jam supernæ
Terga tegunt humerosque plumæ.

Libet relicto tollere me solo,
Urbesque camposque, & populos procul,
Montesque, subjectasque nubes,
Non humili superare nisu.

Libet, triumphos Cæsaris, & Virum
 Spectare palmas Auxiliarium,
 Belloque decerptas Gelono
 Austriadum numerare lauros.

Subite, Venti; meque per aëra,
 Latique campos ætheris arduos,
 Raptate sublimem, poloque
 Vestra meum regat aura cursum.

Parent: In altum jam levor aëra,
 Non ante visas jam video domos,
 Rhenumque Mænumque, & rubentem
 Thræicia Scythicaque cæde

Contemplor Hîrum, sanguine plurimo
 Quæ spumat amnis, multaue barbaræ
 Truncata gentis membra; multa
 Tela virum, clypeosque, volvit.

Hic Bavareos, hic Lotharingios
 Pulchris in armis conspicio Duces
 Fulgere latè, dirutamque
 Marte suo renovare Budam.

Hic laude claros intueor viros,
 Budæ nigrantes pulvere nupero,
 Taboque turpatos decoro,
 Pannoniæis volitare campis.

Hic, hic Walæos, hic Veteranios:
 Hic, hic Caraffas: hic Othomannidum
 Specto catervas; & fugatos
 Quadrupedum peditumque nimbos.

Specto repulso obsidio Getas;
 Specto phalangas Cæsaris; & domos,
 Portasque murorum reclusas
 Indomiti modò Segetini.

Urbis propinquæ conditionibus
Specto labantem, Quinque suum loco
Delubra cui nomen dederunt,
Pannonii pede trita Jani.

Expugnat altam robore militum
Badæus urbem. Fulguris in modum
Hac Simothornam victor, illac
Binabaram sibi subdit Arcem.

Quis iste? fortem num Veteranium
Agnosco rursus? num validi ducis
Cerno catervas, cerno turmas,
Innumeris gravidas tropæis?

Agnosco gentis funera Thraciæ;
Agnosco diri funera Sarmatæ;
Palmasque, victricesque lauros,
Barbarici spolia ampla belli.

Hac Scherffebergum conspicio ducem
Bello probatâ Sicliacas manu
Tendentem in arces : hac Badæo
Darda cadit superata ferro.

Fumat, Badæâ subruta dexterâ,
Superba moles, eximia, inclyta,
Effekkerani pontis, ævi
Illud opus, labor ille, longi.

Tradit minantes nubibus arduis,
Labentis anni finis, & ultima
Huc usque belli palma, tradit
Pinigeras Capovivra tures.

Regalis Albæ jam video brevî
Muros labantes : vestraque mœnia,
Canisca, Belgradum, Sigetum,
Mox parili ruitura fato.

Habet :

Habet : peractum est. Moenibus, Arcibus
 Excedit omnis Pannoniæ Geta,
 Hinc derelictis, inde captis;
 Hinc profugis per aperta turmis.

Tegunt catervæ, quæ patet, impiæ
 Immensa glebæ jugera non suæ,
 Multusque cæſorum cruore
 Finitimis tumet amnis arvis.

Jam Dravus undis liberioribus,
 Jam leniori murmure labitur
 Tibiscus, & bello receptâ
 Jura subit Tua, Cæſar, undâ.

Jam latiori grandior agmine
 Superbit Iſter, longius & ſuas
 Extendit oras, quæ Viennam,
 Quæ mediam ſecat amne Budam.

Levat peruſtum Buda caput, levat
 Vienna, Thracum nuper ab impetu
 Deſenſa Starrenbergianis
 Conſiliis animiſque magnis.

Quantum hic Gelono diſſidet (ô pudor!)
 Gelonus iſto, milite qui truci,
 Lætaque fortuna ſuperbo,
 Cæſaream modò cinxit urbem!

Reliquit urbem Cæſaris, integram
 Reliquit hoſtis Pannoniam Getes,
 Intraque præſcriptum minore
 Nunc equitat vagus ille campo.

Ubique clades, innumerabilis
 Ubique prædæ copia, Equi, Viri,
 Haſtæque, Acinaceſque, & Æris,
 Et rutili grave pondus Auri.

Ubique

Ubique Glandes, & Globi, ahenea
Ubique, multis fæta tonitruis,
Tormenta, Balistæque, & imo
Progenitus Phlegethonte Pulvis.

Cæsis, fugatis Signa Othomannidis
Derepta, Templis omnibus, ac Tholis
Affixa, tellurem per omnem
Hungaricam, Austriacamque, pendent.

Spectat superbas lætus adoreas,
Interque palmas, & spolia inclyta,
Suos recognoscens triumphos,
Vindibona sedet urbe Cæsar.

Ante ora magni Cæsaris, ardua
Jam non minantes, jamque humili, Duces,
Pronoque submissoque vultu,
Ordine eunt, Populique, longo.

Audit triumphos Austriadum, suas
Audit ruinas, & gravius malum,
Stragemque, fatalemque casum
Ismarii timet aula Regis.

Uterque lymphis Bosporus omnibus,
Hæmusque summis, & Rhodope, jugis,
Murique Byzantini, & arces
Odrysii trepidant Tyranni.

En ipse fædis cladibus exitum,
En ipse pacem (credite posteri)
Lenonibusque, nuntiisque,
Et precibus, pretiisque magnis,

Jam non superbus, jam genibus minor,
(O Christiani gloria nominis!)
Exposcit ultro, Christiano
Ille diu metuendus orbi.

Jam Cæsari atrox ille Othomannicæ
 Regnator oræ , Bistonis Austriæ ,
 Urbs alta Byzanti Viennæ ,
 Danubio famulatur Hebrus.

Liquit Gelonas , quas habuit modò ,
 Gradivus urbes , ruraque Thracia ;
 Domumque mansuramque sedem
 Austriacos sibi legit agros.

Ducunt triumphos , usque recentibus
 Augusta vincti tempora laureis ,
 Hac Cæsar , hac victor Polonus ,
 Hac domitis Venetus Gelonis.

Commune bellum sustinet , adjuvat ,
 Urbs septicollis , quaque potest ope ,
 Votisque , bellorumque nervo
 Multiplici fovet ære Roma.

Altis Quirini collibus aureos
 Desudat imbres. Excipit , & suo
 Mox anime devolvit sub æquor
 Ausonium Tiberinus aurum.

Quid hoc ? Etrusco num Tiberi suas
 Dat Hermus undas ? Proximus an loco
 Migravit , auratâque lymphâ
 Per Latios Tagus errat agros ?

Jam copulatos fœdere mutuo ,
 Jam cerno in armis stare Duces novis :
 Jam pace , jam bello subactum
 Cæsareo video Gelonum.

Descendit Arcto Russus ab ultima ,
 Turmasque turmis , inclyte Cæsarum ,
 Et pila pilis , signa signis ,
 Arma Tuis sua jungit armis.

Jam jam ibit omnis Thracia sub Tuas,
 Auguste, leges: jam Tua sub juga,
 Tuis reservatus triumphis,

Perdomito fluet Hebrus Istro.

En murmurantis se populi minis
 Subducit, arces deserit en suas,
 En linquit Europam Tyrannus,
 En Asiæ petit arva, Bessus.

Sed quò supernâ quò rapior viâ
 Canorus ales? quo feror æthere?

Ah parce cursu, parce ventis,
 Parce tuis, animose, remis.

Instat volatus mox alius tibi,
 Ultraque montes, & maria, inclyta
 Te poscit Hellas, te superbus
 Argolicæ populator oræ.

Quin nunc paternum rursus ad Amstelam
 Secedis? Isto margine confide

Securus; herbosæque ripâ
 Depositis requiesce pennis.



VENETORUM VICTORIÆ.

ODA IV.

SUspende fluctus, ultimum & hoc mihi
Favente vati carmen Apolline
Concede, qui latè potentes
Amstelidum lavis amne muros.

Et Tu, profundum quæ regis Adriam,
Decus Latini nominis, Italæ
Regina terræ, nata ponto,
Nata mari Venus Hadriano.

Tu clara bello, Tu calamo potens,
Et pacis artes, & studia hæc colis
Amæna. Tu mundo dedisti
Naugerios, celebresque Bemboſ.

Nec Tu Batavi carmina pectinis,
Vatisque vestro non geniti solo,
Puto recusabis, meumque
Despicias, Generosa, plectrum.

Non primus arces tollor in arduas
Latè patentis per spatium poli:
Cantove divulgove primus
Res Venetas, Venetasque lauros.

Hoc ante Graswinkeliuſ, Heinſiuſ
Hoc ante, noſtri lumina Belgii,
Fecere, felicique niſu
Euganeæ placuere genti.

Hoc fecit isto Gallus olor modo,
Hoc fecit ipso scilicet in loco,
Bellumque, navalemque pugnam,
Et Venetos cecinit triumphos.

Nec Te Camœnæ pœniteat meæ,
Tibi dicatum quæ, procul Adria,
Procul Timavi fonte, læto
In Batavis sonat ore carmen.

Haud jungit unum nos Tibi vinculum,
Tuæque non tam dissimilis rei
Res est Batavorum, nec urbi
Urbs Venetûm spatiosa nostræ.

Uterque ponti progenies sumus:
Uterque, spreto libera gens jugo:
Utrique sunt Signum Leones:
Ille Librum tenet, ille Ferrum.

Uterque fluctus findimus asperos,
Uterque vasto jura damus mari,
Terrasque per fluctusque, nostras
Terra timet, timet unda, leges.

Hinc evolantes sæpe Tuos sinus
Videre puppes: sæpe rates Tuas
Juvere nostræ: sæpe ponto
Ambiguam peperere palmam.

Quin nunc adeptam nuper adoream,
Toto fugatis æquore Barbaris,
Gratamur, ut nostram, Tuoque
Plaudimus, ut Batavûm, triumpho.

O imbecilli, nec validæ satis,
Si tanta voci vis foret, igneo
Huic pectori inclusus, medullas
Ardor edit mihi quantus imas,

Semota non me tot spatius via,
Non ira venti, non furor Adriæ,
Non clangor armorum, cruenti
Non strepitus fremitusque belli:

Non ulla tandem vocis iter meæ
Res impediret, quin procul Itala
Et æquora audirent, & omnes
Ausonii mea verba colles.

Audite, colles Ausonii, Itali
Audite fluctus: Tuque salo potens
Regina, cui litus Latinum,
Cui Superum famulatur æquor.

Audimur: & jam vox mea diffitas
Perrumpit oras: atque aliquis meum
Hoc carmen ad ripam Timavi,
Aut Venetas resonabit undas.

Audimur. Iras improbus Adria
Jam ponit omnes: jam cytharæ sonum
Exaudit, assensuque longo
Euganei filet unda ponti.

Sed unde laudes, unde precor, Tuas,
Tuasve palmas ordior, æquoris
Regina magni, quove quæso
Ore Tuos celebros triumphos?

Quæ finis, aut quod principium meis,
Quis ordo, Musis? obruor agmine
Laudum Tuarum: nec Camœna
Digna Tuis canat ulla palmis.

Hinc urget undis Iōnium suis,
Hinc instat Ægæum, hinc mare Creticum,
Hinc Isthmus, hinc belli cruentis
Cæde vitis animosa Sparte.

Hinc

Hinc Phocis, hinc me poscit Achaia,
Hinc terra poscit Palladis, hinc valens
Epirus, hinc Bœota tellus,
Hinc Zephyris animata Tempe.

O qui beatum Thessaliæ nemus,
Pindique summum, Phœbe, tenes jugum,
Montemque Parnassum, & virentem
Perpetuis Heliconæ lauris:

Et vos parentis progenies Jovis,
Blandæ Sorores, quæ Clarias aquas,
Fontis Caballini liquorem
Quæ bibitis, vitreamque Cirrham:

Atlantis & tu stelliferi inclyte
Nepos, virorum Mercurialium
Tutela, Cyllenes nivofo
Fusæ jugo, citharæ repertor:

Vos, oro, pugnas dum Venetum cano,
Vicina vobis dum cano prælia,
Favete cantanti, favete,
Et Clarios aperite fontes:

Vos, vos canenti bella virum mihi
(Vidistis altis vos etenim jugis)
Narrate, victtricemque classem,
Et Venetas memorate palmas:

Aut in supremo Tæygeti jugo
Locate sublimem, ut Pelopis domum
Hinc universam contueri,
Et profugos valeam Gelonos.

Tenebat istas, sæcula jam duo,
Gelonus oras: jamque diu nimis
Urbes Achivorum gemebant,
Odrysiis domitæ lupatis.

Videre Gentes imperium ferox
 Latè tyranni Regis, & impium
 Examen; Edonoque pressos
 Servitio doluere Grajos.

Hanc sæpe gentem Cæsar, & impiger
 Polonus, acres & Veneti, sua
 Ivere subversum per arma,
 Et variis petiere bellis.

Frustra. Amputata parte valentior,
 Novaque semper clade terocior,
 Hinc urit Europam nefandis,
 Hinc Asiam Libyamque, vinclis.

Nunc in propinquos Pannonas impetum
 Facit protervus, nunc gravis Austriæ,
 Nunc nomini infensus Polono,
 Nunc Venetæ gravis hostis oræ.

Quin & catervis Cæsareos suis
 Terrere muros ausus, & hanc sibi
 Promittere urbem, Christiano
 Excidium minitatus orbi.

Gentis furorem non tulit impiæ,
 Suoque tandem vidit ab æthere
 Rem Christianam, sèque dignâ
 Intumuit Deus ultor irâ.

Meæne, dixit, ludibrium Getis
 Erunt catervæ? vincætaque compede
 Per tela, per flammæ, peribit
 Immerito mea turba letho?

Orbsine terræ Barbarus optimis
 Insidet agris? & Libyæ solum,
 Grajamque Judæamque terram,
 Et pedibus loca pressa nostris

Abominandus nominis hic mei
Habebit hostis? Non ita. Surgite
Regesque Gentesque, & Gelonum,
Auspice me, renovate bellum.

Sic fatur, altum qui regit æthera.
Paret monenti mundus, & impii
In bella descendunt Tyranni
Finitimæ, mora nulla, gentes.

Æterna pangunt fœdera, mutuas
Junguntque vires Cæsar, & inclytus
Regum Polonus, fortiumque
Dux Venerum Venetique Patres.

Nodo ligatis triplice Gentibus,
Contra scelestam Fœdifragi manum,
Gentisque perjuræ catervas,
Quisque animo parat arma magno.

Sed subjugandis ante alios Getis
Nulli secundus, proximus ut loco,
Tellure sese armat marique
In Geticum Venetus Tyrannum.

In bellum ituris dux legitur viris,
Bello valentum grande decus virum,
Clarus triumphis, clarus ille
Egregiis Morosinus ausis.

Solvit paterni litore de soli,
Prænoque classis labitur æquore.
Implentur auris vela: motis
Hadriacum gemit omne remis.

Est in reductis Iönii maris
Zacynthus undis: litore nobilis
Portuque tellus. Deligebat
Hanc Venetis Morosinus alnis.

Venere eodem, gurgite quos suo
Tyrrhena misit Tiberis in æquora,
Quos Arnus & portus Liburni,
Quos Melitegenerosa, remos.

Urget catervas quisque Ducum suas.
Dant vela ventis. atque aliquid Getis
Magnumque narrandumque juncta
Christiadum minitantur arma.

Tremitt remoto Chius in angulo,
Jovisque cunæ Creta; tremitt procul
Eubœa, regnatæque quodam
Oenomao Pelopique terræ.

Cœlo minantes ecce Pylos suas
Jam tradit arces, & Vetus & Recens,
Nelei vetusti Nestorisque,
Nunc Italûm, Veneratûmque, sedes.

Pyli ruentis murmur, & horridum
Belli fragorem litore proximo
Audit Methone; jamque causa,
Jamque pari ruit ipsa fato.

Pandit patentes ecce sinus, sinu
Celebris, ipso nobilis & situ,
Methona, jam bello recepta,
Jam Veneti, velut ante, juris.

Correpta belli turbine Nauplia,
Urbs bellicosi strenua Nauplii,
Ceditque, submittitque turres.
Et Veneto juga celsa scepro.

Nil arma possunt auxiliaria,
Nil ulla belli machina, nil viri,
Nil murus, & montis propinqui
Aërium, nihil unda, vallum.

Cæduntur hostes undique : cæditur
Ductor Geloni proximus agminis :
Terraque victa , victa ponto ;
Sub dominos redit urbs priores.

Iö Triumphhe ! nec semel Italis,
Iö Triumphhe gentibus ! & tibi
Telluris everſor Gelonæ,
Dux Venetæ , Morosine , classis !

Quis credat ? Uno quatuor oppida
Tu vertis anno. Tu Veterem Pylon,
Novamque , & invictam Methonen ;
Tu validam Palamedis urbem.

Quid subjugatos orâ aliâ Getas ,
Tibique partos , aut Ducibus tuis ,
Narro triumphos ? Testis omne ,
Illyricum mihi ; testis omne ,

Tabo cruentum , Dalmatiæ solum :
Est tota testis Græcia ; Creticum
Est æquor , Ægæumque , testis ;
Iönium mihi testis æquor.

Jam tota , qua se porrigit , Insula
Dat bellicosi se Pelopis tibi ,
Threcique subducunt volentes
Servitio sua colla Graji.

Cessit catervis , nec puduit , tuis
Nuper Corone , cessit & impotens
Tibi Theramne , cessit omnis
Leucadio sita terra ponto :

Et quæ per undas sparsa Saronicas ,
Sortita magno nomen ab Æaco ,
Sese ipsa victori reclusit ,
Myrmidonum genetrix valentum.

Jam cedit Argos, jam veteres tibi
Cedunt Mycenæ: proxima jam tibi
Cedit Corinthus, cedit Isthmus,
Et gemino loca pulsa ponto.

Submittit arces Sparta tibi suas:
Longéque culti finibus è soli,
Jugum Gelonorum perosæ,
Sponte tuas subiisse leges

Gaudent Athenæ: jam tibi debitum
Solvunt tributum; jam tibi debitos
Reddunt honores: jam subactæ,
Jam Venetæ ditionis, urbes.

Mox & Maleam subjicies tibi,
Leuætrumque, Patrasque, & validam manu
Trœzena, subjectamque quondam
Euganeis Epidauron armis.

Quin, ampliatis finibus imperi,
Epirus omnis, Theffalia, Attica,
Et Phocis, invictæque Thebæ,
Et Macetum generosa tellus,

Se tradet ultro. Quin geminum tibi
Se tradet æquor: totaque se tuis
Zacynthus, & Corcyra, & omne
Dulichique Ithacæque regnum,

Naxosque, Delosque, & Chius, & Samos,
Lesbosque Lemnosque, & Parus & Claros,
Et Scyrus, Eubœæque tellus,
Et pueri Jovis aula Crete,

Submittet armis. Perge, precor, modo:
Adspirat æther, & facilem tibi
Dat aura cursum: perge tantum,
Ecce tibi favet aura, perge.

Non vana canto. Proxima te vocat
Eubœa : centum te vocat oppidis

Negatque respuitque Creta
Ismariis dare terga loris.

Narrat triumphos, narrat adoras,
Suoque partas pulvere laureas,
Tellus Achivorum, tuasque
Unanimi canit ore laudes.

Agnoscit in te Græcia Martios,
Quos ipsa quondam progenuit, duces,
Palmaque laureaue claris
Assimulat tua facta Grajis.

Bello potentes te Philopœmenen
Credunt Achæi: te Salaminiae
Credunt Neocliden procellæ;
Miltiaden Marathon valentem,

Larissa Achillem te putat: inclyto
Laërte cretum prisca Samos ducem:
Priscum Argos Atriden: Lacæna
Egregium Menelaon ora.

Te Lerna, te Stymphalus, & horridæ
Silvis Cleonæ, te Nemee suum
Miratur Alciden, tuosque
Herculeis Erimanthus actis

Æquat labores: te Pholoës jugum
Declive, nigri te juga Tænari
Tremunt, Avernalesque fauces,
Te Stygii tremuit aula regis.

Tu more diros Cerbereo Getas
Formidolosæ robore dexteræ
Frangis, catenatosque ducis
Argolica regione Thracas.

Jam jam triumphis ferta Sacri tuis
 Ligant Agones: jam Nemeë tibi,
 Jam plaudit Isthmos, plaudit Echo,
 Et gemini procul unda ponti.

Jam jam capillis nectit Olympicam
 Tuis coronam; præmia jam parat,
 Equosque, victoresque currus,
 Et meritas tibi Pisa palmas.

Tibi corollas, pulvere cum Sacro,
 Provolvitur amnis; te stupet è suo
 Alpheus antro; te salutat
 Occiduis Erafinus undis.

Te fons Charadri, te sonat alveo
 Asopus omni, te pater Inachus,
 Te flavus Eurotas, loquaci
 Te vitreus sonat amne Ladon.

Salve, tropæis inclyte bellicis,
 Salve, Latini grande decus soli;
 Terror Gelonorum, Pelasgæ
 Dulcis amor columenque terræ.

Et Tu, virorum nobilium ferax,
 Manu valentum clara parens virum,
 Regina telluris Latinæ,
 Hadriaci Dea magna ponti.

Tu jura terrâ, Tu pelago procul
 Das jura toto: finitimæ Tuo
 Undæque gentesque, & remotæ
 Imperio famulantur urbes.

Tua est, Latino quam posuit solo
 Antenor urbem. Te procul Addua;
 Te fons Timavi, te propinqua
 Medoacus veneratur unda.

Tibi

Tibi minores Pannonii, Tibi
Porrecta latè Dalmatia, asperi
Tibi Liburni, bellicosa
Illyriæ Tibi servit ora.

Te Divam aquosæ, Te Dominam, plagæ
Pronis adorat fluctibus Adria;
Blandumque pacatumque stratis
Iönium Tibi fedit undis.

Latè potentem Te Siculum mare,
Bello valentem Te mare Creticum
Agnoscit, Ægæumque, & omni
Carpathium Icariumque ponto.

Tibi Pelasgi, Grajaque plurimæ
Tributa pendunt per maria insulæ:
Tu litore utroque, universâ
Tu Pelopis dominaris aula.

Nec se ulla famæ fama vetus novæ,
Ullive partis nuper honoribus
Æquent se honores, nec priorum
Palma Tuis alia ulla palmis.

Non, cum cruentis sanguine Thracio
Ruberet undis, transtraque barbara,
Fractamque submersamque classem,
Æoliæ mare vidit Helles:

Non, cum Getarum carbasa cerneret
Naupactus, omnis fugit & in Sinum
Corinthus, obstructæque fauces
Funeribus gemuere densis.

Lassavit omnem Fama tubam, Tua
Dum cantat arma, erectaque nuperis
Tropæa bellis, debilesque
Continuo per inane cursu

Attrivit alas : Nubila Te super,
Vastique campos ætheris , aureis
Tollit quadrigis : Te per omnes
Remigio metuente solvi

Dispergit oras. Tu medio in mari
Fundata , Divum non sine numine,
Ringente terra , tot per annos
Hadriaco dominaris omni.

Jam sæcula , annis prætereuntibus ,
Fluxere bis sex integra , cum Tuas ,
Ut ante Trojanas , Latini
Fluctibus in mediis profundi ,

Stupente toto Nereïdum choro ,
Longùm potentes Nereidum pater
Formavit arces , æquorisque
Fræna Tibi dedit Hadriani.

Tuetur idem , qui posuit , Tuas
Fundator arces : Te sibi vinculo
Adsciscit uxorem jugali
Æquoreæ moderator undæ.

Tu conjugalem , Sancta , viro fidem
Merso quotannis fluctibus annulo
Testaris , & Regem marinum
Ritè dato Tibi jungis auro.

Tu temperati legibus imperî ,
Tot bella contra , tot mala , cunctaque
Perdentis ævi damna , perstas
Innumeris super una sæclis.

Te sæpe gentes litoris Histrici ,
Te sæpe gentes litoris Itali
Bello petiverunt : remotæ
Sæpe Tuam cupiere dudum

Gentes ruinam. Tu tamen, ilicis
De more, nullis fracta bipennibus,
Perfistis, & belli furentes,
Ut pelagi, superas procellas.

Tecum, Latinis edita fluctibus,
Libanda nullo tempore, substitit
Intacta Libertas, nec ullo
Succubuit temerata ferro.

Prognata Tecum, vertice quæ sui
Prognata patris, consilio & manu
Potens Virago, fida coëptis,
Fida Tuis comes illa bellis.

Hæc pacis artes Te docet, hæc graves
Belli labores: hæc proprium Tibi,
Firmumque, lapsurumque nullo
Imperium stabilivit ævo.

Per quinque tantum sæcula res stetit
Romana; septem sæcla, Laconica:
Tu pænè bis septem superstes,
Aufonium moderaris orbem.

O Hadriano Diva potens mari,
Æterna, prudens, libera, Martia,
Ocellæ telluris Latinæ,
Aufonii decus omne mundi.

Tu clara belli pulvere. Te pavent
Utroque Gentes litore: Te colunt
Regesque Cæsaresque: Grajus
Te dominam veneratur orbis.

Antiqua sese jam Pelopis domus,
Jam tota sese tradidit Insula,
Longèque jam latèque victa
Marte Tuo Tibi servit ora.

Fallorne? an omnis Gæcia mox Tuas,
 Cervice dempto, quo premitur, jugo,
 Itura sub leges? brevique
 Dalmatiam sibi junget omnem?

Tu Graja dudum legibus oppida,
 Grajique multas æquoris insulas,
 Tuis regebas, & Pelasgis
 Jura dabas populis Latina.

Quin ora sese Bistoniam Italiam
 Subjecit armis. Te dominam sui
 Videre Byzantem, fugati
 Urbe sua, folioque, Thraces.

Tu dira terris nomina liberis,
 Mundique natos exitio Getas
 Evertis, armorumque luce
 Attonitos trepidosque late

Terres Gelonos. Culmine Te tremunt
 Pangæa summo: Te tremit æquore
 Pontusque Bosporusque toto:
 Te refugâ tremit Hebrus undâ.

O clara palmis claraque laureis!
 O major ævi dentibus invidi!
 O gentis affertrix Pelasgæ!
 O Geticæ domitrix Tyranni!

O lux potentum, gloriaque, urbium!
 O vera Martis, veraque Palladis,
 O vera Neptuni propago!
 O Italæ Cynosura terræ!

Te terra longum gaudeat Italia
 Te Graja tellus. In mediis sali
 Te servet, & belli, procellis,
 Æthereæ Moderator oræ.

Tu vero avitas, quīs stetit hactenus,
Defende Leges, & totidem, precor,
Quot floruisti, pluribusque,
Rem Venetam tueare, sæclis.

Tuque, eminentum gloria Principum,
Ingens vetusti gloria stemmatis,
Justiniane, Marte claræ
Præsidiumque, salusque, terræ.

Tu, strenuorum Dux Venetum, Tuo
Juva sagaces consilio Patres,
Annosque per plures favente
Rem Venetam moderare cœlo.

Et Tu, beatæ quæ Venetum Rei
Par es nec uno, Res Batavum, modo,
Tellure, navalique bello,
Innumeris redimita lauris;

Par esse posses hoc utinam modo,
Et juncta nodo, vinetaque, mutuo,
Et tempore, & annis, & ipsis
Rem Venetam simulare sæclis.

Et Tu, Batavi grande decus soli,
Stares tot annos, urbs utinam Amstela,
In æquore Australi, quod illa
In mediis salis Hadriani

Duravit undis. Hoc velit Amstela
Fundator urbis. Conditor imperi
Hoc faxit, hoc donet, Batavi.
Id solidum mihi meta votum.

MANIBUS
FREDERICI
GULIELMI MAGNI
D. G. MARCHIONIS BRANDEBURGICI,
S. R. I. OCTOVIRI

&c. &c. &c.

ODA V.

Qui luctus; aut qui planctus ab ultima
Auditur Arcto? quis gelido sonus
Ab axe; quod ferale murmur
E media venit urbe Brenni?

In se coactis nubibus hispidus
Nigrescit æther: diffugiunt polo,
Nunquamque non visi videri
Solliciti renuunt Triones.

Suspirat imo conditus alveo
Visurgis: omni gurgite turbidus
Luget Viadrus; luget Albis;
Et querula lacrymantur unda.

Cælo minantes urbs Berolinia
Submittit arces. Ingemit, ingemit;
Longumque dispergit dolorem
Hercyniæ per opaca silvæ.

Lugu.

Lugubris antris è nemoralibus
Respondet Echo : dant gemitum procul
Montesque convallesque : mœstum
Per Batavos sonat aura campos.

Ergo perenni, flebilis omnibus,
Sopore vinctus nunc jacet, inclyta
Stirps illa Brenni, fama gentis,
Fama sui, Fredericus, ævi.

Heu quantum ab Illo diffidet Hic Viro,
Quem sæpe belli pulvere sordidum,
Cruore quem belli madentem
Finitimæ tremuere gentes!

Te sensit olim Sarmata, Te Scythes,
Te Marte claræ rura Borussæ,
Te natus ad bellum Suëvus,
Te Geticus, Frederice, mundus.

Victrici inumbrat fronde Tibi comam
Polona laurus : Ferberolinia
Te cingit implicatque palma :
Te viridi Stralesunda vinclo.

Te Ruga terris omnibus, omnibus
Te narrat oris Stettinium, Tua
Asserta dextra : Te, recepti
Marte Tuo, memorant Borussi.

Te, laude semper laude recens nova,
Nunquam caducis vestit adorea
Borussa ramis ; tot tropæis,
Tot spoliis gravis, ac triumphis.

Pacata Te Germania vindicem
Agnoscit ultro. Te veteres super
Extollit Heroas, novosque :
Te supera locat arce Virtus.

Non ulla sistunt Te juga : flumina
Non ulla. Magno Tu ruis impetu ,
Per tela , per flammās , per ipsum ,
Cuncta hieme glaciante , pontum.

Tu militares (credite posteri)
Per congelatum frigore Balthicum
Ducis cohortes , territasque
Attonitos necopinus hostes.

Tu , Christiani nominis inclyta
Tutela , turmis auxiliariis ,
Tuaque fortuna , Tuisque
Auspiciis opibusque magni

Juvas catervas Cæsaris , asperi
Pars magna belli. Robore militum
Illius invictæ Tuorum
Mœnia procubere Budæ.

Tu subjugatis Marte Tuo truce[m]
Nunquam exprobrasti victor adorem ;
Lenisque pacatusque captas
Restituīs generosus urbes.

Tu sæva mutas tela ligonibus ;
Tu pace bellum , pacis amans bonæ ;
Priorque lauro , pulchriorque ,
Est oleæ Tibi termes omni.

Tu læta terris otia Teutonis
Largiris : artes , urbibus : improbis
Messē colonis : æs , egenis :
Jura , foro : populo , Parentem.

Vultu benigno , lumine Tu bono ,
Ad clausa nulli limina supplices
Admittis exaudisque cives ,
Par populo similisque Princeps.

Tu mente pura , pectore candido,
Sola colendum mente colis Deum.

Huic nomen immortale , cunctos
Huic titulos pius , huic triumphos

Adscribis omnes. Hoc Duce & Auspice,
Tu iusta pugnas sanctaque prælia;
Tendisque in hostiles catervas,
Nec gladios metuens , nec hastas.

Ad bella ituros Thracia Tu duces,
Quamquam excitatos sponte sua , Tuo
Hortaris exemplo , Tuisque
Extimulas animasque verbis.

Te corde gestans , ac monitus Tuos,
Discedit agmen , moenia transilit,
Tuique non oblita frangit
Indomitam Tua turba Budam.

Secunda præsens bella alius gerat,
Tu vincis absens , dumque manes domi,
Foris triumphas , & Gelonas
Ore fugas animoque turmas.

Tu bella , Princeps , inter , & aspera
Virum arma , Menti templa struis Bonæ;
Martique conjungis Minervam;
Et profugas Helicone Musas.

Te Francofurtum , gurgite proximo;
Te Mons Borussus , Saxaque Regia;
Te Teutoburgum , Cliviæque
Munificum celebrant Camcenæ.

Tu Vasa , Gemmas , Signa , Numismata,
Tu mille passim & mille volumina
Inquiris usque colligisque
Magnifico potiora sumptu.

O laude, Princeps, inclyte bellica!

O Christianis inclyte laudibus!

O litterarum! longiore

Digne colo, niveoque filo!

Rerum Parenti visum aliter Deo.

Nempe est eundum, cum-vocat. Illius

Cedis voluntati, Deoque,

Quod dederat Deus ante, reddis.

Tu mortem eodem lumine conspicias,

Quo Ductor hostem; non timidus mori;

Turbamque circumstantem, & omnes

Morte doces moribundus, ipsam

Sprevisse mortem: quam penitus nigro

Damnavit Orco, qui prius, innocens,

Salute pro nostra, nefandam

Ipse obiit subiitque mortem.

O omne vitæ per spatium Tuæ,

O morte clarum! Fortis & impiger,

Utque imperatorem decebat,

Stans moreris, Frederice Princeps.

Relinquis arcem Tu Beroliniam,

Relinquis urbem: sed simul & Tui

Magnumque, mansurumque, linquis

Civibus ac populis amorem.

Te tota flet Germania: maximus

Te plangit undis Danubius suis:

Te Mosæ, Te Rhenus bicornis;

Te Batavi lacrymantur amnes.

Te militaris, civica Te cohors,

Te plorat omnis Pieridum chorus:

Te plorat ipsa dissolutis

Relligio, Pietasque, vittis.

Mœret peremptum præ reliquis Patrem,
Quem major urit, quem propior dolor,
Hujusce solamen doloris,
Digna suo Genitore Proles.

Hic mente, Princeps, Hic animo Tuus,
Cœloque lapsi viribus ingenî,
Te digna molitur, paratque
Regifico Tibi busta sumptu.

Dolore scissis vestibus in Tuo
Procedit omnis funere civitas;
Ducesque militesque versis
Exequias comitantur armis.

Longo sequentum duceris agmine
Ad destinatum Principibus locum,
Sedesque Majorum superbas,
Marmorea tumulandus urna.

Te tollit urna, qua licet; omnium
Per ora spargit Te Soboles Tua;
Tuasque virtutes per orbem,
Per populos jubet ire cunctos.

Oblivioso Te tumulto eripit,
Quæ sola fortes carmine Pieris
Æternat Heroas, suisque
Nobilium monumenta chartis

Signat Virorum. Surgite, surgite,
Novem Sorores: tendite barbiton;
Patremque, Vindicemque vestrum,
Quo meruit, celebrate cantu.

Vos eruditum dicite Principem:
Vos sempiternis tollite laudibus,
Virtutis hæredem Paternæ,
Composito Genitore, Gnatum.

FREDERICO TERTIO,
 MARCHIONI BRANDEBURGICO
 S. R. I. OCTOVIRO,
 Cæsaris Insula expugnata.

ODA VI.

INvicta Brenni Progenies, Patri
 Par, Gnate, Magno; pectore enim Tuo
 Spirare virtutes Paternas
 Fatidica cecini Camœna

Non vanus augur. Tu placidas foves,
 Ut Ille, Musas: Tu colis asperum,
 Ut Ille, Martem; subruisque
 Cuncta Tuis metuendus armis.

Testis mearum Cæsaris Insula
 Sententiarum: præter euntibus,
 Rerum ille spectator Tuarum,
 Testis aquis, fideique digno

Rhenus fluente. Marte simillimum,
 Tuique veram Te sobolem Patris,
 Haud laudis ignavis Paternæ,
 Veridico probat amne Rhenus.

Urbem occuparat Cæsaris arduam
 Ferocientis militiæ manu,
 Ridente Fortuna superbus,
 Jura negans sibi nata, Gallus.

Cingebat illam milite, machinis,
Omniq[ue] belli robore, Mars Tuus.

Frustra. Reservatur domanda
Illa Tuis, Frederice, palmis.

Relinquis oras, nec mora, patrias,
Longoq[ue] tractu dissita transvolas,
Ut fulgur, ut princeps volantum
Præcipiti Jovis ales Æthra.

Læta ut cupitum castra vident Ducem,
Majore nisu quisq[ue] suæ palam
Dat signa virtutis, ruitq[ue]
Per medios animosus ignes.

Ducit volentes ipse volens suas
In arma turmas, moenia circuit,
Spectatq[ue] collustratq[ue] Princeps
Præpetibus loca cuncta plantis.

Succedit urbi protinus hosticæ,
Altamq[ue] nimbis undiq[ue] ferreis
Oppugnat arcem : primus ipse
Urget opus, reliquosq[ue] justa

Accendit ira. Mille supervolant
Hinc inde glandes : mille minantia
It tela contra ; jamq[ue] inermem,
Jam trepidam fugat ense Mortem.

Opponit armis arma, viros viris,
Germana turmis agmina Gallicis,
Suos fatigatis : cruentus
Funeream dolor implet urbem.

Quacunque vertas lumina, plurimi
Rotantur ignes, plurima fax domos
Incendit : horrendo tumultu
Cuncta sonant, gemituq[ue] longo.

Lux quarta nondum fulserat, impetu
Cum fractus hostis continuo, Tuis,
Dux magne, succumbit sub armis,
Et domitam Tibi pandit urbem.

Excedit agmen: mœnia copiis
Relicta suppleſ Tu melioribus;
Victisque de Gallis triumphum
Victor agis, Frederice, primum.

Salve, Deorum germen, & æmula
Nulli domando Progenies Patri:

O clara Germani propago
Sanguinis, Auriacæque gentis!

Proludit ista scilicet hoc Tibi
Campo legendis laurea laureis:
Hoc nempe majores triumphos
Fata dabunt, aliasque multo

Illustriores, Victor, adoreas.

Tu perge tantum, perge age, quo Tua
Fortuna, quo virtus Parentum,
Quo Tua Te jubet ire virtus.

Te militari pulvere sordidum,
Clarasque belli primitias Tui,
Horisque tam paucis subactam
Attonitus stupet orbis urbem.

Immensum honori, qua sit iter, novo,
Pulchrumque monstrat Gloria tramitem:

Mox Rhenus omnis liberatas
Enſe Tuo Tibi sternet undas.

Se debet armis, nec negat hoc, Tuis;
Debet, soluto quod suus alveo,
Fractisque Gallorum catenis,
Cliviacos ſecat amne campos.

Agnoscit illud Clivia, proximo

Agnoscit illud rure Batavia,

O grande nostrarum, Tuarum

Grande decus columenque rerum!

His macte, Princeps, macte laboribus;

Mundumque, Ductor Martie, cum Tuo

Partire Cognato. Britannos

Ille, Caledoniumque vindex,

Contra ingruentes Borbonii minas,

Tutetur orbem : Tu propius Tuis

Defende Germanos catervis;

Tu socios tueare Belgas.



O D A G R A T U L A T O R I A,

Cum in Angliam trajecisset
Augustissimus ac Potentissimus
R E X B R I T A N N I Æ
G U L I E L M U S.

O D A VII.

S Ume nunc, Clio, citharam, novumque
Lesbio carmen modulari filo:
Inter applausus populi utriusque
Turpe filere est.

Plaudit Heroï populus Britannus,
Plaudit Heroï populus Batavus,
Plaudit invicto mare Gulielmo
Omnibus undis.

Vexit Hunc fida mare nuper aura,
Vexit armatas Batavum carinas,
Et procellarum per acuta fracto
Detulit æstu.

Ilicet jussi posuere venti,
Concidit toto salis ira ponto,
Et Duci coelum Batavo, suusque
Annuat Eurus.

Expli-

Explicat, nullo prohibente, cunctas
(Quanta vis fati!) peditum catervas,
Explicat turmas equitum Britanno
Litore Princeps.

Oppidis, campis, domibus relictis,
Virgines lætæ, cupidæque matres,
Et viri passim, juvenesque, & omnis
Advolat ætas.

Gentis extemplo Batavæ manipulis
Quisque se jungit: citiusque voto
Occidentalis regio coruscis
Fulget in armis.

Crescit Hollandi Ducis agmen, ingens
Crescit adscitis velut amnis undis,
Monte vel lapsis nivibus, tepente
Vere solutis.

Impigro Ductor quatit arva gressu:
Regius linquit sua signa miles:
Nocte Rex aulâ fugit, abdicato
Cum lare Regno.

Intrat augustam Gulielmus urbem,
Civium vectus manibus; Britannæ
Gentis assertor; sine cæde, & ullo
Sanguine, victor.

Illico è coetu vocat universo
Ordinis primos utriusque Patres,
Remque componit stabilem, nec unquam
Mobile Regnum.

Grandibus victi meritis, suisque
Legibus, Sacris, sibi restituti,
Digna persolvunt Patriæ Parenti
Præmia cives.

Et

Et quod his tantis meritis, quod illi
Præmium dignum satis esse possit?
Est honor vilis nimium ipsa palma,
Ipsaque laurus.

Ambiat fulvum caput illud aurum,
Et micet vincolo pretiosiore;
Regium cingat diadema clavis
Regibus ortum.

Audior : Regis diadema, sceptrum
Regium, & regni regimen Britanni,
Triplicis regni regimen, dat uno
Albion ore.

Suscipit Regni moderamen illa
Qua manu Regnum asseruit, suumque
Lege Naturæ, validaque dextra,
Induit ostrum.

Additur Regis lateri, coronâ
Regiâ dudum folioque digna,
Sanguinis pridem, thalamique Consors,
Nunc quoque Regni.

Principem Princeps Mariam sacrato
Collocat Regum veterum sedili,
Inque Majorum Proavûmque Nuptam
Sceptra reponit.

Gaudet asserto populus Senatu,
Reddito gaudet populo Senatus,
Tamque præclare meritum Anglicanus
Orbis adorat.

Rege cum sancto redit ipsa rursus
Sanctitas istis, Pietasque, terris;
Et Fides & Fas modo derelicta
Templa revivunt.

Urbium plausu strepit æthra longo,
Læta vicinos ferit aura montes,
Verbaque & voces hominum jocosa
 Reddit imago.

Reſtor undoſi Tameſis fluenti,
Dum ſecat latam ſpatioſus urbem,
Gaudio exultat, tremuloque criſpat
Flumine fluctus.

Ille Victoris, quibus ille cunque
Labitur terris, loca per remota,
Nomen invictum sonat, & marinas
Edocet undas.

Nuntio læti salit unda ponti,
Garriunt fontes, trepidantque rivi,
Nec capit ripam super evagantes
Alveus amnes.

Principi plaudunt loca cuncta : Solus
Ipse, cui plaudit manus omnis, omnem
Spectat hanc scenam sapiens eodem
Pectore & ore.

Non tumet rebus nimium secundis;
Fortis adversis. Bene temperato
Unus atque idem est animo, suusque
Sorte in utraque.

Sentit hæc Victor tamen ipsa, sentit,
Nec sibi quicquam, fragilique dextræ,
Arrogat Princeps, meritoque grates
 Reddit Olympo.

Regis in terris titulum, benigni
Ætheris, Regno ac sibi consulentis,
Munus agnoscit, superique Regis
Nobile donum.

Servet hanc mentem Tibi, magne Princeps,
 Qui dedit. Sic Te juvet Ille; sic Te
 Vindictet: longum Tibi sic, Tuæque,
 Proroget aevum.

Serus in stellas abeas, diuque
 Conjugi caræ populoque vivas:
 Te caput cœlo lever Anglicana
 Sospite tellus.

Floreat Regno procul exulare
 Jussa Libertas, reduceſque rursùm
 Floreant Leges, & avita gentis
 Jura Britannæ.

Gaudeat vinclis Pietas solutis,
 Rideat toto vigeatque sæclo
 Faustitas, & Pax, & amica pleno
 Copia cornu.

Interim, si quid loquor audiendum,
 Si memor nostri, Gulielme, vivis,
 Respice interdum Batavos, amatas
 Respice terras.



I N
F O E D E R A T O R U M
R E G U M & P R I N C I P U M
A P P A R A T U M B E L L I C U M.
O D A V I I I.

Q U e m V i r u m , V i r g o M i t y l e n a , q u e m v e
P r i n c i p e m , f a m a m e r i t i s q u e c l a r u m ,
L e s b i i s s u m o f i d i b u s , t u o q u e
D i c e r e p l e c t r o ?

T e r r e t E u r o p a m L o d o v i c u s o m n e m :
I r e i n a d v e r s u m p a r a t o r b i s h o s t e m :
P l u r i m u s t e r r a p e l a g o q u e p a s s i m
A d v o l a t H e r o s .

C u n c t a G e r m a n æ d e c o r a a l t a g e n t i s
H o s p i t i s m a g n i s u b e u n t p e n a t e s .
E x c i p i t R e g n i P r o c e r e s a m i c o
H a g a r e c e s s u .

I p s e L e g a t o s , c o m i t e m q u e t u r b a m ,
M i t t i t A u g u s t a L e o p o l d u s u r b e ,
E t m o d o a d R h e n u m , m o d o r u r s u m a d I s t r u m ,
F u l m i n a t a r m i s .

D a t b r e v e m f r a c t i s r e q u i e m G e l o n i s
B a v a r u s , g e n t i s d o m i t o r c r u e n t æ ,
E q u e G e r m a n i s p r o p e r u s B a t a v a s
T e n d i t i n o r a s .

Hac

Hac Moguntinus furit; hac Colonus;
 Hac movet dirum Mimigarda bellum;
 Hac ruit Saxo, rotat & coruscum
 Impiger ensem.

Armat invictum Fredericus agmen,
 Martii proles generosa Brenni,
 Et Mosæ ripam, bifidasque Rheni
 Afferit undas.

Undique excitas rapit ira gentes:
 Tollit undoso caput Albis antro:
 Spumat ad belli sonitum Visurgis,
 Amisiusque.

Militum robur, validasque turmas,
 E sua mittit regione Danus,
 Mittit & Suecus; gelidique vibrant
 Arma Triones.

Ardet Hispanum, renovatque vires
 Belgium: toto fremit amne Scaldis:
 Et mares ignes animosque miles
 Sumit Iberus.

Occupat valles, patriosque montes,
 Allobrox; duro genus acre belio;
 Inque subiectos nivibus geluque
 Detonat hostes.

Æstuant imo maria alta fundo,
 Nec minus terrâ pelagus laborat,
 Dum vehit dorso gravidas minanti
 Ære carinas.

Ducit ultrices animosus alnos,
 Nil minor magno foboles parente,
 Trompius; ponto satus, & furente
 Editus unda.

Rem juvant nostram pariter, suamque,
Sanctius juncti Batavis Britannii.
Labitur prono volitatque ponto
Utraque classis.

Martis examen tenet universi
Maximus Regum Gulielmus : unus
Omnem hic Europæ, pelago atque terra,
Temperat orbem.

Spernit insani rabiem profundi,
Et gelu clausum pelagus recludit,
Victor & ponti, mediaque bruma
Trajicit æquor.

Contulit nobis simul, omnibusque,
Remque communem moderatur, urget,
Agminis magni, varique, dux, &
Summa futurus.

Quantus ô terrâ modo, quantus alto,
Decidet nimbus ! Video rubentes
Cædibus campos : video rubentem
Sanguine pontum.

Magne terrarum pelagique Rector,
Da bonæ tandem superare causæ,
Quique pro causâ meliore jussus
Arma capeffit :

Dumque per vastos sua Regna fluctus,
Et sibi caros repetit Britannos,
Sospitem serva, reducemque terris
Siste Batavis.

O D A R U M

L I B E R S E C U N D U S.

M A N I B U S
N I C O L A I H E I N S I I.

O D A I.



Ugete, Musæ : demite crinibus
Nodum ligatis : dicite lugubre,
Sed quale dixistis nec ante,
Heinsiada moriente , carmen.

Vester sacerdos , vester honos Deæ ,
Magno parenti par soboles , jacet :
Decus Poëtarum recentum ;
Lux veterum columenque vatum.

Plorat peremptum Pierius chorus ,
Quos ille multi viribus ingenti ,
Quos ille de chartis vetustis
In superas revocavit oras.

Per hunc decori reddita pristino
Hennæa cultu virgo nitet novo ,
Qualisque Pergæis in arvis
Tænario placuit tyranno.

Se pulchriorem spectat Iasonem
Medea ; succis longe aliis senex
Flavescit Æson : splendet auro
Phasiacum meliore vellus.

Strin-

Stringit Poëtam qua solita est manu
 Corinna, longum pro nimis exulem,
 Tomisque jam tandem relictis
 Ad patrios reducem penates.

Revisit Urbem, nullo iterum die
 Exterminandus. Quassat Amor facem;
 Tutusque maternas Cupido
 Per Latium proficitur artes.

Sumunt figuras cuncta simul novas
 Mutata rursus corpora: suavius
 Ad æquor Euxinum Latinus
 Ore canit moriente cycnus.

Audit canentem Pontus, & omnibus
 Applaudit undis: dulce viri melos,
 Notamque jam dudum Camœnam
 Attonita bibit aure Tivris.

Sedet beato margine Tityrus,
 Magisque tersa carmen arundine
 Recensque compacta cicuta
 Per Latios modulatur agros.

Rident colono pascua Tityro:
 Dat lætiorem jam segetem Ceres;
 Minerva baccam; Bacchus uvam:
 Cuncta suis viret herba campis.

Quin ipse terram Dardanus Italiam
 Dum calcat heros, nunc oculis deam
 Spirat parentem, nunc honores,
 Nunc rutilas vomit ore flammæ.

Agnoscit illum Mater, & omnium
 Germana fratrum turba Cupidinum:
 Agnoscit Augustus; sacroque
 Aonias bibit ore lymphas.

Redit Catulli carmine Lesbia,
 Redit Tibulli carmine Delia,
 Primique successor furoris;
 Callimachi redit ignis Umbri.

Et qui, Latini pectinis arbiter,
 Modos Pelasgum carmen ad Italos
 Deduxit, & Dirces olori
 Par superas petit ales auras.

Et quo superbit nomine Corduba;
 Et quo superbit nomine Bilbilis;
 Qui bella Magni, bella Divi, &
 Fœdifragi canit arma Pœni.

Quò me Lucreti, quò rapis Aufoni?
 Quò culte Stati? quò, superùm choro
 Dilecte Manili? tuæque
 Grande Decus regionis Enni?

Omnes Parentis fata dolent sui,
 Communis omnes fata Machaonis,
 Virtute miranda tenebris
 Expliciti Phlegethontis imis.

Priscis nitorem vatibus Heinſius,
 Artem Latini carminis Heinſio
 Vates vetuſti, limpidoſque
 Caſtaliæ tribuere fontes.

Fides mearum certaue veritas
 Sententiarum, qui maris ulthos
 Terræque fines, omniumque
 Pervolat Liber ora vatum.

Famam Poëtæ quique habeant ſuam,
 Suasque dotes: dicere ſpiritu,
 Amæna magno, florideque;
 Eloquii decor Heinſiani eſt.

Ubique pulcher, lacteus, aureus,
Undante vena labitur Heinſius:
Ut monte celfo lapſus amnis;
Ut vitreus per aperta rivus.

Nunc regis altam Borbonii domum;
Nunc Marte claræ bella Bataviæ,
Angloſque devictos; opima
Nunc Italæ canit arva terræ.

O Hadriani Diva potens maris!
O blanda gentis Mæoniæ juga!
O urbs Quirini! o benigna
Parthenopes Capuæque rura!

ſpectare veſtras mî videor domos,
Montesque vallesque; & jam maris otia
Pacemque Tyrrheni tueri,
Jam mediis habitare ſilvis.

Valete turres, tectaque; Patrii
Valete campi: me nemus avium;
Me rura, me colles Latini,
Me Latiae rapuere lymphæ.

Superbientes hîc Atheſis pater
Provolvît undas: hîc Phaethontides
Electra deſtillant ſorores:
Hîc placida fluit Arnus unda.

Hîc tortuoſis flexibus & viis
Tyrrhena Tibris jugera dividit:
Hîc arva Campanis Latina
Pacífico ſecat amne Liris.

Luſtrare montes ut Latios juvat!
Ut clara gentis rudera Dardanæ!
Interque majorum ſepulcra
Compoſitam media urbe Romam!

In parricidæ Telegoni jugis,
 Ramosve sacræ subter Ariciæ,
 Densave Tiburni sub umbra,
 Ad gelidas Anienis undas,

Aut ad sonantes Albunæ domos,
 Jucunda capto frigora; languidos
 Dum suadet invitatque somnos
 Herculei grave murmur annis.

Circæa specto nunc viridaria;
 Nunc temperatæ rura Dicarchidos,
 Sinusque Bajanos; opacum
 Fatidicæ modò vatis antrum:

Herois & quo Dardanii loco
 Annosa nutrix & tubicen jacent;
 Cœloque confisus sereno
 Et dubiæ Palinurus undæ.

Jam Formiarum mœnia me trahunt;
 Jam summa Gauri, summaque Massici;
 Jam rura Surrentina, pulchri
 Jam rapiunt juga læta Vesvî.

Salve beatum Parthenopes solum:
 Salvete blandi litora Nerei
 Longoque vernantes honore
 Pausilypi, mea cura, colles.

Errare vestris sub foliis libet,
 Inter patentès & platani comas,
 Mirtosque fragrantèsque lauros,
 Ambiguos agitare gressus:

Nunc ad sacratum Virgilio jugum,
 Summoque natam marimore lauream;
 Nunc ad Maroneo propinquum
 Ingenioque locoque bustam.

O urna magni Musaeque Virgilî!

O docta vatis Sannasarî cinis!

O frondis æternæ vireta!

O nivæ juga Mergilinæ!

Repente cœli me per inania

Dilecta vobis sistit ad æquora,

Me montis in vestri latebras.

Heinfiacæ rapit aura Musæ.

Sed quæ, Latino dum feror æthere,

Diffusa toto tristè sonant polo

Lamenta? quo pulsi fragore

Ausonii gemuere montes?

Fallorne? mœstis Ausonis an modis

Suum Poëtam luget, & Heinsum

Collesque suspirant ademptum

Italiæ, geminumque litus?

Multus Latinis montibus it dolor,

Multus Quirini: culmine de tuo,

Regina terrarum, volutis

Auget aquas Tiberinus undis.

Admugit Arnus, Liris, & Aufidus;

Admugit imo conditus alveo

Sebethus, horrendumque murmur

Vorticibus furibundus atris

Ciet Vesevus. Litore proximo

Sacrum Poëtis Pausilypus caput

Quassatque, marcentesque luctu

In lacrymas rubet ire lauros.

Vatis Sibyllæ nil nisi flebile

Responsat antrum: nil nisi flebile

Per stagna, per lucos Averni

Finitimis sonat aura campis.

Vicinus illum de tumultu sonum
 Misenus audit ; corripit & tubam
 Juxta jacentem : luctuoso
 Elysium gemit omne cantu.

Lugete colles, & vaga flumina,
 Lugete fontes, & nemora, & lacus,
 Mirtique, laurique, & dolentes
 Cum socia Cyparisse taxo:

Et vos amictæ cortice populi
 Nunc largiores volvite lacrymas,
 Novoque tabentes dolore
 Eridano Venetoque luctum

Narrate ponto. Tuque doloribus
 Da fræna justis, jugera qui Pado
 Propinqua regnas, grande Tuscæ
 Cosine decus Medicæ gentis:

Tuque ante ponti gloria Balthici,
 Nunc lumen ingens famaue Romulæ
 Christina terræ, funde quæso,
 Funde tuo lacrymas Poëtæ.

Tuque, o perempto vix tuus Heinsio,
 Dignas amico da lacrymas tuo,
 Planctusque singultusque longos,
 Angariæ Paderæque Præsul.

Audimur : ingens montis ab arduo
 Prorumpit imber Neuhusii jugo,
 Planctuque singultuque longo
 Angariæ sonuere colles.

Respondet undis, qua patet, omnibus,
 Totoque luget gurgite Sequana;
 Multoque percussæ dolore
 Parisiæ gemuere silvæ.

Sed una vatem præ reliquis suum
Suspirat imo corde Batavia;
Largasque Lugdunum profundit
Aonio lacrymas alumno.

Hæc ora magnum protulit Heinsum,
Hæc ipsa, quondam quem genuit, tenet,
Duosque conciusos in uno
Heinsiadas tegit urna busto.

Paffis sepulcro crinibus adsident,
Fletu sepulcrum luctifono rigant
Ex æde vicina Sorores,
Et posita Dea docta parma.

Vultus serenos & jubar aureum
Sub frontis atris nubibus occulit
Lugubris, in terramque fixo
Ad tumulum sedet ore Pæan.

Quo, Musa, tendis? parce, precor, precor;
Ah parce, culpa deterere ingeni
Laudem Heinisianam, totque dotes
Exiguo tenuare plectro.

Tu nomen illud nobile, tu sacras
Hic conditorum reliquias virum
Tecum ipsa mirare, & sub isto
Quod regitur, cole muta, saxo.




ODA II.

BEatus ille, qui potentum limine,
 Forique jurgiis procul,
 Vitam erudito tranſigit ſilentio,
 Curis ſolutus omnibus.
 Non ille Lydi regis immenſas opes
 Componat ingenti bonis :
 Nec invidenda Principum palatia
 Mutet penatibus ſuis.
 Ergo aut quietem lectulo doctam petit,
 Et mente, quò lubet, volat :
 Aut inter ævi priſtini volumina
 Suo in cubiculo ſedet ;
 Quosque ora Graia, quos Latina protulit,
 Evolvit improba manu :
 Aut in remotis oppido ſeceſſibus
 Indulget otio ſacro.
 Libet ſub altis arboris nigræ comis,
 Jacere per gramen libet,
 Dum voce mulcent garrulæ ſilvas aves,
 Dum lenè murmurant aquæ.
 Nunc ſeparatum fertur in Pindi jugum,
 Parnaffiumque vericem,

Multo.

Multoque fontis rore Castalii madens
 Novem litat sororibus;
 Nunc sanctiore mutat hæc cacumine,
 Et collibus, Bethle, tuis.
 Calcat Sionis hîc beatum verticem,
 Tritumque Jessidæ jugum.
 Hîc ora lymphis irrigat perennibus,
 Vivaque Siloës aqua.
 Quis, inter hæc, hujusce vitæ tædii
 Non omnis obliviscitur?
 Quod si pudicam juverit conjux domum,
 Dulcesque patri liberos
 Fæcunda mater divite effundat sinu,
 Magnum patris solatium.
 Redisse quis non sæculum Rheæ putet?
 Quis hoc beatior viro?
 Te, Vollenovi, te beata fors, tuam
 Sors ista jam domum manet.
 Intrabit ædes, dulce quæ nomen rosæ
 Rosëbomio debet patri,
 Rosæ decorem mollibus spirans genis,
 Et purpurantibus labris.
 Pensabit illa conjugis carissimæ,
 Quod passus es, damnum grave:
 Tori prioris educabit liberos,
 Tuosque censebit suos:
 Et auspicato facta mater fidere
 Te prole ditabit nova.
 Apponet illa, terra quicquid ubere
 Vicina glebâ proferet:
 Quicquid benigno proximum sinu mare,
 Litusque Sceveriniûm:
 Vel de tuo, vicinitate proximo
 Dapes inemptas hortulo.

Heic illa cari comparis claudet latus:
Heic ambulabitis simul.
Heic illa cantus audiet tuos, tuis
Pellecta dudum cantibus.
At cum serenos bruma mox instans dies
Toto fugaverit polo,
Fovebit igne blanda te conjux suo,
Durumque leniet gelu.
Foco adsidebis illius structo manu,
Brumamque senties minus:
Venerisque Nato adustus, & Veneris viro,
Flamma calebis duplici:
O te venustum, terque felicem & quater,
Cui moribus conjux bonis,
Tuisque Musis moribusque congruens,
Cœlo favente, contigit!
Tibi beati nempe decurrent dies
In mutuis sermonibus:
Noctes beatæ nempe decurrent tibi
In mutuis complexibus.
Me tam beatum si qua fecerit virum,
Sperare nil ultra velim.



JOHANNI HUDECOPERO,

MARSEVENIO,

&

MARIÆ TEMMINGIÆ,

Sponso Sponsæque

FELICITER.

ODA III.

DUcit ab illustri deductam stirpe puellam
 Illustri genitus domo.
 Quid mirum? Divum Deus est Amor. Urit & ipsos,
 Et quantum est hominum, Deos.
 Uritur Idalio nunc Marsevenius igne,
 Clari progenies patris:
 Carpitur hoc ipso Temmingia, carpitur, igne,
 Nympharum Amstelidum decus.
 Spargite, quos submittit humus sæcunda colores,
 Non parca, Juvenes, manu:
 Carpite odoratos inserta recentia flores,
 Docto pollice, Virgines.
 Poscit odoratos flores Temmingia, poscit
 Hos Marsevenius sibi;
 Virginei flos illa chori Temmingia, nostri
 Flos Marsevenius chori.
 At tu, tam castæ nutritrix pulcherrima flammæ,
 Arces desere Cyprias.

Duc

Duc tecum facilesque Jocos, Charitasque decentes,
Blandis non sine Risibus.

Duc tecum Puerumque tuum, Puerique sodalem,
Quem poscunt thalami, Deum.

Alma veni Cytherea, veni formosè Cupido:
Hymen, dulcis Hymen, veni.

Tuque tori custos genialis, & inclyta præses,
Præses connubii Dea,

Huc ades, & vultu Sponsum Sponsamque benigno,
Juno respice Pronuba:

Postque novem menses iterum, totidemque renatæ
Rursum cornua Cynthiæ,

Seu Juno, seu tu mavis Lucina vocari,
Faustis ominibus redi.

Hæc ego: concussit lymphas assensibus omnes
Undarum viridum pater:

Promisitque diem lætum, longosque nepotes
E Marsevenia domo,

Qui ritu Genitoris, Avi qui more, beatum
Permessi laticem bibant,

Augustæque terant urbis Capitolia, claris
Dudum trita parentibus.

Eveniant: Et te primum, spes, Jane, tuorum,
Patris delictum tui,

Natos deinde tuos, & qui nascentur ab illis,
Spectet Curia Consules.



A D
P E T R U M B E R N A G I U M

&

E L I S A B E T H A M N U N N I N G I A M,

S p o n s u m S p o n s a m q u e .

O D A I V .

O Te felicem Bernagi, cujus amore
 Vicissim amata carpitur!
 Cujus in amplexus ibit Nunningia, caro
 Futura mox conjux viro!
 Magna Puellarum tu gloria, tuque virorum,
 Salvete, consortes tori.
 Vos sincerus amor, vos longo tempore pastus,
 Longoque pascendus, ligat.
 Nobile par, animoque magis, quam corpore, juncti,
 Soloque sexu dispares,
 Vivite concordēs, multumque extendite in ævum.
 Utriusque fortunam domus;
 Quodque dedit cœli clementia, quodque datura est,
 Gaudete porro gaudium.
 Crescat in immensum, plures ceu crevit in annos,
 Hæc flamma, dum fiat cinis;
 Et, quantum vitæ, tantum vestro addat amorī
 Amoris Auctor illius.
 O fortunatum te conjuge; teque, marito!
 O vinculo nexos pari!

O fem-

O semper vigiles ignes ! O mutuus ardor !

O sorte fors prior mea !

Dulcius in terris , nec quicquam optatius , illo
Mortale nil habet genus.

JOHANNES SIXIUS

CONSULE.

ODA V.

TAndem digna suis & debita præmia Musis
Consul reportat Sixius.

Ya pater, Tuque Amstelidum qui moenia leni
Lambis secasque murinure,

Flustibus augustam majoribus ite per urbem,
Urbem regente Sixio :

Et vos , o Musæ, Tuque o Latonia proles,
Sacri repertor carminis,

Aurata lætum testudine dicite carmen,
Declive per Pindi jugum.

Vos coluit primis, vos ille virilibus annis,
Vos ille jam senex colit,

Et quicquid superest Patriæ post commoda vobis
Id omne temporis dicat.

Aonides gaudete Deæ, gaudete Poëtæ;
Gaudere vos Consul jubet.

Optima speremus nunc omnia: Consule vate,
Sperare nil frustra licet.

I N
S T E P H A N I M O R I N I
D E
L I N G U A P R I M Æ V A
C O M M E N T A R I U M.

O D A VI.

EXhibet hic priscas, ipsaque ab origine ductas,
Deo sacratæ Litteras Linguæ Liber:
Quas neque naufragium mundi commune prioris
Delevit, undis obrutas fatalibus:
Sæva nec Ægypti rabies, Phariique tyranni
Immitis illa pertinaxque servitus:
Non Babyloniacus carcer: non arma Quiritum,
Urbisque victor, Urbis everfor, Titus:
Non variæ rerum facies; terraque marique
Tractus per omnes fœda dissipatio.
Durat in hoc ævi, nec tempore desit ullo,
Hora nec ulla desinet, sermo sacer.
Gratia magna tibi, Normannæ gloria gentis,
Decusque nostræ jam, Morine, Belgicæ.
Hos tu thesauros aperis, hæc abdita pandis,
Deique scriptas dextera refers notas.
Utque homines primum duxisti nuper in Hortum,
Sic nunc Parentis Litteras primi doces.
Quid precer? Hoc ipso quondam spatieris in Horto;
Istaque magnum concinas Lingua Deum.

NATALIS CHRISTI.

O D A VII.

Quæ miracula sæculis,
Non audita prioribus,
Nullis cognita mentibus,
Hic rursus renovat dies?

Alto lapsus ab æthere
In terras humiles Deus,
Matre è virgine nascitur,
Mortalis simul & Deus.

Cœli conditor ardui
Cœli gloria, viliū
Septus tegmine frondium,
Abjecto in stabulo jacet.

Vinctum sindone candida
Inter eandida brachia
Cœli depositum tenet
Et virgo simul & parens.

Miratur Puerum senex,
Miratur Puerum Parens,
Magni progeniem Patris,
Æterno genitum Deo.

Salve, nate Deo, tui
Salve spes populi, Puer;
Lux certissima Gentium;
Humani generis salus.

Omnes unius impio
Gentes crimine perditas,
Humanumque genus reum
Rerum viderat arbiter.

Poscit supplicium grave,
Vindex nequitiae, Deus.
Hinc stat Justitia; hinc Amor:
Hic pacem petit, hæc necem.

Has inter mediam optimus
Judex ingreditur viam.
Sontes supplicio explicat:
Infanti exitium parat.

O clementia Numinis!
O magni bonitas Dei!
Nos ut liberet, unicam.
Pro nobis sobolem necat.

Nostro corpore, & artubus
Se mortalibus induit,
Nostrum ut supplicium ferat,
Hoc ipso genitus die.

Ut ridet roseis labris!
Parva ut brachia porrigit!
Caræ Matris ab ubere
Ut nectar niveum bibit!

Mox natale Puer sacris
Calcabit pedibus solum,
Judæamque perambulans
Factis clarus erit suis.

Illum viribus inclytum,
Et virtutibus entheis;
Vicini populi colant,
Vicini populi canent.

His firmos tribuet pedes;
His firmas tribuet manus,
Linguam, lumen, & aurium
Illis restituet sonum.

Quin & iussa cadavera
 Bustis exilient suis :
 Quin & Pontus, & asperi
 Deponent rabiem Noti.

At non & populi trucis,
 Vento sævior & mari,
 Deponit rabiem furor,
 Cæco fervidus impetu.

Et verbis simul, & manu,
 Tot virtutibus inclyto,
 Tot claro meritis, necem
 Intentat Solyme Viro.

O sententia vindicis
 Clementissima judicis !
 Mundi crimen ut expiet,
 Mundi victima fit Deus.

Pro mortalibus impiis
 Impendit sobolem Pater,
 Et pro fontibus innocens,
 Illi ne pereant, perit.

Lethi faucibus ut cavis
 Humanum eripiat genus,
 Humani generis fator
 Nasci sustinet & mori.

Nil Mors, nil Erebi minæ
 Nunc contra valeant: nihil
 Primi criminis artifex,
 Nostri materies mali.

Factum justitiæ fatis,
 Et, quod debuimus, sacro
 Dudum in stipite solvimus,
 Converso in pretium Deo.

Ad

A N T O N. B Y N Æ U M

Theologiæ Professore
Daventriensem.

O D A V I I I.

G Ratulor insignem, tibi quem superaddit, honorem,
 Grato pectore Civitas.
 Læta tibi plaudit Daventria, plaudit & ipse
 Motis Ifala fluctibus.
 Scilicet, egregiis meritis, studiisque, Bynæ,
 Urbs hoc debuerat tuis.
 Quod nisi me fallunt præsagia, te sibi Rhenus
 Doctorem cupiet brevi:
 Gaudebitque vicissim, insignique auctus honore
 Toto gestiet alveo.

D I D E R I C O S I X I O.

Cum

*Summis in utroque jure honoribus
 insigniretur.*

O D A I X.

E Rgo Latinos, ergo nec Grajos tibi
 Versasse scriptores satis?

Z 3

Nec

Nec Tullianam, qua licet, facundiam
 Calamoque & ore reddere?
 Perrumpis ipsa Palladis sacraria,
 Perrumpis Astrææ domum,
 Arcemque summo victor occupas jugo,
 Stratis superbus hostibus.
 Beate Sixi, stemmatis decus tui,
 Spes civitatis Amstelæ,
 Apollinari vinciente laurca
 Apollini sacrum caput!
 Tibi perennem tu parabis gloriam,
 Et patriæ famam tuæ.
 Longum Parenti tu seni solatium,
 Longum es daturus gaudium.
 Quin & juventæ robur, ac plane novam
 Huic Æsoni vitam dabis.

SAMUELIS PUFENDORFII

Historici celeberrimi

Memoriæ Sacrum.

O D A X.

GEntibus Arctoïis, & mundi cognitus oris
 Pufendorfius ultimis;
 Funere crudeli fatoque ereptus acerbo,
 Hoc sub marmore conditur.
 Luget eum Carolus, luget Fredericus, & omnis
 Brenni exterrita civitas.
 Noverat Europam, populisque quid utile, quid non,
 Mentis lumine viderat.
 Illius historiam, moresque, artesque regendi,
 Viva expressit imagine.

Justi-

Justitiæ, & legum primordia, juris & æqui
Designavit originem.

Martia Gustavi certamina, bellaque feris
Scripsit Teutona Posteris.

Hei mihi! Brennigenæ dum textit Principis acta,
Acta Principis inclyta,
Substitit, & pariter calamum pariterque relinquit
Vitæ lumen amabile.

O quantum interiit rerum, Frederice, Tuarum!
O quantum sapientiæ
Civilis, quantum antiquæ virtutis & artis,
Urbs Berlinia perdidit!

N A M U R C U M E X P U G N A T U M.

O D A X I.

A Deste Musæ: Rege dignum maximo
Dictate nunc carmen mihi.

Tradit Namurcum maximo sese Duci,
Victasque dat Regi manus.

Silente venti, vosque vates Gallici,
Dum facta Gulielmi cano,

Quid hoc? an alti scandit arcem Pergami
Labore Grajus improbo?

Septemne rursus obsident urbem Duces,
Amphionis structam lyra?

Non, non: subactis grandius quid Illo
Confecit Alcides novus:

Longeque captis clarius Thebis opus
Nostri patrauerunt Duces.

Credas Aorni montis indomabile
Cessisse Pellæo jugum:

Credas feroces velle bellum milites

Inferre cœlesti plagæ.

Trifulca cerno tela, sed nostri Jovis,

Vibrata Regali manu:

Insueta terris audio tonitrua,

Ruptis fragore nubibus.

Ardescit omnis igne sulphureo polus:

Excelsa terrarum tremunt.

Fugiant sub undas territi, atque imo caput

Amnes recondunt alveo.

Cæduntur hostes; ferreus passim viros

Prosternit imber, ac domos:

Et mille mortes mille faucibus vomunt

Dirum frementes machinæ.

Nil arte firmum, nil satis tutum loco:

Nil flumen, aut vallum, nihil

Prærupta profunt montium cacumina,

Et proximum Cœlo jugum.

Testis Namurcum, testis arx Namurcia,

Vicina testes flumina.

Quid Mosa juvit, amne quid Sabis suo?

Quid urbis invictæ situs?

Quid arx in alto monte munitissima,

Quam vix supervolent aves?

Quid Gallicani militis longus labor,

Huic nuper impensus loco?

Superavit illud omne, cui nil arduum,

Cepitque, quam nemo capi

Credebat unquam posse; quam captam Tibi,

Rex magne, vix credet nepos.

Gaude hac opima, Rex Britanne, laurea,

Qua clarior nulli data est.

Gaudete, tantæ magna pars adoreæ,

Mavorte juncti Principes.

Vestris

Vestris (nec illud Rex negat) vestris simul
 Deberut illa dexteris.
 Prævit Ille, Vos secuti, mutuis
 Cepistis urbem viribus.
 Vos æviternum, Principes, manet decus,
 Majorque semper gloria:
 Vos, vos alumni Martis & Victoriæ,
 Vos estis Europæ salus:
 Vos Ludovici terror, & mora unica
 Ferocientis Galliæ.
 At tu, superba Rege Magno Gallia,
 Quid mentis aut sensus tibi?
 De Rege quid nunc judicas Britannico?
 Num miles, & bello bonus?
 Quin nunc superbis, & triumphas, insolens,
 Odamque conscribis novam,
 Capta Namurco, Regis & nomen tui
 Ad alta tollis fidera?
 Mutavit æquus ordinem rerum Deus,
 Versaque nunc illam vice
 Cepit Gulielmus, Ludovicus perdidit;
 Bonaque perdidit fide.
 Defendit arcem, qua valet, Boufflerius:
 Dat terga Villeroius,
 Exercitumque, Xerxis agmini parem,
 Re ducit infecta domum.
 O mira belli fata, & incertam aleam!
 Spectator est certaminis,
 Testisque nostræ (quis putet?) victoriæ,
 Ut nos eramus hosticæ.
 Sequitur superbos pœna. Quo nuper modo
 Urbs capta, eodem amittitur.
 Fallor: nec isto, Galle, si nescis, modo,
 Quo capta, nunc & redditur.

Tu nempe furtis artibusque bellicis,
 Tibique consueta via,
 Illam occupasti: Marte nos illam & manu.
 Tu debilem multo magis:
 Nos firmiorem molibus factam novis,
 Et arte munitam, ut loco.
 Sed, eloquenti vera si credis mihi,
 Et scire, quod res est, cupis:
 Dicam, quod ipsa non negabit Gallia;
 Quod ipse Rex vester prober.
 Princeps Namurcum fortiter cepit tuus?
 Noster recepit fortius

A D D E U M,

Detecta Conspiratione

B R I T A N N I C A.

O D A XII.

QUas tibi servato grates pro Principe, Rector
 Terræ polique, solvimus?
 Patria solennem templis indicit honorem,
 Opemque flagitat tuam;
 Sospite Gulielmo, Gulielmo sospite Rege,
 Regem precata Cœlitum.
 Respice servatas, Pater, ô Pater, hætenus urbes,
 Et rem tuere Belgicam.
 Gentis in excidium Batavæ, gentisque Britannæ,
 Conjurat hostilis furor.
 Regis in exitium Gulielmi, fœdere facto,
 Scelestâ conspirat manus;

Dile-

Dilectoque Tibi capiti, populisque, cruentam,
 Si possit, intentat necem.
 Sedibus è Stygiis, nigroque erupit Averno,
 Est quicquid illic criminum.
 Ultrices Erebi Furias, agitatus ab ipsis,
 Hortatur in Gnatum Pater.
 Illius immanes accendit, & instruit, iras
 Ardens furore Gallia.
 Ingentem exornat classem Lodovicus, & aurum,
 Virosque, & arma commodat.
 Vicinos abit in Morinos Iacobus, & alto
 Famam aucupatur è jugo.
 Trajiciunt percussores: coit undique ferro
 Accincta fatali cohors.
 Jamque erat in partu facinus: jam illuxerat orbi
 Hanc lectus in cædem dies.
 Vidit ab excelsa Pater æthere, vidit, & illud
 Immane discussit nefas.
 Detegit insidias, &, quod meditantur, in ipsos
 Convertit auctores malum.
 Tristia gaudenti fiunt spectacula turbæ,
 In frustra bis secti duo.
 Londini spolia ostentant horrentia muri,
 Narrantque Posteris scelus.
 Sed bene habet. Justo cecidit manus impia ferro,
 Pœnamque, qua digni, luunt.
 Avertit cladem Deus hanc, & vindice dextra
 Regale defendit caput.
 Quam prope purpureo terram madefecerat imbre
 Hic sanctus & sacer cruor?
 Me miserum! qua cæde parentatura fuisset
 Regi suo Britannia?
 Quam tristis rerum facies? quæ bella per orbem?
 Quantum datura sanguinis?

Fædo involviffet populos atque oppida bello
Rex oppidis exul fuis.

Proxima vaffaffet late loca Gallus, & omnem
Turbaffet armis Belgicam.

Cædibus innumeris, ac multo fanguine paffim
Ruberet & terra & mare.

Plurima jam fluvii, jam plurima corpora pontus,
Suas fub undas volverent.

Quod loquor, exiguum eft. Populos, fi poffet, & urbès
Miles cremaret barbarus.

In terram pelagi vaffas immitteret undas,
Et omne mergeret folum.

Perderet invifam gentem; populique Batavi
Vix nomen extaret fuper.

O Pater! hæc noftris defende pericula terris,
Regumque difturba dolos.

Affere communem gentem, gentifque falutem,
Britannici Regem foli.

Tu geminos illi populos frænare dedifti.
Eft dexteræ munus Tuæ.

Nobile depositum Cœli, pignusque facratum,
Tuo tuere Numine.

Sæpe fuis illum petierunt artibus hoftes;
Tu liberafti plus femel.

Infidiæ fccleratorum, fraudesque, dolique,
Evanuerunt civium.

Concidit Impietas; & eodem concidat ictu;
Ne latius ferpat lues.

Multiplicem telis confige valentibus Hydram,
Anguemque Lernæum doma.


Extrahe damnofas herbas, & velle nocentum
Quodcunque reftat feminum.

Immo ita. Tu tantum plures fervare per annos
Huc ufque fervatum velis.

Aufpice

Auspice Te, populisque suis regnisque relictis,
 Terram revisat Belgicam.
 Pugnet, & immerfus medios, ceu fulmen, in hostes,
 Aut missa tempestas polo,
 Omnia prosterнат late; multoque cruore,
 Multoque sparsus pulvere,
 Hostiles secum exuvias, & Principe tanto
 Dignam reportet lauream.
 Annue Belgarum precibus, Pater, annue votis,
 Salvumque Victorem refer.
 Cœlestes illum armigeri, Dominoque fideles
 Satellites cingant Tui.
 Sic nullas unquam insidias, fraudesque, timebit;
 Regnumque securus reget:
 Gallorumque dolos, moliminaque impia, & omnes
 Contemnet Inferni minas.
 O Ita Tu jubeas; ita nullo stillet ab ense
 Flendus Nepotibus cruor.
 Vivat, & extendat veniens Gulielmus in ævum,
 Serosque vitam Posteris.
 Europæ capite ex isto, totius ut orbis,
 Dependet & res & salus.
 Quæ si cara tibi est, est ut carissima, serva
 Salvum esse quem mundus cupit.





S I L V Æ.

PETRI FRANCII SILVARUM

LIBER PRIMUS.

IOH. FRED. GRONOVII
MANIBUS.

Forte Menœtiadæ interitum cantante lege-
bam
Mæonida, atque imo fixos sub corde dolo-
Pelidæ volvebam oculis cæcoque futuri (res
Pectore, & ingentem casum miserabar Achillei;
Longinquo luctu, atque alieno in vulnere mœstus;
Cum subito Fama atra meas pervenit ad aures,
Et propior mentem afflixit dolor; Æthere cassum
Gronovium aërias animam exhalasse sub auras:
Lugdunum immergi lacrimis: gemitum undique ferri.
Tum vero obstupui infelix, totosque per artus
Irrepsit late tremor, & vox protinus hæsit,
Ac tandem justa vix interfata querela est:
Tune etiam, Frederice, jaces? sicne, Aonidum sol,
Perpetua condis nitidos ferrugine vultus,
Atque avidis Lethi manibus Gronovius hoc est?
Heu! ubi nunc come ingenium, jucundaque fandi
Gratia, dictorumque lepos, candorque, fidesque,
A a Et

Et Vaticana conservant rupe Sorores,
 Præsenti excussum est populo, populoque futuro.
 Mille tibi patuere fores, tibi mille virorum
 Atria, Quos inter nodo Salmasius arcto
 Notior, & laus illa suis æterna Batavis
 Grotius, & calamo juvenem, alloquioque fovebant.
 Parva cano. Quin & septem Regina Trionum
 Posthabito venit folio, (Daventra testor
 Mœnia) & ipsa tuos subiit Christina penates,
 Nec sacram verita est dextræ conjungere dextram.
 Te rubri norunt apices, te culmina Regum;
 Quem dum voce probant alii, Lodovicus & ære.
 Te terris longe positus, orbique togato,
 Laxatis Erebi vinclis & carcere fœdo,
 Pulcra animi monumenta, indefessique labores
 Ostendunt: quos à teneris tua provida cura
 Insignes dedit, & varios excudit in usus.
 Quid memorem Antiquos dudum Observata per o-
 Judicio domini plenissima, plena cerebro, (mnes,
 Et defæcatam toties revocata sub aurem?
 Aut, cum thesauros veterum, gazasque recludis,
 Argentique doces occultum pondus, & auri?
 Quid Senecas, quid Papinium, numerosque salesque
 Plautinos, multoque madentem nectare Plinîum,
 Atque Antenorei emaculata volumina Livî?
 Livî, quo non ullum aliud limatius usquam
 Exstat opus: famaue pari, sed dispare gressu,
 Romanum Tacitum, atque tuas, Gelli inclyte, Noctes,
 Visuras lucem optatam, post fata parentis?
 Quo lassum, Frederice, rapis? Tu scilicet ille es,
 Solus qui Latiam Lugduno restituis rem
 Per Batavos, postquam spissis ea lapsa tenebris.
 Plura sed in titulos mœror vetat. Illicet omnem
 Incensam questu, & crebris singultibus urbem

Conspicio, angustoque Patres, doctumque Senatum
Indutos clavo, & ferali veste Quirini,
Immensas signare vias. It cætera pubes,
Et juvenum passim effusis exercitus undis.
Nec non & mœsti comites, mœstique propinqui
Dant lacrimas, largisque humectant imbris ora:
Atque alii circum exequias, longo ordine, centum.
Me quoque si sacrum fas est accedere lectum
Planctumque, fletumque sequi miserabile funus;
Si conservandos monitus, ac verba fideli
Hausi animo, deque ore tuo pars una pependi,
Auditorque fui non degener, & mea quondam
Se commendarunt aliqua tibi carmina dote;
Accipe quæ tibi iusta fero: citharamque, tubamque,
Ne, quæso, ne sperne, meæ dona ultima Musæ.
Tu mihi, quodcunque hoc tenuis sub pectore venæ
Finxisti, & Clarios ad fontes, notaque nondum
Flumina duxisti vatem Pimplæa latentem.
Atque utinam primo latuissim ignotus in ortu,
Et mutas didicissim artes, Helicone relicto,
Nec mea Apollinei pulsassent barbita nervi:
Non ego nunc damno arguerer, letoque disertus
Esse tuo, mœrensque palam, invitumque subirem
Triste ministerium! Si quid tamen ista valebunt,
Te Gangen tollam super, Auroræque recessus,
Et Tartessiaci stridentem in gurgite Phœbum,
Teque niger Memnon, te maximus audiet Atlas,
Atque secuturæ dicent tua nomina gentes.



PSALMUS XVIII.

Augustum canto Regem terræque polique,
 Confugium auxiliumque meum, certamque sal-
 Cujus ego clypeo protectus barbara fudi (Iutem,
 Agmina, & hostiles vici, vincamque, catervas,
 Numine confusus dextro, & cœlestibus armis.
 Immensum Curarum agmen, sævique dolores,
 Undique me cinxere, & diri vincula Lethi,
 Fraudesque, Infidiæque, & nigro quicquid ab Orco
 Prorupit scelerum dias in luminis oras.
 Ast ego Te, nomenque tuum, dextramque potentem,
 Alme, voco, genitor: Tu me de vertice sancto
 Sancte pater, Templique Tui è penetralibus imis,
 Respicias; arrectaque meas vocesque precesque
 Aure bibis. Tremat, ecce, tremat, pavitatque timetque,
 Indignante Deo, tellus, nutantia quassant
 Culmina, vixque suis montes radicibus hærent.
 Ipse Deus justa sese armat & instruit ira,
 Tantorum vindex scelerum, fumumque nigrantem
 Naribus, & rutilos eructat faucibus ignes,
 Ardeat ima quibus tellus: quibus ardeat æther.
 Ecce suo Rector superum descendit olympo,
 Incurvatque polum, & vasti laquearia mundi,
 Cœlestisque chori pennis, Zephyrûmque volantum,
 Ardua terrarum vehitur super, imbribus atris,
 Et furva nitidam tectus caligine frontem.
 Insolito splendore truces Corique Notique,
 Ignisque nebulæque, & misti grandine nimbi,
 Diffugiunt. Tonat è supera Pater arduus arce,
 Intenditque suam Cœli per inania vocem.
 Continuo fractis eliso nubibus ignes,
 Vibrat, & horrendo tonitru, teloque trifulco

Mortales terret gentes, inimicaque sternit
 Agmina. subsidunt fontes, atque ima dehiscunt
 Terræ fundamenta, Dei vultumque minasque
 Dum timet, & tanto trepidat discrimine mundus.
 Fluctibus eductum mediis, bellicue procellis,
 Me meus eripuit vindex, lateque furentes,
 Excidiumque meum jurantes, perculit hostes.
 Illum observavi primis ego semper ab annis:
 Illius leges colui, imperiumque secutus,
 Præscripto nusquam gressus de tramite flexi.
 Ille meum direxit iter, dignamque labori
 Mercedem, & meritis donavit præmia tantis,
 Nostraque victrici præcinxit tempora lauro:
 Diligit ille etenim justos, sternitque superbos.
 Tu mihi lux, lumenque meis, sanctissime, plantis:
 Te spissæ fugiunt tenebræ: Te milite turmas
 Ire per hostiles libet, & transcendere muros.
 Nam quisnam, nisi Tu, Deus est? quis mentibus ægris
 Auxilium, rebusque hominum solamen egenis,
 Tu nisi? Tu famam insignem nomenque decusque
 Das mihi: Tu robur pedibus manibusque dedisti,
 Arcus & est digitis confractus ferreus istis.
 Tu bellicue doces artes, bellicue labores:
 Dextera defensum me dat Tua, protegit umbo,
 Avertitque meo ferratos corpore nimbos.
 Per Te certa pedum fixi vestigia: per Te,
 Hostibus immerfus mediis, hostilia stravi
 Agmina, & ingentes cumulavi cædis acervos
 Cæde nova. Pars terga dedit, pars vindice ferro
 Concidit, & prono tellurem dente momordit.
 Hos ego, nequicquam divos & surda vocantes
 Numina, ferrata prostratos cuspide fixi,
 Calcavique meis pedibus, camposque per omnes
 Hostilem diffudi aciem, ceu turbine magno

Aut cinerem, aut paleam ventus dispergit inanem.
 Salve, magne parens hominum, salve inclyte mundi
 Arbitr. invictum Tu das mihi robur, & omnem,
 Quæ mihi cunque venit duce Te victoria, palmam.
 Tu pugnare doces, Tu vincere: Tu mihi laudem
 Eximiam, & longam vicina per oppida famam
 Concilias, gentesque mihi submittis & urbes.
 Jamque meum discunt nomen laudantque, tremunt-
 Ignoti nuper populi, gentesque superbæ, (que
 Immanisque Gigas, monstrum insuperabile bello,
 Et quæcumque Tuis sacris aliena juventus.
 Salve, magne parens hominum, salve inclyte vindex.
 Quod grates animo, quo laudes carmine dicam?
 Aut quæ pro meritis reddam præconia tantis?
 O quoties quotiesque hostilibus undique telis
 Implicitum, certo capiti impendente periclo,
 Eripuit belli è mediis sua vivida flammis
 Dextra, pater? quoties, ipsos immersus in hostes,
 Hostilem delevi aciem, semperque virente
 Indutus lauro, & spoliis decoratus opimis,
 Victor Idumæa duxi de gente triumphum?
 Salve, magne parens rerum, salve inclyte rector
 Terrarumque polique: Tuum victoria nostra
 Est opus, & soli tantarum gloria rerum
 Debetur Tibi. Tu columen tutelaque Regi
 Certa mihi: Tu me sublimem ad sidera tollis,
 Bellorumque facis bellatorumque potentem.
 Tu prolemque domumque Tui cultoris, & omnes
 Qui longa tandem serie nascentur ab illo,
 Servabis pater, & donis cœlestibus auctos
 Hujus in imperium populi, sceptrumque repones.
 Te mea posteritas unum colat, istaque seris
 Commemoret benefacta nepotibus, & Tua late
 Munera venturum soboles mea spargat in ævum.

PSALMUS XLVI.

Perfugium tutumque mihi Deus ultor azylum est.
Idem grande mihi rebus solamen in arctis,
Quæ me cunque premant curæ. Cadat æquor in altum
Avolsa atque suis radicibus eruta tellus,
Aëriique lino subsidant gurgite montes;
Me nullæ rerum facies, me nulla pericla
Terrebunt immotum. Undam super erigat undam
Pontus, & infani surgant ad sidera fluctus;
Pacati Solymen fluvii, rivique sonantes
Exiguo lambent augustos murmure muros,
Lætificisque sacram perfundent imbris urbem,
Dilectumque Deo templum, templique recessum,
Creber ubi luce in media sese ipse videndum
Dat Deus, & signis præsentem ostendit apertis.
Numen in urbe sua Deus est: nihil illa timebit:
Auxiliatrices illi Deus æthere ab alto
Porriget ipse manus: lucem dum provocat Eos,
Et matutinæ resonant per inane volucres.
Infremuere procul Gentes, motantque superbum
Regna caput: celsò vocem demittit Olympo
Ætheris immensi Rector. Tremat excita tellus,
Omnis & horrendo mundus clamore fatiscit.
Bella Deus belli nobis gerit; ille salutis
Tutamen nostræ, & dubiis fida anchora rebus.
Quare, agite, atque Dei victricia vindicis arma
Adspicite. Ille urbes vacuas, desertaque latè
Rura facit. Fugiant bella aspera; frangitur arcus,
Ardua franguntur præfracto hastilia ferro;
Belligerique crepant subjectis ignibus axes.
Desinite, & verum atque unum me agnoscite, gentes
Esse

Esse Deum Deus immensæ telluris, & alti
 Ætheris, extremis terræ memorabor in oris,
 Attollentque meas mundi latera ultima laudes.
 Bella Deus belli nobis gerit; ille salutis
 Tutamen nostræ, & dubiis fida anchora rebus.

PARAPHRASIS
 ODÆ HORATIANÆ,
 III ODAR. IV.

*Descende Cælo, & dic age tibia
 Regina longum Calliope melos.*

MUsa, polo descende, & longum dicere carmen
 Incipe Calliope, seu vox seu tibia curæ est,
 Seu Phœbi mavis cithara, fidibusve canoris.
 Auditis Socii, an me ludit amabilis error?
 Ipse audire mihi videor, curisque solutus
 Omnibus huc illuc lucos errare per altos,
 Quos & aquæ subeunt tremulæ, ventique salubres.
 Vulturis aërii jamdudum in vertice summo
 Me puerum, ludo fessum, somnoque gravatum,
 Appuliæ fines ultra, limenque paternum,
 Carminibus vatum celebres texere palumbes.
 Obstupuit, quicumque tuos, Acherontia, colles,
 Bantinosque colit saltus, humilisque Ferenti
 Pingue solum, & multo vestitos palmite campos,
 Me diros inter serpentes, inter & urfos,
 Velatum mirti foliis, & tegmine lauri,

Non sine Dis ipsis animosum, & numine Phœbi,
Securos adeo sopitum ducere somnos.

Vester ego, Musæ, vester, seu forte Sabinos
Auferor in montes, seu Tiburis umbra supini,
Seu Prænestinum placuit mihi frigus, & udæ,
Otia Romulidum, Tusci maris otia, Baiæ.

Vestris addictum choreis, & fontibus, haud me
Versa Philippeis acies extinxit in arvis,
Non arbos devota, nec alto in gurgite merfit
Æquor, & ad scopulum adflixit Palinurus acutum.
Vos mihi dum comites eritis, procul orbe Latino
Ocyus Ægæos fulcabo navita fluctus;

Litoris Assyrii ficcis spatiabor arenis.

Inviolatus ego vestro sub numine, Musæ,
Ignotos visam populos, fortesque Britannos,
Indomitofque Dahas, & equino sanguine pastos
Massagetas, Bessosque, pharetratosque Gelonos,
Et Tanaim, & Scythici non hospita litora ponti.

Cæsaris Augusti defunctas Marte cohortes,
Fessaque vicinis inclusit ut oppida muris,
Vos animum recreatis, Hyantæoque sub antro
Mordaces dulci lenitis carmine curas.

Pacatum vos consilium mentemque benignam
Suggestis, vos suggesto gaudetis, & alma
Per vos, sopito, regnat Clementia, bello.

Scimus ut insanos, enormia monstra, Gigantas
Fulmine sustulerit deturbaritque caduco,
Qui mare, qui terras, qui cœlum & sidera cœli,
Pallentesque Erebi manes, hominesque Deosque
Æquato regit imperio, nutuque gubernat.

Terrorem magnum intulerat Divisq; Deūmque
Rectori, centum manibus confisa juvenus,

Involvens altum frondosæ Pelion Ossæ:

Sed quid Aloidæ gemini, immanisque Typhœus,

Por-

Porphyrusque, Mimasque, & vasto corpore Rhæcus,
 Enceladusque altas evellens montibus ornos,
 Pallada belligeram contra, lateque sonantem
 Ægida, nequicquam validi, frustra que ruentes
 In bellum possent juvenes? Hinc maxima Juno,
 Hinc avidus stetit Ignipotens, & tempore nullo
 Splendescentem humeris pharetram positurus & ar-
 Castaliæ qui fonte sacro puroque capillos (cum,
 Rore lavit, Lyciæ gentes qui frenat & urbes,
 Natalemque tenet Delon, formosus Apollo.
 Mole sua, vis consilio privata, labascit:
 Consilio munita, viget; crescitque per ipsos
 Aucta Deos: idem vires odere nefandas.
 Testis erit verborum argumentumque meorum
 Centimanusque Gyas, & virginis ille Dianæ
 Tentator, divæ telis confossus, Orion.
 Ipsa suis Jovis imperio superindita monstribus
 Terra dolet, sobolemque suam mœstissima mater
 Dejectam luget trifido sub Tartara telo.
 Ardet in immensum, præbetque alimenta caminis
 Ætna suis: gemit impacti sub pondere montis
 Enceladus: gemit Inarimes sub rupe Typhœus:
 Lascivique jecur Tityi non deserit ales,
 Addita nequitiae custos: tenebrisque sub imis,
 Rivalem Jovis inferni, pro talibus ausis,
 Vincula Pirithoum cohibent æterna furem.



PARAPHRASIS
ODÆ HORATIANÆ,
III ODARUM XXV.

*Quo me, Bacche, rapis tui
Plenum, &c.*

Quo me, Bacche. tui plenum, largoque madentem
Nectare, per rupes, humanisque invia plantis
Saxa rapis? quænam in nemora, & loca sola ferarum
Quas præceps agor in latebras? quibus abditus antris
Cæsaris invicti laudes, pugnatæque dicam
Prælia; jamque tuo percussus pectora thyrso
Aërias supra nubes, super ardua mundi,
Concilio Jovis ætherei, & radiantibus astris,
Intexam nostri nomen Jovis? Alta, nec ulli
Dicta prius, nullis unquam memorata Pœtis
Carmina, nec sæclis audita prioribus, edam.
Haud aliter, multo mentem percussa Lyæo,
Lustratam nivibus Rhodopen, Hæmumque pererrat,
Subiectumque suis pedibus circumspicit Hebrum,
Evias. Ut fontes, & leni concita cursu
Flumina: ut horrentes umbris ac frigore silvas
Mirari libet! O magni Jovis inclyta proles,
Qui nemorum divas agiles, Bacchasque valentes
Vellere proceras altis radicibus ornos,
Jucundo regis imperio, frænoque coerces:
Nil leve, nil feros quod non perduret in annos,
Nil

Nil humile, aut mortale canam: dulcique periclo,
 Dulcis Iacche, tuum, per quæ rapis avia, numen
 Subsequor. o longos hedera viridante capillos,
 Et lætam uberibus frontem redimite corymbis!

F A B U L A

PYRAMI & THISBES

E X

O V I D I O.

Urbis erat (hanc muris cinxisse Semiramis altis
 Dicitur) Assyriæ nobile gentis opus.
 Pyramus, & cunctis Thisbe prælata puellis
 Illic contiguas incoluere domos.
 Notitiam tenero vicinia fecerat ævo:
 Creverunt anni tempore, crevit amor.
 Et jam solennesque faces, thalamumque jugalem,
 Castaque connubii vincla parabat Hymen.
 Nequicquam vetuere patres. Par ignis utrique,
 In geminis idem mentibus ardor erat.
 Verba supercilio reddunt referuntque loquaci,
 Signaque non tacitæ pondera vocis habent.
 Quoque magis tegitur, magis æstuat, & magis ardet,
 Perrumpitque obices flamma retenta suos.
 Forte fuit paries, domui confinis utrique,
 Parvaque, Transmisso lumine, rima fuit.
 Viderat hoc vitium (quid enim non ille videret?)
 Hoc primus vitium viderat acer Amor.
 Constitit hinc Thisbe Babylonia, constitit illinc
 Pyramus, invento lætus uterque novo.

Mur-

Murmure blanditiæ tenui, mollesque fufurri
Transibant ista, tuetaque verba, via.

O paries, votis paries nimis inuide nostris,
Et tu, clausa nimis rima, parumque favens;
Quantum erat, ut sineres, cupidos conjungere aman-
Mutua brachiolis brachia, labra labris? (tes
Crede nec ingratos fore nos tibi: muneris omne,
Transitus alloquio quod datus iste, tui est.
Talibus atque aliis consumpto tempore verbis,
Sub noctem querulum dixit uterque Vale.
Dixit, & oppositam non contingentia partem
Impressit muro basia quisque suo.

Posterus Eoo surgebat ab æquore Titan,
Ad solitum redeunt parte ab utraque locum.
Postque moræ minimum, properataque verba, pater-
Linquere constituunt, nocte silente, domum. (nam
Nox erat: egreditur patrio de limine Thisbe,
Venit & ad rumulum, Rex Nive, prima tuum.
Ecce venit, satiata boum modo cæde, læna,
Vicino cupiens fonte levare sitim.
Adspicit hanc, Lunæ radiantis munere, Thisbe,
Proximaque attonito fugit in antra pede.
Ut bibit, ore leo tenues discerpit amictus,
Elapsos humeris forte, puella, tuis.
Tardius egressus vestigia Pyramus alta
Adspicit horrendæ, tristia signa, feræ.
Adspicit & vestem: inspecta veste, Quid, inquit,
Exitio nox hæc una duobus erit?
Illa quidem vita dignissima: solus obire
Quam merui mortem crimine dignus ego.
Ille ego sum, qui te, mea lux, mea vita, peremi.
Culpa mea est, Thisbe, lux mea; culpa mea est.
Debueram tibi nocturnas comes esse per umbras:
Debueram pacto primus adesse loco.

Nostra

Nostra cruentati discerpite membra Leones:

Viscera silvestres rumpite nostra feræ.

Dum loquitur, Thisbes velamina tollit, & ori

Admovet, & lacrymis irrigat illa suis.

Tingere nunc nostro quoque sanguine, tingere vestis,

Nec tantum lacrymas imbebe, terra, meas.

Dixit, & eductum demergit in ilia ferrum,

Et gemino madidam sanguine plangit humum.

Candida purpureum morus traxisse ruborem

Creditur, & foetus commaculasse suos.

Ecce redit nondum posita formidine Thisbe,

Vestigatque suum mente oculisque virum.

Utque locum, faciemque loci, pomique colorem

Lumine obit, sitne hic nescit, an iste locus.

Dum dubitat; trepidatque solum; tremit ipsa; locum-

Ora gerens buxo pallidiora, fugit. (que,

Ad nomen Thisbes, oculos vix ille labantes

Sustulit, & gemitus edidit ore graves.

Illa autem vestesque suas ut vidit, & enssem,

Hoc tua te, dixit, perdidit ense manus.

Ipsa sequar: me coget amor, me dextera coget,

Fortis in hoc unum dextera, fortis amor.

Causa comesque tuæ dicar necis, ipsaque tecum

Ibo per infernos flebilis umbra lacus.

Nec mihi te, te sola potest quæ tollere, tollet;

Quemque ferox rapuit mors mihi, reddet amor.

Vos tamen, ô nostra miserandi sorte parentes,

Ultima ne miseræ verba negate mihi.

Et quoniam nos junxit amor, nos funera jungunt,

Idem nos cineres jungat, & ossa, locus.

At tu, cara, meos quæ nunc tegis, arbor, amores,

Moxque tua extinctam me quoque stirpe teges;

Signa tene luctusque tui, casusque nefandi,

Et rubeant gemino poma cruore tua.

Dixit,

Dixit, & incubuit tepido de sanguine ferro
 Pyrameoque suum trajicit ense latus.
 Vota suos habuere Deos, habuere parentes,
 Nam niger in pomo est sanguineusque color,
 Et quicquid gemino cinerum de corpore restat,
 Communis gremio continet urna suo.

I N L I B R U M

A N T. B Y N Æ I ,

D E M O R T E C H R I S T I ,

*Idiomate Belgico scriptum & ite-
 rata jam vice editum.*

S Alve care mei liber Bynæi,
 Salve docte liber, tui Parentis
 Proles altera, quem legit stupetque
 Virorum chorus elegantiorum.
 Ut te conspicio lubens, lubensque
 Hanc lucem tibi gratulor secundam!
 Vix quicquam tibi defuit priori,
 Nec limatior absolutiorque
 Ullus te potuit liber videri:
 Tui qui domini tuique patris
 Sagace ingenio, novaque cura,
 Nitescis meliusque puriusque,
 Et te pulchrior elegantiorque
 Fulges lumine jam sereniore.
 Salve culte liber, polite salve,
 Et qua te populi faventis aura,

Et qua te vocat eruditus orbis,
 I rursus alitibus viam secundis.
 Te quantum est hominum politiorum,
 Te quantum est hominum eruditiorum,
 Versabit cupida teretque dextra.
 Tu, quodcunque libri docent priores,
 Quicquid Salmasiusque Scaligerque,
 Quicquid Grotius, Heinsius, Bochartus,
 Seldenus, Drusus, Casaubonusque,
 Docent pluribus exhibentque chartis,
 Chartis exprimis exhibesque paucis.
 Tu linguae genium decusque Sanctae,
 Et Grajas simul, & simul Latinas
 Includis Veneresque Gratiasque:
 Tu ritus veteres reconditosque
 Evolvis tenebris, novaque luce,
 Spargis codice comprehensa sacro.
 Per te conveniuntque congruuntque
 Chartis historiae notata sacrae:
 Per te quattuor involuta libris
 Jam volumine continentur uno.
 Salve, iudicio polite multo,
 Fausto fidere jam renate salve,
 Auctori que novos para triumphos.
 Te leget, releget, legetque rursus
 Toto Belgica, qua patet, profundo:
 Te mirabitur universus orbis.
 At tu dux operis paterque pulchri,
 Istarum pater elegantiarum,
 Pars sodaliti Bynae nostri,
 Tu porro mihi, tu Bynae, salve.
 O felix studio, labore felix,
 Felix materia tua, Bynae!
 Tu scandis bifidi jugum Sionis,

Tu purum Siloes bibis liquorem,
Et jam numine, jam furore plenus
Ipsi trita Deo per arva tendis,
Ipsos subsequeris legisque gressus;
Nunc in Getsemanes virentis hortum,
Nunc ad culmina Golgothæ cruenti.
Hic mortem Domini Delque nostri,
Et mortis genus, & Crucis figuram,
Et quicquid Cruce pertulit sub alta,
Spectas lumine cuncta diligenti,
Narras ordine cuncta perspicaci,
Sic ut clarius evidentiusque,
Sic ut plenius explicatiusque
Nil dici queat aut queat videri.
Salve, grande sacræ decus catervæ,
Coetus gloria magna litterati,
Salve denique, mi Bynæ, salve.
Jam te, si quid habent in arte veri
Vatum carmina, proximas in urbes
Certatim Ya trahet, trahetque Rhenus;
Virtutique tuæ tuisque Musis
Daturi egregium brevi theatrum,
Brevi nobile præmium daturi,
Applaudet tremulis uterque lympis.
Quo vero interea tuos labores,
Quo te, pro meritis tuis, honore,
Cujus frondibus arboris, Bynæ,
Compensabimus, implicabimusque?
Vulgaris nimium corona laurus.
Te decent oleæ, decentque palmæ.
En Oliviferi jugum relinquit,
Vestigatque tuos oliva crines:
En Judæa suos propinqua ramos
Incurvat tibi, debitumque sertum
Nectunt palmifera, Bynæ, silvæ.

JANO BROUKHUSIO.

Q Uem dono leporem mihi dedisti,
 Bonum, Juppiter, atque delicatum,
 Placet mirifice meo palato.
 Est tenellus enim juvenculusque,
 Atque inter lepores tenelliores
 Tanto hic optimus omnium, inter omnes
 Quanto tu optimus omnium Poëtas.
 Non talem Cererique Cypridique
 Dilecti pueri, per arva Cypri,
 Per arva Arabiæ, per arva Cretæ,
 Venati canibus fuere doctis:
 Non talem gelidi jugum per Hæmi,
 Aut in Tæygeti jugis opaci,
 Aut in Mænaliis secuta silvis
 Decus Mænaliæ Diana silvæ.
 Cedat, lumine quæ superbit Argi;
 Cedat puniceis amicta pennis,
 Et guttis variis notata; toto
 Cedat litore Phasianus ales.
 O dignam Siculis dapem patellis!
 O dignam patina Vitelliana!
 Quare munere pro tuo polito,
 Tibi scilicet, o polite noster,
 Ingentes ago debeoque grates.
 Si quem, ut fama, lepus facit venustum
 Septem, Jane, dies, venustus ille,
 Quem donum modo tu mihi dedisti,
 Ille melleus, ille mollicellus,
 Omni dulcior ille melle, versa
 Tuo mollior ille mollicello,

Vates melleæ, mollicelle vates,
 Quot me, Jane, dies venustus ille,
 Ille melleus, ille mollicellus,
 Pulchellum faciet venustulumque?

GOESIO ab ABSMADE,

CONSULI.

PRoles Heinsia, Goesiana proles;
 Decus stemmatis utriusque magnum,
 Magnum Palladiæ decus Catervæ,
 Ut gaudet chorus eruditus omnis,
 Parens Goesius, Heinsiique manes,
 Et quisquis Batavæ severitatis,
 Virtutis, fidei, modestiæque,
 Aut amans fuit, aut feretur unquam,
 Leidensẽm meritis tuis senatum
 Dudum promeritos dedisse fasces.
 Gratatur tibi Consuli Senatus,
 Gratatur populus, domosque passim,
 Passim compita pervagatur, urbis
 Acclamatio murmuratioque.
 Plaudunt finitimæ tibi Camœnæ,
 Plaudit omnibus ecce Rhenus undis.
 Salve ingens Procerumque Consulumque,
 Ingens gloria nominis Batavi,
 Sacerdos Themidis, tuique dudum
 Phœbi Numinis, & novem Dearum
 Tuæ olim domui domesticarum;
 Salve Pierii parentis hæres,
 Hæres inclyte laudis Heinsianæ;
 Exemplum veteris, nec hujus, ævi,

Ævi simplicis, innocentis ævi;
 Urbis præsidium decusque, salve.
 Tuo præsidio tuoque ductu
 Tua floreat usque & usque Leida,
 Rectores alios velit nec ipsa,
 Rector dum superet sibi suisque
 Proles Heinisia, Gocfiana proles.

CORNELIO HOP, JACOBI FILIO.

Spes votumque tui Parentis, Infans,
 Matris prime tuæ dolor, voluptas
 Idem plurima gaudiumque matris;
 Infans parvule, luminisque dias
 Recens edite, quas bibis, sub auras;
 Salve, blande puer; tuæque vitæ
 Hunc, quem fata tibi dedere primum,
 Ordire auspiciis diem secundis.
 Sit felix, precor, iste, & iste, & iste,
 Et quoscunque colo benigniore
 Nebunt fatidicæ tibi sorores.
 Gaude, parve puer, tenelle gaude,
 Complexuque tuo, tuoque risu,
 Tuam noscere disce, disce, matrem.
 Illam mollibus implica lacertis:
 Illam dulcibus osculare labris:
 Illius gremio inside tenellus.
 At cum te Juvenem secuta deinde
 Ætas fecerit, inclyti Parentis
 Per vestigia, per decus tuorum,
 I, quo te meriti vocant honores.

Quo sis stemmate, qua domo, memento.
 Hinc Cornelius, ille, cujus ipse
 Tu nomen geris; ille, quo loquente
 Nuper Amstela, nunc superbit Haga,
 Vindex Iustitiæ severioris:
 Hinc te Henricus agit, viamque monstrat
 Consul Hoofdius; ille consul, ille
 Quo Res publica, quo salus Batava
 Felix auspice tot stetit per annos.
 Hoc virtutis iter tibi tenendum est:
 Hi sunt, parve, tibi, puer, sequendi.
 Quem vero libeat sequi, perinde est.

JACOBO WALLIO.

Phœbi delictum, meumque, Walli,
 Walli Castalidum decus sororum,
 Cui Permessidos entheum liquorem,
 Longis ductibus, haustibusque largis,
 Potandum Clariæ dedere Divæ:
 Suam cui fidicen Lyram Latinus,
 Cui molles Elegos modosque Naso,
 Heroum Maro carmen, inque dura
 Natos bella modos, tubamque cessit,
 Apollo sua cessit ipse fila:
 Princeps ordinis erudite nostri
 Ingens Pieriæ decus catervæ:
 Quid te criminis, ô diserte noster,
 Quæ te, quæ ratio movet, per annos
 Plures sic fileas ut obstinatus?
 Qua culpa potui merere, de te,
 Post sex & totidem, duasque menses,
 Nullas denique litteras videre,

Nul-

Nulla ut contigerit videre verba?
 An, quod te foveoque diligoque;
 An, quod te veneror coloque, Walli?
 An, quod carmina Walliana pluris,
 Quam quasvis facio Recentiorum,
 Pulchras quamlibet, aureasque, Musas?
 An, quod te cecini, meisque dudum
 Evexi numeris ad astra vates?
 Quid ô, fare precor, quid ô, quid inquam,
 Offendi, rogo; quod scelus patravi;
 Ut nec litterulis tuis politis,
 Nec missa mihi vel semel salute,
 Digneris tibi deditum clientem,
 Digneris Batavum Poëta vatem?
 An sordent Batavi tibi Poëtæ?
 Non certe puto, non puto; leguntur,
 Et toto celebres feruntur ævo,
 Doufa, Grotius, Heinsius, Secundus,
 Reges Teutonici, Ducesque Pindi.
 Nec sic degeneres sumus Nepotes
 Patrum lusibus & modis Avorum,
 Ut vix unius æstimemur assis,
 Nec digni alloquio putemur ullo.
 Non sic, multiplici favore plena,
 Multis blanditiis scatens, amica
 De me littera judicabat olim,
 Non sic denique vester ordo, Walli.
 Sed sic Wallius ipse, credo, de me,
 Sic nec Wallius ipse judicabit.
 At tu rumpe tuum, precor, veternum,
 Segnes rumpe moras, silentiumque,
 Invisum nimis ah, nimisque longum,
 O desiderii cupite multis,
 O ardentibus expetite votis,

Votis omnibus expetite Walli.
 Responsum mihi posco Wallianum.
 Dic, quæso, mihi, dic, polite Walli,
 Nunquid carmina Franciana nunquid
 Placent Franciacæ tibi Camœnæ?
 Ecqua forte tui Maronis, ecqua
 Nasonis genium æmulamur? ecqua
 Arguti numeros modosque Flacci?
 Quid censes, Clariæ Magister artis,
 His de Vatibus, hosce solus omnes
 Qui sic exprimis exhibesque, nemo
 Ut possit melius rotundiusque,
 Nemo pulchrius elegantiusque,
 Nemo proximius propinquiusque?
 Quid censes, rogo, quid, diserte, censes?
 Silet Wallius, &, puto, filebit.
 O artem invalidamque debilemque!
 Quondam robora dura, saxa quondam,
 Et rupes poterant movere; & ipso
 Dianam elicere è Polo valebant
 Vatum carmina: Wallio Poëtæ
 Nullum carmina Franciana verbum.

I N .

Doctorum Virorum Imagines,
Bibliothecam meam exornantes.

O Dux Picriæ, Petrarcha, turbæ,
 Aëti candide, tuque culte Bembe,
 Torquate, atque Arioste, tuque Pice,
 Tuque ô Agricola, & Politiane,
 Tuque, ô orbis honos, Erasme, tuque

Laus

Laus secunda tuis, Secundæ, Belgis;
 Et vos Scaligeri, Josephæ, Juli,
 Orti Cæsaribusque Regibusque,
 Reges Aoniæ ducesque turmæ;
 Tuque, ô nobile pectus, eruditæ
 Arcis conditor, erudite Doufa;
 Et tu, Suada iocosa, docte Baudi;
 Et tu, seria Suada, docte Lipsi;
 Et qui signa tui legis magistri,
 Erici Puteane; tuque Groti,
 Groti maxime, litterate Groti,
 Verax ille tuis Apollo Delphis;
 Et tu Pieriæ, tuæque, Claudii,
 Gentis gloria; tuque, docte Vossi;
 Et tu, patria Ganda quo superbit,
 O Heinssi pater, ô pater leporum,
 Doctrinæ pater elegantioris;
 Tuque, ô fama tui patris, paterni
 Hæres pectinis, Hensiana proles,
 Proles æmula, digna patre proles;
 Et tu, Belgice Martialis, & tu
 Casaubone, Bocharte, Beza; tuque
 Princeps inclyte, Ferdinande Princeps,
 Decus Neuhusii, decusque Pindi:
 Omnes denique, quotquot hoc in ævo,
 Aut ævo viguistis in priore,
 Orbis lumina magna litterati,
 Orbi nomina nata demerendo:
 Ut vos intueor lubens! ut oris
 Vestri has effigies imaginesque
 Contemplor taciturnus ipse mecum!
 At vos ô, studiis favete nostris,
 Culti sidera sæculi polita,
 Docti sidera sæculi erudita,

IN

Exquisitissimam Bibliothecam
WITTIANAM.

Salve , Bibliotheca Wittiana,
 Laxo quæ gremio tuo recondis,
 Quicquid Græcia , Roma quicquid olim
 Rerum protulit elegantiorum;
 Seu scriptas calamo manuque prisca
 Membranas cupis; aut recentiorum
 Notatas calamo manuque chartas;
 Nummos, Marmora, Saxa, Vasa, Gemmas,
 Ævi relliquias vetustioris;
 Omnis seu generis typo exaratos,
 Pulchros, conspicuos, bene expolitos,
 Distinctos pluteis locisque libros.
 Salve , Bibliotheca Wittiana,
 Tuo quæ gremio capace condis,
 Quicquid suspicit eruditus orbis;
 Salve, maxima; major usque, salve.
 Ut te conspicerè , ut juvat tueri!
 Volventemque oculos modo huc modo illuc
 Obmutescere protinus , tuasque
 Contemplari oculo stupente gazas !
 Nil te cultius , elegantiusque:
 Nil te pulchrius est , venustiusque.
 Sed quamvis adeo venusta , quamvis
 Sic sis culta , nihil mage esse possit
 Ut te pulchrius , elegantiusve;
 Est quiddam potius tamen , priusque.
 Si nescis , Dominum intuerè : nil hoc
 Est politius , elegantiusque,

Nil

Nil humanius , hospitaliusque.

Tuis hic potior priorque gazis:

Gazis hic potior priorque cunctis.

STEPHANO MORINO

I KAL. JAN. CIO IO CXCI

Annum LXVII auspicanti.

Venerunt iterum tuæ Kalendæ,
 Et de more novum reducis annum,
 Anni principium , Quirine Jane:
 Cumque anno redeunte , cumque Jano,
 Natalis rediit tuus , Morine,
 Augustissimus omnium dierum.
 Sexagesima sexta jam , Morine,
 Hiems præteriit , brevisque vitæ
 Spem te summa vetat fovere longam.
 Solo pectore vivimus : rapacis
 Ritu cætera fluminis feruntur.
 Hanc vitam tibi da , tuisque scriptis
 Immortalibus ultimas in oras
 Famam extendere , ceu facis , memento.
 Dein , post emeritos dies & annos,
 Post plures alios , quod opto , Janos,
 Auctor temporis , Arbiter dierum,
 Cum nec tempora , nec dies , nec anni,
 Nec soles , nec erunt , ut ante , Lunæ,
 Te Cœlo Deus invehat , tibi que
 Nullo temporis orbe finiendam
 Det post hanc aliam , Morine , vitam.

ACTO.

ACTORUM LIPSIENSIIUM

COLLECTORIBUS.

C Arpzovi generose, vosque cuncti,
 Qui molimine, qui labore multo
 Prolapsas pariter fovetis artes,
 Doctorumque hominum polita scripta,
 Et quicquid varias per orbis oras,
 Pulchri protudit eruditus orbis,
 Passim colligitis; manuque docta,
 Et terso calamo, stylo elegante,
 Labores hominum elegantiorum
 Venturo memores sacratis ævo:
 Turba sedula, litterata turba,
 Quos Germania, quos sinu benigno
 Alit Lipsia, litterata tellus,
 Alumnis merito superba tantis:
 Quæ vos, dicite, causa, Lipsienses,
 Quid vos impulit, ô boni, tot inter
 Illustres animas, tot æviterna
 Quod me nomina collocastis inter?
 Quid vos, quid movet, erudita turba,
 Quod me conspicuum, quod invidendum,
 Toto redditis orbe; bisque vestris
 Inter sidera collocastis Actis?
 Ille, ergo, ille ego, qui, parum disertus,
 Nec largæ nimis uberisquæ venæ,
 Dicendo simul, & simul canendo,
 Credor posse aliquid; minusque doctis
 Orator potero viris videri,
 Videri potero Poëta? Fallis,

Hosque

Hosque decipis , erudita turba.
 Non responder imago ; plusque vobis
 Debent , quam Domino , mei libelli,
 Nec satis lepidi , nec expoliti.
 Quin istis titulis honoribusque ,
 Et multis nimis & nimis superbis ,
 Vestra cum venia bonaque pace ,
 Irascor quoque , nec , pudore salvo ,
 Possum hoc iudicium probare vestrum.
 Non impune feretis , & mearum
 Præcones nimios , tubasque laudum ,
 Tuos , Lipsia , nobiles alumnos
 Istos , carminibus meis pereuntem
 Qui famam tribuere , quique vitam ,
 Si quid carmine , si quid ore possum ,
 Meis carminibus , meisque verbis ,
 Æstu percitus & furore plenus ,
 (Audis , Lipsia ; vosque , Lipsienses ?)
 Transcribam supero vicissim Olympo.

VIRO PRIMARIO
 EVERARDO DANKELMANNO.

S Alve nobilium decus virorum ,
 Magni maxime Principis minister ,
 Dankelmann , Tuæ domus , Tuæque
 Gentis gloria , quo Sicambra tellus ,
 Quo Germania nunc superbit omnis ;
 Salve Castalidum decus fororum.
 Te res Teutona , Berolinumque ,
 Gaudet præside , maximusque Princeps ,
 Magni progenies superba Brenni.

Tuis

Tuis consiliis, Tuoque ductu,
 Princeps optimus usque crevit, & jam,
 Dolis, insidiis, malaque fraude,
 Et discrimine liberatus omni,
 Securus folio sedet paterno.
 Tu belli moderator atque pacis,
 Pacis artibus, artibusque belli,
 Cives instruis; & laboriosa,
 Ut stellas humeris Atlas, torosis
 Rerum pondera sustines lacertis.
 Tu leges populo, novosque cultus,
 Tu mores populo Tuos dedisti.
 Per Te cana Fides, Pudorque, per Te
 Descendit Themis; aureumque sæclum,
 Et mundi facies redit prioris.
 Tu moles operum, polo minantes,
 Lapfas erigis, excitas recentes,
 Jamque pulchrius elegantiusque
 Urbis tecta nitent, suumque lumen
 Jactant aeris sub altra tures.
 Tu fines Domini tui per omnes
 More Principis, aureique solis,
 In omnes pariter benignus oras,
 Docto Principe sic jubente, doctis
 Passim virginibus, patrique Phœbo,
 Ædes extruis, omnibusque longe
 Saxis, marmoribus, perenniora
 Venturo monumenta ponis ævo.
 Tu viros, ubicunque, litteratos,
 Tu dulces Heliconios alumnos,
 Largo munere congiarioque,
 Ipso Principe sic volente, donas.
 Salve, Castalidum decus sororum;
 Salve, nobilium decus virorum;

Magni maxime Principis minister.
 Te Germania, Te Sicambra tellus,
 Te Phœbus pater, & novem sorores,
 Dankelmanne, canant; Tuumque nomen
 In mundi latus omnis, ultimosque
 Spargant carmine posteros Poëtæ.

MAGNO PENSIONARIO,
 ANTONIO HEINSIO,
 MAGNI SIGILLI
 CUSTODI.

HEinsi maxime, nomen eruditum,
 Nomen laurifero celebre Pindo,
 Rei gloria publicæ, virorum
 Ingens præsidium politiorum;
 Quod vultu placido, quod ore læto,
 Meque exceperis & meas Camœnas,
 Quas grates tibi, quo sono, rependam?
 Stet Respublica floreatque nostra,
 Tuis fulta humeris; tibi que tantum
 Pares nominis & celebritatis
 Hæc per oppida, rebus in gerundis,
 Quantum nominis eruditione
 Doctrinaque sibi sua pararunt
 Parens Heinsius, Heinsiusque gnatus;
 Et certamine nobili Batavi
 Contendant Proceres, virique docti,
 Claro nomine gentis Heinsianæ
 Sit illustrior eminentiorque
 Resne Publica, Resne Litterata.

SIL.

PETRI FRANCI SILVARUM

LIBER SECUNDUS.

AD MUSAS SUAS,

Cum

SERENISSIMUS ac POTENTISSIMUS

PRINCEPS

FREDERICUS TERTIUS,
ELECTOR BRANDEBURGICUS,

*Urbem Amstelodamensem inviseret: Ipse autem
à conspectu sereniss. Principis valetudine
parum prospera prohiberetur.*

Ite mææ pro me, mihi non licet, ite Camœnæ,
Et vultum magni cernite & orà viri:
Maximus Amsteliæ Hospes modo venit adandas,
Miraturque domos urbis, & urbis opes.
Illa quidem visu dignissima, quodque morari
Principis eximii lumina possit, habet.
Ipse tamen res ante alias dignissimus omnes,
Lumine quem lustres, Urbs spatiosa, tuo.

Cc

Hic

Hic ille est Fredericus, Avis Heroibus ortus;
 Agnoscat Brennus quem genus esse suum:
 Hic ille, invicto clarus Patre, clarior olim
 Et Patre, & magnis Ipse futurus Avis.
 Germanus quondam Alcides, Germanus Apollo
 Hic erit, Aonii duxque paterque chori.
 Alterius, doctæ, vobis documenta, Sorores,
 Jam dedit: alterius mox documenta dabit.
 Scilicet, Auriacus dum trans mare militat, urbes
 Protegat ut nostras, deserit ille suas.
 Ergo agite, & pacis studiis & Marte verendum
 Ite salutatum, carmina nostra, Ducem:
 Et lætos reditus, multasque voventia lauros,
 Pro domino, Musæ, dicite verba, meæ.

I N

BELLUM COMMUNE

A B

UNIVERSIS EUROPÆ GENTIBUS

Contra G A L L O S

Susceptum.

O Mnīs in adversum surgit Germania Gallum,
 Itque ultum furias, Gens truculenta, tuas.
 Hac Cæsar, Dux hac validum Lotharingius agmen,
 Hac Bavarus populos ducit in arma suos.
 Explicat hîc Saxo natas ad bella cohortes:
 Martius hîc Brenni fulget in ære Nepos.
 Parte alia Hispani coeunt, coeuntque Batavi,
 Quosque videt Getico Mænalis ur̃sa polo.

Deni-

Denique Tu, populi Rector Ductorque Britanni,
 Maxima militiæ pars, Procerumque caput.
 Undique concurrunt agitatae in praelia Gentes,
 Conjurantque tuam, barbare Galle, necem.
 Nobile principium Berolino Ductor ab urbe
 Communis belli ducit, ut ipse fui.
 Vix bene constiterat primis Fredericus in armis,
 Vix bene lustrarat moenia, victor erat.
 Ecce cadit, panditque Tibi, Frederice, reclusas
 Caesaris à magni nomine dicta domos.
 Grande rudimentum, Princeps, aliisque sequendum
 Virtutis specimen, Dux animosæ, Tuæ!
 Quas urbes, quas non spondet Victoria terras,
 Mars ubi tam pulchrum publicus omen habet?

FREDERICO III.

D.G. MARCHIONI BRANDEBURGICO

S. R. I.

OCTOVIRO,

&c. &c. &c.

BONNA EXPUGNATA.

Capta fuit nuper Tibi Caesaris Insula, Princeps:
 Fulmine Mavortis Bonna recepta Tui est.
 Proxima quæque Tuis pacasti viribus: & jam
 Inferior Rhenus sub Tua jura fluit.
 Finitimæ gaudent urbes, assertaque per Te
 Excussit famulum Clivia tota jugum.

En jussis ut sponte Tuis obtemperat illa,
 Jurat & in Domini verba fidemque sui
 Jurat in has ipsas Tua mox Germania leges,
 Quæque Tua gentes sub ditione jacent.
 Undique Te plausus circumstrepit, undique cives
 Vindicis invicti nomen ad astra ferunt.
 Si quas fides, minus ore Tibi, quam pectore, Princeps,
 Plauditur. hoc in Te fonte redundat amor.
 Innumeris potior palmis est ista, nec ullis
 Debita militibus gloria; tota Tua est.
 Bis victor duplicem, Princeps, meditare triumphum,
 Cingat & Heroas laurea bina comas.
 Tu populos, Tu, qua major victoria nulla est,
 Subjicis imperio corda animosque Tuo.

IN DIEM

quo

WILHELMUS

MAGNÆ BRITANNIÆ

R E X

EST CORONATUS:

ET

In illius diei memoriam accensos per omnem Bataviam

NOCTURNOS IGNES.

NOcturni summis pendent de turribus ignes,
 Perque vias fulgent lumina, perque domos.
 Ignea sub nubes mittuntur tela: sub undas
 Sidunt igniti, subsiliuntque, globi.

Ar-

Ardentes tormenta vomunt de mœnibus undas:
 Igne micat tellus, ut micat igne polus.
 Quid rear? Anne etiam portat sua sidera tellus?
 An cœlum flammis fulgurat omne novis?
 Sic puto: Deserto fugerunt undique cœlo,
 Absconduntque suum sidera fulva jubar.
 Nubibus occultat frontem pudibunda sub atris,
 Seque putat medium Luna videre diem.
 Abde serenatum, Phœbe, caput, abdite, stellæ:
 Nil noster vestro lumine mundus eget.
 Nimirum, Auriacum nobis dum luceat astrum,
 Diffundens radios in latus omne suos,
 Lætitiæ toto suspensis æthere signis,
 Pascere nocturnus desinat astra polus.

WILHELMO

MAGNÆ BRITANNIÆ

REGI,

HIBERNIÆ PACATORI,

&c. &c. &c.

Cuncta manu valida prosternere, fulminis instar,
 Pellæi quondam laus erat arsque Ducis.
 Adventu oppressas necopino subdere gentes,
 Romani fuerat Cæsaris illud opus.
 Credite, posteritas: nunc Regis utrumque Britanni,
 Auriaci nunc est Principis illud idem.
 Fulminis in morem, quaqua venit, omnia ferro
 Demetit, & cunctas amputat ense moras.

Mœnia sunt testes Dublinia: testis Iërne,
 Si qua fides, uno pœne subacta die.
 O & Alexandro, Princeps, & Cæsare magno
 Nil minor! alterutrum Téné, an utrumque, vocem?
 Tu potior vel utroque: Tua virtute peractum est
 Majus Alexandro, Cæsare majus opus.
 Imbelles alter populos devicerat: alter,
 Quam Tu vicisti, cedere jussus humo est.
 Perge, decus Regum, rursusque faventibus auris
 Transier in oppositum Martia signa solum.
 Te noscat Regem, te sentiat hostis, & illi,
 Cui nomen fueras vile, tremendus eas:
 Collaque submittant jam languescientia Gallo
 Sanguine purpureis Lilia Galla Rosis.
 Perge, precor, quaque ipse Tibi se pandit Olympus,
 Dudum promeritam carpe sub astra viam:
 Majoresque Tuos, quantum prævertis honore,
 Victrici supera, pulchrior usque, manu:
 Quodque piis unum votis restare videtur.
 Vince annis Proavos, vincis ut ense, Tuos.

GERARDO HOOFDIO,

In pugna contra Gallos maritima

Fortissime occumbenti.

O Stensus tantum terris, terrisque negatus,
 Ne proprius nobis hic, reor, esset honos,
 Conditur hoc tumulo, juvenili extinctus in ævo,
 Hoofdus, ille tuus, terra Batava, dolor.

Infe-

Inferior numero, sed major pectore, paucis
 Dum sequitur plures aggrediturque rates;
 Primus in hostiles dum fulminat ære carinas,
 Et melius patriæ, quam sibi, pugnat, obit.
 Ille cadit, toto cedentibus æquore Gallis,
 Vincit & armata post sua fata manu.
 Quot lauros, quot sublatos hac morte triumphos,
 Quas intercepit spes, niger iste dies!
 Patria, crede tuum te nunc amittere Drusum:
 Te nunc Marcellum perdere crede tuum.

MAXIMILIANO EMANUELI BAVARIÆ DUCI,

S. R. I.

Octoviro & Archidapifero,

BELGII REGII GUBERNATORI,

&c. &c. &c.

BElgica, Rectores dnm fluctuat inter Iberos,
 Quem petiit voto, quem prece, nacta Ducem est.
 Turcarum exuviis, & Cæsaris inclytus armis,
 Gloria Magnanimis Maxmilianus Avis,
 Cæsaris Augusti columnen, Regisque Philippi,
 Qua Bavaros, Belgas jam reget ille manu.
 Exultant passim populi: laudatque probatque
 Belgica consilium, Rector Ibere, Tuum.
 Belgica præsidio, nec non Germania, tanto
 Gaudet, & hoc certam Vindice sperat opem.

Gentis amor Bavaræ, Dux optime, gentis Iberæ;
 Auxilium Belgis grande future Tuis:
 Pulvere Cæsarei jam dudum cognite belli,
 Cognite prostratis Maxmiliane Getis:
 Sentiat attonitus, ceu Thrax, Tua fulmina Gallus;
 Nec minus hoc illo laudis ab hoste refer.
 Lætus agat Bavarus sopitis otia bellis;
 Et longa per Te pace fruatur Iber:
 Restet & hoc unum populo certamen utrique,
 Floreat imperio plus hic, an ille, Tuo.

JOHANNI HUIDECOPER,

Domino in Marseveen,

VII. CONSULI.

O Marseveniæ columen gentisque domusque,
 Grande decus Batavi nominis, urbis honos,
 Edite Consulibus Consul, clara edite divum
 Stirpe, tibi similes & geniture deos,
 Auspiciis ordire novum felicibus annum,
 Inclytaque Amstelii fræna capeffe soli.
 Plaudit ab æmne suo pater Amstela, plaudit & Ya,
 Quaque patet, fluctus crispas uterque suos.
 Ad tua Pegaseæ properant præconia divæ,
 Pulsat & auratam Delius ipse ehelyn.
 Et merito: neque enim artificis testudine Phœbi
 Conveniunt titulis fila minora tuis.

IN LIBRUM
JOHANNIS DE RAEY,
DE INTERPRETATIONE.

Sensibus abstraxit Mentem mens dia Platonis,
In contemplando fixa tenaxque Deo:
Sensibus adstrinxit Mentem, multoque minori
Inclisit gyro magnus Aristoteles.
Hinc duplex Ratio, duplex cognoscere verum
Est modus; hic cunctis convenit; iste, Sophis.
Alterum ab alterutro spatiis distinguere certis,
Et docti simul est & sapientis opus.
Hoc docet hic, qui carceribus liber exit apertis,
Versandus manibus, qui sapis, usque tuis.
Hic Res, & clausas Verborum cortice gazas
Explicat, & sensum donat utrique suum.
Accipe, Posteritas, doctumque agnosce laborem,
Quemque tibi signat tramite, carpe viam;
Et dic, quisquis eris monitis instructus ab istis,
Hæc me qui docuit Mystica, Rayus erat.

IN LIBRUM
ANTONII BYNÆI
DE
MORTE CHRISTI

*Latinitate donatum, & multis partibus
auctum.*

DE Cruce conscribens patrio sermone Bynæus,
Grande decus meruit; quod meruitque tulit.

Illud idem Latio signans sermone, decoris
 Plus quoque, quod credi vix queat, inde feret.
 Plenior aërias, & pulchrior, exit in auras
 Iste liber, Domini tertia cura sui:
 Quemque prius Batavi, spatioque coërcita parvo
 Belgica, terrarum nunc latus omne leget.
 Felicem studii, fortunatumque laboris,
 Qui tam præclarum condidit auctor opus!
 Ecce sacro raptus vento, & coelestibus auris,
 Vix ulli tritam sternit ad astra viam:
 Proque salute hominum delapsum ex æthere numen,
 Ut docuit nasci, jam docet ille mori.
 Christiadum Christi mortem dum nuntiat orbis,
 Hic, puto, Christiadum vivet in orbe Liber.

P E T R O C O L A R T I O

&

E L I S Æ H O F M A N N Æ.

V Irginibus sese virgo sacrarat Elisa,
 Voverat & Musis, altera Musa, novem.
 Qui facis infelix? inquit Venus: irrita tentas,
 Jam mihi, jam Nato præda furura meo.
 Dixerat; insolitos virgo Phœbæa furores
 Concipit, atque alium sentit Elisa Deum.
 Æstuat, & cœcum nutrit sub pectore vulnus,
 Invisumque prius nomen amoris amat.
 Nil agis, o Cytherea: toro socianda jugali,
 Pars manet Aonii non minus illa chori.
 Musarum studiis, studiis operata Minervæ,
 Hoc ager, & cœptum tam bene carpet iter.

Quin

Quin dulces etiam natos, nataſque, docebit
 Hæc eadem quondam ſacra magiſtra Parens.
 Auguror: Harleſmo nova lux orietur, & urbi
 Grande decus Genetrix, cœu fuit ipſa, dabit.

JACOBO DE FLINES,

&

AGATHÆ vander VULT.

E Xornaturus tabulis Junonia templa
 Æſareas quondam Zeuxis adibat aquas:
 Et jam formoſam cupiens ſimulare Lacænā,
 Siſtite, formarum quicquid habetis, ait.
 Ille jubet: juſſæ linquunt ſua tecta puellæ,
 Inſignes forma corporis, ore pari.
 Spectat, & è numero paucas ſibi deligit omni
 Piſtor, & artifiſi lumine quamque notat.
 Hæc humeros, hæc colla dedit; dedit illa labella
 Mollia; purpureas contulit illa genas.
 Hæc frontem, hæc lætos oculorum ſuggerit ignes:
 Illa manus teretes commodat, illa pedes.
 Stabat opus: ſtupere viri, ſtupere puellæ,
 Et quiddam Oebalia virgine majus erat.
 Viveret ô utinam Zeuxis, formamque decuſque
 Cerneret idem Agathæ nunc, Iacobe, tuæ!
 Cedite, clamarèt, formoſæ, cedite cunctæ;
 Hæc mihi forma Helenen, hæc mihi ſola dabit.

JOHANNI CORVERO
CONSULI.

A Consulendo civibus recte suis
Deduxit ætas Consulum nomen prior,
Eosque Patres Patriæ dixit suæ.
Illi suorum rem decusque civium,
Industria, labore, continentia,
Mox artibusque litterisque, maximum
Vexere quondam laudis ad fastigium.
Dedere partes litteris illi suas,
Belloque quamvis dediti, bello quoque
Dedere primum litteris illi locum.
Has quisquis ornat, promovet, nutrit, fovet,
Partemque nostri maxime pulchram colit,
Næ verus ille civibus Consul suis!
Næ verus ille civibus Parens suis!
Hanc tu priorum pulcher insistis viam,
Corvere Consul, gentis Amstelæ decus,
Nostræque lumen inelytum Bataviæ.
Tu, litteratus ipse, litteras nigro
Reducis Orco, jamque perditum diu
Priscis nitorem reddis artibus suum.
Tu civitati consulis, Consul, tuæ
His consulendo, remque publicam juvas
Has adjuvando: jamque debitum tibi,
Longe triumphis pulchriorem bellicis,
Vieta triumphum ducis Ignorantia.
Tu litterarum restitutor unicus
Menti sacellum ponis æternum Bonæ,
Boni parentis instar, & natis simul

Et nascituris consulis nepotibus,
 Verus tuorum civium Consul, Parens.
 Quare illud aures, quæso, ne offendant tuas,
 Præclare consul, urbis inclytum decus,
 Si te vocaro Consulem dignissimum,
 Si te vocaro Patriæ Patrem tuæ.

A D

JOHANNEM CRAMERUM,

GERMANORUM ac BATAVORUM

Famæ Litterariæ Vindicem.

V Index Batavæ gentis & Germanicæ,
 Cramere, digne patriæ vindex tuæ,
 Defensor æquitatis, & mentis bonæ,
 Quam denegavit hisce gentibus palam
 Gallus sacerdos, Galliæ pudor suæ,
 Magnumque doctæ dedecus Lutetiæ.
 Quid? Moseovitis, gentibusque barbaris,
 Gentem Batavam, Censor, & Germanicam,
 Componere audes? ingenique gloriam
 Famamque Gallis vindicas omnem tuis?
 Adeone alumnos utriusque tu soli,
 Calamo potentes, versibusque nobiles,
 Passimque notos, cognitos habes viros?
 Adeone nomen barbarum tibi sumus?
 Quid Eobanus Hessus, & Georgius
 Dicent Sabinus? quid Petrus Lotichius,
 Et Ferdinandus ille Furstenbergius,
 Grande ille Vatum, grande Præsulum decus,
 Politus ille scriptor, ille Cæsaris

Pro-

Probatus ore, non probatus ut tuo,
 Lascivienti virgulæ censoriæ
 Isti reponent, Censor insolens, tuæ?
 Quid, quos in almas lucis oras extulit,
 Batava tellus, mater ac nutrix virum
 Politiorum, fertilis Vatum parens?
 Agnoscis ecquid, ecquid audis, ô bone,
 Æternitati consecrata nomina,
 Doufas gemellos, & gemellos Heinssios,
 Scriveriumque, Baudiumque, & inclytum
 Musarum alumnum, Palladisque, Grotium?
 Adeste cuncti: Tuque, Musa nobilis
 Vatis Secundi, Vatis & Kinschotii,
 Quos vitæ in ipso gloriæque limine
 Oppressit atro Mors operta flammeo,
 Nullis secundos vatibus, primis pares,
 Et vos, Ibero fama magna Belgio,
 Sidroniique, Walliique; rumpite
 Somnos inertes: viribus communibus
 Commune nomen vindicate Belgicum,
 Commune crimen. Improbus pœnas luat,
 Frontique inustam Posterì legant notam.
 Non sic politi judicarunt Itali,
 Ipsique Galli: nec tulit suffragium
 Illud Rapinus, nec tulit Commirius,
 Menagiusque, Huetiusque, carmine
 Clari Latino, Litterarum Principes,
 Et quisquis isto verior iudex fuit.
 At tu, Batavæ gentis & Germanicæ
 Vitio create Censor, & fœdo die,
 De mente quando disputabas hæc bona,
 Quali fuisse mente te credam, Pater?
 Audire verum si potes, dicam, Pater:
 Aut mente nulla prorsus, aut prorsus mala.

JOHANNI POLLIONI

ET

MARGARETÆ RENDORPIÆ

FELICITER.

Iö Triumphhe, bis Triumphhe, Pollio,
 Consentiente clamat ore civitas:
 Triumphhe, clamat Ya, clamat Amstela.
 Uterque ab imo plaudit amnis alveo:
 Utriusque læto murmurant ripæ sono.
 Iö Triumphhe! Buccina Triton cava
 Commune toto gaudium narrat mari,
 Et nuptiale concinunt Nymphæ melos.
 Iö Triumphhe! lauream Cupidinis
 Victor reportat, & triumphat, Pollio.
 Beate Sponse! Tot petita amantibus
 Illa illa virgo, virginum decus, tuum
 Conscendet illa jam torum puellula?
 Beate Sponse! Tot negata amantibus,
 Illa illa pulchra, blandula, & venustula,
 Quæ purpurantes mollibus genis rosas,
 Colloque vincit albicante lilia,
 Tibi cupitos, Pollio, amplexus dabit?
 Ergo illa blanda, bella, pulchra, candida,
 Quæ margaritas, Persico lectas Sinu,
 Candore vincit, & nitore, Margaritis,
 Te mollicella tanger, ac premet, manu?
 Beate Sponse, ter beate, Pollio!
 Tu nunc triumphas; cæteri mœrent proci:

Tibi

Tibi pacta conjux ; & tua est Lavinia.
Tuo jacebit illa nunc in lectulo :
Tuis recumbet illa nunc in brachiis.
Tu dulce Sponsæ basium figes tuæ ,
In mutuisque Conjugis complexibus
Vices dierum , noctiumque , divides.
Contentiosa tu fori negotia ,
Et jurgiorum quicquid est , & litium ,
Tumultuosis æquor in Britannicum
Das ferre ventis ; & tua procul domo
Omniem relegas Curia molestiam :
Post mille donec basiatuunculas
Deinde bella rursus ad forensia
Redibis , ipsa fortior factus mora.
Sed nos amantum quid moramur gaudia ?
Gaude , beate Sponse ; gaude , Margari :
Gaudete dulce mente tota gaudium ,
Dulces amantes , quos perenni foedere ,
Et firmiore vinculo nectit Deus.
Vos sanguis idem junxit , atque idem genus ,
Idem virorum stemma Consularium :
Nunc una jungit flamma , nunc jungit fides ;
Nunc conjugale , quo nihil valentius ,
Utrumque nodo proximo vinculum ligat.
Gaudete amantes , & , favente Numine ,
Blandos , venustos , moribus pulchros bonis ,
Similesque vobis , procreate liberos ,
Patri daturus gaudium , ac Matri , novum ;
Vestris daturus gaudium Parentibus.
Rata vota faxit ille , qui solus potest ;
Sintque ista vestra sempiterna gaudia :
Majora vobis quando vix dari queunt.

In

PRINCIPEM ERECTORALEM
 BRANDENBURGICUM
 WILHELMUM FREDERICUM,
*Academiae Hallensis Magdeburgicae
 Fredericianae*

RECTOREM MAGNIFICENTISSIMUM.

P Roles Parentis maximi, Nepos Avi,
 Utriusque nomen, utriusque gloriam
 Sortite, Princeps, (auguror certe, tibi
 Hoc augurari namque quid majus queam?)
 Seu Martialem, sive litterariam,
 Jam litteris Praefecte, jam Rector domus
 Apollinaris, luce quam nuper bona,
 Luce auspicata, luce natali, Tuus
 Fundavit Hallæ ritè Magdeburgicae,
 Bonis juvandis Artibus natus, Parens:
 Cresce, alme Divum sanguis, & datas Tibi
 Capeffe habenas, Teque & ætatem supra
 Moderare parvâ fræna Musarum manu.
 Bis quartus ibat edito vixdum Tibi
 Natalis, ipso pæne natali die,
 (Consentit astrum sic Parentis & Tuum)
 Cum magnus. ingens, inclytus, nec unius
 Crearis anni Rector, & viris gravem
 Apollinaris sustines molem rei,
 Princeps Juventæ, Musici Princeps chori.
 Ergo Parentis maximi gressum legens
 Vix inchoantis limine in puertiae
 Animosus infans, stirpis entheæ puer,

D d

Viros,

Viros, & urbes, remque litterariam,
 Jam nunc gubernas; aureumque Palladis,
 Majoris omen imperi, sceptrum quatis!
 Ergo hac tenella Litteras ætatula,
 Artesque doctas, nosse quas nondum potes,
 Et Disciplinæ quicquid, & Scientiæ,
 Scuto ut Minerva, cuspide ut Parens sua,
 Patrocinaris ac tueris, omnium
 Defensor, Altor, & Patronus Artium?
 Quid Berolinum, tota quid Germania,
 Quid non Sicambra terra, quid non Belgica,
 Quid universa Palladis Respublica,
 Ab hoc Alumno Palladis speret boni,
 Qui litteratis eruditus Artibus,
 Dux eruditi litterarii chori,
 Academiarum Rector ac Tutor fuit,
 Ætatis ipsis pœne ab incunabulis?



EPIGRAMMATA.

EPICRAMATA

PETRI FRANCII EPIGRAMMATUM

LIBER PRIMUS.

Columbæ Persicæ.

DUlce columbarum par est mihi. venit ab oris
Munus Achæmeniis. qui dedit, Acis erat.
Quale decus volucris! quam grata superbia for-
Ut nitet! ut pennas explicat alta suas! (mæ!
Hanc si conspiceret, quæ passere luget adempto,
Siccaret madidas Lesbia læta genas.
Hanc cupida versare manu, gremioque fovere
Præ sibi dilecta mallet länthis ave.
His solitas mutare velit Cytherea columbas.
Alite non alio gaudeat illa vehi.
Conspiciuæ longos caudæ submittat honores,
Lumine quæ multo picta superbit avis.
Has bona sideribus Juno variabit, & auro,
Concedant oculis ut nihil, Arge, tuis.

I N L I R I O P E N.

HÆc est, Amstelias inter pulcherrima Nymphas,
Liriope, Charitum quarta, secunda Venus.
Mentior ah demens, nulli tam pulchra secunda est:
Prima Charis vero nomine, prima Venus.

Dd 3 Men-

Mentior ah demens: nec habet tam pulchra secundam:

Sola Charis vero nomine, sola Venus.

Namque omnes complexa, omnes post terga relin-

Divaque cœlestes exhibet una duas. (quit,

Nec plus aut Charis, aut Venus est: una abstulit omnes,

Et Veneri Veneres, & Charisin Charitas.

IN PUELLAM

In flumine navigantem.

O Scula libabat nato Venus. oscula nati

Sensit in occultas mater abisse faces.

Nec potis hunc tolerare ignem, ter desilit Idæ

Vertice, ter patriis se Dea mergit aquis.

Ardebant pisces, ardebant Numina ponti,

Ardebant imis æquora gurgitibus.

Ardebant latè transfusâ flumina flamma.

Fallor? an in venis æstuat illa meis?

Nempe suburbanæ spatior dum margine ripæ,

Vos mihi flumineæ flamma fuistis aquæ.

Amantis & rosæ comparatio.

UT rosa nocturnis caput inclinata procellis

Rorem contractis manè bibit foliis,

Solis ut ad radios caput erigit inclinatum,

Et rursus explicitis tota nitet foliis:

Lumine sic ego, vita, tuo, sic nectare pascor,

Oros, ô vitæ sol, Venerilla, meæ.

Solis ac dominæ.

Qualis humo rorem, nebulas fugat æthere Titan,
Eoo quoties surgit ab Oceano:

Talis

Talis tu, mea vita, fugas, dum lumina tollis,
Ore meo lacrymas, corde meo tenebras.

Autumni & vitæ.

A Rescunt virides, autumnno tempore, frondes,
Decrescitque suis omnis honos foliis.
Illa cadunt, pedibusque premit collapsa viator:
Mox tegit obducto vilis arena solo.
Hæc, quicunque sapis juvenis, tecum ipse voluta,
Et dic: Ætatis ista figura meæ est.

DE VENERE ET ADONIDE.

D Ente feri percussus apri expirabat Adonis:
Lugebat carum mœsta Venus puerum:
Et tantum lacrymarum udis fundebat ocellis,
Effusi quantum sanguinis ille dabat.
De lacrymis anemona, rosæ de sanguine crescunt.
Iste color juveni, dum fuit ille, fuit.
E lacrymis, Cythera, tuis anemona resurgit,
Vita etenim domini fugit, ut aura, tui.
Quam bene diversi cœeunt in Adonide flores!
Alter erat vivens, alter erat moriens.

DE LYCORIDE.

N Igra comis, nigra luminibus, tota alba, Lycori,
Et nondum tactis candidior nivibus:
Sic oculis, sic nigra comis, nil nigrius ut sit;
Candida sic, ut sit nil quoque candidius:
Candida seu, seu nigra, places mihi tota, Lycori.
Tu me nigra albo, tu rapis alba nigro.

Hoc nihil est nigro, nihil hoc jucundius albo;
 Et, quamvis dispar, pulcher uterque color.
 Consuluit Natura tibi : contraria junxit,
 Te quoque uti fieres, si pote, pulchra magis.
 Nigra comis, nigra luminibus, tota alba, Lycori,
 Candorem nigro ducis ab opposito.
 Nigri oculi, nigræque comæ: imago candida nigris
 Ut videre oculis, ut videre comis.

DE PHYLLIDE.

Sunt in amore duces oculi. Nil verius esse,
 Exemplo didici nuper & ipse meo.
 Respexit mea me illicibus modo Phyllis ocellis,
 Spiculaque in medium fixit acuta jecur.
 Quid mihi cum facibusque tuis, telisque, Cupido?
 Phyllidis ex oculis certius illa volant.
 Illa pares arcus, pariles habet illa sagittas;
 Quotque jacet radios, tot jacet illa faces.
 Arcus margo supercilii, radiique sagittæ.
 Contrahit hunc, illinc vulnera torquet Amor.
 Ite procul, mentita Venus, mentite Cupido:
 Illa mihi Venus est, illa Cupido mihi.

De Eadem.

Æ Gra jacet Phyllis, lentoque affixa cubili
 Torretur flamma febris; amoris, ego.
 O utinam valeat, tædaque unita jugali
 Uratur flamma Phyllis egoque pari:
 Et bene conjunctos igni consumat eodem
 Castus amor, donec fiat uterque cinis!

In Eandem.

Phyllida amo ante alias, & se mihi nescit amari:
 Me fortasse etiam, nec scio, Phyllis amat.
 Illam mente mea volvo noctesque diesque,
 Nec res ulla mihi gratior esse potest.
 Dic age dic, aliis longè prælata puellis,
 Dic, quæso, Phylli, num tibi decidimus?
 Decidimusne tibi, Phylli? dic, optima Phylli,
 An memor es nostri, dum memor ipse tui?
 Ah, memor est nostri Phyllis. me diligit omni
 Pectore: me noctes cogitat atque dies.
 Mentibus ut mentes junguntur, sic, precor, olim
 Jungantur nostris corpora corporibus.
 Sic nodo nexis gemino, vinclorque perenni,
 Detur inoffenso vivere conjugio.

I N H Y E L L A M.

Contiguis paries obstabat amantibus olim:
 Contiguo paries obstat, ut ante, mihi.
 Sorte horum peior mea fors. his rima patebat:
 Rima iter alloquiis officiosa dabat.
 Me mihi conjuncta murus disjungit Hyella,
 Rima iter alloquiis nec facit ulla meis.
 Surgat atrox Boreas, & murum verberet alis,
 Et faciat plaga non coëunte viam.
 Quid loquor? ah vereor, ne te mala frigora lædant,
 Et noceat capiti ventus, Hyella, tuo.
 Ah, ne te rapiat, vereor. dudum assolet ille
 Insidias pulchrisnectere virginibus.

A D L E O N O R A M.

E Sse quid hoc dicam, quod sic noctesque diesque
 Discrucias miris me, Leonora, modis,
 Et desiderio cogis tabescere inani,
 Dum careo vultu, pulchra puella, tuo?
 Tu me noctes atque dies, sine fine, fatigas.
 Pendet ab adspectu noxque diesque tuo.
 Cum libuit, media reddis mihi luce tenebras:
 Cum libuit, media das mihi nocte diem.
 Nam si forte die medio tua subtrahis ora;
 Existunt tenebræ, subtrahiturque dies.
 Et si nox subducta mihi rursus ora reducit,
 Splendescit medio purius illa die.
 Ah miseri quæso, ah miseri miserescito amantis,
 Adspiciamque oculos nocte dieque tuos.
 Sic nullis unquam in tenebris, ac luce perenni,
 Vivam perpetuos, & sine nocte, dies.

Ad Eandem.

P Lus uno me dura necas, Leonora, dolore.
 Nec tecum possum vivere, nec sine te.
 Vestra repulsa facit, ne tecum vivere possim:
 Te sine ne possim vivere, noster amor.
 Certat amor, certatque odium. tu spernis amantem:
 Ipse tamen, quæ me spernit, & odit, amo.
 Eripe me his, Leonora, malis: & da mihi tandem,
 Ut tecum possim vivere, vel sine te.

Suspirium.

I Te, precor, testes animi suspiria mœsti:
 Ite, precor, flamma nuntia signa meæ,

Vos

Vos levibus delecta, poli per inania, pennis
In molles Dominae deferat aura sinus.

Dicite, quos illa patiar languente dolores:

Quot lacrymas fundant lumina: lingua, preces.

Lamentis evicta meis miserabitur illa,

Et gemitus ægro fortisan ore dabit.

Excipite hos, quæso, gemitus, pretiosaque amoris

In nostros iterum pignora ferte lares.

Certa meæ dolor iste meus medicina puellæ:

Est dolor hic animo certa medela meo.

Mutua sic pariter suspiria suspirando,

Ipse levem luctus illius; illa, meos.

A D N E Æ R A M.

Pondus iners thalamo, sine te, mea vita, recumbo,

Necte, nec placida nocte, Neæra, fruor:

Et totidem lacrymas, totidem suspiria fundo,

Hic quod nocturnus sidera Olympus habet.

O utinam tecum lecto requiescere in uno,

Inque tuo liceat, vita, cubare toro:

Totque genis, tot purpureis dare basia labris,

Quot fundo nunc suspiria, quot lacrymas!

Fallimur? an Venus ipsa suo dedit omen ab astro,

Et mihi, quæ petii, gaudia spondet Amor?

Basia jam totidem fiunt suspiria nostra:

Jam totidem nostræ basia lacrymulæ.

A C O N.

Passus Acon dominae nuper fastidia duræ

Flebat inhumanæ barbariem dominae.

Carpebant animum curis æqualibus ægrum

Et dolor & tanti causa doloris amor.

Ante focum suspirat amans; Venerisque marito
 A Veneris puero vulnera facta refert.
 Quam dispar, Vulcane, inquit, nos causa perurit!
 Te tua, me nati flamma severa tui.
 At quanto tuus igne meo felicior ignis.
 Ista brevi fient pabula vestra cinis.
 Pascunt nutrimenta meum diuturna dolorem,
 Nec nisi cum vita finem habitura mea.
 O utinam rogos iste meus foret ignis, & artus
 Ambustos gelidum verteret in cinerem!
 O utinam gemini fierent mea lumina rivi,
 Ut miser ipse meis obruerer lacrymis!
 Dixit, & uberibus oculis erumpit aquæ fons,
 Et miser ipse suis obruitur lacrymis.
 Diffluit attenuatus Acon, & flumine eodem
 Restinguit flammæ ignis, & ipse suas.

Ad Venerem & Cupidinem.

Æ Therei pisces, quorum tu pulchra Dione,
 Tuque Dionæus crederis esse puer,
 Dicite, perpetuo cum cuncta peruritis igne,
 Cur stetis gelido frigida signa polo?
 Æternumne algetis, ut æternum algeat Ægle?
 Semper an ardetis, semper ut urar ego?
 Sic habet: hoc frigus dominæ crudelis imago est.
 Sic habet: hæc animi flamma figura mei est.
 Heu quam dissimilis nos fors agit! ipse medullis
 Tostus alo flammæ omnibus: illa riget.
 Urite difficilem, genialia Numina, Nympham.
 Non bene sub vestro sidere friget amor.
 Certe ego debueram nullos sentire calores,
 Aut ardere pari debuit illa face.

Ad Morum.

More, necis geminæ testis, quæ germine pullo
 Infelicis adhuc signa cruoris habes:
Mitte meæ Dominæ paullum de fœtibus istis,
 Et moveant animum mollia dona truem.
Thisbeis humor venis qui fluxerat olim,
 E venis Dominæ nunc fluat ille meæ.
Si quid adhuc flammæ retinet cruor iste prioris,
 Sentiet Idalias ima per ossa faces:
Ardebitque vicissim, & se patietur amari.
 Idem hanc, qui Thisben ufferat, uret amor.
Tunc ego sub vestris optem requiescere ramis,
 Et somnum cara carpere cum Domina.
Tunc tu, Pyramei fueras quæ pignus amoris,
 Æternum & nostri pignus amoris eris.

Ad eandem.

O Quæ Pyrameos obitus, Thisbæaque fata
 Luges demissis More, cacuminibus:
Junge tuis mea junge tuis lamenta querelis,
 Et luctus priscis luctibus adde novos.
Flere libet tecum. mala nostra fleamus uterque
 Scilicet, ô lacrymis usque riganda meis.
Par dolor est utrique, at non par causâ dolendi.
 Alterius casus tu gemis, ipse meos.
Tristitia tu ploras geminorum funera amantum:
 Phyllidis extinctæ flebile funus ego.
At tu, si domini, si quid misereris amantis,
 O decus, ô horti gloria prima mei:
Pro pomis age purpureis fer candida rursum.
 Nil erat hac ipsa Phyllide candidius.

Amantis & avium comparatio.

I Nnocuæ volucres dulci quæ carmina voce
 Funditis, & campo luditis aërio:
 Cur vobis adeo licuit felicibus esse,
 Vestraque fors melior conditione mea est?
 Vos, quocunque libet, cœlo volitatis aperto.
 Vos totum læto fallitis ore diem.
 Vos canitis: vos audit amans vicina canentes,
 Accinit & blando foemina blanda mari.
 Vos nuptas & amatis, aves, & amamini ab illis;
 Sanctaque sunt vestri fœdera conjugii.
 Vos ævum incerta sine spe, certoque timore
 Ducitis, & vitam degitis aureolam.
 Me curis premit innumeris, præcordiaque angit
 Intima, res multi plena doloris, amor.
 Ipse cano: nihil exaudit Galatea canentem,
 Ut canerem vobis suavius & melius.
 Illam ego depereo: cupidum fastidit amantem
 Illa, per & silvas aufugit, & scopulos.
 Includor teneorque meo, seu carcere, tecto,
 Affigorque ægro pondus iners thalamo.
 O fortunatæ nimium, nimiumque volucres!
 O infelicem me, miserumque nimis!

Vitæ & florum.

P Urpurei flores, vitæ mortalis imago,
 Quos sæpe una dies gignit, & una necat:
 Crescite, formosi flores, gratoque colore
 Exhilarate oculos, dum viget iste color.
 Invalidi nimium flores, quos pondere nullo
 Decutiunt auræ, decutiunt pluvix.

Iste

Iste color fragilis nostri nos admonet ævi,
 Et monstrat, quam sit vita caduca hominum.
 Discite, qui sapitis mortales, ista tuendo,
 Plus animum vestris pascere luminibus.

Noctis & mortis.

V Ergit in autumnum, revolutis mensibus, annus,
 Et peragit spatio Sol brevior diem.
 Nox ruit Oceano, nigræque simillima morti.
 Involvit tenebris nostraque nosque suis.
 Credite, mortales; nostræ sic vespera vitæ
 Labitur, & longis appropinquat pedibus.
 Vespera, quam gressu magno nigra subsequitur nox,
 Obsignans somno lumina perpetuo.

Mortis & somni.

U T mors conveniunt, & somnus, mortis imago!
 Illa caret sensu, sensu etiam ille caret.
 Quidnam igitur somnus, nisi mors? quid mors, nisi so-
 Aut dormire aliud quid, nisi sæpe mori? (mnus?
 Et poterit mors ipsa homini necopina videri,
 Cum nos assidue mortis imago premat?

Ad Balnea Aquisgranensia.

I.

B Alnea, Bajanis nil concedentia thermis,
 Frigore grata suo, grata calore suo,
 Parcite frigidulis calidam suffundere lymphis:
 Infecit gelidas igne Amaryllis aquas.
 Illius & vestro quamvis caleatis ab igne,
 Igne tamen nostro lenior ignis erit.

II. Antra

II.

ANtra umbrosa, perennibus antra sonantia lymphis
 Quæque sub hac tegeris, lubrica Nai, domo:
 Et quæ formosos formosæ Amaryllidis artus
 Excipis, & niveos abluis, unda, pedes:
 Fortunatæ umbræ, fortunatique recessus,
 An Diana istas, an Thetis, intrat aquas?
 Neutra, sed affini de sanguine nata Amaryllis,
 Diana longe pulchrior, & Thetide.

III.

EXcipitis pulchram quæcunque Amaryllida Nym-
 Illam nexilibus stringite brachiolis. (phæ,
 Vos illam servate mihi, vos donec adibo,
 Constringamque meis illam ego brachiolis.
 Illam nexilibus complectar fortius ulnis,
 Quam tenuit puerum Salmacis ante suum.
 O utinam pariles, vestro quoque gurgite, vires,
 Quas habuere illæ, vos habeatis, aquæ!
 Nostra utinam fierent unum duo corpora corpus,
 Æternumque mihi lux mea juncta foret!
 Sim, quodcunque jubetis, aquæ: nihil esse recusò,
 Dummodo cum Domina mihi licet esse mea.

IV.

BAlnea dum spectas, mea lux, frigusque, caloremque;
 Effigiem veram nostrum utriusque vides.
 Cruda repræsentant gelidas tua frigora lymphas:
 At meus ardentes exhibet ignis aquas.
 Quin, quibus assimulamur aquis, imitamur easdem?
 Nonne vides? sollers miscet utramque manus.
 Con-

Confundit gelidas calidis, gelidisque calentes,
 Accipiuntque suam balnea temperiem.
 Quid cunctare? meo tua frigora junge calori,
 Temperiem justam noster habebit amor.

In Lauram fugientem.

Quæ tenet à lauro nomen pulcherrima Laura,
 Ut nomen, lauri sic habet ingenium.
 Sub lauro latitat Peneia. Laura sequentem
 Spernit amatorem, sprexit ut illa, suum.
 Illius exemplo caveas tibi, Laura, memento,
 Ne fias, Daphne facta quod ante fuit.
 Supprime, Laura, fugam: quid te, pulcherrima, perdis?
 Dum licet, & nymphea es; suppressa, Laura, fugam.
 Quod nisi desistas, cujus modò nomen habebas
 Arboris, ejusdem nominis arbor eris.

*Amantis & turturis
 comparatio.*

Qualis deserta mœret super arbore turtur,
 Nec potis est raptò vivere conjugio;
 Suspiratque gemitque, & tantis luctibus impar
 Deficit, atque ipsis questibus immoritur:
 Talis ego, Domina erepta, doleoque gemoque,
 Nec possum hos luctus ferre, diemque pati.
 Alma fave Cytherea, meas nec surripi flammæ:
 Tu rapies vitam, si rapias Dominam.
 At potius miserere, & raptam redde puellam:
 Tu dederis vitam, si dederis Dominam.

Somnus ad undam.

DUlce domo tacita Zephyros audire sonantes,
 Quæque per arboreas sibilat aura comas:
 Dulce susurrantis fluvii, pluvixque cadentis
 Murmura suspensis imbibere auriculis:
 Et sensim sensimque labantes condere ocellos.
 Obveniat nostris ista quies oculis!

Vita privatae felicitas.

FElicem qui non populari pendet ab aura,
 Magnatumve colit tecta superba virum:
 Qui nec divitiis, nec honoribus acquirendis
 Ringitur, & voto sufficit ipse suo:
 Naturæque bonis dives, dapibusque paratis,
 Aurea privato sæcula condit agro!

DE HERCULE & CUPIDINE.

JActabat se forte patri Tirynthius heros,
 Narrabatque suâ monstra subacta manu:
 Exuviisque ferox, clavaque timendus & arcu,
 Per vultus incedebat & ora Deum.
 Risit Amor, movitque suas puer improbus alas,
 Et pharetram ostendens, Hæc, ait, arma time.

De iisdem.

DUm ferus Alcides puero minitatur Amori,
 Rettulit hæc illi verba pusillus Amor:
 Quid mihi, quid tecum, fortissime? parce minari,
 Aut iterum clavâ fila trahes positâ.

Mala Lusitanica,

QUod dederat pomum pulchræ Paris ante Dionæ,
 Vallibus Idæis, tale fuisse puto.

Quo

Quo quondam Hippomenes cœpit Schoeneida dono
Vallibus Arcadiis, tale fuisse puto.

Quo prius Hesperidum, si vera est fabula, rami
Germine fulgebant, tale fuisse puto.

Certè ego tale tibi pomum, Cytherea, dedissem:
Donassem pomum tale, Atalanta, tibi.

Fallor, an hoc ipso frondes spoliaverat auro
Atlantis magni victor Abantiades?

Scilicet in seros Perseus hæc poma nepotes
Transtulit extremæ finibus è Libyæ.

Convenit. occiduo crescebant illa sub axe:
Hæc quoque creverunt axe sub occiduo.

Morus.

CUr sua paullatim protrudat germina morus,
Nec maturescat tota simul, ratio est.

Non simul ad dictam venerunt arborem amantes,
Pyramus & Thisbe: venerat illa prior.

Non simul infecere suo poma alba cruore,
Pyramus & Thisbe: concidit ille prior.

Hinc tempus venientum, & letum imitata cadentum,
Fructum haud unius temporis arbor habet:

Inque vicem nunc parte rubet, nunc parte nigrescit,
Sanguine Thisbeo, sanguine Pyrameo.

Terræ & Danaæ comparatio.

Qualis in oclusæ gremium venisse puellæ
Aureus in pluvia fertur adulter aqua:

Talis in oclusæ gremium telluris ab alto
Aureus ætheræe depluit imber aquæ.

Non hæc grata minus, non est minus aurea, quam quæ
Implevit clausæ virginis unda sinum.

Unda perennis, amabilis unda, optataque votis
Omnibus, auro omni carior, unda veni:

Utque olim Danaën fœcundo Juppiter auro,
 Sic tu fœcundis imbris arva riga:
 Quæque tibi dudum supplex fuit, arida tellus
 Excipiat pluvium, ceu prius illa, Jovem.
 Audior. en pluviz, puroque simillimus auro
 Descendit terræ e Juppiter in gremium.
 O utinam sæpe ille suo descendat Olympo,
 Sitque precor terræ, quod fuerat Danaæ.

IN
 CUPIDINEM ÆNEUM,
*Qui Bruxellis in nemore propter aulam
 conspicitur, aquas ejaculantem.*

I.

QUI flammas ignesque vomis, qui totus es ignis,
 Parve puer, gelidas quid jacularis aquas?
 An, quia cæruleo prognata est gurgite Mater,
 Uvida cognatâ spargitur unda manu?
 An, quia damnosos mater tibi sùrpuit ignes,
 Extinxitque tuas occuluitque faces?
 An, quia perpetuis exureris ignibus ipse,
 Et refrigerium tu tibi poscis, Amor?
 Hei mihi, quid volui? nullâ restinguitur undâ
 Fluminis aut fontis, flamma perennis, amor.
 Omne licet Veneris puerum circumsonet æquor,
 Fluctibus haud poterit, hæc quibus orta, mori.

II.

Hirtus in Antiopa Satyrus Rex ætheris alti,
 Bos in Agenorea virgine blandus erat.
 In Danaën auro pluvizque simillimus imber,
 In Ledam pennis ibat olor niveis.
 Diversas illum in formas mutavit amantem
 Exiguus, magno sed Jove major, Amor.

Omnia

Omnia consumpsit viduatâ tela pharetrâ ,
Inque Jovem solas nunc jaculatur aquas.

III.

Aliger aërias jacet humida tela per auras ,
Ferreâ qui solitus mittere tela , puer.
Hac , puto , supremum distinxit arundine pectus
Non exorandæ torvus Amor Dominæ.
Ferreâ missilibus quin permutamus aquosis
Spicula ; dura , Puer , mollibus ; illa , meis ?
Protinus ardebit nostros Amaryllis amores ,
Indomitum ferro pectus adusta meo.
Unda meos , si non restinguet , leniet ignes ;
Leniat ardores si tamen ulla meos.

I N

GALLUM GALLINACEUM

*Longe pulcherrimum morte
surreptum.*

O Ccidit Eois Gallus mihi missus ab oris ,
Gloria cristati prima decusque chori.
Qualis erat , lentam cum voce cieret acuta
Auroram molli conjugis è gremio !
Qualis erat , cum formosas expanderet alas ,
Inque orbem gyros duceret innumeros !
Crista rosas , niveæ vincebant lilia plumæ :
Verrebat longum cauda superba solum.
Non illi candore alius contenderet ales ,
Non qui Mæandri margine ludit olor.
Ille tamen fato nobis ereptus acerbo
Candidus , heu nigram cogitur ire viam !

At tu, qui nostrum spatatus sæpe per hortum es,
 Multus amor domini, Galle, dolorque tui;
 Hac mihi dilecta Mori requiesce sub umbra,
 Et levior plumis sit tibi terra tuis.

I N

JOH. SECUNDI POEMATA.

Pluvio imbre madefacta.

Quis conspurcavit te lapsus ab æthere nimbus,
 Fœdavitque tuos, culte Secunde, modos.
 Facundi periere Elegi, periere Neæræ
 Basia, & Hyblæo tincta labella favo.
 Squalet Apollineus nimborum adspersine vates,
 Et superinfusæ mole madescit aquæ.
 Tu vero incolumis salve, carissime, salve,
 Ora madens pluvia, sic quoque pulcher, aqua.
 Talis erat, cum rorantes, tua diva, capillos
 Exeruit lymphis Idalis Idaliis.
 Fallor? an hoc ipso tua lux, tua Julia, vultu
 Deciduo madidas explicat imbre comas?
 Utraque formosa est, neglecto est utraque cultu:
 Illa madet pelagi fluctibus, illa poli.

Amor insomnis.

Ante meos oculos Dominæ versatur imago
 Multa, quies membris nec venit ulla meis.
 Hei mihi, quam sævus Deus est Amor! usque soporis
 Immunes oculos ille protervus habet.
 Juppiter, huic Phariam puero committe juveneam,
 Surripiat Natus ne tua furta tuus.

EPI-

PETRI FRANCII EPIGRAMMATUM

LIBER SECUNDUS

MONQUII TUMULUS.

Clauditur hoc tumulo, si quâ modò clauditur orâ,
 Assertor lapsæ maximus ille rei:
 Quo duce plebejos exosa Britannia fastus
 Reddidit hæredi sceptrâ paterna suo.
 Ardua Niliacos Memphis ne jactet honores:
 Hæc plus quam Regis marmora corpus habent.
 Monquius hîc situs est: qui, nulla capeffere regna,
 Imperio majus credidit imperium.

DE FRANCISCO BARBERINO CARDINALI.

MAnè Palatini visurus Apollinis ædem
 Ibam Cæsareo Romuleoque foro;
 Fatidicque Dei pendebam in limine primo,
 Cum vox ex adytis reddidit ista mihi:

Falleris, & nescis: deserto colle Palatî
 Francisci cultam servat Apollo domum.
 Nec novissè virum labor est. malè celat honorem
 Gloria purpureæ præsidiumque togæ.
 Non finit in tenebris Phœbum torpere jacentem,
 Et procula Latio rus habitare suo.
 Evocat exilio profugas pius ille Camœnas,
 Et lare palantes hospitioque fovet.
 I nunc, & veteres Urbis mirare ruinas:
 Hoc unum veteri restat ab Urbe super.

DESIDERIUS ERASMUS

*Foro Rotterodamensium
 redditus.*

HOc vultu Desiderius spectatur Erasmus.
 Quisquis ades, sacrum devenerare locum.
 Hic vir, hic ille, suum quem jactat Rottera civem:
 Quem poterat civem dicere Roma suum.
 Ostendit tumulum Basilea, urbs Rottera cunas.
 Sustulit hæc puerum, detinet illa senem.
 Divisi longe cineres natalibus oris:
 Una etenim nequii tantus ab urbe capi.
 Occidit ad primi nascentia flumina Rheni:
 Ad Mosæ occiduas amne resurgit aquas.
 Ecce voluminibus mens est intenta legendis,
 Nec vacat à solito docta labore manus.
 Ponte superpositus, nullaque cœcreitus æde,
 Liberius cœlum, nunc quoque liber, amat.
 Tempus edax istum simulacro invidit honorem,
 Nec poterat positi pondera ferre locus.

Abstergere Patres senium signoque locoque.

Ille novo fulsit ponte; Vir, ore novo.

Rursus & Hesperiiis & notus Erasmus Eois

Visitur Eois, visitur Hesperiiis.

Nunc Crete narrare Jovem desistat alumnum:

Phœbæa placeat nec sibi mole Rhodos.

ISAACO SWERIO.

Hoc tegitur saxo, qui se sibi debuit omnem,

Suerius: ille Euro cognitus, & Zephyro:

Americæ Libyæque tremor: quem Bistonis ora

Horruit, & gelido Mænalis urfa polo.

Ter conjuratos Batavo de litore reges

Reppulit: asserto ter sale, victor obit.

Da lacrymas, pater Ya, viro, pacemque precare,

Ut voveas illi, quod dedit ille tibi.

At vos hinc, hostes, discedite: prælia spirant

Heroi cineres, ossaque bella movent.

IN EFFIGIEM

JOANNIS III.

Polonorum Regis.

Adspice victorem, sibi qui meritisque manuque

Protritis peperit sceptrâ Polona Getis.

Audit, & Attonito Rodope juga concutit Hæmo,

Et trepidant refluis Hebrus & Ister aquis.

Quantus inest oculis Mavors! En Thracia Luna

Mergit in Ægæo cornua fracta mari.

ABRAHAMO HEIDANO.

H Eidanus jacet hic, nostri facundia sæcli:
 Ille senex, Pyllo proximus ore seni.
 Quod fuit eloquio, fieri quoque debuit ævo,
 Nec, nisi post totidem sæcla, quot ille, mori.

IN HISTORIAM SUECICAM

SAMUELIS PUFFENDORFFII.

I.

P Rincipis Herois princeps certamina Vates
 Divino cecinit carmine Mæonides.
 Vidit, & ingemuit, fortunatumque vocavit
 Dux Macedo Hæmonium, busta sub ipsa, Ducem.
 Quid faceret, si Gustavum spectaret Adolphum,
 Et Puffendorffi prælia scripta manu?
 Ederet hîc iterum gemitus, puto, Teque beatum
 Diceret ad tumulum, victor Adolphe, tuum.

II.

D Octa manus Coi Venerem depinxit Apellis:
 Dat Puffendorffi Pallada docta manus.
 Tam pulchris etenim vivisque coloribus illam
 Exprimit, ut similis vix magis ipsa sibi.
 Ante Jovis magni natam, Jovis ante sororem
 Vicit in Idæis Cypria Diva jugis:
 At nunc germanamque Jovis, natamque Diones
 Vincit in Arctoïs docta Minerva jugis.

III.

III.

I Nelyta Mavortis soboles, doctæque Minervæ,
 Carolus, ille tuum, terra Suëva, decus;
 Principis exemplum magni, cognomine major
 Patre, nec inferior rebus, Adolphe, tuis;
 Sic oculos, sic ora refert; sic pectore toto
 Puffendorffia spirat in Historia. (tem,
 Hanc quicumque vides tabulam, cum Pallade Mar-
 Christinam magno cum Genitore vides.

JACOBI SPONII

TUMULUS.

I Lle Machaonii decus ordinis, ille Machaon,
 Marmore signatas doctus, & ære, notas:
 Ille decus terræ Aufoniæ, decus ille Pelasgæ,
 Sponius, Helvetia conditur exul humo.
 Flete Virum, Statuæ, Musiva, Torcumata, Gemmæ:
 Flete Virum, Nummi: Marmora, flete virum.
 At vos, ô cives, Civi venerabile vestro
 Ad Lugdunenses ponite marmor aquas.
 Audior: ecce suo Rhodanus te flumine lambit;
 Ecce suo, Sponi, flumine lambit Arar:
 Jamque minus posthac alio venientibus orbe
 Lugduni tumulo visitur Ara tuo,

IN EFFIGIEM

NICOLAI TULPII

*A Remo Episcopo Sculptam, & elegant
ti Epigrammate propria ejus-
dem manu decoratam.*

Consul in hac tabula spectatur Tulpius. Illum
Artifici dextra pinxit Episcopus.
Consul in hac tabula laudatur Tulpius. Illud
Artifici dextra scripsit Episcopus.

I N

BIBLIOTHECAM INSTRUCTISSIMAM

JOSEPHI VALETTÆ.

I.

Tecto habitat magno, dignus majore, Valetta,
Ornato libris innumerabilibus:
Mille vides illic saxa, æra, toreumata, signa,
Quicquid & antiquæ continet arca rei:
Illic, doctorum referentes ora virorum,
Pariete suspensas mille vides tabulas.
Cedite, Pausilypi colles, meritoque superbum
Marmore Sinceri Virgiliique jugum.
Pro tumultu Andini vatis, pro Parthenopæi,
Quisque tuam viset, docte Valetta, domum.

II.

MOenia Parthenopes quicumque tueberis, hospes,
 Quicquid & in gremio continet illa suo;
 Adspice, sublimi quam condidit arce Valetta,
 Sacratam Musis, & tibi Phœbe, domum.
 Nil, puto, spectabis tota speciosius urbe:
 Nil cernes tota pulchrius Ausonia.
 Confluit huc Latio ex omni vicina Juventus;
 Confluit huc urbis incola Parthenopes.
 Fallor, an albens linquit juga Mergillinæ
 Aëtius, hos ipsos ingrediturque lares?
 Fallor, an interdum sacram Maro deserit urnam,
 Istaque neglecto tecta petit tumulo?

III.

PArthenopes media sacrauit in urbe Valetta
 Eximiam Phœbo Pierisfinque domum.
 Et domus hæc domino, nec non hic convenit illi.
 Dignus uterque coli, dignus uterque cani.
 O quis Tyrrhenas subitum me sistat ad undas,
 Formoso blandæ litore Parthenopes!
 O quis ramorum densa me protegat umbra,
 Frondoso læti culmine Pausilypi!
 Hic ego Virgilio tumulum mirabor, & Aëti;
 Mirabor libros hic, Iosephe, tuos:
 Præponamque tuum hospitium, doctosque penates,
 Margine Tyrrheni, vertice Pausilypi.

AD

CÆSAREM LEOPOLDUM.

QUod non displicui nuper Tibi, maxime Cæsar,
 Quod mea judicio Musa probata Tuo est;
 Lætor, & ingentes mens concipit ignea motus,
 Atque iterum stimulis fertur in arma novis.
 O tremor, ô terræ domitor, Leopolde, Gclonæ!
 O decus, ô magnis gloria major Avis!
 Scilicet æternæ Tua sunt præconia lauri,
 Et Tua vox magni muneris instar habet.
 Non mihi, si qua fides, quæsiui commoda, Cæsar,
 Nec Tua captavi carmine dona meo.
 Sponte cani meritos cecini, Leopolde, triumphos,
 Nominis & famæ captus amore Tuæ.
 Nec tamen ingratum est, quod dignum munere censes,
 Idque putes numeris me meruisse meis.
 Sufficit: est quovis majus mihi munere munus,
 Laudari Musas Cæsaris ore meas.
 Crede mihi, Cæsar, nec Te mihi fallere fas est,
 Est mihi judicium res pretiosa Tuum.

CONSTANTINO HUGENIO.

Hic jacet ille suis semper juvenilior annis,
 Quem sensit juvenem nemo, nec esse senem.
 Sæcula Nelidæ longo compleverat ævo,
 Idem mente tamen, qui fuit ante, fuit.
 Par erat ingenium, par impetus, & pede eodem
 Scandebat Clarium, scandit ut ante, jugum.
 Ars erat eloquium, dulcesque ante omnia Musæ,
 Et cithara, & digito tacta sciente lyra.

Mu.

Munus, Arausiaci conscribere Principis acta.
 Magnus erat magni Principis ille comes.
 Principis unius si laus meruisse favorem est;
 Quænam principibus laus placuisse tribus?

PETRO DANIELI HUETIO,

Episcopo Sueffionensi.

Hoc ore Aonius, qua poni quivit, Huettus
 Ponitur, ille tuum, Gallia, grande decus.
 Quis nitor in vultu, quæ gratia! quanta per ista
 Majestas radiat lumina! quantus honos!
 Hic vir, hic est, quem Pierides, quem Phœbus Apollo,
 Totaque fatidico Cirrha liquore rigat.
 Hic vir, hic est, cui sanctam undam Siloësque perennem
 Ipse Deus largo fonte ministrat aquam.
 Huic referat Babylon, referat penetralia Memphis:
 Huic Syrus, huic dives sacra recludit Arabs.
 Plaudite, Parisii, magnoque assurgite alumno.
 Gallia cui similem quando datura virum est?

HENRICO SLADIO:

Qui pelago, & terra multos erraverat annos
 Per Grajas urbes Sladius, atque Asias:
 Interra tandem peregrina, altaque Zacyntho
 Conditur, & rauco cingitur Ionio.
 Quid mirum? erranti similis qui semper Ulyssi
 Vixit, Ulyssæa debuit urbe mori.

IN

VIRORUM DOCTORUM

VARIAS VARIORUM

E F F I G I E S.

I.

Illustres animæ, seu vos tulit Itala tellus,
 Gallica felici seu tulit ora sinu;
 Seu vos in dias Germania luminis oras
 Edidit, aut gremio Belgica terra suo;
 Illustres salvet viri, non grandia nostræ
 Haud dedignati tecta subire domus.
 Vos ego parietibus suspendam rite sub altis;
 Vos inter libros, pignora cara, meos.
 Vos ego luminibus cupidis, cupidoque tuebor
 Pectore, vos gemina religione colam;
 Et dicam, dum vos video, dum vos lego: Imago
 Ista fuit mentis, corporis ista fuit.

II.

Illustres heroum animæ, cœlestis origo,
 Musis sacрати Di Geniique loci:
 Et vos, divorum veras referencia formas,
 Artificum docta corpora picta manu:
 Ut vestros his in tabulis lætusque dolensque
 Conspicio vultus, oraque digna Deis!
 Vos ego cum video, doleo; clarissima & astra
 Occidere, utque alios, vos quoque posse mori.
 Vos ego cum video, lætor: vos calcar eunti,
 Vos œstrum ingenio subditis acre meo.

Vos

Ah facite, ut similis vobis quandoque, vel ullo,
 Parte mei fiam nobiliore, modo:
 Dumque animæ hospitium vestræ contemplor, & illas,
 Quas Di terrestres incoluere, domos:
 Mortali subeat tunc ô mihi, cuncta labare
 Tandem ævo, atque hominum more perire Deos.

III.

Artifices tabulæ, sæclo cantata priore
 Nomina, victuri tempus in omne viri;
 Quos mea se supra positos, circumque locatos,
 Respicit indigetes Bibliotheca Deos;
 Ut juvat hæ vestros mirari in imagine vultus,
 Et lustrare oculis ora oculosque meis!
 Ut juvat heroas animas, potioraque signa,
 Mentis & æternas mente videre notas!
 Longius hæ durant tabulæ. Dubitatis? Id ipsum
 Edocet hoc ipso multa tabella loco.
 Hæ mihi vel mutæ clamant, cadere omnia, præter
 Casuras nullo tempore mentis opes.

PRO TORQUE AUREO

AD

CÆSAREM LEOPOLDUM

GRATIARUM ACTIO.

Hoc me torque beat Leopoldus, & ista favoris
 Ferre jubet Cæsar me monumenta sui.
 Circumdent fragiles aliorum tempora lauri:
 Exornant humeros aurea vincla meos.

Pro aureo Numismate.

HOc contemplandum sese Leopoldus in auro
 Sistit, & hæc oculis exhibet ora meis.
 Gratia pro magno Tibi munere, maxime Cæsar,
 Mittere quo majus nec Tibi posse datum est.

DE CÆSARIS
 VIRTUTE BELLICA,
 EJUSDEMQUE IN MUSAS
 LIBERALITATE.

Subjicit imperio terram Leopoldus, & undam:
 Aonias idem nutrit, amatque, Deas.
 Cæsareum est, gentes bello frænare superbas:
 Ingeniis pretium ponere, Cæsareum est.

IN EFFIGIEM
 REGIS GUILLIELMI.

AMor Batavæ gentis, & Britannicæ,
 Orbis propinqui terror, Europæ stupor,
 Adsertor æqui, Juris adsertor Dei,
 Hoc ore fulget Guilielmus, inclytus
 Regum ille sanguis, sanguis ille Cæsarum,
 Nullo ipse Regum, Cæsarum nullo minor.

In Eandem.

T Utela legum, triplicis regni salus,
 Valente partum dextera sceptrum tenens,
 Creante coeli Rege Rex factus Deo,
 Quis iste? Verum proloquar, fremat licet,
 Dolo rupta frendeatque Gallia,
 Hic ille vere Magnus, à Deo datus.

IN EFFIGIEM
 REGINÆ MARIÆ.

A Uguſta confors ſanguinis, confors tori,
 Eademque ſceptri, Principum Princeps decus,
 Sic ſe videndam gentibus præbet ſuis
 Maria, cujus pluribus pectus nitet
 Virtutibusque dotibusque Regiis,
 Quàm cincta gemmis fulget & monilibus.

CORNELIO TROMPIO,

ARCHITHALASSO.

T Hetidis marinæ fluctuumque pulchrior
 Priore proles, Nerci nepos ſenis,
 Nereus Batavus, Belgici numen maris,
 Victoriarum, laudis, & vitæ ſatur,
 Sub hoc ſepultus Trompius ſaxo jacet.

THEODORO STRAATMANNO.

P Rinceps Cæsareos inter Straatmanne ministros,
 Austriacæ fulcrum grande decusque domus;
 Qui mihi, quique meis, Augusto dante, Camœnis
 Obrigit, ille tuo munere partus honos.
 Gratia magna tibi, vir maxime, gratia possit
 Nulla dari tanto quamlibet æqua viro.
 Cætera persolvat Cæsar tibi, remque domumque,
 Ut tu Cæsaream, sic juvet ille tuam.

JACOBO HOPPIO.

H Oppiada, decus eximium Patriæque, meumque;
 Grande decus Musis, præsidiumque, meis:
 Quod mihi Cæsareo portasti nomine, gratum
 Nomine Cæsareo munus id, atque tuo.
 Ille dedit munus: tu, quod dedit, exigis; & me,
 Me quod habere jubet Cæsar, habere facis.
 Ergo jure tibi grates à Cæsare primas,
 Pace Tua liceat dicere Cæsar, ago.

Augustissimo ac Potentissimo

PRINCIPI

G U L I E L M O III,

Magn. Brit. Gall. & Hibern. Regi.

R Egali verè pro munere, maxime Regum,
 Quisque Tibi grates, qui modo sentit, habet.
 Exacti numeros implesti Principis omnes,
 Marte nec est quisquam, nec pietate, prior.

In-

Indolis Heroæ non est minus, ora virorum,
 Et calamos donis demeruisse suis.
 Temporis exigui res est, atque unius ævi,
 His sine, de bello quæ Tibi fama venit.
 Vincere, Rex invicte, Tuum est; Te dicere, nostrum;
 Quodque legat serus, quod stupeatque, nepos.
 Heroum titulos, Regumque illustria facta
 Per populos spargit Musa, vetatque mori.
 Troja diu cinis est, Trojæque everfor Achilles,
 Ille tamen numeris vivit, Homere, tuis.

Celsissimo ac Serenissimo

PRINCIPI,

FREDERICO III,

Marchioni Brandenburgico,

S. R. I. OCTOVIRO.

INter Parentes lucidum sidus Tuos,
 Decusque foetæ tot viris Germaniæ,
 Albertus ille Primus, ille bellica
 Virtute clarus, & valente dextera,
 Olim est Achilles dictus hic Germanicus.
 At nunc, beatum sæculi sidus Tui,
 Frederice Princeps, illius germen viri,
 Et laudis hæres non minus, quam sanguinis,
 At nunc verendum est optimo, Princeps, Tibi,
 Et liberali non minus, quam strenuo,

Tot dona cum profundis , & larga manu,
 Musarum ad instar Herculis , Musis sacros
 Foves alumnos , nec fovere desinis ,
 Ne Tu voceris Hercules Germanicus.

A D

CONRADUM NORFFIUM,
 DE FERDINANDO

PADERBORNENSI AC MONASTERIENSI
 EPISCOPO.

C Ur nulli celebrent Fernandum, lumine cassum,
 Qui vivum crebris concinere modis,
 Miraris merito , mirari at desine , Norffi:
 Cunctorum signat publicus ora dolor.
 Funere perculsi tenuere silentia vates:
 Conciderunt citharæ , concideruntque lyræ.
 Et mea collapsa est casu modo barbitos isto:
 Et mea vox multo vincta dolore fuit.
 Fecit iter pietas : taciturnaque tempore longo,
 Quæ dolor abjecit fila , resumpsit amor.

I N H O N O R E M
 M A T T H Æ I S L A D I ,

&

Fatale ipsi iter Britannicum.

U Ltimus hic situs est Sladum è stemmate Sladus,
 Ille suo Batavus Patre , Britannus Avo.
 Sponte Caledonias Avus ante reliquerat oras;
 Lustrabat senior rura Britannia Nepos:

Dum-

Dumque domos patrias, Proavorumque arva revisit,
 Deficit hac ipsa, qua fuit ortus, humo:
 Jamque illum, procul à Patria, procul orbe Batavo,
 Terra peregrinum non peregrina tegit.

Aliud.

Fatorum quam sit non evitabilis ordo,
 Exemplo monstras, Slade, probasque tuo.
 Deseris Amsteliam, cunctis revocantibus, urbem,
 Arvaque (vis Fati quanta!) Britannia petis.
 Intrabas vixdum sedes novus hospes Avitas,
 Cum cadis, & tecum stirps tua tota perit.
 Est tamen & casum quo consolemur acerbum,
 Et tua mors aliquod, Slade, levamen habet.
 Contigit Oxonium tumulus tibi: contigit omnis,
 Sperari tumulo qui potuisset, honos.
 Parce tibi ereptum lugere, Batavia, civem:
 Non poterat terra nobiliore tegi.

THEODORO GRÆVIO,

Immatura morte surrepto.

IN patrium nomen, patrias eductus in artes
 Grævius, inimiti funere raptus obit.
 Luget Eum Genitor, luget Materque Sororque,
 Et domus, auxilio jam viduata suo.
 Induit atratas mœrens Academia vestes:
 Flebilis & tota personat Urbe dolor.
 Callimachusque, diem per eum visurus, & ævum,
 Illius casum plorat, & ipse suum.

Parcite fallacem, Juvenes, sperare senectam,
 Et fluxis nimium rebus habere fidem.
 Ponite sublimes animos, & discite cauti
 Hujus ab exemplo, vos quoque posse mori.

JOHANNI DE RAEI, *Geographo Perillustri.*

Viderat & terras, & viderat æquora, Rayus;
 Quicquid & hic vastus, qua patet, orbis habet:
 Europamque Asiamque oculis lustraverat omnem,
 Et Libyam, & mundi litus utrumque novi.
 Jam satis & terras spectavimus, inquit, & undas,
 Nec capit ulla animum terra, nec unda, meum.
 Restat iter Cælo: Cæli juvat ire per auras
 In loca terrenis nobiliora locis.
 Dixit, & in verbo Superas petit arduus arces,
 Deseruitque domum, deseruitque Patrem.
 Parce, Pater, Gnato nimium lugere perempto:
 Mutavit terris Æthera, Patre Deum.

JACOBO WALLIO.

Qui tres ingenio simulavit, & arte, Poëtas,
 Conditur hoc parvo Wallius in tumulo.
 Quid loquor? Hac Naso situs est, hac Flaccus arena:
 Hoc tegitur magnus marmore Virgilius.

L I P S I E N S I B U S.

Laudastis modo me & meos libellos,
 Docti, nomina magna, Lipsienses;
 Lætor munere gaudeoque tanto.

Et

Et famam mihi vos decusque magnum;
Et vitam mihi vos dedistis ipsam.
Di reddant meritis utrumque vestris.

DE

EVERARDO DANKELMANNO,

Ministro Status Primario.

PRudenti num consilio Res staret, an armis,
Lis vetus. Armata pax bona poscit opem.
Exsuperat tamen indomitum Prudentia Martem.
Ille feris similes nos facit; illa Deo.
Optabat bis quinque alios bellator Atrides
Mente pares Pylio consiliisque seni.
Peliden docto Chiron formabat in antro:
Gaudebat Cynea cretus Achille suo.
Stat Dankelmanno Brenni domus, & Tua, Princeps,
Consilio tanti Resque salusque Viri.
Quod Chiron fuit Æacidæ, quod Nestor Atridæ,
Quod Pyrrho Cyneas, Hic, Frederice, Tibi est.

DE

FREDERICO TERTIO,

ELECTORE BRANDENBURGICO.

QUI populo imperitant, terrasque urbesque tuentur,
Terrestres merito dixeris esse Deos.
Namque urbes regere imperio, populosque tueri,
Terrarum Domini munus opusque Dei est.

Ff 5

At

At bene velle aliis, supremi more regentis,
 Digna viro res est Principe, digna Deo.
 Qui iuvat ergo alios, nec tam ratione regendi
 Æternum simulat, quam bonitate, Deum;
 Exemploque Dei cunctos reficitque fovetque;
 Aut Deus, aut magno proximus ille Deo est.

De Eodem.

DUm genus humanum meritis astringis, & omnes
 Usque juvas aliqua, Numinis instar, ope,
 Contendunt inter sese, certamine amico,
 Et Bonitas, Princeps, & Pudor iste Tuus.
 Alter mortalem te nominat, altera Numen
 Munificum merito Te putat esse Tuo.
 O quem Te dicam, Princeps Frederice? Fatentur
 Te Tua verba hominem, te Tua facta Deum.

D E
 U R B E B E R O L I N O ,

A D

Serenissimum Principem

F R E D E R I C U M I I I .

Membra Syracusis bis erant duo: bis duo, & unum,
 Sunt urbi, Princeps, nec minus ampla, Tuæ.
 Insula, dicta prior, Fortuna, Neapolis, Acra,
 Nomine naturam significante loci.
 Est Tibi Berlinum, Suevumque Colonia juxta,
 Commodat & nomen cui Dorothea suum:

La-

Lætaque conspicuo Frederici nomine Magni
 Insula, victoris grande Parentis opus:
 Quæque Tuo gaudet signari nomine, Princeps,
 Quam Frederici urbem Tu, Frederice, vocas.
 Floreat innumeros Urbs inclyta, floreat annos,
 Sisque illi longum Tu decus, illa Tibi:
 Utque urbis, sic imperii Pomœria profer,
 Crescat & hoc Domino, crescit ut illa, suo.

DE
 FREDERICO TERTIO
 ET
 EVERARDO DANKELMANNO.

CRebra dat Aoniis Fredericus dona Poëtis:
 Hæc eadem larga das, Everarde, manu.
 Ut dispar dandi modus est, fortunaque dispar,
 Par tamen est ratio, causæque, dantis amor.
 Gratia, Dankelmannne Tibi; Tibique, optime Princeps;
 Tu mihi Mæcenæ, Tu mihi Cæsar eris.

AD
 EVERARDUM DANKELMANNUM.

QUod sint versiculi mei modo isti
 Non plane illepidi neque inveniisti,
 Dankelmannne, meæ decus camœnæ,
 Visi iudicio Tuo, Tibique
 Tam terso placuere, tam polito,
 Quid mirum? Tibi se, suumque cultum,
 Debent exigui mei labores.
 Si nos carmina, Tu facis poëtæ.

EPI T A P H I U M.

PEdem, Viator, siste: paucis te volo.
 Quod ipse nunc es, ne superbias, fui:
 Quod ipse nunc sum, ne superbias, eris.
 Viam, Viator, carpe: nil te ultra moror.

In Vitam S. Paulli

VARIIS CONCIONIBUS

per

JOHANNEM BRANTIUM

Representatam.

PEr varias terrarum oras, gentesque remotas,
 Circumtulit Paullus Deum.
 Sermones magni, post tot jam sæcula, Paulli
 Mundo propinat Brantius.
 Hucades, Augustine; suo nunc ore loquentem
 Audire, quem cupis, potes:

J O H A N N I H U D D E

Quartumdecimùm Consuli.

HUddeni, plures cui detulit Amstela fascēs,
 Annua quàm menses orbita Solis habet.
 Septima si Marium commendat purpura, te bis
 Septima, nullius sanguine tincta, tegit.

IN

EXPUGNATIONEM

NAMURCENSEM.

Trojæ urbem, Trojæque arcem, cepere Pelasgi
 Vix integro decennio :
 Namurci Gulielmus & Urbem cepit & Arcem
 Nondum duobus mensibus.

IN

Arcam Nummariam

JACOBI DE WILDE.

Qui terræ varias per orbis oras
 Priscos congeris usquequaque nummos
 Magnis sumptibus & labore magno;
 Parce sumptibus, oro, parce posthac,
 Et laboribus, ô Viator, istis.
 Huc huc Amsteliam venito in urbem,
 Et viæ pariter pecuniæque
 Per compendia, Wildii stupendas
 Intentis oculis tuere gazas.
 Quicquid Græcia, Roma quicquid olim
 Nummorum veterum numismatumque
 Dias luminis extudit sub auras:
 Terra denique quicquid ulla, quicquid
 Terris omnibus universus orbis
 Harum continet elegantiarum,
 Arca Wildius exhibet pusilla.

IN

I N

NICOLAI PARTHENII

Nautica & Halieutica.

Nomine Parthenias dictus Maro carmina scripsit
Formoso recubans litore Parthenopes.

Carmen ad exemplum docti geniumque Maronis
Parthenopes scribit litore Parthenius. (res;

Rura Maro cecinit pecudumque hominumque labo-
Lina, plagas, pisces, & mare, Parthenius.

Nobile Parthenopes ambo decus, ille per agros,
Ille per æquoreas usque canetur aquas.

Fratribus Dankelmannis

P H I L I P P O S I L V E S T R O

&

G U I L I E L M O H E N R I C O .

CLara per Heroum vestigia Dankelmanni
Dum cupiunt pulchram laudis inire viam;
Sumit in exemplum, quo nullum illustrius, acta
Ille Britannorum Principis, ille Sui.

Pergite, præclari Juvenes: mox debita vobis
Præmia, materiam qui tribuere, dabunt.

LEO.

LEOPOLDUS IMP. ROM.

Opera forficis quam artificiosissime

REPRÆSENTATUS.

Cæsaris hæc facies Leopoldi. Dextera ferrum;
 Læva globum terræ, quam regit, orbis habet.
 Marmora Lysippi cedant, & Mentoris æra:
 Cedat Apelleus, Parrhasiusque labor.
 Majus opus, tenui in charta (mirabile visu!)
 Exhibet artifici forfice docta manus.

JACOBO HOPPIO

POST

VARIAS LEGATIONES

In Judicium ordinem adscito.

Pro rebus bene gnauiterque pridem
 In ipsa patria, forisque, gestis
 Majore Hoppiaden honore maclat
 Tellus patria, proximamque primæ
 Donat Amstela ferre dignitatem.
 Salve, Justitiæ severioris
 Vindex inclyte, civium Patrone.
 Quid restat meritis tuis? Honorem
 Det primum tibi, qui dedit secundum.

AT-

ATLAS BLOKKIANUS.

Vidit ut Atlantem, quem Blokkius exhibet, Atlas,
 Jam valeant, inquit, sidera: terra placet.
 Plus satis Æthereum tot sæcula volvimus axem.
 Hæc juvat, hæc collo pondera ferre meo.

A L I T E R.

Quin, ait, Alcide, mundum partimur, Atlantem
 Hunc ut ab Æthereo vertice vidit Atlas.
 Tu Cælo, Jove nate, tuos suppone lacertos:
 Incumbent humeris terra salumque meis.



ΠΕΤΡΟΥ ΦΡΑΓΚΙΟΥ

Ποικίλων

ΠΟΙΗΜΑΤΩΝ

Υ'λη.

Τῷ Φοίβῳ

Καὶ

Ταῖς Μύσαις.

Φοῖβε ἀναξ, Μουσῶν βασιλεῦ, Μουσῶν θ' ὑποφήτων,

Τῷ τε Διὸς κῆραι, ᾧ Ἑλικωνιάδες·

Ὑμνῶν ταῦτα τίθῃσι μελίσματα, ἔ φίλα τέκνα,

Φοῖβε ἢ Μουσῶν φίλῳ, ὁ Φραγκιάδης.

Εἰ δὲ τόδε σφετέραισιν ἐμὸν φρεσὶν ἦνδανε δῶρον,

Πολλὴ τέρψει ἐμὴν γηθοσύνη κραδίην.

Ἰᾶοι ἐςέ θεοί, ἢ λοιγὸν ἀμύνετε, πολλῶν

Ἵμέλερ' ἰδοῦσ' ἀντήμαχεσάμελ' ὄντων.

Βάλλ', ἀνα, βάλλε τεοῖσι νέεσσι Πυθῶνας οἷστοις,

Τὸς τὸν Παρνησῆ ἀμφὶ πᾶδ' Ἰζομήνεσσι.

Εἰς ἣ κακὰς, ᾧ Θεσπιάδες, μέλαπλάσσετε κίστας,

Ὑμνῶν ἐριζέσας ἐμπαλί, Πιερίδας.

Ἡ' ἐ σὺ, μηδόνων ὕβελν τε βίαν τε Πυρηνέων,

Εἶργε, Πάτερ, τῶν σῶν κήδεα θυγατέρων.

Κάββαλε ἔ Πίνδα, ὡς κάββαλες Οὐλύμποιο,

Ἄγρια φῦλα κακῶν, σῇ χειρὶ, Γηγενέων.

Φ Ε Ρ Δ Ε Ι Ν Α Ν Δ Ω

τῆς Πατερβόρνης καὶ τῆς Μοναστηρίου

Επισκόπῳ,

τῷ ἐν μακάροις.

Κ Εἴ) Φερδεΐνανδ) Επισκοπ), αὐτὸς Ἀπόλλων
 Πάντ' αὖτ' εὐσεφάνων πλέγματα ρίψε κομῶν.
 Μῦσαι Πιερίθεν, ὀδυρόμεναι Φίλον ἡέα,
 Πένθιμον ἄδουσιν καὶ γοερὸν τι μέλ).
 Χλῶρον αἰεὶ ἐμαρσάνθη ὅλον Παρνασσιον ἄλσ).
 Γείνοντο κρῆναι δάκρυα Κασάλια.
 Δάκρυα χεῖτε νάπαι ἐλικωνίδες· ἄξιός ἐστιν,
 Ἡ' εἰς δακρύων, ἥ ὁ μὲν, ὑμῆέρων.
 Οὐ τόσον περ πάροιθε Δίνον θρήνησεν Ἀπόλλων·
 Οὐ τόσον μήτηρ Ὀρφέα Καλλιόπη.
 Ἐθνικὸν ἄλγ) ἦν τόδε μὲν· πανδήμιόν ἐστι
 Τοῦτο τὸ, καὶ γαίης ἔθνεα πάντα περᾶ.
 Πόρρῳ, ἰδὲ, τίβεριν) ὀδύρε), ἐς θ' ἄλλα διαν
 Οἷσι ταρταρόμηνον δάκρυσιν ἔλκει ὕδωρ.
 Πολλὰ καλὸν Λίγερει, τ' γείτονα πολλὰ Γαρῆμναν,
 Πολλὰ ἔχει Ρόδανον τ' ἄλγεα, πολλὰ Μόσαν.
 Αἴλινα μὲν σενάχει Δανέβρι), αἴλινα Ρῆν),
 Αἴλινα Βεΐσεργις, αἴλινα καὶ Ἀμίσι).
 Ἀμίσι) μετὰ πᾶσιν ἄχει βεβαρημέν) αἰνῶ
 Προσκαλεῖ πᾶσιν εἰς ἄχ) Ἀγλαρίην.

Ἀντιβοᾷ Ἡ' χὼ αἰεὶ λάλος, ἀντιβοῶσιν
 Ἐνθα καὶ ἐνθ' ὕλαι τηλόθεν Ἐρχύναι.
 Ἀλλὰ καλὸς Παδέρης, ἔ νῦν καλὸς, ἐν βαθυκόλποις
 Ἐγκρύπτει κεφαλὴν βένθεσιν ὄρυγρέην.
 Κλαίει μικρότερός τε Πάδθ, καὶ Λάωπια, κλαίει
 Πολλῷ Ἀλείσωνος πένθει ψυχρὸν ὕδωρ.
 Συγκλαίει μέγαρον Νόξιον, ἀμφὶ ᾗ τῆνο
 Θρήνκσιν ψυχαὶ πολλὰ μάλ' Αἰόλια.
 Πολλὰ μάλα σενάχσασα πολυκλαύσαισι ρέεθροις
 Λιάζει Παδέρη δακρυχέει τε πόλις.
 Ἀρητὴρ Παδέβορνα τεός, τεός ᾧ Μιμίγαρδα
 Μυσιπόλθ, πάσης κείρανθ Ἀγγαρίης,
 Κάτθανε Φερδεϊανδθ, Ἀπόλλωνθ μέγα κῦδθ,
 Κῦδθ Μιζαίων κάτθανεν Ἀυρονίδων.
 Οὗθ μακρὰ κατῆγεν ὄρεασιν δένδρεα· ἔτθ
 Πρήυνεν θῆρας μελιχίοις ἔπεσιν.
 Οὗθ ἐκοίμησεν νιφελῶν βρόμον, ἥε θυελῶν
 Οὗθ ἀκοιμήτων ἔχε ῥοὸν ποταμῶν.
 Τὸν ποτ' Αῤίωνθ, πιφιλήκη μεσικὸς ἰχθῦς·
 Θηβαίων γλαφυροὶ τ' πάρθ ἄνδρες λίθοι.
 Ἀλλὰ ἴ Οἰφῆθ, ἴ δ' Αῤίωνθ σόμα νικᾷν,
 Τῆς τ' Ἀμφιονίης ἡδὺ μέλθ κιθάρης;
 Ἀλλὰ ἴ Ῥωμαίους ὑπερσείρην, ἥε Πελασγὰς,
 Φοῖβον τ' ὀυεπὶν ἰσοφαιζέμεναι;
 Εἰ ἦτον Κλυμένοιο δόμους ἱκνέμεθα; Λήθην
 Εἰ ἦτλον κ' αὐτοὶ πίνομεν αἰδοπόλοι;
 Αἰδοπόλων ὁ μέγισθ, ἀρειότατθ θ' ἱερήων,
 Φέρνανδθ, μικρῷ κεῖ' ἐνὶ Φερέτρῳ.
 Οὐ μιν χραίσμησαν Μοῖσαι, ἔ Φοῖβος Ἀπόλλων,
 Καίπερ αἰδοπόλθ, καίπερ ἰαλρὸς ἐών.

Οὐ Παδέρῃ κρήναι, ὀδυνήφατ' ἔτε Πάδελ',
 ὧ Φέλιμον Φίλῳ νῶμα δόσαν περὶ δρω.
 Οὐ πόαι, ἔ λιβάδες, ἐκ ἄλλα τε Φάρμακα πάντ'
 Αἰνοτάτην ὀδύνην· ἔ τί τις ἄλκαρ ἔχει.
 Φάρμακα πάντα κακὴ νικᾷ νόσ'. Ἔστι τόδ' ἔργον
 Ἐστὶ τὸ μὲν τέχνης ἢ χειρὸς ἔδεμης.
 Ἀλλὰ κακὴν νικᾷς νόσον, χαλκὸν τε, μόρον τε,
 Εἰς ὅσων ὀρθοῖς τ' θάνατον βλεφάροις.
 Σήρ' ἔην ἄρα μοῖρα, μετ' ἄλγεα μυρία, πότμον
 Ἀθλήον πάσχειν τόνδε, ἢ οἰκτρότατον;
 ὧς ἄρα ἢ σύγε νῶι, ἢ ἡμετέρας ἄπολέψεις
 Εὐχὰς; ὧ Κέρων πῆμ' Ἐλικωνιάδων!
 Τίς νῦν ἐνδέχετ' μαλακῇ χειρὶ, πρὸ φρονι θυμῷ
 Νῦν ἀναγινώσκῃ τίς μέλ' ἡμέτερον;
 Τίς νῦν αἰμυλίοισι ἢ ὀμνέεσσι καλεῖ με
 Πρὸς Παδέρῃ κρήνας, δῶμά τε Κασάλιον;
 Φῶ φῶ, τ' Παδέραν ἢ Φερδεῖανδρον ὀρῶμαι
 Μηδέποτε, συγερῶ εἰργόμεν' θανάτῳ.
 ὧ μαὶ ἄγαν Μοῖραι, αἰ τῷ λῖνα τέμνετε, λυκὸν
 ὧ μὲν ἔδει δόμεναι μακρόβιον τε λῖνον.
 ὧ μὲ ἄγαν Φέρνανδε, ἢ αἰνοτάτῃ ἐνὶ μοίρῃ
 Δύσμορε, τῆς μοίρης αἰδέ σοι ἰδίης.
 Τήνδε σοι, ὦ Φέρνανδε, τεῆς περὶ ἡγεμονείας,
 Τήνδε δόσαν πολλαὶ φροντίδες δ' ἔργαλέαι·
 Τήνδε ἔρως τε πόθ' τε διδασκόμεναι καλά πάντα,
 Τήνδε πανημέριοι παννύχιόι τε κόποι·
 Τήνδε σοι αἰ Μῆσαι, πρώτης ἀπο Φίλιαται ἥβης
 Σοὶ θεαὶ, ὧ φίλον τέκνον ἄπολλύμεναι.
 Εἰ βίον δ' ἄρα Μῆσαι μινυθ' αἰδὼν σοι ἔδωκε,
 Σὴ φήμῃ βίον δῶκε πολυχρόνιον.

Γαῖαν ὅλην, νήσους τε, ἢ ὕψος νῶτα θαλάσσης,
 Σὸν διαπειρήσῃ ἔνομα, σὸν τε κλέϑ.

Ἰσόχρονον κόσμῳ, αἰῶνι τ' ἰσόχρονον αὐτῷ
 Ἔσαι τέρμα τεῦ μακρότατον βιότῃ.

Μῆσαν τὴν δὲ μελαζὺ καλοὶ Μῆσῶν ὑποφῆται,
 Τὴν τ' ὀρεγυσίην ἄσομεν ὑμεῖρεν.

Καὶ ῥόδα πορφυρόεντα, ἢ ἀκρόθιον αἰθοπα οἶνον,
 Καὶ γλαύϑ, ἐς ὑμβρον οἴσομεν ἱρόταλον.

Εἴποι ἢ τόδε τις Μῆσαι, Χάριτες, ἢ Ἀπόλλων,
 Ἡ' ἐνὶ Φέρνανδϑ, κεῖν' ἐνὶ Φαρμάδῳ.

Σοὶ δὲ πότε, ὦ μακάρισε, πανόλβιε, αἰθέρι ναίων,
 Οἴσει ἢ γαίῃ σοὶ ἴσον ἄνδρα πότε;

Φερνάνδῳ δρεῖν ἴε Φιλοφροσύνην τ' αἰτάλαντον
 Οὔτε δόξαν πρέτεροι, ἔτε διδάσι, χρόνοι.

Ἔσι δ' ἄρ' ἐλπίζειν. ἐλπίζομεν αἰετὰ ἢ ἡμεῖς,
 Μοῖρε κακῇ τάνυην ὄρεν ἀκεσορίην.

πρὸς Μούσας,

μετὰ τὸν

περὶ τῆς Ἑλληνικῆς γλώσσης

ῥηθέντα λόγον.

Χαίρετε χαίρετε πολλὰ, Διὸς μέγαλοιο θυγάτρες,
 Χαίρετε κόλλισαι, χαίρετε, Κασαλίδες.

Καλὸν ἐγὼ τέμενϑ, ναὸν καλὸν οἰκοδομήσω
 Μυροῦλϑ Μούσαις Φροῦγιϑ Ἑλλαδικαῖς.

Δεῦτε τάχα, τάχα δῶτε, ἢ ὑμετέρον νέον ἐς δῶ
 Σπώδεε, κάλλισαι, σπώδεε, Κασαλίδες.

Καὶ

Καὶ τὴν Κασαλίνην, ἢ Πιερὶν ἐραλεῖν
 Λεῖπετε, ἢ γαίαν τὴν πάρος ὑμετέρην.
 Αἰπέτε Παρνησὶ καλὰ Τέμπεα, λείπετε Πίνδα,
 Λεῖπετ' ἐραοθείσης ἕρεα Θεσσαλίας·
 Νάματα θισπέσαι Ἀρεθύσια λείπετε κῆραι,
 Λεῖπετ' ἐραοθείσης ὕδατα Τρινακρείης·
 Ἀντὶ δὲ Σικελικῆς γαίης, γαίης τε Πελασγῆς,
 Τῶν Σικελῶν ὑδάτων ἀντὶ, ἢ Εἰλαδικῶν,
 Τὴν Βαταβῶν γαίην, Βαταβῶν ἄλλα νάετε, τῆς τε,
 Οὐς ἅμα τῷ Φοίβῳ ἐννετάεσθε, τόπῳ.
 Ὑμεῖς δ' Βαταβοῖα πᾶσι ῥέον ὠκεανοῖο,
 Πὰρ Ῥήνῃ ἱερὸν ἀμφενέμεσθε ῥέον.
 Μάρτυρες ὠκεανῶ μοι νάματα, νάματα Ῥήνῃ·
 Λαγυδῶν τούτης μάρτυς ἐτήλυμῃς.
 Τούτῳ ἐνὶ πτολίεθρῳ ὁ Μυρσῶν ὑποφῆτης
 Δαδριάδης καλὸν ὕμνῳ ἐγχερε δόμον·
 Ἐνθ' ἱερῶς ὁ Σκαλανός, θεὸς ἦν ὁ Ἀπόλλων,
 Μυρσῶν ἢ πάντων ἀρχὸς αἰοιδῶν.
 Εἰσιιάδης, νέος Εἰσιιάδης, καλὸν ὄμμα Διώνης,
 Ὄμμα καλὸν Μυρσῶν, ἢ κλέθ, Εἰλαδικῶν,
 Πολλὰκι μὲν φοίτεσκεν ἐξ πρὸς δώματα Φοίβου,
 Πολλὰ διδασκόμενθ, πολλὰ μαθηζόμενθ.
 Πολλὰκι ἢ μικρὸν ἐλεγείδιον, ἢ ἐπίγραμμα
 Τι βραχύ, Σκαλανῶ δεικνυε τῷ μεγάλῳ.
 Πολλὰκι ποιητῆ τῷ Μαιονίῳ μέλθ' ἄσε·
 Πολλὰκι τῷ Σικελῷ ποιμνίῳ ἄσε μέλθ'.
 Ῥήνθ' ἦν Ἀρεθύσα, Συρακῆσαι Λαγυδῶν,
 Θύρσις ὁ Σκαλανός, Δάφνις ὁ Εἰσιιάδης.
 ὦ θεῖον θ' ἱερὸν τε γένθ' μερόπων ἀνθρώπων!
 ὦ καλὰ Λαγυδῆν τείχεα τῷ Βαλαβῷ!

Ὡ γλυκεραί τε φίλαι τε θεαί, ὦ Φοῖβ' Ἀπόλλων,
 Ὡ ἔδ' ὦ, ὦ Μυσέων δῶμα Πελασγιάδων !
 Ἀργύρεοι χρύσειοι τε χρόνοι, πότε ἢ πότε, φίλοι,
 Γαῖαν εἰς ἡμετέραν σρέψετε, τόν τε τόπον ;
 Ἐς Βαλαβῆς τε σὺν ἀγλαΐῃ ἀνακάμψετε πρώτη,
 Ὡ πολιορκιάφ' ἀγλαὰ τέκνα Κρόνου ;
 Μήποτε καλίσῃ τέτ' τῷ δαίμον' ὦρη,
 Μήποτε χρυσεῖον τοῦτ' ἀνακάμψεται ἔτ' .
 Χάλκε', ἢ σιδήρε', ξύλον ἢ μόλιβδ',
 Ἐστὶν ὁ χρυσεὺς νῦν βί' ἀντὶ βί'.
 Πάντα ἔχει Σοφίη ψυδρώνυμ' ἐσι δ' Ἀπόλλων,
 Ἐστὶ Φυγὰς Μῆση, ἔστι ἢ Εὐεπίη.
 Ναιετάσιν βαρβαρικαὶ Ἐλικῶνα Βαλαυόν,
 Ἐπαδικῶν Μυσῶν ἀντὶ, ἢ Ἀλκονίων.
 Πάντα ποθεινοτάτων μισῶσι μελίσματα κερῶν.
 Μωρὸν ἀρειότατ' ἔνομα μεροπόλ' .
 Ἀλλ' ὑμεῖς ἤ εἰδανῶν ἀθερίζετε τέτων,
 Ζηνὸς δρίζηλοι Μνημοσύνης τε κόραι
 Σκαλανῶν τε ἢ Εἰνσιάδων μιμνήσκετε θεῶν,
 Τῷ τε χρόνῳ τέτων χρυσεὺς ἡμιθέων.
 Αἰθέ μοι, ἢ βίβ' τέτων μέτα, ἢ γε λούτοις
 Νῦν βίοτον φίλοι δοῖεν Ἐπαρχάνιοι
 Τοῖς ἀγαθοῖς ἢ πάντων ἐγὼ μισθόμεν' εἶην,
 Ἡ' μὲν Σκαλανῶ, ἢ μὲν Εἰνσιάδῃ.
 Τὰς Μῆσας τυχὸν ἡμετέρας, τὰ τε ταῦτα φιλήσαι
 Εἰνσιάδης φίλ' ἄσματα Φραγκιάδ' .
 Τὰς Μῆσας τυχὸν ἡμετέρας, τὰ τε ταῦτα φιλήσαι
 Δεσιάδης φίλ' ἄσματα Φραγκιάδ' .
 Δῶσα πάτερ, Φιλόμυσε, τέκνων γενετὴρ Φιλομήσων,
 Μυσοπόλοι υἱοί, μεροπόλ' τε πάτερ,

Μεσάων Λαγυδενιάδων πάτερ ἔζοχε, πάσης

Δῶτερ ἐπισήμης, δῶτερ εὐφρασύνης·

Ἰλαθι, Δῆσα πάτερ, πάτερ Ἰλαθι· ἴοθι δε Μῆσαις

Ἡΰπιος Λυκονίαις, Ἡΰπιος Ἑλλάδικαῖς.

Εἰ δὲ ἢ ἄξιός ἐμμι, γένε νῦν, ὡς πάλαι ἦοθα

Εὐνοος Εἰνσιακάῖς, Ἄνθοος ἡμετέραις.

Οἷ με τάλαν, ἢ δ' ἄνολβῃ ἐγὼ φρένας ἐκπεπότημαι;

Οὐδαμὰ Εἰνσιάδης, ἔδαμὰ Δεσιάδης.

Ἄλλὰ ἢ ὡς Φοῖβω τε Φίλοι, Μῆσαις τ' ἀγαπήσοι

Μεσάων σέφανον ἔχομεν ἀθάνατον·

Ἄλλὰ ἢ ὡς τέμενός τε καλὸν, κῦδός τε παλαιὸν

Ἐν Βαλαβοῖς κῆραι ἔξετε Πιέριαι.

Καὶ νῦν μεσαγέται, ἢ νῦν Μεσῶν ὑποφῆται,

Καὶ νῦν Δεσιάδαι εἰσι, ἢ Εἰνσιάδαι.

Λαγυδῆνον πόλις ἦδ' ἔσε', καλὸς Ἀμσελα Ρῆν·

Δεσιάδαι, ὕπασιοι· Εἰνσιάδης μὲν ἐγώ.

Χαίρειε Λαγυδὲνς καλὰ τείχεα, χαίρειε Μῆσαι.

Τὰς ἔχομεν γαίῃ νῦν μὲν ἐν Ἀμσελίῃ.



Εἰς τὴν

Οἴμην ἀποθέωσιν,

καὶ

τὰ πολυμαθέα ἀνδρὸς

Υπαλκῆ

ΓΙΣΒΕΡΤΟΥ ΤΟΥ ΚΟΥΠΗΡΟΥ

εἰς τὴν αὐτὴν

ὑπομνήματα.

Ζῶν πάντας ἀπόβλητο μερόπεσιν Οἴμην
 Γέντο ἀποθνήσκων ἐπὶ πόλεσιν ἔρις.
 Αἰγέε τ', Ζεὺς εἶπε, καὶ ἀθανάτων καλὸν ἐς δῶ
 Ἦρεν αἰδοπόλον τ' πολυφρονότατον.
 Καὶ νῦν ναιετάει ἄλλην πόλιν, ἀντὶ δὲ γαίης
 Ἐκλαβεν Οὔλυμπον παλῖδα Μαιονίδης.
 Θαυμάσθη ἡ γαῖα, ὅταν θεὸν, ὃ ὀλιγῶρει
 Οἰητῆ ἐν ἀνθρώποις, εἶδεν ἐν ἑραινίοις.
 Τὸν ἢ τάχιστα θεῶν πάρεδρον μέγαν ἑραινιώνων
 Οὔραινίοισιν ἴση ἡμαεν εἴσεβιη.
 Εὔσεβιη, πολλὸς ἰετρόμο, πολλή τε σιωπῇ
 Πάντας ἔχει θνητὰς, πάντας ἔχει μακάρας.
 Ἰσορίη, Μῦθος, Σοφίη, Μνήμη, Φύσις αὐτὴ,
 Σπένδουσιν θεῖον τῷδε θεῷ λίβανον.

Εὐμε-

Εὐμελίη μελόπιοθε νέον σέφει Ἀπόλλωνα,
 Τῆς δάφνης ἱερὰς χερσὶν ἔχυσα κόμας.
 Αἰ δ' ἄρ' ἐννέα κῦραι, εἷς λήθυσσά μοι αἰοιδῆς,
 Πίνουσιν ταύτην ὕασιν Διωπίν.
 Αὐτὰρ ὁ Ζεὺς κορυφαῖσιν ἐν αἰροτάταισιν Ὀλύμπῳ
 Μελοπομφύς θείῃ τέρπε' ἄρμονίῃ.
 Ταῦτα τὰδ' ἔρηνίων περμαθοῖσα παρ' ἐνναετήρων
 Ἐΐξεσε τεχνίτη χεῖρ σοφὸς Ἀρχέλεω.
 Ἡ δὲ λίθος πολλὰς περιτελλομένης ἐνιαυτὸς,
 Ὡς Κρόνῳ, ἐν γαίῃ ἤλαθεν Αὐρονίῃ.
 Ἀλλὰ μιν Αὐρονίης μέγα φῶς Κιερχῆρ' ὄρεος
 Ἐς φάος ἠελίῳ λαμπρὸν ἀνελκε πάλιν.
 Ἐλλόγιμ' Ἰόβερτ', αἰγανῶν δόξα Συγαμβρῶν,
 Τῇ προτέρης δόξαν δῶκεν ὄρεοτέρῳ.
 Χαῖρε λίθος, χαῖρ' Ἑλλαδικῆς κειμήλιον αἴης,
 Μαρτύριον τέχνης χαῖρε παλαιολόγης.
 Σοὶ μὲν ὁ δῶκε βίον· σὺ δ' ἤ τῳ. Πόλον εἰσαναβαίνῃ
 Τὸν διὰ Κεπῆρ', ἢ διὰ Μαιονίδης.
 Θείαν Μαιονίδης φύσιν ἔλλαχεν· ἔλλαχε θεῖον
 Οὐνομα Κεπῆρ', ἢ κλέος αἰθάνατον.

πρὸς

Πέτρον Βόσκιον,

λιγῶν Καδομῶν ἀγορητὴν.

Βόσκιε, ἢ ἄλλων ἀνδρῶν προφερέσαιε πολλῶν,
 Ἡ μὲν δῖσεβίη, ἢ μὲν δῖλαλή.
 Οὐδ' ἢ ἀπὸ γλώσσης μέλιθ' γλυκίων εἴδ' αὐδῆ,
 Οἱθ' ἀπὸ γλώσσης ἔρρεε Νεγορέης.

Βόσκιε

Βόσκει, ποιμνικῶν ἀνδρῶν κλέϑ, οἱ Θεῷ ἱερὸν
 Βόσκεισι χώρῳ ποίμνιον ἐν Βαλαβῶ.
 Πέτρε, δόμῃ σὺλϑ αἰθερίῃ, πέτρη τε βεβαία,
 Ἡ^α θλαῖ τῶν τ' ἀνέμων ἱν', αἶδ' τε πύλας·
 Βόσκει Θεῷ καλὰς οἶας, καλὰ δ' ὀνία βόσκει,
 Βόσκει Θεῷ φίλην, βόσκει, Θεῷ ἀγέλην.
 Τὴν πολέ σοι βόσκειν, τὴν ποιμαίνειν σοι ἔδωκε
 Τῆς γῆς ἢ αὐλῆς κοίραν ϑ' ἔρανης.
 Τὰς οἶας ποίμναινον ἐμας, φίλε Πέτρε, ἢ ἄρνας,
 Τῷ πρότερον Πέτρῳ, νῦν δέ σοι, εἶπε Θεός.
 Τὰς οἶας ποίμναινε Θεῷ, φίλε, ἢ σύγε, Πέτρε,
 Βόσκει Θεῷ ἄρνας, βόσκει Θεῷ περὶ βαλῖα.
 Πείθῃ ἢ σύγε Πέτρε, Θεῷ ἢ ἢ δ' ὀνία βόσκεις,
 Πρὶν ἐν τοῖς Κέλαις, νῦν ἐν τοῖς Βαλαβοῖς.
 Χαῖρ', ὦ φίλῳ, χαῖρε· Θεὸς ἢ τοι ὀλβιαδοίη,
 Καὶ μὴ ἐν ἀνθρώποις, ἢ μὴ ἐν ἀθανάτοις·
 Τοὺς δὲ ἱερεὺς χαρίεντας ἐπ' αἰθερίοις νομοῖσι
 Βοσκέμεναι πάσῃ ἄρνας ἐν ἀγλαίῃ·
 Τὸν δ' ἀγαθόν τε καλόν τε, τ' ἀσπίλον, ἀρρύτιδον,
 Αἰὲν ἰδεῖν δ' ὀνίοις Ἀρνὸν ἐν ἔρανοις.

Εἰς Θεὸν βολεύνην.

Ὅταν πίνω μὲν ὕδωρ,
 Τὴν Σηελὴν τε ποίην,
 Θεὸν ἢ καλῶς καλῶσιν,
 Ὑδωρ μὲν ἔχ' πίνω,
 Πίνω μὲν ἔχ' ποίην·
 Πίνω δ' ἄριστον οἶνον,

Μέλι μὲν πίνω φέριζον·
 Πίνω δὲ νέκταρ αὐτό·
 Ὅ θεοὶ πίνεσι πίνω.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Οὐ μοι μέλει πολὺτο,
 Ὑποληνίς δρόσοιο,
 Μέλιτός τε νέκταρός τε.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Ἀνθρώπινόν τε νέκταρ,
 Λείπω τὸ νέκταρ ὑμῖν,
 Νέκταρ πίνοντες ἡδύ.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Ἀποδράσκει πᾶσαι
 Λύπαι τε καὶ μέριμναι.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Στήθεσιν ἐν φίλοισι
 Ποικίλῃν ἔχω γαλήνην.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Θέλω θέλω αἰεῖδεν,
 Θέλω θέλω χορεύειν,
 Θέλω θέλω μανῆναι.
 Ὅταν πίνω μὲν ὕδωρ,
 Τὴν Σηελκὴν τε ποίην,
 Σοφῶν ἔγωγε κερῶν,

Ἄυτῃ ἔγωγε Φοίβη,
 Λάλον πίνω τόθ' ὕδωρ.
 Πίωμεν ἐν ἑταῖροι,
 Πίωμεν ἐν αἰοῖδοι,
 Πίωμεν ἐν, πῖωμεν.
 Πῖνοι τὸν οἶνον ἅπαντες.
 Ἔμοι σαόφρον ὕδωρ,
 Ἔμοι τὸ νᾶμα τοῦτο,
 Φίλον τὸ νᾶμα, Φίλοι,
 Τὴν Σηελκὴν τε ταύτην,
 Ἐρασμὴν, ποθεινὴν,
 Θεάν, ποτῶν Φερύλλω,
 Δότε μοι πίνοντι ποίην.

Ἄλλο.

Πόη ποῶν Φερίση,
 Ὑδάτων Φέρισον ὕδωρ,
 Ὑδωρ, Θεή, Θεῖον,
 Θεῖον τι τυγχάνουσα,
 Κλῆσιν θεῆς λαχῶσα,
 Τίς ἔβροτῶν φιλεῖ σε,
 Τίς ἔβροτῶν καλεῖ σε
 Θεάν, Θεὴν, Θεάινην;
 Ἀρχὸν σοφός σε πάντων
 Μιλήσις ποτ' εἶπε·
 Σὲ Πίνδαρος, σὲ, Φίλη;
 Ἄριστον εἶπεν ὕδωρ.
 Σὺ τὴν καλὴν κυθήην,

Σὺ τὰς καλὰς ἐκείνας,
 Ὅσας ἔχῃσι κρήνας,
 Ὅσας ἔχῃσι λίμνας,
 Ὅσας ἔχει θάλασσα,
 Λοχῶσα ἢ τεκῶσα.
 Σὲ μὲν θέλει ἔσοπτρον,
 Σὲ μὲν θέλει λόετρον
 Νάρκισσος ὃν Ἀρτεμὶς τε
 Μαῖαν θέλοι σε Βάκχον.
 Σὲ μὲν ἀντὶ τῆς Δυαίης
 Ἀνακρέων τε πόνοι,
 Ἀνακρέων τε μέλποι.
 Σὲ μὲν ἀντὶ Πηγάσσοιο
 Τῆς νάματ' ὃν σοφοῖο,
 Καλὸς πόσις Ἀπόλλων.
 Σὲ τῶν θεῶν μέγιστος,
 Ἄντ' οἶν' Ὀλυμπίοιο,
 Εἴ ποτε φίλοιο,
 Ὁ Ζεὺς πόσις ἢ αὐτός.
 Σὲ μὲν πίνει παρ' Ἰνδοῖς
 Θεῶν πατὴρ ἢ ἀνδρῶν.
 Σὲ πίνῃσι μετ' αὐτῶν
 Θεοὶ ἔποντες ἄλλοι.
 Σὺ γὰρ πόη φερίην,
 Σὺ γὰρ πόη θεΐην,
 Ἄλλων ποῶν ἀνασσα,
 Ἄλλων ποῶν θέαινα,
 Θεῶν ποτόν ἢ ἀνδρῶν.
 Σὲ μὲν πίνῃσι Σῆρες,
 Σὲ μὲν πίνῃσιν Ἰνδοί,

Σὲ πίνῃσι βασιανοί.
 Σὲ μὲν μάλιστ' ἀνθρώπων
 Γὰρ ὧν ἢ αἰοιδῶν
 Φιλῶσι ἢ πίνῃσι
 Σλαῶδός τε Φράγκιός τε.
 Σὲ μὲν μάλιστ' ἀνθρώπων
 Γὰρ ὧν ἢ αἰοιδῶν
 Τῶν ἢ λέγῃσι
 Σλαῶδός τε Φράγκιός τε.
 Σὺ γὰρ δότερ' ἀνθρώπου
 Γένεός τε χάρματός τε.
 Σὺ γὰρ δότερ' πάσης
 Μολπῆς τε ἢ χορείης.
 Σὲ μὲν ἔν, φίλη, πίνωμεν,
 Σὲ μὲν ἔν, φίλη, λέγωμεν,
 Φιλῶ φιλῶ σε μὲν.
 Θεοῖς, θεῶν τε πατρὶ,
 Ἐν χρυσείοις σκύφοις
 Διδοῖ τὸ νέκταρ Ἡβῇ.
 Σὲ μοι διακονοῦντο
 Σκύφοις ἐν μυρρίνοις
 Ὡς κάλλει πρέπασαι;
 Ἡβὴν ὅλην πνέσσαι,
 Καλαῖς χέρεσσιν ἔχειν.



πρὸς

Πέτρον Δανιήλα Υέτιον,

καὶ

Πέτρον Πετίτον,

Ποιητῶν τε καὶ ὑδροπότων ἀνδρας
πρὸς φερεσάτας.

Ναὶ πάντων ἀλκων κάλῃσον, ναὶ μὴ ἄριστον,
Πρὶν σοφὸς ὡς εἶπεν Πίνδαρος, ἐσιν ὕδωρ.
Κερσίων Εἰλικωνιάδων, Φοίβη τε, Πεῖττε,
Ἔσιν ὕδωρ, Θείη, σὲ πάρεα μελωπομένη.
Ἀθανάτων πόλον ἐσι, θεῶν πόλον ἐσιν, ὧς ἔττε,
Θεῖον ὕδωρ, Θείη, σὲ πάρεα πινομένη.

Τῶν Εἰσσιάδων Τύμβῳ.

Εἰσσιάδων τάφῳ ἔττῳ. ἐν αὐτῷ χώματι κεῖν)
Εἰσσιάδης γενεῇ, Εἰσσιάδης τε γένῳ,
Νικόλεως Δανιήλ τε, καλῶ Μυσῶν ὑποφῆτα,
Φοίβη Ἀπόλλωνος ἀνέρε μυσόπολα.
Σφάλλομαι. ὠδοπόλος κρύπτει τόδε χῶμα παλαιός.
Φοίβη καὶ πατρῶν τύμβῳ ὁ Πιερίδων.

Ἀλλο.

Εἰσιάδην, μεγάλου πατρὸς μέγαν ἡέα, Ξεῖνε,
 Λεύσσει, Λαγδάνω κείμενον ἐν Βαλαβῶ.
 Μή μοι ἴοις, μὴ σέψῃ ρόδοις, μὴ σέψῃ ἰακύνθοις
 Τήνδε λίθον· τάτων φύλλα μινυθαΐδια.
 Τῆς δάφνης χλωροσίην, αἰεὶ ζῶσιν τε φύλλοις
 Τύμβον αἰεὶ ζώντων δεῖ σεφανῆν ἀνέρων.

Εἰς τὸ αὐτό.

Εἰσιάδα πάτερ, ἰδμοσύνην μεμνημένη πάσιν,
 Εἴχοξε μαζωπολῶν, ἢ ἀνὰ νεοτέρων.
 Λάμβανέ σον φίλον υἱόν, ἐὼ πατρὸς ἔκκελον υἱόν,
 Ἐκ σέο γενόμενον, πρὸς σε κατερχόμενον.
 Σὲ δέμας ἦν δέματ' ὅ, σὲ ἔην νόσ ἐκγεναῶς νῦν
 Νῦν δ' ἔσε' ἡ μικτὴ σῇ κονίῃ κονίῃ.
 Ἀλλ' ὑμεῖς, ἄνδρες πανόμοιοι, χαίρετε πολλὰ,
 Χαίρετε, ἢ πελὺν νῦν ἄρα ζῆτε χρόνον·
 Οὐ φύσις ὑμῖν ἔδωκε βίον, πάντιν ἤρπασε Μοῖρα.
 Νῆς δὲ μὲν ἀθάνατον ὑμῖν ἔδωκε βίον.
 Τ' μέτερον νόον ἔδωκεν αἰεὶ κλέος ἔδωκεν ὁπάζει,
 Περίν ἴσον ἐν ζωῇ, νῦν ἴσον ἐν θανάτῳ.

Ἐδιδάξω τῷ Βερνάρδῳ

Πέμπει τὰ ἐαυτῆ Ποιήματα.

Μετρητὰ γαίης τε ἢ ἔραν' ἀσερέοντ',
 Παντοδαπῆς γλώσσης μῦσα, ἢ ἰσοείης,

Θαῦμα

Θαῦμα σοφῶν, Βέρναρδε, τεῶν μέγα θαῦμα Βρεῖαννῶν,
 Τῶν δόχαιολόγων φῶσερ Ἰεδαϊκῶν,
 Λάμβανε τήνδε βίβλον, χαλέςαιε, λάμβανε Μῆσαν
 Ἡμέραν, πολλῆς μνημόσυνον Φιλίης.
 Ὡς δ' ἐν βιβλιδίῳ τεὸν ἔνομα τῶγέ μοι, ἔτως
 Ἐσὼ ἐμὸν κραδίη γραπτὸν ἐν ὑμετέρῃ.

Πέμπει τὰ αὐτὰ

Ἰερηνύμῳ Γελιέλμῳ τῷ Σναβελίῳ.

Φιλοβίβλῳ ἢ βιβλοφάγῳ τὴν βίβλον ἐταίρῳ
 Φίλῳ ἐγὼ βίβλων δῶκα παλαιγενέων.
 Εὐπρεπές ἐστὶ τὸ δῶρον· ἔδει γὰρ βιβλοφιλεῖναις.
 Οὐκ ἄλλο σφείερης τέκμαρ ἔχειν Φιλίης.

Εἰς Φυλίδα.

Ὡς δύναται τις ἐρᾶν, ἔραμαι τῆς Φυλίδῃ Ἀλκων,
 Οὐδὲ πότε ἐσὶν ἐμῆς παῦσις ἐρωμανίης.
 Ἀλλὰ μεῦ ἔκ ἐραῖ Φυλίδι φίλῃ· αἶψ' ὑπ' ἐρωτῇ
 Ἀπολείβει μανίην μαίνει· ἔλοτέρην.
 Οὐτιδανὸν τὸν Μόψον, ἄμορφον, αἰδέειν ἄπειρον,
 Ἢ νῦν χιονέαις χερσὶ περὶ πλάκεϊ.
 Ἀντὶ ᾗ πῶς ἐρωτῇ ἐγὼ τάλας, ἀντὶ ᾗ πολλῶν
 Δυλοσύνης ἐτέων, τῆτο τὸ δῶρον ἔχω.

Εἰς ἀηδόνα.

Ὁμέγα Κεκροπίης, Πανδίωνι, κῦδ' ὀρέξης,
 Εἶαρος δούμῃς ἄγγελε μελιχίε,
 Η h z

Ω μάλα μὲν χαρίεσσα, τεαῖς σύ μοι ἔαλα θέλγε,
 θέλγε τεαῖς μολπαῖς ἔατά μοι γλυκεραῖς.
 Σοὶ δὲ θεοὶ δοῖεν γλώσσην, τῆς, ἣν τοι ἀπηύρα
 Αἰνότατ' ἔθροισ, πάλυ ἀρειοθέραν,
 Τόσσον τ' ἔθροισ παρειαύνειν σῇ ὀπί καλῇ,
 Ὅσσον παρθενικὰς σῇ πάρεθ' ἀγλαίῃ.

Εἰς τὴν τῷ Τραϊεκτίνων
 πρὸς τὸν Ρῆνον πόλιν.

Χαίρειε Τραϊεκτὶς καλὰ Τέμπεα, χαίρειε Νύμφαι,
 Κάισσαι Φίλην, ὡς πολέ, μοι κραδίην.
 Ὑμμας ἐγὼν, ἀκρηβ' ἐὼν, τὴν Ναΐδα δίζων
 τὴν καλὴν, σφέτεροις τείχεσι κρυπτομένην,
 Ὑμμας ἐγὼν ἐφίλησα, Φιλεῖν ἣ καὶ ἔπολε λήξω
 Εἵνεκ' ἐμοὶ Φίλης τῆς ποτε παρθενικῆς.
 Ἡ μὲν ἐς ἀθανάτων δόμον ἤλυθεν ἑρηνιώνων
 Εἵκελ' ἑρηνίῃ Κύπριδι καλοσύνην.
 Ἀλλὰ τὸ μνημόσυνον τόδε μοι χαλέςατον αἰεὶ,
 Αἰεὶ ζῶν ἐμοῖς σήθεσιν ἐνδιαίει.
 Καὶ νῦν σε, πτολίεθρον, ἰδὼν, σ' ἐνναιεῖάσσαν
 Νῦν ἔτι καὶ κλαίω, νῦν ἔτι καὶ ποθέω.

Ἀ' Μο.

Τείχεα, μαρτυρία πειθέρος γλυκύπικρα ἔρωτ',
 Πεῖν καλὰ, νῦν πάντῃ κάπναι λειπόμενα,
 (Ὑμέτερον γὰρ ἦν κάπναι ποτε, διὰ Λυκωρίσ'
 Ὑμέτερον κάπναι τῇδε συνεξέφυγεν)
 Ἀλλὰ

Ἀλλὰ ἢ ὥς ἐράλπειναι, ἢ, ὥσπερ πρῶτον, ἐμοῖσι
 Φίλα πάνυ βλεφάροισι, ἢ χαρίεντα πάνυ.
 Τ' ἔμμεας ἐμός ποτ' ἔναιεν ἔρως· μὲν εἶνεκ' ἐρωῖ
 Φιλῆσ' ὑμετέρως αἰὲν ἔγωγε δόμους.

Εἰς Ἐαρ.

Ὁρῶν πάτερ εἰαρινῶν, πάτερ ἀγλαϊάων,
 Καλὸν ἔαρ, πάσης δῶτερ εὐφροσύνης,
 Ἡβη τῇ λυκάβανι, ἐνὶ τρυφεροῖσι ῥοδοῖσι
 Πλέγμασι βελτομήνην αἰὲν ἔχον κεφαλὴν,
 Χαῖρε πολὺ, μέγα χάρμα Θεῶν, μέγα χάρι' ἀνθρώπων,
 Χαῖρε, Φίλη ῥινῶν τέρψις, ἰδὲ βλεφάρων,
 Χαῖρε, ἢ δὲ ἀνθησον ὅλον, ὥς περὶν, ἐνιαυτὸν,
 Τέρπε δέ μοι ῥῖνας, τέρπε δέ μοι βλέφαρα,
 Δός τε τανυφλοίοις ὑπὸ δένδρεσιν αἰθριοκοιτεῖν,
 ὧ εἶδ' κόσμος, καλὸν ἔαρ, περτέρη·
 Ἀλλὰ σε μὴ βλάπτῃ, τότε σὸν μὴ καλῶ ὀλέσῃ,
 Ἡέλι' Φρυγῶν, ἢ Βορέης αἵτων.

Εἰς Μελίτειαν.

Ἔστι καλὴ Μελίτεια, νέη Κύπρις μετὰ Κύπριν,
 Τῇ γλυκερῇ γλυκερῇ καὶ πλέον ἐνόματ'
 Ἔσιν ἐμὴ χαρίεσσα κόρη, Χαρίτεσσιν ὁμοίη,
 Καὶ χαρίεν ἢ λαλεῖ, ἢ χαρίεν ἢ γελᾷ.
 Ἀμβρόσια χαῖται γλαφυρὸν σκεπάσσι μέτωπον·
 Σίλβουσι πολλὰν ὄμματα μαρμαρυγὴν.
 Ἔστι γλῶσσοι κέρασός τ' ἐν χείλεσιν, ἐν τε γενειαῖς·
 Ἔσ' ἴα λελυκὰ, ῥόδοις μυγμύα παρφυρέοις.

Εἴσι χιὼν πᾶν σῶμα· χιὼν ἐλεφάντινος αὐχὴν,
 Χιονέοι μάζοι, χιονέαι τε χέρες.

Χερσὶν ἀμωμήτοις ἢ Λ' ἐρχήνην ἰσοφαρίσδοι,
 Καὶ τὰς δαιδαλέας Τελτογενεὺς παλάμας.

Ἀπομνήην ὅτ' ἴδης, δοκέεις γε μὲν εἰσοροᾶσθαι
 Ἡὲ μίαν Νυμφῶν, ἢ μίαν Δρυάδων.

Εἰ μέλπει, Μελῶν Φάιης ὅπ' ἀκχερμὴ αὐτῶν
 Εἰ φρερίζει, Πειθεὺς τὸ σῶμα θελξινόα.

Κάλλ' ὅλη, χάρις ἐσὶν ὅλη, μέλι ἢ Μελίτεια
 Ἐσὶν ὅλη, ἢ εἴαν τι γλύκιον μέλι'.

Ζεῦ πάτερ, εἰ κύκνοι Μῆσαις φίλοι ἐσμέν αἰοῖδοι,
 Ἐῶ μοι Λήδη τοῦτο τὸ κρεῖδιον.

Τῷ Ἡλίῳ εἰκάζει ἡ Φυλλίς.

Θαυμάζεις, ὅτ' ἐγ' Ἡελίῳ σὺν κάλλ' εἶσκω,
 Ὡς κάλλ' καλῶ κάλλιον Ἡελίς;

Ἀλλὰ καλῶς ἔχε ταῦτα· Δύω σὰ καλ' ὁμμαῖα, Φυλλί,
 Ἀσέρες εἰσι δύω, ἢ δύω Ἡέλιοι.

Ἀλλὰ καλῶς ἔχε τὰυτα· Βίον μὲν πάντῃα χωρηγεῖ
 Ἡέλι' κόσμῳ· μοὶ σύγε, Φυλλί φίλη.

Πᾶν σκότ' Ἡέλι', ἢ πᾶν νέφ', αἰθέρ' αἰθεῖ
 Σὺ σκότ' ἐκ κροδείης, ἢ νέφ', ἡμετέρης.

Ἀσέρες Ἡέλι' κρύπτει ὥς φέγγει πάντας.
 Φέγγει σὺ πάσας, Φυλλί, σὺ παρθενικάς.

Ἀλλως.

Θαυμάζεις, ὅτ' ἐγ' Ἡελίῳ σὺν κάλλ' εἶσκω;
 Ἡελίῳ καὶ σοὶ μηδὲν ὁμοιότερον.

Οὐχ'

Οὐχ' ὀρέγεις ; τὸν κηρὸν ὃ Ἡέλιος καλῶν κεί,
 Τὸν δὲ σκληρύνει πηλὸν ὃ Ἡέλιος.
 Ὡς πηλὸς , διὰ σε , σκληρύνει ἡ κραδίη σή·
 Ὡς κηρὸς κραδίη τήκε ἡμέτερη.

Εἰκά(ε)

Τῷ Φωσφόρῳ καὶ τῷ Ἑσπέρῳ.

Φωσφόρῳ εἰκά(ε)ω σε , καὶ Ἑσπέρῳ ἀγλαομόρῳ ,
 Φυλλί Φίλῃ , ἀστῶν λαμπροτέρ' ἀμφοτέρων.
 Φωσφόρος εἰς ἀστήρ , ἢ Ἑσπερος· Ἔστι σὺ ἀστήρ
 Πρωῖον Ἡῶς , δειλινὸν Ἑσπέρος.
 Φωσφόρος ἡ Παφίη , Παφίη καλὸς Ἑσπερός ἐστι
 Τῇ Παφίῃ καὶ σοι , Φυλλί , ἢ ἰσότερον ;

Εἰς Ἀριάδνην.

Οὐκ ἐσορᾶν ὅταν ἐσι ποθεινοτάτην Ἀριάδνην ,
 Οὐκ ἐσορᾶ καλῶ ἢ φά(ε) Ἡελίᾳ.
 Ὀφθαλμοὺς ἐκάλυψε σκότος , ἢ νύξ ἐρεβεννή ,
 Τὴν κραδίην ὅλοη νύξ ἐκάλυψεν ὅλην.
 Μηδὲν ἐμοίγε φίλον , μηδὲν γλυκὺ , μηδὲν ἐρασόν ,
 Ὡς ἐφυγε ψυχῆς Ἡέλιος ἡμέτερης.
 Ὦ ἄννε πέττω , σύγε μὲν ἐμῶν παθέων τε κακῶν τε,
 Μοὶ σύγε παῦσις ἐμῆς , Ὦ ἄννε , πέλεις ὁδύνης.
 Ὡ μάκαρ Ἐνδυμίων , ὃς νήγρετον ὕπνον ἰαύει
 Τῇ Μήνῃ Φίλαις ἔρε(ε) ἐν κορυφαῖς !

Εἰς τὴν αὐτήν.

Ἄνθεα καλὰ λέγῃσαι Φιλομειδῆς Ἀριάδνα
 Βῆ διὰ λειμῶνων πρῶν(ε) εἰαλεκῶν ,

Ἄλλαις σὺν πολλαῖσι, μελέπρεπε δ' ἔξοχα πασέων,
 Ὡς ἴον εἰν ἄλλοις ἀνθεσιν, ἢ ῥόδον.
 Εἶδον ἐγὼ κέρας ἐλικώπιδας, εἶδεν ἐμὶ αὐτὸν,
 Ρίμφα δ' ἐς ἥτορ ἐμὸν τόξα τίταινεν, ἔρως.
 Ἀνθεα λέξ' Ἀριάδνα, ἐγὼ δὲ Φίλην Ἀριάδνην,
 Κάλλιπον πάσης ἀνθ' ὀμηλικίης.

Εἰς ῥόδον.

Εἶαρ ὅσρα πλον κάλλ' αὐτῇ, λειμῶν αὐτῇ,
 Γηθοσύνη μερόπων, ἀγλαΐη τε, ῥόδον,
 Ὅμμα καλὸν πάντων τε φυλῶν, πάντων τε ἢ ἀνθεων,
 Κόσμος ἔρης, ἀνδρῶν αἶμα διορρεφείων,
 Καλῆ Ἀδώνιδ' αἶμα, καλῇ Φίλον αἶμα Διώνῃ,
 Δόξ' ἄγε, ἢ κέρην ἔρπε ποθ' ἡμετέρην.
 Ἐρπε ποθ' ἡμετέρην, ἄγε, Κύπριδα. Φίλιλλον ἀνθ'
 Κύπριδι, ἢ κέρη ἐστὶ σὺ ἡμετέρη.
 Χιονέη σε μὴ ἢ ψαύσει χερεῖ, ἢ σε φιλήσει
 Μειλιχίς σόματ' αὐτῇ χεῖλεσι πορφυρέοις.
 Πολλάκι ἢ μάζοις ἢ σήθεσιν ἐνδιαθρεύσεις,
 Κεῖσσαι ἐν κόλπῳ πολλάκι νεκλάρῃ.
 Σπῶδον ἄγ' ὦ, μάλα σπῶδον' ἐκεῖ λήγειν ἴε θανεῖν ἴε
 Βέλλερν, ἢ κήπῳ ζῆμεν ἐν ἡμετέρῳ.

Εἰς τὸ αὐτό.

Ἀνθ', τῶν ἄλλων βασιλεῦ, χαριέσατον ἀνθ',
 Χλωερδ' οὐδὲ τέκνον, ἰδὲ Ζεφύρου,
 Βαῖνε ῥόδον, τάχα βαῖνον, ἐμῆς ποτὶ δώματα νύμφης,
 Καὶ φίλε παρθενικὴν, ἀνλὶ μὲν, ἀβροτάτην.
 Πνεῖ χάριτας, πνεῖ πυκνοτάτης βλεφάροισιν ἔρωτας,
 Πνεῖ σόματ' αὐτῇ μαλακῶν νέκταρ ἀπὸ προθύρων.

Οὐλὰ κομᾶ, ἤδιστα γελᾶ, ὥσπερ γελαίωσιν
 Εὐπέταλοι λιγυρῶ σαι κάλυκες Ζεφύρῳ.
 Τίπτ' ὀκνεῖς; ἢ δειδιάεις καλαῖς τε παρειαῖς,
 Χεϊλέα τε γλυκεροῖς παντόθεν ἴσα ῥόδοις;
 Ναὶ, Φίλε, ναὶ. τρομέεις καλαῖς ῥοδέας τε παρειαῖς,
 Χεϊλέα θ' ἡμετέρης πορφυρόεντα κόρης.

Α'λεξις καλαβρεχθεῖς.

Τῆς Αἴγλης ὁ Α'λεξις ἐς ὕδατα γειτνιαύοντα
 Πίπτε, κρύες ψυχρᾷ ὕδατα πηγνυμῆς.
 Ἡ' καλὸς ἐστὶν ἄλλας ὄγε μικκύλῳ, αἱ καλαὶ εἴπωσι
 Νύμφαι, ἣ μὲν ἔρως ἐς Ἀναδυόμενῳ.

Α'μο.

Μικρὸν ἔρωτάριον μικρᾷ ποταμοῦ ῥέεθρον,
 Τὴν Παφίην πόντῳ τίκτεν ἀπειρέσιῳ.

Α'μο.

Ἐκ ποταμῷ Ἀναδυόμενον ρεῖα Φ' ἔρωτα, Διώνην
 Ἐκ πελάγους ρεῖας τὴν Ἀναδυομένην.

Α'μο.

Τὴν Ἀναδυομένην ποτε ρεῖα φάμεν Ἀφροδίτην,
 Νῦν Ἀναδυόμενον ρεῖα φον ἔρωτάριον.

Εἰς τὴν Α'ηδόνα.

Ἡ' πάντες κίκλησκον αἰηδόνα, ἔ' λιγυφώνων
 Ἡ' δ' ἰον ὀρνίθων ἄδεν ἐπισαμῆς,

Τῆς ἢ ἀηδονίδας νικώσης ἡδέϊ Φωνῇ,
 Τίς νέος ἤκυσεν πλέσιθ' ἀδομύτης·
 Πολλὰ δὲ θαυμάζων ὁ ἐρωτύλθ', ἤθελε τέχνην
 Τήνδε μαθεῖν μισθῷ τῆς πάρεθ' ἢ μεγάλῳ·
 Ἀλλὰ τάλας, ἀδίδακθ' ἐρᾶν, ἀδίδακθ' αἰεῖν,
 Ἀλλεῖ' ἐς ἔφυκας τ' πενιχρῆς παγίδας·
 Καὶ νῦν μὲν, μισθῷ μεγάλῳ δεδαήμενθ' ᾄδειν,
 Αἰεῖται δρυμοῖς οἰκτρὸν ἐνὶ παλαιοῖς.
 Ἀτρεκέως ῥοφὸς ἦθα, Θεόκλητ'· ναὶ γὰρ αἰδῶν
 Οἳ ἐνὶ θῶν ἄλλων ἐσιν ἀοιδολάτῃ.

Μαθήαιω Σλάβῳ Γαλῶ.

Γαλῶν μέγα κῦδθ', οἱ Ἀμσελίη ναίεσιν
 Ἐν πόλει, Ἀμσελίων κῦδθ' ἀοιδοπόλων·
 Φοίβη Ἀπόλλωνθ' φίλον τέκθ', ἔξοχα πάντων
 Ὅν φιλεῖ ἱαλῶν, ὃν φιλεῖ ἀοιδόπολων·
 Χαῖρε, πατὴρ τέκνον μάλα γνήσιον· ἐσι γὰρ αὐτὰς,
 Ὡς σὺ, ὃ γ' ἱαλὸς· ὡς σὺ, ἀοιδόπολθ'.
 Εἰ δ' ἱητὸς ἀνὴρ πολλῶν ἀντάξιθ' ἄλλων
 Ἔσιν, Οἰμηρεῖη ὡς φάτο μαντοσύνη,
 Ἐσὶ σὺ μὴ πολλῶν πρῶτθ' ἢ ὑπεύροχθ' ἄλλων,
 Σλάβδε, θεῶ τέχνη ἴδου ἐν ἀμφοτέρῃ.
 Χαῖρ', ἀνδρῶν ἄνερ ἀντ' ἄλλων, ὧ πολλὰ ἢ ἐοθλὰ
 Φάρμακα, ὧ καλὴν Φοῖβθ' ἔδωκε λύριον.
 Χαῖρε πάλιν, ψυχῇ τε δίδε, ἢ σώματι, πολλήν
 Τῇ μὲν εὐφροσύνην, τῷ μὲν ἀπημονίην.

Περὶ Ἐσλάδου,

Ὅς μὴ καθεύδειν δυνάμεν.

Ποιητὴς ἐγένετο.

Οὐ μίαν πρὸς Μῆσας ἐς ἀτραπὸς· ἢ μία Σλάδω
 Ἔστι γὰρ ἰατρῶ, ποιμνί θ' Ἡσίοδω.
 Τὰς Μῆσας ἔω Ἡσίοδ' πάλαι εἶδεν ἐν ὕπνῳ.
 Τὰς νῦν μὲν Μῆσας Σλάδ' αὖπν' ἴδεν.
 Αἶθε μοι ἀγρυλλεῖν ἔτῳ, ἔτῳ τε καθύδην,
 Ἡ' Σλάδου Μῆσαι δοῖεν, ἢ Ἡσίοδου.

πρὸς τὸν αὐτόν.

Υδροπότα, μίσοινε, Φίλ' πάντεσσι Λυαίῃς
 Ἐχθρὲ, ἢ ἀμπελινῆς, Σλάδε, φυτοσπορίης.
 Τί ζητεῖς; τὸν Βάκχον ἀποχρῖζειν, ἀποκόπτειν;
 Ἔστι Θεὸς Μισῶν, ἐστὶ γε Μισοπόλων.
 Ἀλλὰ, Φίλε, βλέψον, μὴ ἢ σύγε, ὥς Λυκῆργ',
 Ὡς Πενθόος, θανάτῳ ὅλλεαι ἀινοτάτῳ.

Αἰγιδίῳ τῷ Μεναγίῳ.

Θύρσιν ἢ Κορύδωνα διακρίνειν με κελεύεις.
 Τὴς γε διακρίνειν ἔκ ἐμὸν Αἰγιδίε.
 Καλὰ πνέει Κορύδων, Θύρσις καλὰ δι' Ἀμαρυλλίς,
 Δῖα κόρη Φυλλίς. πάγχχαρις ἀμφοτέρω.
 Νήπι' ἀθανάτας κείνοι Πάρις· ἀλλὰ μοι εἴη
 Οὐ περὶ τῶν θεῶν κεῖναι, ἰδ' ἀθανάτων.

Περὶ

Φιλέλληνι ἢ Φιλομέσῳ
ἀνδρὶ,

Ἰωάννη τῷ Κορβήρῳ, Ὑπάτῳ
λαμπροτάτῳ, τὸ τρίτον
ὑπατεύοντι.

Ἡμετέρης ὑπάτος πόλεως, ὑπάτων τε πρέσβευ,
Κορβῆρ. γαίῃ ἐσιν ἐν Ἀμυελίῃ.
Εὐθλὸς ἀνὴρ Κορβῆρ, ἀγακλυτὸς, ὃς ποτ' αἶψαν
Μισῶν, ἢ πάσης δρέψε δαημοσύνης.
Βεκολιασδώμεθα καλοὶ νῦν βεκολιασαί.
Νῦν ψιθυρίσδωμεν ποιμήνες ἀγρονόμοι.
Νῦν ὅτις σκιρᾷτε Φίλῳ, σκιρᾷτε ἢ αἶγες,
Πάντ' ἀφραινόμενον τῷ πάρεβ βεκόλιον.
Χαίρειτε θυγατέρες τῷ Νηρέος, ἀντὶ δὲ πικρῆ
Ἰδαίῃ, Ἀμυελίαι νῦν γάλα ῥεῖτε κόραι.
Χαίρειτε Πηγαρίδες, μάλα χαίρειτε, τήν τε παλαιὰν
Ελλάδα, ἢ χώρεν φεύγετε βαρβαρικῇ.
Σύντε καλαῖς Νύμφαις, σὺν ποιμέσι, σύντε βοώταις,
Καλὸν τῷ Βαλαβῷ ἄδετε Μισαγέτῃ.
Φίλ. ἀνὴρ Σοφίης, ὑμῶν Φίλ., ὑμῖν ἐγείρη
Κορβῆρ. γαίῃ Πίνδον ἐν Ἀμυελίῃ.

Εἰς Στέφανον Μοεῖνον,

ἄνδρα

Πολύγλωτον ἢ πολυμαθῆ.

Τῇ Σοφίᾳ φίλον ἄνδρα, φίλον Μῦσαισι Μοεῖνον
Εἰς Καδομῶν γαίῃ ἔλαβεν Ἀμυελίη.

Μῆτερ ἐμὴ, δις μῆτερ, ἐγὼ χαίρω μάλα, χαίρω,
Τῶν ἕνεκεν Μυσῶν, τῆς ἕνεκεν Σοφίης.

Ἀλλοδαίης συ φιλέσσα, τέξ τε, σὰ τέκνα, πολίτας,
Μήτηρ τοῖς ἰδίοις ἐσσι, ἢ ἀλλοδαποῖς.

Εἰς

Τὸν αὐτόν,

ἢ

Πέτρον Βόσκιον.

Δοιῶ δρεοδαίτω Καδομαὶ δόσαν ἄνδρε· Μοεῖνον
Πολυμαθημοσύνη· Βόσκιον, ἐνεπιή.

Εἰς τὸν Ἀρποκράτη

Γισβέρτε τῷ Κεπήρη.

Τοῖς καλοῖς, Κεπήρη, τοῖς ὑπομνήμασι χαίρων
Ἀρποκράτης, ὦ ἢ ἔνομα Σιγαλίον,

οὔ

Οὐ ποτε σιγήσει τὸν ἔνομα, ἢ κλέϑ' ἐσθλόν,
 Ἀλλ' αἶ σε μὲν, καί σοι κῦδ' ὀφειλόμην,
 Οὐκ ἔτι δακτυλίῳ κλείων σόμα, οὐκ ἔτι κωφός,
 Πᾶσιν ἔρεϊ κόσμος ἔθνεσι φερίζομεν.

Ἄλλο.

Ὅς τῷ δακτυλίῳ κλείει σόμα, χεῖλεα χεῖρ,
 Σιγῶν, ἢ σιγαῖν πᾶσι κελεύομεν,
 Καπὴρ δ' ἀρχαιολόγῃ φήμην τε καλὴν ἴε
 Μή ποτε σιγήσει ἔνομα Σιγαλίων.

Εἰς τὰς Ψαλμύς.

Ὅρεα Βεθλεμιδῶν ἢ γείτον' ἄκρῃ Σιῶν,
 Δώματα Μωσάων ἢ ἔδ' Εἰβραϊδων,
 Πολλὰ μὲν δ' ὀφραίνειν ὑμῖν, φίλα, πολλὰ τε χαίρειν,
 Φίλ' ἐγὼ Μωσῶν Φερίγκι' ὑμετέρων.
 Ἰλαθ' Ἰεστιάδῃ σκιερὸν τῷ ποιμνί' ἀντήρον.
 Ἰλαθ' Ἰεστιάδῃ ἀγνὸν ἀνακλῶς ὄρος.
 Ἰλαθι τοῖς μύσαις Ἰόπος ἔμβαλος, ἴλαθι Μύσαις
 Εἰβραίοις ἱερὸν, τῷ τε Θεῷ, ἔδαφος.
 Ἀντὶ δὲ Παρνησῆς ὁ Σιῶν, ἀνθ' Ἰπποκρήνης
 Ἐς Πηγασικὸν νᾶμα Σιῶνος ὕδωρ.

Εἰς Βίβλον Γενέσεως.

Ἐλπίδος Ἀνζονίης τε, φίλαι μάλα, ἢ χαρίεντες,
 Χαίρετέ μοι γλῶσσαι, χαίρετέ μοι γραφαί;
 Καὶ

Καὶ Ἐβραϊδῶν (τίς γὰρ Φθόνος;) ἐκ ἀέκοντες
 Εἴκελέ μοι γλώσση, εἴκελέ μοι γραφεῖ.
 Βούλομ' ἐγὼ ἀνδρῶν περὶέρων γενεὴν τε βίον τε
 Μανθέμεναι θεῖς τ' ἰσθρῶν Ἀμραμίδε·
 Γαῖαν τ', ὠκεανόν τε, τὰ τ' ἔρραυτος ἐσεφάνωται
 Τείρεα, ἢ Μήνην, ἢ μέγαν Ἡέλιον·
 Πάντα τε ἔτι πινυέω, γεγραμμένα τῇ ἐνὶ βίβλῳ,
 Αὐτὸς ἰδεῖν ἰδίῳις ἔργα Θεῶν βλεφάροις.
 Ἀλλὰ παλαιολάτῃ μοι ταῦτα παλαιότατα γλώσση
 Εἰπὲ γράφει γράφειων πρῶτε παλαιολάτων.

Γυμνάσιον Ἀμσελοδομαίων ὀπλο-
 μαχικὸν εἰς ναὸν Κελλικὸν
 μεταμορφωθέν.

Ἀρεῆς πότε γυμνάσιον, Χειροῖο Θεοῖο
 Ἔστι, ἢ ἔρραυτος γυμνάσιον (σοφίης.
 Οὐ πρὸς σάρκα ἢ αἷμα πάλη νῦν ἔασε), ἔτι πρὸς
 Θῆρας ὑπερμέτρους, ἀνέρας ὀπλομάχους.
 Ἀλλὰ μὲν ὀπλ', αἴλη τε πάλη, αἴλος τε ἢ ἄρης.
 Ἔστι πνύμαλικὸς ἔτι ὅγε πτόλεμος.
 Ἀντίπαλοι, λαῶν βασιλεῖς, ἡγήτορες ἀνδρῶν·
 Ἀντίπαλοι, Θάνατος, Κόσμος, ὁ Ἀρχέκακος.
 Δύνει νῦν θωρήκῃ ὥμοις, ζωσθῆρα ἢ πλῆθους,
 Τὸν μὲν Ἀληθείας, τὸν δὲ Δικαιοσύνης.
 Τοῖς ποσὶν Εἰρήνης αἰετόζευε λάβει πεδίλω,
 Τῆς Ζωῆς γλαφυρὴν τῇ κεφαλῇ κυνέην.

Δεξιέρῃ δέξασθε ξίφος τῷ Πνύματι, ὃν δὲ
 Πίσις ἔχει, λαίη τὸν θυρεὸν παλάμη.
 Στῆτε, Φίλοι, καὶ θλήτε, καλὴν τε κομίζετε νίκην
 Πνύματικοῖς ὅπλοις τοῖσι, καὶ κράνιοις·
 Πικρὰ τε καὶ σονόεντα, πυρὶ τε βεβαμμένα ποτῶ
 Δαίμονι ἡερίχ σβέννυτε πάντα βέλη.
 Τοῦτο Θεὸς δόκη, καὶ ἐν ἔσχατῷ ἀσεροέντι
 Ἀξιὸν ἀθανάτων τόνδε θαλάμβον ἄγειν.

Εἰς τὰς πολυμαθεῖς ἀνδρας ἐν τῇ
 ἐμῇ Βιβλιοθήκῃ κρεμαστέρας.

Ἄνθρωποι ἀθάνατοι, θνητοὶ θεοὶ, αἰὲν ἐόντων
 Αἶμα Θεῶν, Μουσῶν τέκν' Ἑλικωνιάδων,
 Χαίρετέ μοι, χαριέντα καρήατα, χαίρετε ποτῶ,
 ὧ Φίλοι ἀνθρώποις, ὧ Φίλοι ἀθανάτοις,
 Ἀντὶ δὲ Παρνησῆ πολυδαιράδου, ἀνθ' Ἑλικῶν,
 Οὐ Μῦσαις ἐχθρὸν ναίετε τόνδε δῶμον.
 Ἔσι καὶ ὧδ' Ἑλικῶν, Μουσῶν ἔδου, ἔσι καὶ Ἀπόλλων,
 Φόρμιγγι γλαφυρῇ ἡδύ τι μελωόμεναι.
 Σφάλλομαι, ἢ ἀπαλᾶ μ' ὁ Ζωγράφος; εἶδετε Φοῖβον,
 Εἶδετ' αἰδῶσας τὰς Ἑλικωνιάδας.
 Σφάλλομαι. Ἀπόλλωνες ἀληθινοὶ ἐσέ μοι ὑμεῖς·
 Ὑμεῖς μοι Μῦσαι τῶνδε καὶ ἄρσιότεραι.

Εἰς τὴν ἐμὴν Βιβλιοθήκην.

Ἱερὸν ἀθανάταις ὅσοι τόπον εἶδετε Μῦσαις,
 Βιβλία θ' Ἡρώων ταῦτα παλαιγενέων,

Οὐ τóσσον πρῆξέρων μοι λάβαστε βιβλία φωτῶν,
 Ὅσσον τοιῶτων εἶδεα τῶν ἀνέρων.

Ἡ δὲ μὲν ἔμικρῇ, μείζων δ' ἔτι βιβλιοθήκη
 Οὔτοι ἔσαν, πάσης ἔμπλεοι ἰδμοσύνης.

Υἱὸς, Σελήνη, ἢ Ἐνδυμίων,
 ἐν νομίσματί τινι ἀργυρέῳ
 Χαραχθέντες.

Λάτμον ἐς ἀκρότατον καλὴν πρὸς ποιμένα Μήνην,
 ὃν φίλον, αἰθερὶς ἐκ δόμῃς ὕπνῳ ἄγει.
 Εἶδετε κυκλωθὲν ταύτης κέρως, εἶδετε τέττε
 Ῥάβδον, τὰς διδύμας εἶδετέ μοι πτέρυγας,
 Καὶ τὸ ὄρεθ', ἢ τήνδε καλὰ ὕρωα, τήνδε τε ποίαν,
 Ἡ ἐνὶ κοιμηθεῖς κέκλιτο Ἐνδυμίων.
 Ὀλβίζω Νεανίσκον, ὃν ἀγκαλίδεασιν ἑαῖσιν
 Ἀμπλέκεται Νύμφη, ἢ φιλεῖ, ἔρηνήν.

Εἰς τὴν Νεάπολιν,
 καὶ τὴν αὐτῆς πρὸς τὰ Ἑλληνικὰ
 σπασθῆν.

Παρθενόπεια, νέης πόλεως ἢ νῦν ὀνομῇ ἐσιν,
 Οὐ μικρὴ μεγάλης Ἐπαύδοιο ἔσα πόλις,
 Ἐπαδικὴν πρὶν μὲν γλῶσσαν λάλει, αὐτὴ δ' αὐτῆς,
 Τῆς ποτε πατρώης, ἐκ ἔτι μνησαμένη,

Τὴν ~~πρωτέραν~~ πάλιν αὖ γλώσσαν φιλεῖτε λαλεῖτε,
 Αὐσονίης γλώσσης ἀντὶ ἧς ἐνδαπνίης.
 Χαίρειε παρθενικαὶ, Μῆσαι, Φίλαι· ἐσι μὲν ἦδε
 Ἡ πόλις ὑμετέρη, χ', ὡς πάρεθ', Ἑλλαδική.
 Καὶ νῦν Παρθενόπεια, Νεάπολιν ἦν καλέεσσι,
 Παρθενόπῃ ὄντως ἐσι, Νέη 7ε πόλις.

Ἀλλο.

Παρθενικῆς, πόλεως τε νέης πόλις ἔνομ' ἔχουσα
 Ἑλλαδικὸν, γαίης ἐκγονθ' Ἑλλαδικῆς,
 Ἦνεν ἔνομ' ἐόν, κ' ἐρυθραίνετο, τὴν 7ε παλαιάν
 Παρθενόπῃ γλώσσαν τούμπαιν ἐξέμαθε.

Ἀλλο.

Παρθενόπῃ, πόνητοιο παρ' ὀφρύσι Τυρσηνοῦτο,
 Πρὶν πόλις Ἑλλαδική, νῦν πόλις Αὐσονίη,
 Τῆς ἀντ' Αὐσονίης τὴν Ἑλλαδικὴν φερίζουσα,
 Νῦν λαλεῖ γλώσσην, ἣν ἐλάλει, ~~πρωτέρην~~.

Ἀλλο.

Παρθενόπῃ, Ἀχελωϊάδων ἔδοθ' αἰπὺ θυγατρῶν,
 Ἑκτάδι ἐν μεγάλῃ Ἑλλάδι ἔσσα πόλις,
 Ἑλληνιστὶ λαλῶσα, αἰηδόνθ' ἥδιον ᾄδει,
 Ἀδελφῶν Σειρηνῶν ἥδιον Αὐσονίων.

Ἰακώβω τῷ Γωϊήρῳ
Τὴν ἀνέκδοτόν μοι Ἀνθολογίαν
πέμψαντι.

Ἄνθεα Μισαίων κεκαλυμμένα, κ' ἐκέτι λαμπροῦ
Χρύσεον ἡελίῳ ἐισοράοντα φάσθαι.
Ἄνθεα Μισαίων ἡδύπνοα, πελὺ μὲν αὐτῆς
Ὡρῆς, ἣ καλύκων ἡδίων εἰαρινῶν.
Ἄνθεα ἣ Χάρισιν πεφιλημένα, κ' Ἀφρογενεΐῃ.
Ἄνθεα ἣ Νύμφαις ἱερῇ ἣ Βρομίῳ.
Χαίρειε πολλὰ παλαιγενέων μέτρ' ἄνθεα φωτῶν,
τῶν ἐπιγραμματίων λείψανον ἑξαδικῶν.
Χαίρειε Μισαίων φίλῃ φίλα δῶρ' Ἰακώβω,
τοῦ τὰδε Μισαίων ἄνθεα δρεψαμένης.
Χαῖρε φίλῃ μέγα δῶρον ἐμῇ, μέγα τέκμαρ ἔρωτος,
Μνημόσυνον πολλῆς χαῖρε φιλοφροσύνης.
Χλωεὶς λειριόεσσα, ἔαρ θ' ὀρόωσα Ναπαίῃ,
Κοσμῶσι σεφάνοις κρεῖτ' ὀλιγοχρονίοις.
Τρεῖς δ', ἡΰκομοι, τέτοις τοῖς ἄνθεσι, Μῆσαι,
Καλὸν, αἰὲν χλωρὸν, πλέξετέ μοι σέφανον.
Πλέξετε μοι, Μῆσαι, ἣ ἐμῷ τάχα πέμπειε Φίλω,
τῷ τὰδε Μισαίων ἄνθεα πέμψαμένης.

Εἰς τὸ αἶνω Ἐπίγραμμα.

Ἄντ' ἐπιγραμματίων ἐπίγραμμα, ἐν ἀντί γε πολλῶν,
Πέμπει Γωϊήρῳ τῆτο τὸ Φραγκικίδης.

Εἵς ἄχαρις χάρις ἢ, χαλεπότης, δῶρον ἁδωρον,
 Σῆς ἐνεργεσίας ἀντὶ μικρῇ μεγάλης.
 Οὐ γὰρ ἴσον, τὸ μὲν ἀντὶ τεῶν, νέον ἀντὶ παλαιῶν,
 Χάλκεον χρυσεῖων, Φαῦλον δ' ἁγιοτέρων.

Εἰς εἰκόνα Πέτρου τοῦ Βοσκίς.

Τοῦτο τὸ γράμμα, τίνος; Χρυσόμοι, ἢ Βασιλείς,
 ἢ Ναζιανζίνος τὸ σόμα Γρηγορίδης;
 Τοῦτο τὸ Βοσκιάδης γλυκερὸν σόμα. ψεύδομαι αὐτῆς
 Τῆς Πείθης εἰκὼν ἥδε, ἢ Εὐεπίης.

Εἰς Εἰκόνα Πέτρου Δανιήλῳ Ὑεῖς.

Εἰκόνα Ὑετίαιο ὄρεων, τίνῳ, εἶπαίς, λείψω
 Εἰκόνα; ἢ Φοίβη; ἢ Διὸς Ὑεῖου;

Μαῖθαίω Σλάδω Επιλάφιον.

Εἰσαδικῶ βασιλεῦς ἐπιγράμματι, εἴ ποτ' ἑτερπες
 Σὴν φρένα μελιχίοις ἄσμασιν Εἰσαδικοῖς,
 Δάμ-

Λάμβανε, Μεσοπόλων μέγα, λάμβανε, κῦδος
Αχαιῶν,

Τῷ παρὰ σοι φίλῃ τῷτ' ἐπιγραμμάτιον.
Καὶ φίλῃ Φίλῳ, καὶ φιλέλληνι φιλέλλην,
Καὶ ζωὸς θνήσκῳ, καὶ βροτὸς ἀθανάτῳ,
Ἐνναεῖηρ γαίης τῷ ἔραν' ἔνναεῖηρ,
Φραγκιάδης Σλάδῳ τῷτο τὸ μνημόσυνον.

Α' Μο.

Κάτθανες, ὦ φίλε Σλαῖδε, ἢ ἔκ' ἐν παλρίδι γαίῃ
Εὐδεις νῦν ὕπνον πᾶσιν ὀφειλόμενον;
Κάτθανες· ἢ σε νέκυν κεύθει κόνις· ἔδ' ἐσε μῆνον·
Σύν σοι γὰρ θεῖ' κεῖται ὄδ' Ἰπποκράτης.

Εἰς

Τῶς Λάκωνας

ἢ

Τῶς Κρητας,

Μετὰ τὸν σὺν Κρητί τινι ὀαρισμόν.

Οὐρεα μακρὰ τέταντο, θάλασσά τε ἠχήμεσα,
Μεσσηγὺς Κρητῶν ἢ Λακεδαιμονίων.

Τὴν βραχυσυμβαβίην κεραιετοὶ φιλέεσι Λάκωνες·

Οἱ δ' ἢ κακοὶ Κρηῖτες τὴν κακομηχανίην.

494 ΠΕΤΡ. ΦΡΑΓΚ. ΠΟΙΚ. ΠΟΙΗΜ. ΤΛΗ.

Τίς δ' ἄρα πιάσειε, μέγαν Δία, τῇδ' ἐνὶ νήσῳ,
Ἥ ποτε γυνάμηνον, ἥ ποτε θαψάμενον;

Αἰγιδίῃ τῷ Μενάγιῳ
ἀποθανόντι.

Τῷ πάνυ Αἰγιδίῃ θάνατον καὶ πότμον ἀκέσας,
τῷ πολυθρυλήτῃ, τῷ φιλομυζοιάτῃ,
Ὁ κλύμεθ', ὦ Μῆσαι, Μυζῶν πρέμους, εἶπεν Απόλ-
λων· Ὁ κλύμεθ'. Αἰγίδιος κατέθανε Μενάγιος. (λων,

Ἀρνόλδῳ τῷ Μωνενίῳ,
τὴν Στεφάνῃ τῷ Πρωτομάξιμος
Ἰσορείαν ἐν Εκκλησιαστικαῖς τισὶ
διαγρᾶψαντι ὁμιλίαις.

Μάξιμος Ἰσορείην πρώτῃ πολλοῖσι λόγοισιν
ἔννεπεν Ἀρνόλδῳ, ἡ γράφε, Μωνενίῳ.
Ὡ μάκαρες, Στεφάνῳ σέφανον δότε, Μωνενίῳ ἴε·
τῷ μὲν ἐνὶ θνητοῖς, ἴῳ μὲν ἐν ἀθανάτοισι.
Ἀθανάτιος σέφεν σέφανος Στεφάνοιο κέρηνον,
ἐν μέσῳ σέφανος αἰθέρι φαινομένη·
Μωνενίς, μετὰ πότμον ἔδον, σεφανοῖτε σκέποι ἴε
Κρᾶτα χαριζόμενος τῷ Στεφάνῳ σέφανος.

Τέλος.

INDEX.

HEROICA.

E picedion in victo Heroi Michaëli Adriano	3.
Panegyricon Reverendissimo Cellissimoque Principi Ferdinando Paderb. ac Monast. Episcopo.	22.
Eucharisticon ad Eundem.	57.

ECLOGÆ.

I. Moses; seu carmen Ejusdem epinicium.	87.
H. David seu Ejusdem de Christo vaticinium.	93.
III. Pastores Bethlemitici, seu Natalis Christi.	96.
IV. Damocetas.	102.
V. Alexis.	106.
VI. Lycoris.	111.

ELEGIAR. Lib. I.

I. Ad Deum, pro salute publica.	118.
II. In tertiam Baravorum de Gallis ac Britannis victoriam.	124.
III. Tulpianis manibus.	128.
IV. De morte Abrahami Heidani.	131.
V. Natali Christi.	133.
VI. Mors Christi.	136.
VII. Christi resurrectio.	141.
VIII. Christi in cœlum adscensio.	145.
IX. Missio Spiritus Sancti.	149.
X. Ad Christum in cœlo sedentem.	153.

ELEGIAR. Lib. II.

I. Ferdinando Principi & Episcopo Paderbornensi.	156.
II. Jacobo Wallio.	159.
III. Ad Eundem, Urnz fractæ responsoria.	161.
IV. Jo.	

I N D E X.

IV. Jo. Georgio Grævio.	164.
V. Jacobo Gronovio.	168.
VI. Ad Henr. Solingium.	172.
VII. Jano Broukhufio.	180.
VIII. Ad eundem.	184.
IX. Renato Rapino.	187.
X. Ad Nicolaum Heinium.	190.
XI. Ad Ægidium Menagium.	195.

ELEGIAR. Lib. III.

I. Creta ad Jovem.	199.
II. Creta capta.	201.
III. Ad somnum.	204.
IV. Ad Amstelam.	288.
V. Narda recuperata.	210.
VI. Trajectum ad Rhenum liberata.	211.
VII. Ad Venerem.	214.
VIII. Ad Cupidinem.	217.
IX. In idam puellam.	219.
X. Ad Musas.	222.
XI. In Nympham, quæ Bruxellis in nemore conspicitur	224.
XII. De Johanne Secundo.	229.

ELEGIAR. Lib. IV.

I. Manibus optimi Principis, Ferdinandi Paderb. ac Monast. Episcopi.	233.
II. Ad Bibliothecam Somerianam, cum Bern. Somerus fato concessisset.	236.
III. Jacobo Goyero, immatura nimis morte e vita surrepto.	238.
IV. In nuptias Joh. Trippii & Margaretæ Cæcilie Nyssæ.	239.

V. In

I N D E X.

V. In nuptias Casp. Brantii & Agathæ Paatfiæ.	240.
VI. In villam Marleveniam.	251.
VII. Johanni Hudde, Consuli Amstelodamensi, defæcato per Urbem Amstela.	242.
VIII. Henrico Hoofdio, cum Satrapa Mudensis & Gooylandiæ Ballivus creatus esset.	244.
IX. Godardo, Baroni de Reede, Athlonæ Comiti, Hiberniæ pacatõri.	246.
X. In funere Christiani Alberti, Marchionis Brandenburgici.	249.
XI. In Academiam Hallensem Fredericianam.	251.
XII. In Natalem Augustissimi Britanniarum Regis Gulielmi.	254.
XIII. In obitum Augustissimæ Britanniarum Reginæ Mariæ.	258.

O D A R. Lib. I.

I. Buda Capta.	267.
II. Poloni Regis Victoria.	289.
III. Victoriæ Cæsarianæ accessio.	289.
IV. Venetorum Victoriæ.	296.
V. Manibus Frederici Gulielmi Magni D. G. Mar- chionis Brandenb. S. R. I. Octoviri &c.	312.
VI. Frederico Tertio, Marchioni Brandenburg. S. R. I. Octoviro, Cæsaris Insula expugnata.	318.
VII. Gratulatoria, cum in Angliam trajecisset Aug. Rex Britanniæ Gulielmus.	322.
VIII. In Fœderatorum Regum ac Principum apparatum bellicum.	327.

I N D E X.

O D A R. Lib. II.

I. Manibus Nicolai Heinſii.	330.
II. In nuptias Joh. Vollenhovii & Cath. Roſeborniz.	338.
III. Joh. Hudecopero & Mariæ Temmingiz.	341.
IV. Ad Petr. Bernagium & Elifab. Nunningiam.	343.
V. Joanne Sixio Conſule.	344.
VI. In Stephani Morini de lingua primæva Com- mentarium.	445.
VII. Natalis Chriſti.	346.
VIII. Ad Ant. Bynæum , Theologiæ Profeſſorem Daventrienſem.	349.
IX. Diderico Sixio , cum ſummis in utroque jure honoribus inſigniretur.	349.
X. Samuelis Puffendorffii hiftorici celeberrimi memoriæ.	350.
XI. Namurcum expugnatum.	351.
XII. Ad Deum , detecta conſpiratione Britannica.	354.

S I L V A R. Lib. I.

Joh. Fred. Gronovii Manibus.	361.
Pſalmus XVIII.	365.
Pſalmus XLVI.	368.
Paraphraſis Odæ Horatianæ , III. Odar. IV.	379.
Alia , III. Odar. XXV.	372.
Fabula Pyrami & Thisbes ex Ovidio.	373.
In librum Ant. Bynæi de morte Chriſti.	376.
Jano Broukhufio.	379.
Goefio ab Abſmade , Conſuli.	380.
Cornelio Hop , Jacobi filio.	381.
Jacobo Wallio.	382.
In doctorem Virorum imagines. &c.	384.

I N D E X.

Jano Broukhusio ægrotante	386.
In Bibliothecam Wittianam.	387.
Stephano Morino.	388.
Actorum Lipsiensium Collectoribus.	389.
Everardo Dankelmanno.	390.
Antonio Heinsio.	392.

SILVARUM. Lib. II.

Ad Musas suas , cum Ser. Princeps Fredericus III. Electo Brandenburg. urbem Amstelodamensem inviseret &c.	393.
In bellum Commune ab universis Europæ Gentibus contra Gallos susceptum.	394.
Frederico III. D. G. March. Brandeb. S. R. I. Octoviro, Bonna expugnata.	395.
In diem, quo Wilhelmus Magnæ Britanniæ Rex est coronatus.	396.
Wilhelmo Magnæ Britanniæ Regi, Hiberniæ Pacatori.	497
Gerardo Hoofdio, in pugna contra Gallos Mari- tima fortissime occumbenti.	398.
Maximiliano Emanueli, Baviariæ duci & Belgii Regii Gubernatori.	399.
Johanni Huidecoper, Domino in Marleveen, VII. Consuli.	400.
In librum Jo. de Raey, de Interpretatione	401.
In librum Ant. Bynæi de morte Christi Latinitate donatum.	401.
Petro Colartio & Elisæ Hofmannæ.	402.
Jacobo de Flines & Agathæ van der Vult.	403.
Johanni Corvero Consuli.	404.
Ad Jo. Fridericum Cramerum, Germanorum ac Batavorum famæ literariæ Vindicem.	405.
Johanni Pollioni & Margarethæ Rendorpiæ.	407.

I N D E X.

In Principem Electoralem Brandenburgicum Wilhelmum Fredericum, Academiae Hallensis Magdeburgicae Fredericianae Rectorem Magnificentissimum. 409.

EPIGRAMMATUM Lib. I.

Columbae Persicae.	413.
In Liriopen.	ibid.
In Puellam in flumine navigantem.	414.
Amantis & rosae comparatio.	ibid.
Solis ac Dominae.	ibid.
Autumni & vitae.	415.
De Venere & Adonide.	ibid.
De Lycoride.	ibid.
De Phyllide.	416.
De eadem.	ibid.
In eandem.	417.
In Hyellam.	ibid.
Ad Leonoram.	418.
Ad eandem.	ibid.
Suspirium.	ibid.
Ad Nearam.	419.
Acon.	ibid.
Ad Venerem & Cupidinem.	420.
Ad Morum.	421.
Amantis & avium comparatio.	422.
Vitae & florum.	ibid.
Noctis & mortis.	423.
Mortis & somni.	ibid.
Ad balnea Aquisgranensia.	ibid.
In Lauram Fugientem.	425.
Amantis & turturis comparatio.	ibid.
Somnus ad undam.	426.
Vitae privatae felicitas.	ibid.
De Hercule & Cupidine.	ibid.
Mala Lusitanica.	ibid.
Morus.	427.
Terrae & Danae Comparatio.	ibid.

I N D E X.

In Cupidinem æneum qui Bruxellis conspicitur.	428.
In Gallum Gallinaceum longe pulcherrimum.	429.
In Joh. Secundi poemata pluvio imbre madefacta.	430.
Amor insomnis.	ibid.

EPIGRAMMATUM. Lib. II.

Monquii tumulus.	431.
De Franc. Barberino Cardinali.	ibid.
Desiderius Erasmus foro Rotterod. redditus.	432.
Isaaco Swerio.	433.
In effigiem Johannis III. Polonor. Regis.	ibid.
Abrahamo Heidano.	434.
In Historiam Suecicam Samuelis Puffendorffii.	ibid.
Jacobi Sponii tumulus.	435.
In effigiem Nic. Tulpii.	436.
In Bibliothecam Josephi Valettæ.	ibid.
Ad Cæsarem Leopoldum.	438.
Constantino Hugenio.	ibid.
Petro Danieli Huetio.	439.
Henrico Sladio.	ibid.
In Virorum Doctorum varias variorum effigies.	440.
Pro torque aureo ad Cæsarem Gratiarum Actio.	441.
Pro aureo numismate.	442.
De Cæsaris virtute bellica, ejusdemque in Musas Liberalitate.	ibid.
In effigiem Regis Gulielmi.	ibid.
In eandem.	443.
In effigiem Reginæ Mariæ.	ibid.
Cornelio Trompio.	ibid.
Theodoro Straatmanno.	444.
Jacobo Hoppio.	ibid.
Aug. Principi Guill. III. Magnæ Britanniæ Regi.	ibid.
Celsus. Princ. Frederico III. Electori Brandenb.	445.

Ad

Ad
V9
42.
15.

I N D E X.

Ad Conr. Norſſum de Ferdinando, Paderb. ac Mo- naſt. Epifcopo.	446.
In honorem Matthæi Sladi, & fatale ipſi iter Bri- tannicum.	ibid.
Theodoro Grævio immatura morte ſurrepto.	447.
Johanni de Ræi.	448.
Jacobo Wallio.	?
Lipſienſibus.	5 ibid.
De Everardo Dankelmanno, Miniſtrorum Status primario.	449.
De Frederico III. Eleſt. Brandeb.	ibid.
De urbe Berolino ad eundem.	450.
De Frederico III. & Ever. Dankelmanno.	451.
Ad Everardum Dankelmannum.	ibid.
Epitaphium.	452.
In vitam S. Pauli variis Concionibus per Jo. Bran- tium repræſentatam.	ibid.
Johanni Hudde quartum decimum Conſuli.	ibid.
In expugnationem Namurcenſem.	453.
In arcam nummariam Jac. de Wilde.	ibid.
In Nic. Parthenii Nautica & Halieutica.	454.
Fatribus Dankelmannis Philippo Silveſtro & Gui- lielmo Henrico.	ibid.
Leopoldus Imp. Rom. opera Forficis quam arti- ficiſſime repræſentatus.	455.
Jacobo Hoppio poſt varias legationes in Judicium Ordinem adſcito.	ibid.
Atlas Blokkianus.	456.

F I N I S.



ERRATA

Sic emendanda.

Pag.	vers.	lege
19	ult.	Tum clarus
31	20.	æternam & coelestia
36	ult.	omnes
37	18.	Aganippidos
54	24.	Gallica
65	11.	sanguini
130	6.	consilio
131	8.	lacrymas
136	25.	crur
162	19.	jacui
169	17.	Quicquid
180	14.	amanti
196	8.	ductave
228	12.	Mollior hac
245	20.	populus
268	1.	fide
	30.	patentibus
274	4.	capit
275	18.	Illa
	19.	devictos
291	28.	Pinnigeras
302	2.	Tibris
	11.	quondam
310	1.	Græcia
339	14.	Patri
363	8.	Daventria
365	penult.	elisos
367	17.	tua
415	16.	Cythrea
418	ult.	flammæ
419	17.	quot
	18.	requiescere

ERRATA.

422	20.	ceu carcere
428	6.	terræ Juppiter
460	12.	κοίρανοι
	19.	πεφιλήκη
	25.	ἥττον
461	10.	Ἀτλητον
471	6.7.	δέλοι
479	ult.	πρωῖνος
487	7.	πινυτοῖο
488	3.	τλητε

FINIS.



